

VETUS LATIUM
PROFANUM
TOMUS QUARTUS

IN QVO AGITUR

DE VELITERNIS ET CORANIS

AUCTORE

JOSEPHO ROCCO VULPIO

SOC. JESU SACERDOTE.



PATAVII. CIDIICCXXVII.

Excudebat JOSEPHUS COMINUS.

SUPERIORUM PERMISSU.

iii

B E N E D I C T O X I I I .
P O N T I F I C I M A X I M O

*Josephus Roccus Vulpinus Societatis Jesu
Felicitatem.*



NUMQUAM profecto ausus essem,
BENEDICTE XIII. Pater Bea-
tissime, numquam profecto ausus es-
sem, hosce Veteris Latii libros a me conscriptos, Ti-
bi ante sanctissimos pedes provolutus offerre, nisi

mihi ad id *PETRI MARCELLINI CORRADINI* Cardinalis Amplissimi auctoritas ingentes animos suffecisset. Quonam pacto enim fore, ut munusculum hoc meum non ingratum Tibi accideret, sperare poteram; qui nullo meritorum suffragio munitus profanorum Latinorum vetera monumenta Sacrorum Principi Summo ob oculos legenda proponerem? In publica itaque minime commoda peccare longo tua tempora morando sermone, apud me constitueram, ne Te lævus, & sinistro semper tempore interpellarem. Verum hæc metuenti, mihiq; apud memetipsum statuenti adfuit in tempore Vir Amplissimus, & *Quin tu*, inquit, *tuis de Veteri Latio libris a Summo Christiani Orbis Parente Latinorumque Optimo Principe præsidium ac decus comparas singulare? An quisquam Sanctissimos inter CHRISTI Vicarios, hoc humanior? quisquam, qui ad se adeuntes benignius exciperet? Tu vero, si sapis, libros tuos, in quibus Veteris Latii monumenta persequeris, BENEDICTO XIII. inscribe sis. Quid enim? num quia profanorum ii continent monumenta, Sanctissimo iccirco Sacrorum Pontifici qui offerantur, indignos putas? At te, Sacra quoque Veteris Latii monumenta omnia in lucem mox editurum memineris. His profana ista tua viam sternunt. itaque dum Sacris inserviunt, non ut profana tantum ea quisquam considerabit. Adde his, a te Pontificiæ ditionis descripta loca, nonnisi Pontifici*
Maxi-

*Maximo consecranda . Adde, ingens a BENEDICTO XIII. Latinis Urbibus decus nuper additum & ornamentum; dum itu redituque Beneventano singulas, sanctissimis ubique Religionis & pietatis monimentis ac vestigiis impressis, lustravit: quod earundem saltem aliquas vel obstricti obligatique animi nomine, ad Sanctissimos ejus pedes sisti, ut quid æquissimum ac maxime debitum poscit . Certe Velitras istas, de quibus scripsisti, quarumque Antistes & Princeps, licet ad perexiguum tempus, Roma illum sibi deposcente, fuerat destinatus, præsentia ipse decoravit, & Setinam Urbem patriam meam, quanta dignatione, benignitate, humanitate, pietate, ac Religione, dum ibidem nuperrime quatrIduo ferme substitit, complexus fuerit, tute ipse oculatus testis fuisti. Nonne illam, proprio sibi Antistite declarato, antiquo nobilium urbium splendori reddidit? Statua, quam iccirco Setini ei decreverant, religiosissima modestiæ ac insito penitus latendi studio, recusata; Altare in Divi PHILIPPI NERII Patroni sui singularis honorem, pro ea Setiæ exstrui voluit: Setinorum toties ipse princeps Templum inivit: Altare idem vigesima quinta Maji Anni MDCCXXVII. solemni ritu ipse consecravit, & singulari privilegio affecit: Divini officii statutas diurnis horis preces, Setinis cum Sacerdotibus decantavit: Sacrum eodem in Templo privatim fecit, & publice Pontificia pompa celebravit: Orationem ex ejusdem Templi suggestu de Divi PHILIPPI NERII laudibus in
ejus-*

eiusdem celebritate habuit: universisque Pontificali ritu, et plenissima peccatorum concessa venia, benedixit: sacris demum vestibus dono datis, atque ornamentis concessis, in Setinos Antistites ac Sacerdotes liberalissimus fuit? Nonne singulis hic a me commemoratis interfuisti? Certe a lacrimis præ gaudio te minime, nec e populo quemquam, temperare potuisse, narrabas; dum Sanctissimi Pontificis pietatem et Religionem eximiam, dum amantissimam in singulos caritatem et comitatem tam prope, tamque assidue intuereris. Age itaque; præposterum istum pudorem tuum pone; teque cum tuis de Veteri Latio libris ante Sanctissimi pariter et Clementissimi Pontificis pedes sistere, me successus sequestro ac sponsore, fac amplius ne trepidaveris. Hæc Vir ille Amplissimus. Quæ cum gravissimam propter hominis auctoritatem, & summum in me meaque studia ejusdem arbitrium, ne hiscere quidem contra aude-rem; ad Sanctitatis Tuæ pedes confirmatus nonnihil accessi. Accipe itaque, BENEDICTE Pater Sanctissime, tenuissimum hoc munusculum meum eo vultu, quo DEUS OPTIMUS MAXIMUS, cujus vi-ces in terris geris, vel minima sibi a minimo quoque exhibita obsequia nec præterit, nec dedignatur. Eo, inquam, vultu atque ore humanissimo, quo nuper, dum Setini Societatis JESU Collegii templum, die B. JOANNI FRANCISCO REGIS sacra, inviseres,
hospi-

hospitiique eodem quondam in Collegio accepti humanissime, gratissimi animi tui nunquam fatis laudata cum significatione, mentionem faceres, me ad Sanctissimorum pedum osculum excipere non es gravatus. Singularis hæc benignitas tua immensis ac pæne innumeris, pro quibus Tibi Societas JESU universa, (cujus ego quoque, licet ultimus, degener, atque indignissimus, sum filius tamen) nominibus debet, cumulus, idemque immensus, accedet. Teque Parentem Societatis amantissimum non modo in Beatis ALOYSIO GONZAGA & STANISLAO KOSTKA præstantissimis ejusdem Alumnis inter Sanctos JESU CHRISTI recensendis, & Beneventano ejusdem Collegio liberalissime restituendo; ea demum universa fovenda, vindicanda, ac tuenda; verum & in ejus hominibus vel minimis, ubi quid bonæ frugis protulerint, perquam comiter admittendis atque probandis, exstitisse, in nationes & ætates omnes prædicare numquam cessabimus. Ita plane respexit Reparator Sanctissimus pauperrimam viduam illam, & collaudavit, quæ, dum *multi divites jactabant multa in thesauros templi, misit duo minuta, quod est quadrans.*

Tu quoque benignitatem Reparatoris, cujus vicem in terris geris, imitatus, duos hosce minutos libellos, qui quartam Veteris Latii partem conficiunt, a me

Ti-

* Marc.
cap. 12. v. 41.
42.

viii D E D I C A T I O.

Tibi oblatos fin minus probare, respicere saltem atque excipere ne graveris. Hæc votorum meorum summa. Fortunet illam DEUS OPTIMUS MAXIMUS, Teque, Pater Beatissime, Christiano Orbi universo, cui præes sanctissime, diu incolumem servet atque tueatur.

Romæ ex Græcorum Collegio Kal. Quintil.
CICIDCCXXVII.





LECTORI BENEVOLO

Josephus Roccus Vulpinus Societatis Jesu Sal.



NTEQUAM brevibus , quid in Sexto ac Septimo Veteris Latii Profani , qui nunc produnt , Libris , legendum tibi proposuerim , expono ; de eo quod superioribus Libris , Quarto nempe & Quinto contigerit , veniam a te , Amice Lector , nonnulla dicendi petam . Et ii quidem supra scribentis & merita & vota benigne , nec sine approbatione , a Literatorum Republica sunt excepti . Verum in Quarto , qui de Antiatis est , cum inter cetera Veteris Antii monumenta , præclarissimum illud recensuerim Tabulæ Antii ad mare effossæ , in qua Servorum ac Libertorum nomina & munia multa certis sub Consulibus descripta erant , & Calendarii pars dimidia , sex scilicet mensium dies legebantur : cumque incisarum ibidem notarum interpretationem brevissimam , quantum res ac locus postulare mihi visa sunt , adjecerim ; controversiæ aliquid circa illam exortum est . Hujus ego controversiæ te arbitrum , dum in jus veluti arcessitus ad causam dicendam hic descendendo æquitate causæ satis munitus , constituere decrevi .

Itaque noveris , me a Viro ceteroquin eruditissimo doctissimoque , cujus & virtutem , & antiquitatis notitiam semper suspexi , nuperime insimulatum , tamquam Tabulam illam Antiatinam explicando , falcem in messem alienam quodammodo immiserim : quodque minus apposite quasdam in ea notas fuerim interpretatus . Memorati Scriptoris verba recitabo . In libro igitur cui titulus : *Camera & Inscrizioni Sepulcrali de' Liberti , Servi , & Uffiziali della Casa di Augusto scoperte nella Via Appia ed illustrate &c. In Roma appresso Giovanni Maria Salvioni MDCCXXVII. pag. 74. ubi de Tabula Antiatina agitur , hæc leges verba : Ma vedendo ora , cioè tre anni dopo , la medesima lamina del nostro rame , richiestami per erudita penna , che scrive d' antichità , uscire di nuovo in luce , e portare seco notizie non confacevoli (per quanto io giudico) alla espressione della Inscrizione , nè all' altre parti già da me spiegate ; sono in debito di soggiungere l' interpretazione intera di tutti gli*

ufficij espressi nel marmo istesso, acciocchè possa ricopiarli a suo bell' agio chiunque vorrà prendere tutta la nostra spiegazione: e se la faccia pur sua chiunque vorrà dopo un' altro triennio, se gli parrà giustificata; che io non ho minor facilità di prestare la figura, che la spiegazione a chiunque la voglia per istabilire la verità, che sola ricerco in questa, e in ogni altra mia letteraria applicazione. Quid ad hæc nos? num irascemur? num par pari referemus? Minime gentium. Hoc quidem suadere non cessant amici:

*Hor. Sat. I.
lib. 2.*

Sed hic stylus baud petet umquam

Quemquam animantem, & me veluti custodiet ensis

Vagina tectus.

Verum, quin ab iis de quibus insimulor, me paucis purgem, committere possum nullo pacto. Rem igitur totam, eo plane ordine quo gesta est, enarrabo. Noveris itaque, Amice Lector, tribus ab hinc annis, anno scilicet Reparati Orbis MDCCXXIV., a PETRO MARCELLINO CORRADINO Cardinali Amplissimo, studiorumque meorum Mæcenate optimo & liberalissimo, aditum mihi ad ALEXANDRUM ALBANUM Cardinalem pariter Amplissimum, patefactum, ut quæcumque in eruditissimo ejus Museo præclara antiquitatis monumenta exstarent, quæ quidem ad Antiates, de quibus tunc mihi scribebatur historia, pertinerent, descripta, pro sua humanitate, summoque in hæc optima studia favore, mecum communicaret, quorum exemplum in æs incisum meis de Antiatis monumentis insererem. Quod & Vir ille Amplissimus præstitit cumulatissime; & quæcumque ille tradiderat, a me Antiatum historiæ, debita cum grati animi significatione, adjecta fuere. Inter alia, Tabula fuit Antiatina, quæ præsentem controversiam excitavit. Illam ego (si qua Religioso Viro sancte asserenti fides) tunc primum vidi, cum antea ne exstare quidem scivissem. Vix autem eamdem paullo attentius consideraveram, & Eminentissimum eundem Principem, cujus in Museo Tabula ipsa lapidea asservatur, num aliqua eo super monumento explanatio inveniretur, a qua luminis aliquid historiæ meæ affulgere posset, interrogavi. Tum ille, nullam hætenus, eam præter descriptionem & enumerationem, Tabulæ interpretationem exstare confirmavit. Et verissime quidem. Nam licet in novissima Anastasii Editione (quod tamen, ut ingenue fatear, a me penitus ignorabatur) ornatus gratia exemplum Tabulæ adjunctum esset, eo prorsus pacto quo & antiquæ cælaturæ signa, & vasa ibidem inserta sunt; quamquam ad temporum supputationem nonnihil conducere, nemo iccirco jure, Tabulæ editam interpretationem dicendum esse judicasset. Ulterius itaque petii, num eam Tabulam interpretandi, per ipsum mihi integrum esse posset; quibus ille humanissime: *Et integerrimum tibi hoc, & mihi idem accidet multo jucundissimum.* Ita brevem Tabulæ interpretationem ad caput Historiæ Antiatum tertium adjunxi, eodem omnino præfixo titulo qui in exemplo a Viro Amplissimo mecum communicato, legabatur. Ceterum, cum uberiolem Tabula eadem interpretationem, quodam veluti suo jure, exposcere videretur; ex illo jam me eam protinus habiturum sponendi. Et vertente anno Dissertationem edidi sic inscriptam: *Tabula Antiatina e ruinis Veteris Antii nuper effossa, inter-*

Interpretatione & notis ab JOSEPHO ROCCO VULPIO Soc. Jesu Sacerdote illustrata. Romæ excudebat Joannes Maria Salvionus Typographus Vaticanus MDCCXXVI. Superiorum facultate. in 4. ch. maj. Libellum hunc Eminentissimo Principi ALEXANDRO ALBANO CLEMENTIS XI. P. M. fratris filio Cardinali Amplissimo per Epistolam dedicavi; in qua me ab eo Tabulam hanc, quam interpretarer, accepisse, disertis verbis, debita cum gratiarum actione, significavi. Porro summam quæ ad nitide eleganterque excudendum opusculum requirebatur, totam liberalissime Cardinalis idem ALBANUS produxit, editique exemplaria centum eadem mihi ex liberalitate donavit. Hæc, ut a me sunt exposita, ita gesta esse, idonei, præter ceteros, testes Viri eruditi duo fuerunt, ANTONIUS BALDANUS, & CAROLUS ARMAGNUS Cardinali eidem a Bibliotheca, per quos res tota tranquillissime, candidissime, ac media de luce, palam, Romæ, in omnium oculis transacta est. Jam vero in his ubi ullum audaciæ, aut arrogantiae crimen? Legitimo aliquid Domino sponte tradente, idem perperam occupatur? ipse faciens liberalissime expensas censendus invitatus? Sanus ne quisquam hoc judicet? Non puto. Ne sic quidem juste reprehendi possem, si unde unde acceptum exemplum Tabulæ jam editum, ac proinde publici juris factum, fuisset interpretatus. Quod enim typis semel editum est, id privati jam juris esse desisse, inter omnes certissime convenit. Ergo

Quid prohibetis aquas? usus communis aquarum est.

*Ovid. lib. 6.
Metamorph.*

Sed jam ipsius memorati Scriptoris verbis defensio nostra confirmetur. Ait ille, *Dissertationem meam portar seco notizie non confacevoli all'espressione dell' Iscrizione e dell' altre parti da se spiegate*. Alia igitur omnino via Dissertatio mea incedit ab ea per quam ille in sua, quam edidit interpretationem, perrexit; dum monumenta parum congruentia suis explicationibus Dissertatio mea protulit? Si ergo in Occidentem ille Solem, ego vero in Orientem perreximus, quid causæ est, cur iter suum a me sibi occupatum queratur? Addit, se, reliquum interpretationis nunc adjunxisse, *accid possa ricopiarlo a suo bell' agio chiunque vorrà prendere la nostra spiegazione: e se la faccia pur sua chiunque vorrà dopo un' altro triennio, se gli parrà giustificata*. Ita ne vero, Vir eruditissime? Et quisquam interpretationem tuam describere, suamque facere ausus fuit? Certe mea multum discrepat istis & mens & ratio. Ac de altero quidem quo me insimulasse videri possit Vir doctissimus, crimine, me satis superque apud æquos iudices purgasse jam videor. Nunc a me negligentiae, atque ignorantiae suspensionem amoliri conabor.

Ac primo quidem in universum culpæ videtur Scriptor ille meam Tabulæ interpretationem iis verbis: *portar seco notizie non confacevoli all'espressione dell' Iscrizione*? Quid sibi volunt obscura hæc verba? Dissertationis meæ titulus est: *Tabula Antiatina interpretatione & notis illustrata*; num legitima ac germana non subest interpretatio? num notæ ad Tabulam illustrandam non suppetunt maxime appositæ? Nonne omnis ex optimis interpretibus, nempe Sertorio Ursato Patavino Equite eruditissimo, ac Laurentio Pignorio Pa-

tavino pariter, eximiæ eruditionis ac veterum notarum interpretandarum luminibus multo clarissimis, civibus meis, interpretatio mea concinnata est? Aut fortasse tu, Vir erudite, alium a Pignorio in novissima tua Sepulcralium Inscriptionum interpretatione secutus es? cum ne latum quidem unguem ab eo usquam discefferis. Meæ vero Dissertationis notæ ejusmodi sunt omnes, quæ antiquorum Latinorum Scriptorum testimoniis adductis, gravissimo tamquam calculo ac suffragio confirmantur. Non enim in his notis alia via ab ea quam viri sapientissimi in ætates singulas, interpretandis Veterum libris ingressi sunt, mihi incedendum esse judicavi. Præcipue vero Veterum Latinorum Poëtarum obscura quædam loca in medium adduxi, quæ lucem vicissim darent pariter & acciperent. Numquid tu in novissima tua interpretatione plus aliquid attulisti? Non puto. Attamen diversam bisterve a nostra interpretationem apposuisti. Quam hoc apposite & ad rem fuerit, amice hic disquiramus. Et primo quidem Tabulæ meæ Antiatinæ pag. 5. n. 30. has truncas notas ... APID interpretatus sum SERAPIDIS; & in notis ibid. pag. 16. n. 30. hæc adjeci ... APID. *De Serapide aliquid hoc loco memoratum ut credam, id facit, quod quattuor illæ truncæ literæ perdifficile alteri vocabulo accommodari eo ordine videantur.* Tu vero, Vir erudite, Inscriptionum Sepulcralium pag. 76. hæc habes: HER.... APID *il secondo alcuno frescamente ha creduto doverli interpretare di Serapide, benchè non sappia il come. Ma poteva riflettere, che manca il marmo in quella parte solamente di una lettera L, perchè s'intenda la professione di costui essere quella di LAPIDARIUS &c.* Falsum hoc; quod scilicet una tantum in marmore desit litera; cum pateat omnibus intuentibus, in linea illa sic inscripta HER..... APID septem, ut minimum, literarum spatium vacuum esse. Ceterum cum in Tabula & FORTVNARVM AEDITVVS, & VERNANI AEDITVVS legantur; si quis hoc loco AEDIT. SERAPID. *Aedituus Serapidis* interpretaretur, monstrosum nihil, sed neque multum a veritate alienum proferret. cum præsertim Serapidis, quem admodum & aliorum Aegyptiorum deorum, cultus apud Romanos ea ætate fuerit frequentissimus.

Rursus in mea Tabula Antiatina illustrata, eadem pag. 5. n. 35. has literas AVG. L. IVSCVL. *Augusti Libertus Juscularius*, interpretatus sum. Et in notis ibid. pag. 18. num. 35. hæc addidi: *Hoc quidem animadvertendum, quod hujusmodi ministerio præpositus servus, nusquam, quod quidem ego sciam, præterquam in hac Tabula legatur apud auctores.* Quid tu ad hæc, Vir erudite? Audiamus. Pagina itaque 77. Inscriptionum Sepulcralium hæc habes: *Appresso a lui* FELIX AVG. IVSCVL. *Qui pure non dubita alcuno interprete di esporre IVSCVLARIUS, come io esposi tre anni avanti nel dare in pubblico la Inscrizione in fine della pagina CCXXI. de' Prolegomeni. Sembra però, che tal' uno ricerchi autorità di Scrittore, che lo comprovi. Se la desidera, non si arresti al Calepino solamente: dia un' occhiata all' antico Glossario Greco-Latino indicato da Marini, e vi ritroverà IVSCELLARIUS ζωμοποιός Gl. IDEST QVI IVRIS CONDIENDI EST PERITVS, derivando il nome di IVSCELLARIUS da IVSCELLVM diminutivo equivalente all' altro più costumato di IVSCVLVM,*

LVM, e usato da Prisciano, e da Macro; benchè io mi attenga più volentieri al IVSCVLARIVS di questa lapida, che al IVSCELLARIVS del manuscritto Glossario antico riferito da Martinio. Pace tua tamen dixerim; quod me hætenus non invenisse, hic candide professus sum, tu quoque hætenus non reperisti. Siquidem, me apud Auctores Latinos, idoneosque Scriptores, nondum servum qui in aula Cæsarum præpositus fuerit Juri parando & apponendo, & Juscularius sit appellatus, usquam præterquam in hac Tabula reperisse; hoc ajo. Sed neque Glossarium sive Lexicon Cyrilli apud Martinium idoneus est puræ Latinitatis auctor, neque Juscellarius idem est ac Juscularius, neque demum idem est Juris condiendi peritus, ac Servus sive Libertus Juri parando aut apponendo in Cæsaris aula præpositus. Jam vero eadem Inscriptionum Sepulcralium pagina 77. hæc subdis: Il quarto EUPHEMVS DISPENSATOR. Tra il nome di EUPHEMVS e l'attributo del di lui ufficio DISPENSATOR si leggono quattro lettere LIAN, alle quali può essere, che manchi un dittongo da premettersi per significare AELIANVS. Si possibile scetamur, mirabilia profecto dicemus. Sed eo ordine quo in Tabula ex literæ LIAN a te ipso, Vir erudite, dum lapideas notas in æs incidi primo curasti, repræsentatæ sunt; duabus AE quas dicis posse suppleri, locus minime suppetit. Ita enim omnino in Tabula hæ leguntur: EUPHEMVS LIAN DISPENSATOR. Ubi vides spatium nullum pro literis, quas intrudere nunc conaris, AE collocandis relictum esse. Nos vero Tabulæ nostræ illustratæ pag. quinta n. 37. ita interpretati fuimus: LIAN. Libertus Antonini, vel Antonii, vel Annonæ, vel Antii Dispensator. Harum interpretationum quamlibet acceperis, ea magis semper apposita erit, quam tua, in qua legendum putas AELIANVS. Scio nonnullos cum Fabretto putasse, apud Veteres Liberti nomen vel una L. tantum, vel tribus his literis LIB. semper; numquam vero duabus tantum LI. inscribi in lapidibus consuevisse. Verum male & falso omnino putarunt. Siquidem Liberti nomen, & L. & LIB. & LI. inscriptum promiscue fuisse, antiqui lapides satis ostendunt. Afferam duos tantum, ne longum faciam. Bernardinus Scardeonius Antiquitat. Patavinar. Lib. 1. Class. 4. pag. 61. edit. Basiliensis MDLX. in folio, inscriptum antiquum lapidem inter alios refert, effossum in Monte Buso agri Patavini vico in hæc verba:

T. PVLLIO T. F.
L. LINO IIIII
VIRO AVG.
ALBIA LI. MILPNE
SIBI ET
VIRO
V. F.

Et pagina 73. ejusdem Libri & Classis affert auctor idem, inter ceteros, lapidem in ædibus Alexandri Bassiani Patavii existentem his notis inscriptum:

..LI.

..LI SVIS..
 ..L. RAETIO T. L.
 ..ABASTO GALAI
 L.

Sed jam ad graviora transeamus. Ait enim Vir doctissimus Inscriptionum Sepulcralium pagina 77. *Termina la Colonna con il Consolato quinto di Claudio, a cui fu dato Collega Servio Cornelio Orfito, e con i nomi delli Deputati. Ma prima di riferirli è necessario di avvertire, che niuno ricerchi questo Consolato, e gli antecedenti della presente Inscrizione, ne' FASTI CAPITOLINI, benchè alcuno abbia scritto, che vi si leggono distintamente così segnati:*

TI CLAVDIVS DRVSI F. CAESAR AVGVSTVS
 GERMANICVS V. SER. CORNELIVS SCIPIO ORFITVS.

Nelle lapide antiche de' Fasti del Campidoglio (che sono i FASTI CAPITOLINI) non li vedrà certamente, perchè di que' marmi preziosi, che sono stati il lume dell' Istoria profana, da che furono estracti dal Foro Romano sotto Paolo III. sino al presente giorno, più oltre dell' Imperio d' Augusto non si è mai potuto ritrovare la continuazione. &c. Pergis, Vir erudite, multis offendere quod omnibus jam notissimum erat. Verum fidem tuam hic appello. Nonne in mea Tabula Antiatina illustrata, cum Fastos Capitolinos nominarem, me illos ex recensione & adjectione Stephani Vinandi Pighii appellare, sæpius significavi? Lege, Vir erudite, ibid. pag. sexta num. 1. & invenies hæc verba: In Fastis Capitolinis apud Pighium sic notantur, & pag. septima num. 4. neque in Fastis Capitolinis apud Pighium. & ib. n. 5. Siquidem Fasti Capitolini apud Pighium sic eos notant. Itaque non Capitolinos ipsos inscriptos Consulares lapides, sed Stephani Vinandi Pighii descriptum inde exemplar cum adjectione appellavi. Quod & nunc appello, & si tu, Vir erudite, ipsum adibis, eos Consules, prout a me descripti sunt fidelissime, notatos invenies. Est autem titulus Libri: Fasti Magistratum Rom. ab U. C. ad tempora D. Vesp. Aug. a Stephano Vinando Pighio suppletis Capitolinis Fragmentis restituti, in Tom. XI. Thesauri Antiq. Romanar. congesti ab Jo. Georgio Grævio Edit. Trajecti ad Rhen. & Lugd. Batav. per Franciscum Halman, & Petrum Vander Aa. MD-CXCIX. in fol. pag. 217. linea 19.

Itaque non Fastos Capitolinos tantum, verum Fastos Capitolinos ex recensione Pighii, five apud Pighium, recitavi, cum additione scilicet per Pighium ex antiquis lapidibus concinnata. Quod autem bene ii Fasti Capitolini appellentur, inde patet, quod cum potissima eorundem pars ex Capitolinis Tabulis descripta fuerit, reliquæ parti jure optimo suum nomen attribuit. Ecce tibi, Vir erudite, difficultatem omnem placidissimi instar æquoris apud æquos rei æstimatores facillime complanatam. At tu pergis adhuc, & pag. tuarum Sepulcralium Inscriptionum 78. hæc scripsisti: *Il terzo scritto POR. ILIC a me sembra, che debbia leggersi PORTVS VILICVS,*

cioè

cioè Custode di quel recinto, e di quella fabbrica del Porto; o pure PORTICIS VILICVS; giacchè nell' antica pittura, che ci dimostra Bellori nella prima pagina de' suoi dottissimi Comentarj in fragmenta vestigii veteris Romæ vedesi rappresentata su la riva del mare in vicinanza del porto con questa iscrizione PORTEX NEPTVNI. Se altri poi ha interpretate le sopradette lettere indicatrici della professione di questo Deputato quasi dicessero PORTITOR ILICVM; faccialo a suo piacere. A me non piace di dare questo Mazziero a' Liberti della Casa di Augusto, nè pure in questo Magistrato di poche tavole. Age vero, quam multa, paucis his verbis, abs re, & quam maxime aliena congefferis, mecum, Vir erudite, perpende. In primis, Custodem Portus ais Villicum, & una quidem l tantum, nempe sic, Villicum appellatum; quod est in tota Latinitate, ut quidem ego arbitror, novissimum, nempe, quod, custos Portus privati sive ædificii ad Portum, Villicus Portus dictus sit. Quamquam autem Villicus una tantum l in lapidibus aliquando legatur, in hac Tabula tamen SVBVIL tantum scriptum legimus. Rursus, ais ad Portum Antiatum, immo in ipso Portu ædificium privatum fuisse Cæsarum domus; quod non tantum gratis, verum etiam contra omnia Scriptorum testimonia, si quid judico, videris asserere. Siquidem Antiatum Portus publicus semper fuit, nec a privatorum, immo nec Cæsarum ædificiis umquam clausus; sed patens omnino, & ad excipiendas naves semper apertus. Licet optime noverim Antii ad mare, non tamen in ipso Portu, magnificentissima olim exstitisse ædificia regiis Romanorum sumtibus excitata. Tercio; ais eas literas POR..... ILIC.. sic legi posse: PORTICIS VILICVS. Unde quæso hanc vocem PORTEX in Latium infers? At Bellorium appellas. At ultra rudera mensuras, & descriptiones, vix certi aliquid Bellorius attulit. Scio & vidi ipse quoque poëticam quamdam picturam, in qua ædificia quamplurima nobilissima ad mare ædificata cernebantur, columnis, fornicibus, fastigiis, statuis exornatissima, mutilis cum inscriptionibus, in quibus & Templum Apollinis, & Forum Olitorium, & Horrea Publica, & demum laudatus hic tuus Portex Neptuni legebantur. In Museo ALEXANDRI ALBANI Card. Amplissimi exactam poëticæ hujus picturæ descriptionem non vidi solum, verum & attente consideravi; doctique viri eamdem mihi ostendentis sententiæ statim subscripsi; poëticum eam figmentum esse hominis, qui Romanorum ad Antium rusticantium magnificentiam quidem repræsentare ad vivum conatus fuerit; numquam tamen historici, qui antiquum Antiatum Portum ex vero atque exacte descripserit. cum nullis Veterum testimoniis, ita ornatum eum Portum fuisse, nobis constet. Nunc ad me venio. Itaque Tabulæ Antiatinæ pag. 20. num. 40. hæc scripsi: POR ILIC PORTANDIS ILICIBVS. Hic enimvero, si usquam alibi, me concisarum literarum sententiam assecutum esse in illis interpretandis, asseverare non ausim. Conjecturam itaque tantum sequor ex eo quod notæ illæ vix aliam sententiam, quæ ad rem sit, conficere posse videantur. Quomodo autem ad rem esse possit interpretatio nostra, paucis accipe quisquis hæc legeris. Portandis igitur Ilicibus præfectus sive præpositus iis notis fortasse describebatur, quia non solum servos arboribus portandis destinatos in locis præcipue

maritimis sæpe legimus apud Veteres , sed & Collegia Dendrophorum , hoc est , arbores portantium , in urbibus ad mare sitis , quæque portu munitur , fuisse , ex Inscriptionibus liquido apparet . quid mirum itaque , si Antii in urbe olim opulentissima , portu firmissimo aucta , atque ad navium commercia maxime opportuna , inter innumeros Cæsarianorum Servorum seu Libertorum greges ac titulos , etiam servus portandis ilicibus , ad naves scilicet construendas , præpositus fuisse legatur ? Collegii Dendrophorum meminit Verus Inscriptio ap. Fabrett. c. 10. p. 722.

T. IVLIO EVTICHETI PATRON:
ET RECTORI COLLEG. DEND: SING.

Et post alia , quæ brevitatis gratia omittimus , subdit :

COLLEGIVM DENDROFR. POSVERVNT. &c.

Item altera Inscriptio apud eundem Fabrettum eodem cap. 10. pag. 731. Dendrophorum Collegium Scaphariis aliisque hujusmodi operis adjungit. De Dendrophoribus tandem vide Legem primam Codicis Theodosiani De Centon. & Dendroph. Vides , me non ex tripode hanc interpretationem pronuntiasse , verum me conjecturam tantum , eamque non firmissimam , secutum , aperte professum esse. Ceterum , in re dubia verisimile saltem quid protulisse ajo , & confirmo . Nam præter allata testimonia Collegii Dendrophorum , arbores nempe portantium , in urbibus ad mare sitis , ad navium immo classium instructissimarum constructionem ; silvarum quoque vastissimarum , quæ Antium longe lateque ab antiquissimis temporibus circumstant & protegunt , perpetua copia , ilicumque per eos tractus præcipua ratio , interpretationi meæ non levissimum pondus addere potest . Neque ego servum hunc , de quo nunc est sermo , (quod tu , Vir erudite , cavillaris) PORTITOREM ILICVM feci , verum Portandis Ilcibus Præfectum fuisse suspicatus sum . Unde jocos , quod res hæc esset *Magistrato di poche tavole* , si verbis meis attendisses , locum nullum residuum fuisse satis cognovisses , neque *Portandis Ilcibus Præfectum* , per Italicam vocem *Mazziere* umquam vel joco interpretatus esses . Memineris velim , haud multis ab hinc annis , locupletissimos atque honestissimos tum ex Etruria , tum ex Galliis mercatores ad hæc easdem silvas quæ circa Antium sunt , cædendas convenisse , ex iisque principem quemque cædendis atque ad mare portandis ilicibus aliisque id genus arboribus præfectum constitutum , quin eorum quisquam vili hoc *Clavarii* (sic enim recte interpretaberis *il Mazziere*) vocabulo traductus fuerit . Ceterum , non modo silvas quæ in planitie circa Antium , Asturam , Cisternam , Setiam , Tarracinam , Circejos , & Fundos sunt copiosissimæ , frequentissimis ilicibus satas ; de quibus Maro

Aen. 8. v. 43.
Litoris ingens inventa sub ilicibus sus ;
& Aen. 9. v. 381.
Silva fuit late dumis atque ilice nigra
Horrida . & lib. 11. v. 851.

verum

verum & in vicinis Latinis montibus, ac præcipue Algido, & modo & antiquitus fuisse, plane constat. De illis Horatius: Lib. 4. Od. 4.

*Duris ut ilex tonsa bipennibus
Nigræ feraci frondis in Algido
Per damna, per cædes ab ipso
Ducit opes animumque ferro.*

Et rursum:

Lib. 3. Od. 23.

*Nam quæ nivali pascitur Algido
Devota quercus inter & ilices,
Aut crescit Albanis in herbis
Victima Pontificum secures
Cervice tinget.*

Sed & creberrimas per totam Italiam ilices fuisse tum in planitie, tum in montibus, ex earumdem apud Veteres frequentissima appellatione patet. nonnulla afferam loca. Horat. Epod. Od. 10.

*Insurgat Aquilo quantus altis montibus
Frangit tremantes ilices.*

Virg. Aeneid. 12. v. 701. & seqq.

*Quantus Athos, aut quantus Eryx, aut ipse coruscis
Cum fremit ilicibus quantus, gaudetque nivali
Vertice se attollens pater Apenninus ad auras.*

Et Georgic. 3. v. 332.

*Sic ubi magna Jovis antiquo robore quercus
Ingentes tendat ramos, aut sicubi nigrum
Ilicibus crebris sacra nemus accubet umbra.*

Præter plurima alia loca, in quibus ilicum apud hunc auctorem fit mentio, quæ prudens, ne longum nimis faciam, prætereo. Quin & lucos sola ilice fatos, & frequentes, & prope villas & prætoria amavisse Veteres, quos *Iliceta* appellabant, habemus ex Martiale lib. 12. Epig. 19.

e cathédra

*Surgentem focus excipit superba
Vicini strue cultus iliceti.*

Hæc vero iliceta frequentia fuisse per Italiam, & illud confirmat, quod multa in hac regione adhuc loca inter nemora posita *Iliceta* appellantur, vernacule nunc *Lecceto*. Quam vero ad naves exstruendas aptæ sint ilices, vel ex eo colligas, quod ætatem vivunt diuturnissimam, ac proinde in incredibilem molem & crassitudinem excrescunt. Utriusque, ætatis scilicet & molis, in Latio exempla habes præclarissima apud Plin. lib. 16. cap. 44. ubi de longissima ætate hæc habet: *Vetustior autem Urbe in Vaticano ilex, in qua titulus æreis literis Etruscis, religione arborem jam tunc dignam fuisse significat. Tiburtes quoque originem multo ante Urbem Romam habent. Apud eos exstant ilices tres etiam Tiburto Conditore eorum vetustiores, apud quas inauguratus traditur. & de mole ibid. infra: In suburbano Tusculani agri colle, qui Corne appellatur vicina luco est ilex & ipsa nobilis, XXXV. pedum ambitu caudicis, X. arbores mittens, singulas magnitudinis visendæ: silvamque sola facit. Denique usos ilice antiquos ad lignea construenda ædificia, præter alia testimonia quæ afferri possent, habes Aeneid. 4. v. 504.*

xviii A D L E C T O R E M.

*At Regina, pyra penetrati in sede sub auras
Erecta ingenti, tædis atque ilice secta.*

Et lib. 6. v. 180. sonat icla securibus illex.

Et allatum Horatii:

Duris ut illex tonsa bipennibus.

Statius denique Thebaidos sexto:

*Ornique, ilicæque trabes, metuendaque succo
Taxus.*

Quæso te nunc, Vir erudite, quid incredibile protulerim, quod inter Libertorum ac Servorum greges, aliquem *Portandis Ilcibus præfectum* fuisse Antii dixerim? Afferas modo tu quoque testimonia de tuo illo *Portice Neptuni*, vel de tuo *Vilico Portus*; nam libentissime discam. Non omiserim, quod inter legendum tum hujus Tabulæ tuam novissimam interpretationem ad Sepulcralium Inscriptionum calcem appositam, tum Inscriptiones ipsas Sepulcrales, multa ab eruditis Viris notata fuerint, quæ secundis curis maxime indigent. Quam multa enim Servorum ministeria inexplicata relinquis! Certe in hac Tabula quid sit *Tector*, *Politor Adjuti*, atque alia ejusmodi, silentio præteris. Rursus *Vernani diem festum* in apposito Calendario sub die quartadecima Octobris notatum dicis, quod, si diligentius Tabulæ fragmenta inspicies, falsum esse deprehendes. Mitto, quod repetas SEP VLLIVS pro SEP VNIVS, TRYPHO pro TRYPHON, & sexcenta alia typorum errata, quibus passim Inscriptiones tuæ Sepulcrales, operarum vitio, scaterere deprehensæ sunt. Rursum CAMP. interpretaris *Campanus*, SPEC & PECLAR *Specularius*. LIAN *Aelianus*, nullis productis Auctorum testimoniis.

Jam vero, Amice Lector, cum me ab utraque tum arrogantia, tum ignorantia nota satis superque purgasse hætenus videar; quid in Sexto & Septimo Latii Veteris Profani Libris tibi legendum nunc offeram, paucissimis indicabo. De Veliternis Sextus est Liber, eo prorsus ordine descriptus quo Quartus fuit de Antiatibus. In eo antiquos præter scriptores, & vetera monumenta a me visa ac diligenter investigata, ALEXANDRI quoque BORGIAE Patricii Veliterni, olim Nucerini, nunc vero Firmani Antistitis, accuratam Historiam de Veliternorum rebus, sacris præsertim, nuper editam secutum sæpius fuisse me, noveris. Ceterum, Vir clarissimus (ut excelso est animo) æque feret, si veritatis propius investigandæ desiderio, aliquando ejus sententiæ subscribere recusaverim. De Coranis celeberrimis iis pariter Latii populis Septimus Liber inscribitur. Apud illos vetera monumenta omnia præsens relegi. Unde neque mirum, neque novum accidat tibi, Amice Lector, si inter illa, Inscriptiones aliquas a me hic editas leges immutatas nonnihil & diversas ab iis quas Gruterus olim in suo Thesauro descriptas edidit. Ipse enim amicorum schedis, ego vero nonnisi oculis ipsis meis, doctorumque amicorum, qui una mecum easdem legere, fidem habui. Coranis Signinos terminos eodem tamen Septimo Libro inclusos adjecimus. Veterum in iis locis ædificiorum ac monumentorum reliquorum insigniora quæ exstant rudera, in æs incidi atque hic expressa apponi, de more curavimus, ut gratiora quæ leges, tibi acciderent, & eadem quasi præ-

fens

sens oculis usurpare ac lustrare posses. Tu, si argumenti quandoque me dulcedine atque amœnitate illectum divertisse nonnihil a proposita narrationis via, deprehenderis, ne reprehendas tamen. Non enim intra rigidas Historiæ leges, scribere me profiteor; verum Commentaria quædam erudita, quæ laxioribus terminis continentur, in medium afferre. Ita enim scribere me, ille qui mihi animos ad scribendum sufficit, ipse præcepit. Tu per meos fines ac varia scripta lenis incedas, abeasque parvis æquus alumnis. Vale.



Antiqua locorum quæ in his libris describuntur,
nomina cum recentibus collata.

ARA-JANI, si-ve Arianum, oppidum olim juxta
Velitras in monte situm in Septemtriones; a Veliter-
nis jam expugnatum; nunc dirutum omnino jacet. locus
Veliternis dicitur La Montagna dell' Ariano.

Cæsaria Villa in collibus prope Velitras, Ariciam versus;
locus ubi Atia Augusti Cæsaris matris Villa fuisse dici-
tur. nunc incolis San Cesareo.

Collis-Nervæ, locus in agro Veliterno, altero ferme ab ur-
be lapide, Coram versus, ubi Cocceji Nervæ Romanorum
Imperatoris XIII. Villa fuisse creditur. hodie Colle-Nervo.

Collis-Othonis, locus prope Velitras, ubi vestigia Villæ
magnificentissimæ, quæ M. Salvii Othonis Romanorum Im-
peratoris VIII. fuisse creditur. nunc Colle-Ottone.

Cora, vetustissima Antiqui Latii Urbs, Romana Colonia,
in finibus Volscorum sita, in montis dorso, Velitras inter
& Setiam, 30. circiter m. p. Roma distans. Hodie Cori
& Core. Populi olim Corani, nunc Corefi.

Julianum, locus in Valle Veliterna Coram inter & Veli-
tras, ubi Gentis Octaviæ, quæ postea Julia dicta est,
Villam antiquitus exstitisse, quidam memorant. nunc sine
Veterum ædificiorum vestigiis oppidulum ibidem visitur ex
antiquo vocabulo Giuliano dictum.

Medullia, Veteris Latii quondam Urbs ab Albanis condita,
Tulli Hostilii Romanorum Regis tertii patria, & ex pri-
mis Romanorum Coloniis. Excisa jamdiu jacet sine ve-
stigiis.

Signia, Urbs Volscorum in Latio, Colonia olim Romanorum
in summo Lepini montis jugo. distat ab urbe Roma 30.
m. p. a Præneste 9. hodie Segni & Segna; populi olim
Signini, nunc Segnani.

Sil-

Silva Veliterna, *vetustissima in montibus prope Velitras, Algidum versus, latrocinii infamis. nunc La Fagiola, seu La Fajola.*

Solis & Lunæ, *sive Ad Sponsas, locus tertio a Veliterna urbe lapide in meridiem juxta Appiam viam, ubi alii templum Solis et Luna, alii diversorium et oppidulum Ad Sponsas dictum fuisse existimant. hodie Solluna.*

Tiberia, *Tiberii Cæsaris Romanorum Imperatoris III. Villa magnificentissima, Velitras inter et Cisternam in planitie juxta Pontinum. Ex ejus ruderibus oppidulum inde excitatum, quod tamen jamdiu in ruinis jacet. hodie loco nomen, ex antiquo, Tivera.*

Velitræ, *Urbs olim Volscorum nobilissima in Latio, Romanorum Colonia, 20. m. p. Roma distans, in colle haud ita procul ab Appia via post Aricinam Vallem sita. hodie Veletri. Populi quondam Veliterni, et Velitrini, nunc Veletrani.*

Ulubræ, *antiquum Latii oppidum juxta Velitras, in quo Augustus Cæsar ex Gente Octavia Veliterna nutritus et educatus fuit. Colonia olim Romanorum in Pontino. Excisum jamdiu jacet sine vestigiis.*



INDEX CAPITUM.

LIBER SEXTUS.

DE VELITERNIS.

- Cap. i. **D**E Velitrarum origine. pag. 1
 Cap. ii. **D**E Veliternorum ad-versus Romanos Bellis,
 unde et Velitras Romana Colonia deducta. 8
 Cap. iii. Veliternorum in Romanis bello ju-vandis virtus.
 26
 Cap. iv. De Veliternorum Templis ac Prodigis. 34
 Cap. v. De reliquis Veliternorum Aedificiis, ac praesertim de
 Villis in agro Veliterno olim exstructis. 50
 Cap. vi. De quibusdam Veliternorum Magistratibus et Col-
 legiis. 71
 Cap. vii. De Gente Octavia Veliterna. 79
 Cap. viii. De Ulubris oppido olim in agro Veliterno. 114
 Cap. ix. De Medullia Priscorum Latinorum oppido. 119

LIBER SEPTIMUS.

DE CORANIS.

- Cap. i. **D**E Urbis Corae Conditoribus. pag. 123
 Cap. ii. **D**E vetustis Coranorum Aedificiis ac praesertim de Templis. 128
 Cap. iii. De Coloniis Coram deductis. 151
 Cap. iv. De Jure Municipali Coranorum. 154
 Cap. v. Coranorum res bello gesta. 158
 Cap. vi. De Coranis Familiis Romae illustribus. 163
 Cap. vii. De Signinis, qui sunt Coranis contermini. 180

MICHAEL ANGELUS TAMBURINUS.

Præpositus Generalis Societatis JESU.

CUM Librum cui titulus : *Vetus Latium . Tomus Quartus . in quo agitur de Veliternis , & Coranis* , a Patre Josepho Rocco Vulpio Societatis nostræ Sacerdote conscriptum , aliquot ejusdem Societatis Theologi recognoverint , & in lucem edi posse probaverint ; facultatem facimus , ut typis mandetur , si iis ad quos pertinet , ita videbitur . Cujus rei gratia , has Litteras manu nostra subscriptas , & sigillo nostro munitas dedimus Romæ 14. Aprilis 1727.

MICHAEL ANGELUS TAMBURINUS.

Locus ✱ sigilli.

NOI RIFORMATORI

DELLO STUDIO DI PADOVA.

A VENDO veduto per la Fede di Revisione , e d' Approvazione del P. F. Gio. Pellegrino Gallassi , Inquisitore di Padova , nel Libro intitolato : *Vetus Latium Profanum . Tomus Quartus . in quo agitur de Veliternis , & Coranis* , Autore Josepho Rocco Vulpio Soc. Jesu Sacerdote ; non esser cosa alcuna contro alla Santa Fede Cattolica ; e parimente , per Attestato del Segretario Nostro , niente contra Principi , e buoni costumi ; concediamo Licenza a Giuseppe Comino Stampatore in Padova , che possa essere stampato , osservando gli Ordini in materia di Stampe , e presentando le solite Copie alle Pubbliche Librerie di Venezia , e di Padova .

Data li 24. Agosto 1727.

(Carlo Ruzzini Cav. Proc. Rif.

(Alvise Pisani Cav. Proc. Rif.

(

Agostino Gadaldini Segretario.



VETUS LATIUM PROFANUM

LIBER SEXTUS

DE VELITERNIS

AUCTORE

JOSEPHO ROCCO VULPIO

SOC. JESU SACERDOTE.

CAPUT I.

De Velitrarum origine.



ACTENUS de Antiatibus & Norbanis, vetustissimis illis quidem Latii populis, verum, quorum urbes excisæ nil nisi rudera ac vestigia sui ipsarum ostentant. Nunc de Veliterinis agendum, quorum urbs ad nostram usque ætatem viget ac floret.

Nescias tamen (quæ humanarum rerum conditio est) nescias, inquam, quid magis optandum historico sit, utrum de urbibus jam excisis historiam scribere, an florentium adhuc populorum res gestas ac monumen-

A

ta com-

ta commemorare. Magna enim in utraque scribenda historia sese objiciunt impedimenta, quæ narrationis cursum usque adeo retardant, ut illum quandoque penitus vix non abrumpant. Siquidem de excisis urbibus historiam scribenti, earundem, quæ recenseat monumenta diligentissime ac improbo sane labore conquirenda sunt; cum paucis admodum ante illum excisarum urbium res ad posteros narratione transferre cordi fuerit. Quærenti proinde ac diligentissime investiganti antiquitatem omnem perpauca admodum eaque manca mutila trunca ac gravissimis vulneribus foeda *et) lacera crudeliter ora, ora manusque ambas* (fas sit dicere) monumenta occurrunt, quæ segetem ac materiam historiæ conscribendæ nonnisi exiguum incertamque præbere possint. Populorum vero adhuc florentium res scribere conantibus densissima Scriptorum, qui antea scripserunt sese opponit nubes, quæ incertis variisque sententiis omnia involvens ac distrahens, incerta omnia atque infirma usque adeo reddit, ut ipsi quid potissimum fugiant, quidve tamquam verum sequantur prorsus ignorent. Hoc autem Scriptorum præcipue vitium est, qui patriæ peculiarem historiam descripserunt. Dum enim in amplificandis patriæ suæ rebus & ornandis toti sunt, veritatis studii sæpenumero (quod tamen primum in historia scribenda rerum dicendarum fundamentum esse debet) veterumque auctoritatis negligentes ac pæne obliti, omnia levissimarum conjecturarum, quas recentiores Scriptores multi sectati sunt, ductu persequentes, non quid revera fuerit, verum, quid maxime fuisse ipsi desideraverint, patriam suam securis incautisque lectoribus suis ingerunt. Hæc a me sub hujus libri initium ne frustra videantur commemorata,

rata, quæ deinceps sequentur, rerum series ostendet. Siquidem in illis ab recentioribus non semel sententia mea discrepabit, veterum tum Scriptorum tum monumentorum gravem multo magis ac stabilem auctoritatem secuta.

Veliternorum itaque urbs antiquissima intra veteris quidem Latii fines, verum Volscæ gentis Velitræ fuerunt. Ejus originem, ut in vetustissimis urbibus ferme fit, ad alios alii referre conati sunt. Lacedæmonios 1. quidam gentis atque urbis auctores, fortissimamque Argonautarum manum Velitras condidisse arbitrati sunt. Qua vero fulti auctoritate id scribere ausi sint, nullus hominum adhuc proferre potuit.

1. Bassus de Veliternis.

Venustior est, quam 2. quidam de Electra tradunt, fabula. Ajunt enim, Electram Atlantis filiam, Dardani matrem, Velitris de suo nomine nomen dedisse. Scilicet Atlanta Electræ patrem anno post Noemi proavi diluvium sexcentesimo & septuagesimo Italiæ atque adeo Latii oras tenuisse, regionisque cultu ac cæli ingenio delectatum, urbem condidisse, deque filia suæ natu maximæ Electræ nomine, exigua literarum mutatione, Velitras appellasse. Adduntque, ut fabulæ fidem astruant, eo pacto ab Electra Velitras dictas, quo ex Esta Vesta, ex Elia Velia, ex Hænetis Veneti facti sunt. Verum inter fabulas hanc sententiam libenter cum Ughellio 3. relinquam;

2. Teul. descript. Vel. litt.

3. Ital. Sacra.

nam qua illam confirmare possim, auctoritatem nondum inveni. Saturno alii Velitras veluti conditori adjudicandas esse opinati sunt. Latium quidem tenuisse Saturnum, ibidemque latuisse, Latiumque vocari maluisse, *his quoniam tutus latuisset in oris*, nemo nescit, & sæpius etiam a nobis in hac historia commemoratum est. Verum Velitras Saturnum condi-

4 VETUS LATIUM PROFANUM.

disse qui credam? Audi ineptam omnino ac levissimam conjecturam. Sagos Saturni socios dictos noveris. Hebraica vero lingua *domum* sive *tentorium* 4. *Ap. Teul.* 4. sive *receptaculum ola* dici memineris. Conjunge itaque nunc sectatorum Saturni nomen *Sagi* cum Hebraica antiquissima voce *ola*, & *Sagiola* conficies, cujus vocabuli si primam literam *S* in alteram *F* converteris, *Fagiola* habebis, silvæ scilicet celeberrimæ nomen, apud quam Velitræ urbs conditæ sunt. *Auditum admissi risum teneatis amici?* Si tamen non risum, sed stomachum, iram atque indignationem justissimam in otiosos illos historicos ne an fabulatores ineptissimos, qui talia pigmenta & figmenta commenti sunt, eademque securis & oscitantibus lectoribus ingerere confidentissime non dubitarunt. Quanto hoc simplicius ac verius? Silvam quam dicimus *la Faggiola* latrociniis infanem, ex multa fago, quæ confita antiquitus fuerit, nomen duxisse, omnibus fabularum involucris, longissimeque petitis originibus amandatis, plane fateri? Ab Jano nunc est qui Velitrarum originem velit deducere. Janum 5. namque, 5. *Ap. esmd.* qui & Noemus, Italiæ appulsum Tiberim tenuisse cum sociis, quorum aliquos voluptate novæ regionis detegendæ visendæque adductos ad dexteram fluvii ad collem usque, in quo Velitræ sitæ sunt, excurrisse; ibidemque loci amœnitate delectatos domicilium figere decrevisse, cui urbis instar jam habenti ab exploratione nomen imposuisse. *Bel* enim hebraice (quo sermone Janigenas usos ajunt) & *Fetro*, veterem exploratorem significare. Hæc qui asserunt, hebraice quidem nosse aliquid, non tamen historiam scribere dicendi sunt. Auctoritate enim est opus in his rebus vetustissimis & remotissimis longissimeque petitis asferen-

ferendis. Quæ cum apud veteres Scriptores nusquam commemorantur; si quis inter meras fabulas easdem computare velit, is demum sapere, mea quidem sententia, dicendus erit. Neque vero quemquam movere debet ad Jano Velitrarum originem adjudicandam, quod in agro Veliterno ingens nummorum vetustissimorum copia singulis ferme annis reperta sit, in quibus Janus bifrons insculptus cernitur. Hi enim nummi passim & in aliis agris per Italiam, & vero per Latium maxime, reperiuntur; quin tamen urbium origo, ad quas ii agri spectant, ad Janum, tamquam ab eo conditæ fuerint, revocanda sit. Janus certe ab universa ferme Italia cultus antiquissimis temporibus fuit, cujus rei vel solus Janiculus mons Romæ luculentissimum testimonium existit. Fateamur itaque (nil enim pudet) Velitrarum urbis conditorem nos ignorare. Illud tantum in universum asseverare & confirmare possumus, hanc urbem a primis illis antiquissimis populis, qui Italiæ regionem istam incoluerunt, conditam fuisse. Quid enim Velitrarum vetustissimam, ita dixerim, vetustatem magis confirmet, quam ejus originem, conditorem, conditæque tempus a nullis quantumvis vetustis Scriptoribus memoriæ proditum esse? cum ceteroquin id non contemptu aliquo, perinde ac si urbem parvipendendam existimaverint, ab iis factum sit. Nam, præterquam quod & minimorum locorum origines & conditores sæpius ab iisdem commemorantur, Velitræ urbs fuit nobilissima ac præpotens, cujus ferme annua bella ad aliquot sæcula cum Romanis commissa diligentissime a clarissimis historicis 6. Livio præsertim & Dionysio 7. recensentur, & dum de Augusti Cæsaris natalibus sermo incidit, ab omnibus fere antiquis Scriptoribus Velitræ com-

6. Dec. 1.
 plurib. loc.
 7. in Libr.
 Antiq. Ro-
 man.

6 VETUS LATIUM PROFANUM.

commemorantur. Maneat igitur; a priscis quidem Latii populis Velitras conditas fuisse; ejusdem tamen condendæ auctorem conditoremque ipsum nos ignorare. De urbis autem nomine id tantum occurrit. Velitras a Latinis multitudinis numero urbem esse appellatam, quod præter cetera quæ deinceps commemorabimus, ejusdem urbis amplitudinis, attente rem expendenti non minimum est argumentum. Multitudinis enim numero appellabant veteres eas urbes, quæ plurium instar urbium essent. Ita Syracusas dixere non Syracusam, eo quod ingens ea urbs in quatuor veluti minores urbes divideretur. *quadru-*
plices proinde a Scriptoribus Syracusæ 8. appella-
 tæ. Quæ etiam peculiaribus nominibus Neapolis, Achradina, Tyche, & Insula vocabantur. Ita de Athenis, Patris, Pisis, aliisque olim. Et sæculis ab nostra hac ætate minus remotis Venetorum urbs nobilissima Venetiæ multitudinis numero ab ipso sui exordio appellata est: quod multis inter Adriatici sive Superi maris æstuaria surgentibus insulis per pontes conjunctis, ex totidem veluti parvis urbibus quot illæ forent, maxima illa urbs urbiumque prodigium confecta esset. Velitras itaque si quis ex ipso, quo appellata est, vocabulo, ingentem nobilem celebrem ac populosam olim urbem fuisse asseveraverit, is, quo nitatur, haud infirmum ac leve fundamentum habebit. Fuere autem Velitræ Volscæ quidem gentis, verum, eo quod veteris Latii intra fines essent, Latini ipsæ quoque nominis Latinis feriis, ad sacrificia Latiali Jovi in Monte Albano facienda, capiendamque viscerationem, 9. & Latinorum Concilio ad Ferentinæ lucum indicto ad radices Albani montis quotannis, ut ceteri Latii populi, interfuerunt. Millia-
 ria

8. Cic. 6.
Verr.

9. Vide
Corradin. lib.
1. Vet. Lat.

LIBER SEXTUS. CAPUT I. 7


ria ferme viginti ab Urbe Roma, si breviorē ac compendiarīam, quæ Mariano nunc *Marino* transit, viam ceperis, Velitræ distant. Euntibus vero antiqua Appia Via atque Albano transeuntibus quatuor circiter & viginti mille passuum iter Romam usque conficiendum restat. Quod viarum discrimen in varias de Velitrarum ab Urbe Roma distantia sententias auctores traxit. Cum 10. viginti milliaria nonnulli, nonnulli vero quatuor & 11. viginti hanc urbem Roma distare scriptum reliquerint. Quibus omnibus optime poterit convenire, si de diversis viis eos locutos esse intellexerimus. Urbs quidem in colle seu clivo peramoeno jacens in ortum Præneste, Coram, atque Norbanos montes; Pomptinas paludes in meridiem, Circejos ipsumque Tyrrhenum mare; in occasum vero Ardeam Rutulorum quondam principem urbem, Antiumque promontorium; ac demum in Septemtriones Arianas & Algidenses in montibus silvas prospectat. Murorum, quibus nunc cingitur, circuitus tertium milliare non excedit. Cum tamen amplius multo antiquitus spatium mœnibus eam inclusisse tot bellorum & rerum gestarum gloria dubitare non sinat. Eodem illam loco nunc esse, quo primum condita fuerit, minime dubitandum. Excisam enim, ut de aliis quamplurimis legimus, ac funditus everfam nusquam memoriæ proditum est. Velitræ alio aliis ætatibus nomine sunt appellatæ. Latini veteres 12. *Velitras* constanter dixerunt, populosque *Veliter-* nos & *Velitrinos*, quemadmodum in numerorum supputatione *ternos* & *trinos* pariter usurpaverunt. Et hæc quidem de urbis origine.

10. Bau-
drand. in
Lex. & alii.
11. Kircher
ex Cluver.

12. Liv.
Sueton. &c.

C A P U T I I.

*De Veliternorum adversus Romanos Bellis, unde et Velitras
Romana Colonia deducta.*



AM vero Veliternorum sese offerunt renovata sæpissime, ac ferme in singulos annos, Livio teste, contra Romanos bella. Equidem novi multas urbes populo Romano infanti veluti atque adhuc recens nato bellum intulisse: Veliterni tamen non solum in Romæ nascentis exordiis, sed ad trecentos ferme annos nullis umquam cladibus acceptis satis domiti cum Romanis de imperio contendere perseverarunt. Hic autem, num Veliternorum urbs totius Volscæ gentis princeps aliquando fuerit quærendum esset. Privernum alii, alii Coram, Antium quamplurimi Volscorum principem urbem fuisse prodiderunt. Testimonia quisque in rem suam, & ad sententiam confirmandam in medium adducit. Nos

1. Vulp.
Vet. Lat. l. 4.
de Antiar.

1. Antio Volscæ gentis principatum cum Livio ceterisque antiquioribus historicis adjudicavimus. In ea itaque nunc quoque, ut par est, sententia manentes meritis tamen laudibus Velitras non fraudabimus, divitem eam urbem, nobilem, vetustissimisque temporibus potentem ac populosam fuisse asserendo. 2.

2. Teul. de
Velit.

Ceterum ab Oscis primum hæc Latii pars coli cœpta. Ab iisdem mutato aliquatenus vocabulo Volsci derivati, eam deinceps omnemque circa regionem tenuerunt. quorum, ut ea omnia, quæ vel a Pseudo-Beroso vel ab aliis supposititiis Scriptoribus fabulosa plane ac ficta commemorantur, omittam; illud

tan-

tantum est, quod hic memorem: ante Romam conditam Regem habuisse. Cujus rei testimonium est luculentum Metabus Rex, Volscæ illius Camillæ pater, cujus bellicam virtutem laudat Virgilius: 3. qui tamen Priverni eam regnasse aperte nobis testatus est. ^{3. Æneid. L. II.} Camilla vero sine prole decedente, utpote quæ nulli unquam nupserat (unde etiam Divus Hieronymus 4. summopere eam commendavit) Volscæ urbes Reipublicæ unaquæque formam cepere: ita tamen ut uno fœdere semper singulæ totius gentis civitates conjunctæ essent. Velitris itaque per optimates Respublica administrari cœpta. Quod administrandæ Reipublicæ genus *Ἀριστοκρατία* ab Græcis appellatum est. Hujus apud Veliternos regiminis testis est Livius, & antiquus pariter lapis altero ab hinc sæculo Velitris erutus cum inscriptione: 5. S. P. Q. VELITERNUS. Brevi tamen hæc Respublica perman- ^{5. Ap. A- scan. Land. in M. S.} sit. Siquidem a Romanis quamquam difficulter atque per partes devicta, imperata facere coacta est. Antequam tamen victas daret manus, Romanos ingentibus proeliis laceffere, & deinceps pro aris & focis fortiter cum ipsis dimicare sæpius est ausa. Ac primo quidem, anno ab Urbe Condita vigesimo octavo supra centesimum, sub Anco Martio Romanorum Rege 6. Veliternorum militum manus in agrum Romanum infesto agmine populabunda vagari cœpit. ^{6. Dionys. l. 3. Antiq. Rom.} Unde vehementer laceffitus Rex Ancus, valido coacto exercitu, ad propulsandam injuriam, eamque pestem avertendam egressus est: commissaque cum palantibus pugna ingentem ex iis prædam recepit; eosdemque Velitras usque recedere fortiter insequendo coegit. Jamque ipsis Velitris obsidione cinctis, valloque ad annonam præpediendam circumducto,

univerſo agro potitus eſt . Dum autem ſeſe ad expugnandam urbem comparat ; ecce tibi quidam ex Patribus ab Senatu Veliterno Legati ad Regem in caſtra venerunt , qui Veliternos injurias Romanis ab ſuis illatas compenſaturos, ablatamque prædam reſtituturos nuntiarent . Poenas quoque eos de prædonibus ſumturos, dummodo Rex obſidionem ſolvere, belloque abſiſtere vellet . Induciæ his ſtatim ab Rege datæ . Mox reſtitutis invicem rebus, Regem inter & Veliternos pacis foedus ſancitum eſt . Anco autem Martio ex humanis exemto , Lucius Tarquinius 7. Priſcus , qui eidem in Romanorum regno ſucceſſerat, iſtum foedus ſervavit, Velitriſque Octaviam gentem, ex qua Auguſtus deinde ortus eſt, Romam advocavit, patriciisſque familiis accenſuit . Quod & Servius Tullius ſucceſſor ipſe quoque confirmavit . L. vero Tarquinio Superbo, qui ultimus Romanorum regnum obtinuit , Volſcos ad foedus ſecum renovandum adhortante, (quod cum Latinis antea, Turno Herdonio apud illos magni nominis atque auctoritatis viro per fraudem ſublato, fecerat) e Volſcis urbibus aliquæ quidem Regi ſe per nova foedera conjunxerunt; Veliternis tamen foederi quod cum Anco Martio ſanciverant, ſtare ſatis viſum eſt . Quod cum aliæ quoque Volſcorum urbes renovare detrectaſſent, Superbum ad bellum 8. Volſcis indicendum impulere . Idque bellum fuit, ex quo Tarquinius Sueſſam Pometiam Volſcam urbem diripuit ac ſolo æquavit , deque ejus manubiis Capitolinum illud magnificentiſſimum templum Jovi dedicavit atque exornavit . Ceterum quid eo bello Veliterni egerint, vel cujus partes ſecuti fuerint , memoriæ proditum minime eſt . Pulſo quidem ab Romanis Superbo, atque in amiſſum

7. Sueton.
in Octav.

8. Dionyf.
l. 4.

regnum restitui conanti inter triginta Volscorum populos cum primis & Veliternos 9. adfuisse narrat Dionysius. Ex his omnibus quadraginta peditum millia; equites ter mille sub Tarquinio delecti castra in Romanos moverunt. Adeoque Romæ eo bello trepidatum est, ut Dictatorem supremæ incircumscriptæque potestatis magistratum creari placuerit. Aulus Postumius is fuit, qui Titum Æbutium magistrum equitum sibi adjunxit. Quamvis autem hic belli apparatus anno Urbis Conditæ ducentesimo supra quinquagesimum tertium instructus esset, pugna tamen in alterum annum dilata, nonnisi V. C. an. CCLV. commissa est, T. Æbutio & C. Veturio seu Vetustio Coss. Hi, cum hostilem exercitum adventare cognovissent, celerrime intempesta nocte motis castris, 10. magnis itineribus ad Regillum lacum, nunc *Sanctæ Praxedis*, Romam inter & Tusculanos ac Gabinos agros haud ita procul ab hoste constiterunt. Erant autem in Romanorum exercitu peditum viginti quatuor millia, equites mille. Commisso hic ingentibus animis utrimque prælio, utrimque diu acriter dimicatum, neutro vergente victoria. Donec Volscorum ducibus, ipsoque Tarquinio, qui cum Dictatore congressus fuerat, vulneratis; occisoque a Tito Erminio Volscorum ac Latinorum supremo duce Octavio Mamilio Tusculano, Romani victores fuerunt. Castrisque hostium potiti, ingentem, supra quam credi potest, eorum stragem ediderunt; dum solutis confusisque ordinibus quisque fuga sibi consulere frustra tentabant. Omnium ad eam diem commissarum ab Romanis cruentissima ea pugna fuit, ejusque adeo infausto exitu Tarquinio in regnum redeundi spes omnis sublata est. Quatuor post annos, App. Claud. & P. Servilio Coss. Romani in

9. *Idem l. 5.*10. *Liv.*
Dec. 1. l. 2.

Volscorum agrum exercitum duxerunt; trecentisque ab iis acceptis obsidibus, proelio parcentes Romam redierunt. Volsci tamen injuriam ulturi Latinos ad arma contra Romanos capienda per Legatos sollicitant. Quibus contra jus gentium eosdem Legatos victos in Romanorum manus tradentibus, neque tamen ea nova injuria fracti, quamquam ingenti auxilio destituti, Volsci quieverunt. Sed cum Hernicis iusto foedere, contra Romanos exercitum ducunt. Male tamen tunc quoque illis res cessit. siquidem devicti, & amissis urbibus & agri parte ab Romanis multati sunt. Insequenti vero anno, qui fuit V. C. CCLX. Aulo 11. Virgilio & T. Veturio Coss., bellum re-
 novatum est; quod demum deducendæ Velitras Romanæ Coloniae occasio fuit. Belli causa res ab Romanis Volscæ genti ablata, quas illa confidenter repetebat. Dum autem apud Volscos de aggrediendis Romanis consulitur; Virginius Consul prævertendum hostilem impetum ratus, duodecies mille peditum raptim coacto exercitu, nonnullisque equitibus adjunctis, hostibus obviam processit. Dumque eorum agrum foede palabundus depopulatur, Volscos ad arma propere capienda rei foeditate commotos veluti ex improvviso adegit. Proelium ea ferme ratione, qua Livius narrat, commissum est, quod & ipsius celeberrimi Romanarum rerum principis historici verbis, eo quod condendæ, ut aiebam, apud Veliternos Coloniae Romanis occasionem dederit, placet legentibus ob oculos ponere. *Medio*, itaque inquit, 12. *inter castra campo ante suum quisque vallum infestis signis consti-*
tere. Multitudine aliquantum Volsci superabant. Itaque effu-
si & contemtim pugnam iniere. Consul Romanus nec pro-
movit aciem, nec clamorem reddi passus, defixis pilis stare
suos

11. Liv.
Dec. 1. l. 2.

12. Liv.
Dec. 1. l. 2.

suos jussit. Ubi ad manum venisset hostis, tum coortos tota vi gladiis rem gerere. Volsci cursu et clamore fessi cum se velut stupentibus metu intulissent Romanis; postquam impressionem sensere ex adverso factam, et ante oculos micare gladios; haud secus quam si in insidias incidissent, turbati vertunt terga; et ne ad fugam quidem satis virium fuit, quia cursu in praelium ierant. Romani contra, quia principio pugnae quieti steterant, vigentes corporibus facile adepti fessos et castra impetu ceperunt, et castris exutum hostem Velitras persecuti, uno agmine victores cum victis in urbem irrupere; plusque ibi sanguinis promiscua omnium generum cæde, quam in ipsa dimicatione factum. Paucis data venia, qui inermes in deditionem venerunt. Et paullo infra: Volscis devictis Veliternus ager ademptus. Velitras Coloni ab Urbe missi, et Colonia deducta. hæcenus Livius. Eadem ferme habet Dionysius, 13. qui Velitras ab Romanis captas Volscorum urbem nobilem fuisse confirmat. Velitræ autem Romana Colonia fuerunt, non Latina, hoc est, jure Latinarum civitatum deducta. Unde amplissimis Romanarum Coloniarum 14. privilegiis urbs hæc ornata est; inductusque in eam idem ferme Reipublicæ administrandæ mos, qui etiam Romæ habebatur. Romani vero Coloniam iccirco deduxere, ut propugnaculum Romæ ipsius foret. Ceterum V. C. anno CCLXII. T. Geganius & P. Minucius Coss. 15. annonæ caritate acriter Romanos divexante, dum Volsci bellum farnelicis astute inferre parant; foeda lues per Volscorum ipsas urbes subito coorta, veluti Romanos ulcra, acerbissime grassari coepit. Quo tam ingenti malo non modo quamplurimi consumpti, verum etiam omnes terrore foedæ stragis exterriti arma vel inviti deponere coacti sunt. Romanique Velitris Colonorum numerum auxere,

Nor-

13. Lib.
sexta Antiq.
Rom.

14. Andrea
Schoz. S. J. in
Itin. Ital.

15. Liv.
Dec. 11. l. 2.

16. L. 7.
Anriq. Rom.

Norhamque, ut arx in Pomptino esset, novam Coloniam deduxerunt. Colonorum vero Velitris numerus auctus, non tantum ad eam urbem majori præsidio muniendam, quantum ad suppetias ferendas civitati, quæ pæne in solitudinem a vi sævientis pestilentiae reducta erat. Adeo enim, 16. Dionysio teste, grassata inter Volscos, Veliternos præcipue, est lues, ut neque apud Græcos, neque apud Barbaros foediorum ullam fuisse proditum sit. Quod vel ex hoc facile constat; quod Velitræ urbs antea frequentissima ac maxime populosa, adeo civibus, vi morbi absumentis plerisque, exhausta est, ut vix decima eorumdem pars a clade superstes fuerit. Quare his visum est e Republica futurum, si Legatos Romam mitterent, qui populi Romani patrocinium implorarent, seque suasque res in Romanorum fidem conceptis verbis iterum traderent, novosque Colonos in demortuorum locum mitti peterent, qui vacuum cultoribus maximam Veliterni agri partem excolerent. Missi itaque Romam Legati; quibus ab Romanis benigne exceptis, plebis pars aliqua ad augendam Coloniam est destinata. Siquidem Romani & injuriarum hostilium tunc temporis obliviscendum rati, & multitudine fame laborantem Romam levandam censentes, non minus Veliternis quam sibi novam eam Coloniam profuturam prudenter existimabant. Adde quod intestina per eos dies seditio coorta est, plebe adversus Patres maxime expostulante; quod eorum negligentia fames urbem premeret; non enim ab illis (quod tamen poterat) penuriae venienti in tempore consultum esse. quas concitatae plebis querelas novæ Coloniae deductione, sin minus extinguere, certe minui admodum posse Patres credebant: præcipue cum audaciores nonnulli ex plebe

be essent, qui patricos tamquam famis auctores, quasi per ipsos dedita opera ad affligendam divexandamque sibi contrariam plebem illa annonæ caritas esset inducta, non obscure culparent. Itaque ad deducendam Coloniam continuo Triumviri delecti. Placuit principio plebi consilium, libenterque nonnulli ad evitandam famem dedere nomina. Mox tamen, (ut instabile maxime est vulgus) attendentes eam urbem, ad quam novi Coloni mittebantur, a pestilentia fere totam absumentam fuisse, pigere eos coepit, adeoque pauciores multo, quam quos Senatus destinaverat, in novos Colonos allekti sunt. Cum autem perpauci illi, qui jam nomina dederant, alias ex aliis moras ad discedendum neckerent; Romæ iisdem remanere ab Senatu permissum; nec quisquam invitatus ire compulsus est. Sancitum tamen ex Senatus Consulto, ut sorte ex universo numero civium, qui in Coloniam irent, eligerentur, gravissimisque propositis poenis cautum est; ne quis, cui sorte obtigisset, in Coloniam transitum recusaret. Ita demum magna Romanorum civium pars Velitras in novam five renovandam Coloniam missi. Acerbissimi vero morbi causam frequentes adeo in Volscorum agris pugnas ac cædes fuisse crediderim. Siquidem corrupto, foetore insepultorum cadaverum, cælo, lues omnium gravissima ingruere solet. Renovatum deinde a Volscis sæpius est bellum; sed quod ad Velitras pertinet, illud fuit, quod in Martii 17. Coriolani Romanorum exfulis ferme omnes Volscorum urbes, quæ antea Romanis parebant, potestatem redactæ, ipso Coriolano duce, omnium ad eam diem maximum in Romanos bellum renovarunt. Brevi tamen Coriolano per Veturiam matrem placato, & ab Antiatribus

in

17. Liv.
Dionys. ubi
sup. & Plu-
tarch. in Co-
riolano.

in seditione sublato , Aëtius Tullius ingentem Volscorum vim adversus Romanos eduxit, Urbis Conditæ anno ducentesimo supra quintum & sexagesimum. Huic sese obviam propere factus Romanus Consul cum potiori militiæ robore, ferox post certamen, victor evasit. Pugnam in Antiatum rebus fuscè descripsimus, unde hic illam tantum innuisse sufficiat. Dionysio quidem Romanis faustissima hæc pugna memoratur. Livius tamen ex eadem contra Volscos pugna Sicinium absque ulla Reipublicæ gloria rediisse commemoravit. Certaminis locus, quo ipse Aëtius Tullius inter Antiates atque adeo Volscos omnes potentissimus fortiter pugnando cecidit, in agro Veliterno quidem fuit; quis autem ille fuerit, Scriptorum nullus designat. Hoc tantum conjectura assequi possumus, in ea parte Veliterni agri illum fuisse, quæ in occasum vergit; siquidem ex ea parte Albanum versus euntibus ii colles ac tumuli inæquales occurrunt, qui in narratione pugnae videntur a Dionysio commemorari. Et a Volscis quidem sæpe alias bellum renovatum. Quod mihi tamen omittere fas sit; cum & nil peculiare in illis certaminibus de Veliternis prodatur; & ire per singula nimis longum, atque inutile omnino esset. Anno autem V. C. trecentesimo quinquagesimo primo, cum inter 18. Ferentinum & Ecetram Romani contra Volscos fortiter dimicassent, duos ante annos Tarracina, quæ olim Anxur dicebatur, urbe Volscorum præcipua subacta, Artena, ipsa quoque Volscorum urbe, potiti sunt; cumque eam arcem solo æquare vi frustra tentassent, id tandem servi cujusdam fraude & dolo malo effecerunt. Quibus expletis, Colonos. 19. Velitras tercio miserunt; territos scilicet fociorum cladibus Veliter-

18. Liv.
Dec. 1. l. 4.

19. Diodor.
Siculus.

liternos victoribus manus dare, fortunæque ac tempori deservire novos accipiendo Colonos satius duxisse crediderim. Romanis deinceps Vejenti bello occupatis, Volsci motus quievere ad V. C. annum trecentesium sexagesimum secundum. Quo, Lucio Lucretio Flacco & Servio Sulpitio Camerino Consulibus, 20. Veliterni, reſectis viribus, animisque a pri- 20. *Id. Aust.* ſtino terrore confirmatis, excuſſo Romanorum jugo in priorem ſeſe libertatem revocaverant; cum decreta in illos continuo expeditio eſt. Belli tamen exitum Scriptorum nullus commemorat. Poſt direptam vero a Gallis Senonibus Urbem Volſci in Romanos 21. tam ingenti clade affectos impetum facere op- 21. *Id. Aust.* portunum fore duxerunt. Quapropter V. C. anno CCCLXVII. adverſus illos Furius Camillus Dictator creatus eſt, qui ſtrenuis in alios Romani nominis hoſtes undique dimiſſis ducibus, Volſcos quaſi omnium ferociſſimos ſibi reſervavit. Hi ad Lanuvium caſtra poſuerant, fortique ex aridis denſiſque palis vallo munerant. At Camillus aptiſſimam eam igni materiam conſpicatus, tædas undique ardentes in illam a ſuis congeri juſſit. quibus cum ingens ſubito incendium concepſſet; pæne ab ſola flamma deviſti Volſci terga dedere. Camillus, prædatus eorum agros, Sutrium exercitum reduxit. Huic bello & Veliternos adſuiſſe dubitare non ſinit Eutropius, qui a Camillo Volſcorum urbem deviſtam ſcripſit; cum tamen ſœdus potius Romanos inter & Veliternos ab hujus belli exitu renovatum fuerit. Credibile eſt autem, Velitras in antiquum Romanæ Coloniæ ordinem a Dictatore denuo redactas fuiſſe. Jam vero V. C. anno ſupra ſeptuageſimum primum trecentefimo, ingentem Volſci in Pomptino exercitum inſtruxerunt, quem ait

Livius, communi Scriptorum consensu Maximum appellatum: quamquam paullo ante ab Camillo victi fugatique fuissent. His sese Latini conjunxerant; quos e Circejenfibus aliquot secuti, & Veliterni Coloni. Adversus tantum exercitum Aulus Cornelius Cossus per eos dies Dictator creatus expeditionem suscepit; commissoque proelio, gloriosam ex hostibus victoriam reportavit. Cumque ex iis quamplurimos cepisset, captivorum non pauci ex Latinis, Hernicis, Circejenfibus, Colonisque Veliternis, reperti sunt. Cum autem id ab his tentatum privato tantum consilio fuisset, Romam ab Latinis & Hernicis Coloniisque Circejensi & Veliterna venerunt Legati, qui Senatui sese purgarent; eos, qui inter captivos e suis reperti essent, nullo civitatum consilio vel auctoritate arma in Romanos sumfisse: immunes proinde reliquos cives a culpa, & antiquis cum populo Romano ictis foederibus stetisse; nunc quoque in ejus amicitia perseveraturos. quod ut alacrius præstare possent; dederent sibi Romani, quos quisque e suis, captivos haberent; meritas de iis apud suas civitates poenas sumturos; populoque Romano illatam injuriam ultro ipsos severissima castigatione ulturos. Amara tamen ab Romanis responsa retulere; multoque amarissima ii qui ex duabus Coloniis Circejensi & Veliterna Legati venerant. impios eos in patriam suam everendam conspirasse; quæ enim præter Romam, unde in Colonias dimissi fuerant, illis patria erat? adversus illam arma sumfisse; gentem suam, cognatos, & quod caput est, patrias aras, penates, deosque reliquos populi Romani custodes funditus evertere voluisse. illis proinde non solum captivos minime reddendos, verum Legatis quoque, ut extemplo Roma

disce-

discederent, seseque e conspectu Senatus tollerent, imperandum; nec enim jure gentium eos fore satis protectos. Siquidem id exteris populis, non tamen proditoribus civibus adjumento futurum. 22. Ita ignominiose expulsi Legati in patriam revertuntur; duobusque annis in apparatus novi belli vix bene ductis, rursus contra Romanos arma capiunt. Volscisque reliquis, universisque Latinis ac Lanuvinis nominatim, qui antea semper in fide populi Romani permanserant, sibi adjunctis, Veliterni & Circejenses ignominiam deleturi infesto agmine in agrum Romanum processere. Romæ id ex nimia Senatus in Veliternos Colonos indulgentia originem ducere videbatur; eo quod continuo in illos, ut par erat, Patres non animadvertissent. Dum tamen delectus haberi cœpit, fœda ex improvise Romæ coorta lues, quominus eo anno hostibus obviam iretur, impedimento fuit. 23. Dilata vero in alterum annum expeditio inducias Colonis opportunas præbuerat Romanam mittendi Legatos, qui ab Senatu præteritorum veniam peterent, novisque pactionibus fœdus renovarent: quod utique præstitissent, si publicum omnium periculum cum privato, ut fere fit, conjunctum minime fuisset. Siquidem defectionis auctores caventes sibi ne uni ipsorum culpæ omnium defectio verteretur, ipsique tamquam devota victima soli Romanis traderentur, a consiliis & conditionibus pacis Colonias absterruerunt. Neque vero legationem suorum disturbare illis satis fuit; verum etiam plebem Coloniæ, ut Romanum agrum palantes depopularentur, concitaverunt. Quæ hostilitas pacis spem omnem funditus evertit. Insequenti anno, qui fuit V. C. trecentessimus septuagesimus quartus, Spurius

22. Liv.
Dec. 1. l. 6.

23. Liv.
Dec. 1. l. 6.

& Lucius Papirii Tribuni militum auctoritate consulari creati exercitum in Veliternos duxerunt, relictis Romæ ad Urbis custodiam reliquis in Tribunatu Collegis quatuor, qui etiam ne quid Respublica ab Etruscis novarum rerum cupidis caperet detrimenti, observarent. Prope Velitras adversus Prænestinos, qui anno superiore ab Romanis defecerant & nunc Veliternis Colonis auxilio venerant, feliciter decertatum est. Proxima autem urbs Veliternis maturioris fugæ occasio fuit. Itaque præcipiti in eam fuga sese portis ac mœnibus protexerunt. Nec Romanis visum urbem obsidione cingere, cum id eventus admodum dubii ab omnibus existimaretur; neque eam Coloniam funditus evertere, futurum e Republica ducerent. Missis itaque Romanam victoriæ nuntiis, acrius adversus Prænestinos auxiliares, quam adversus Veliternos Colonos ab iis in Senatu expositum est. Quapropter ex Senatus consulto bellum Prænestinis decretum; qui tamen Volscis adjuncti Satricum proximo anno Romanorum Coloniam, civibus nequicquam fortiter defendentibus, expugnaverunt. 24. Duobus exinde elapsis annis tanto impetu Prænestini adversus Romanos arma ceperunt, ut ad ipsas Urbis portas infestis signis excurrerent. Ex quo Romæ adeo trepidatum est, ut Dictatorem tamquam in angustissimis rebus, creari placuerit. Is fuit T. Quinctius Cincinnatus, qui valide hostes ad ipsum usque Prænestem recedere compulit; inde octo eorum agri castella expugnavit; ac demum in Veliternos movens, Velitras quoque ipsas recepit. Et Velitris quidem annis octo a bellis cessatum est. Anno autem V. C. supra octogesimum quartum trecentesimo, Romanis civium intestinis discordiis occupatis atque distractis, dissidente acerrime a Patribus plebe, cum nullus iccirco per eos dies

24. Liv.
Dec. 1. l. 6.

dies neque exercitus sub armis neque delectus haberetur; Veliterni opportunum tempus rati, noctique occasionem veteres injurias novo bello ulciscendi, arma ceperunt. quibus, postquam crebris excursionibus Romanum agrum infestassent, Tusculum exinde Romanis amicam foederatamque civitatem obsidione cinxerunt. Quod, ut Romæ per Tusculanorum Legatos auxilia petentes nuntiatum est; tantus non modo Patres, verum plebem ipsam pudor ignaviæ incessit, ut creatis per Interregem novis Tribunis militum delectus statim haberi cœperit. 25. Quamquam plebes non adeo in delectu habendo, sicuti paullo ante in comitiis fuerat, Tribunis audiens & præsto esset. Instructus tamen, licet ægre, eductusque est exercitus; Tusculanisque subventum: Veliternusque hostis non modo Tusculo expulsus, verum etiam intra propria moenia sese recipere coactus; quæ Romani multo acrius, quam ii antea Tusculum obsedere. Valide tamen Veliternis resistentibus, Tribuni, re infecta, Romam redire coacti sunt, magistratus expleto tempore; cum interea exercitus ab obsidione minime cessaret. Novi quoque Tribuni militum nihilo plus superioribus profecerunt. Quod Veliternorum virtutem Velitrarumque urbis fortitudinem ac præsidia validissima satis ostendit. Siquidem Romanis per ea tempora tot victoriarum gloria claris, vicinorumque populorum auxiliis pollentibus, universorumque civium suorum robore Velitras tanto tempore prementibus, hæ validissime resisterunt. Quod autem in exercitu ingens omnino multitudo esset, vel ex eo constat; quod comitia Romæ usque ad reditum exercitus ex Veliternis dilata sint; eo quod ex plebe plerique in ea obsidione occuparentur. Annum tamen totum antequam inde
redu-

25. Liv.
 Dec. 1. l. 6.

26. Plu-
tarch. in Ca-
millo.

27. Liv.
Dec. 1. l. 7.

reducerentur, consumserunt. Reducta autem post hæc exercitus parte, non tamen ab Romanis omiſſa obſidio; verum in quartum uſque annum, qui fuit V. C. CCCLXXXVIII. producta. Quamquam illius exitum Scriptorum nullus commemoret: expugnata ne tandem urbs fuerit, an ſoluta obſidio. Solutam tamen vel ipſum historicorum ſilentium facile perſuadet. Si enim urbem tandem Romani cepiſſent, id ab aucto-ribus Romanorum res geſtas ſingillatim enumeranti-bus minime prætermiſſum fuiſſet. Et hæc quidem ea ætate Veliternorum bellica virtus fuit. 26. Ceterum eodem anno M. Furius Camillus adverſus Gallos quin-tum Dictator creatus, Velitras, quæ quatuor ipſos an-nos validiſſimis exercitibus reſtiterant, ſine vi nullo-que commiſſo prælio cepit. Scilicet Veliternos non modo tam longa obſidione feſſos, verum ipſa quo-que obſidionis ſolutione ſecuros nimium & oſcitan-tes, ex improviſo facile occupavit. præclaro ducibus popu-liſque documento, nihil tam civitatibus pernicioſum atque exitiale, quam otium nimiamque ſecuritatem in rebus proſperis ſemper exſitiſſe. Hæc noviſſima rerum geſtarum Furii Camilli fuit, ceteriſque totius antea-ctæ vitæ præclariffimis colophonem impoſuit. Siqui-dem duobus annis poſt, in extrema ſenectute de-ceſſit. Memorant, Velitrarum portam quam nunc quoque cives *Porta Fura* dictitant, ab hoc Furio Camillo *Furiam* appellatam; eo quod per illam ipſe victor intraverit. Novennii poſtea quies Velitris ſub-ſecuta eſt. 27. Anno autem V. C. CCCXCVII. cæ-ſis fugatiſque Romanis ab Tarquiniſibus Etruriæ po-pulis, Veliterni cum Privernatibus Romanum agrum audacter utpote in afflictiſtis hoſtium rebus depopulati ſunt; ultro permittentibus Romanis, cum ad retun-den-

dendos propulsandosque illorum impetus fractis tunc temporis accepta clade viribus impares essent . Diu exinde ab armis cessatum , 28. nec postea V. C. anno ^{28. Liv. Dec. 1. l. 8.} CCCCXV. Latinorum Prætoribus Volscos adversus Romanos sollicitantibus , cum Signinis Veliterni acquievere ; sed a belli consiliis omnino abhorruerunt . 29. Insequenti tamen anno T. Æmilio Mamertino & Q. Pub. Philone Coss. Pedani , ipsi quoque Veteris Latii populi , ab Romanis laceffiti Veliternorum una cum aliis vicinis populis auxilia implorantes eos in nova bella traxerunt . Itaque Prænестinis ac Tiburtinis adjuncti valide Pedanos focios Veliterni defendebant . Quos contra Æmilius Consul cum processisset , reique aliquid prospere gessisset ; ex improvise castris relictis Romam rediit ut triumphum sibi , quamquam nondum parta victoria , decerni ab Senatu peteret , Collegam cui eum honorem parari metuebat prævertere cupiens . Negatum tamen est a Senatu , nisi expugnato Pedito cuiquam triumphi honorem decerni posse . Quo responso irritatus Æmilius , omissa Pediti obsidione , Romæ ad plebem adversus Patres seditionibus concitandam remansit . Senatus vero , cui Pediti expugnatio magnopere cordi erat , Consulibus anno insequenti creatis L. Furio Camillo & C. Mœnio eam provinciam persequendam conficiendamque decrevit . Qui dum sese operi comparant , Tiburtini quidem ac Prænестini , quorum ager Pedito proximus erat , in Pedanorum auxilium statim adfuerunt ; Veliterni vero una cum Aricinis & Lavinienfibus , dum tardius aliquanto sese Pedanis fociis jungunt , in itinere ad Asturam fluvium in agro Antiati cæduntur , atque fugantur ab Consule Mœnio iis obviam facto . Atque haud ita multo post alter

30. *Liv.*
Dec. I. l. 8.

ter Consul Camillus insigni parta victoria Peditur. 30. Re autem tam prospere gesta, secunda fortuna in tempore utendum rati Consules, ad singula Latinorum oppida expugnanda, Romanæque Reipublicæ subjicienda animum adjecere. Universum itaque Latium per illos subjugatum; urbibus partim vi expugnatis, partim a civibus sibi deditis, ut in fide populi Romani essent. Itaque ob eorum tam præclara merita Romæ triumphatum est ab Consulibus; iisdemque, quod rarissimum ea ætate ac pæne singulare fuit, in foro Romano ære publico equestres statuæ decretæ erectæque sunt. Hic enim vero Veliternis res pessime cessit. Siquidem Romanis in singulos Latii populos, qui sæpe defecerant, acriter animadvertentibus, variaque supplicia, prout major minorve culpa singulorum esset, decernentibus; Veliterni omnium severissime ab iis multati sunt. Igitur 31. adversus Veliternos antiquos Romanos cives quod toties defecissent graviter sævitum est. Velitrarum namque moenia Senatus consulto solo æquata, & Veliternorum Senatus Romam inde translatus: imperatumque Senatoribus Transiberina regione habitare; cautumque ne quis Senatorum Tiberim, ullo unquam tempore transieret; qui secus fecisset mille pondus multaretur. neque vinctum, si cis Tiberim deprehensus fuisset, solvere illum aut liberare quis posset, nisi prius auri summam, qua multatus erat, solvisset. Prædia Senatorum in agro Veliterno novis Colonis eodem missis distributa sunt. Ita Velitris populi frequentia ac celebritas per novos Colonos restituta. Non vereor quin hæc legentibus crudeliter nimis in Veliternos ab Romanis sævitum videatur. Verum si memoria repetent ea quæ hucusque recensui-

31. *Liv.*
Dec. I. l. 8.

cenfuimus, a Veliternis adversus Romanos toties renovata bella; erit, quod & Veliternorum quidem ingentes animos jugique impatientia colla miretur, & Romanorum prudens consilium, quamvis acre, maxime tamen necessarium in hostibus enervandis suscipiat. Atque hæc quidem finis bellorum fuit, quibus Veliterni per tria ferme sæcula Romanos vexarunt, impedieruntque, quominus imperium & arma extra Italiam longius proferrent; cum sibi domi, ita dixerim, propter Veliternos tam propinquos, totiesque rebelles & infestos, semper cavendum esset. Hoc demum timore liberata Romana Respublica longe lateque flammæ instar arentes stipulas effuse incendentes totum pæne terrarum orbem brevi corripuit. Viguit tamen diu Romæ Veliternorum Senatorum memoria. Siquidem inter septem illas Populi Romani Curias, quæ ab oppidis unde antiquitus cives Romanam venerant, nomen habebant, fuit etiam Curia Velita, ab urbe Veliterna sic appellata. quod Veliternorum maximum fuit ornamentum, ut nempe & principis gentium populi pars essent; & in media ipsa Urbe Roma secretum ac peculiarem sibi locum haberent, quo convenirent, quique de sua urbe *Curia Velita* diceretur. Porro Colonia Veliternæ jura a Claudio Cæsare immutata fuisse nonnihil, narrat Frontinus. ait enim: *Velitræ oppidum Lege Sempronia fuerat deductum. Postea Claudius Cæsar agrum ejus limitibus Augustais censitum militibus assignavit.* Itaque Colonia Veliterna deducta primo fuerat Lege Sempronia. Legem enim, quam tulerat C. Licinius Stolo Tribunus pl. An. V. C. CCCLXXVII. Nequis plus quingenta jugera agri, centum pecoris majoris capita, quingenta minoris possideret; cujus Livius & Varro meminerunt,

jam vulgo neglectam de novo tulit Ti. Sempronius Gracchus Trib. pleb., P. Scævola L. Pisone Cofs. A.V. C. ICCCXX., quæ *Sempronia* deinceps dicta est. Ea cautum fuit, ne quis de publico agro plus quingenta jugera possideret; deinde ut dimidium filiis attribueretur. quod reliquum esset, id pauperibus, qui nihil haberent, divideretur. Quod si quis agrum latius patefaceret; at Triumviri quotannis ad id creati judicarent qua publicus ager qua privatus esset. Colonia igitur Veliterna hac lege primum deducta fuerat. At Claudius Imperator ejus agrum quem Augustus certis limitibus censerî jusserat, militibus veteranis in laborum præmium assignavit. Ceterum, de Veliternorum bellis hætenus. Nunc quanta & virtute & fide Veliterni Romanos bello juverint, paucis exsequar.

C A P U T I I I.

Veliternorum in Romanis bello juvandis virtus.



OSTQUAM accisis adeo viribus atque opibus, ut hætenus exposui, Veliterni Romanorum imperata facere perpetuo coacti sunt; tempori atque fortunæ serviendum rati, bellicam virtutem, quam contra illos tribus ferme sæculis adhibuerant, illis deinceps juvandis perpetuo exercuerunt. Quamquam autem veteribus historicis non admodum curæ fuerit ea exinde recensere quæ pro Romanis Veliterni gesserint; quod ad Romanorum gloriam, cui unice studebant, minimum **pertinere** arbitrabantur: nos tamen quæcumque diligentissime perscrutantibus bellicæ Veliternorum virtutis vestigia in antiquis Scriptori-

LIBER SEXTUS. CAPUT III. 27

ptoribus occurrunt, in medium afferemus. Et primo quidem credibile est, Romanos paullatim suæ potentiae confisos neque ab afflictis Veliternorum rebus quidquam jam sibi metuentes, Senatus consulti severitatem mitigasse, quo cautum fuerat, ne quis Veliternorum Senatorum, quos Romæ Transiberina regione relegatos habitare sancte præceperant, vel ipsum Tiberim transfiret; ac permisisse demum ut in antiquas sedes ac patriam redirent. Certe Velitris etiam post ea tempora viguit Patricius Ordo; quod vel ex sola. 1. Octavia gente liquido apparet. Mitigatis itaque etiam Veliternorum animis, non modo ab armis contra Romanos perpetuo cessatum; verum etiam contra Romanorum hostes sæpius itum est. 2. Bello quidem quod adversus Pyrrhum Epirotarum regem Romani gessere, Velitræ finis terminusque Pyrrhi victoriarum ac prope dixerim propugnaculum Romanæ urbis fuere. Siquidem cum superatis primo proelio Romanis victor Pyrrhus universam Campaniam, Lirim atque Fregellas foede depopulatus esset, cumque ex Prænestina arce pæne victam Urbem prospexisset, usque ad vigesimum ab Urbe lapidem victore exercitu ducto, in agro scilicet Veliterno Romanæ urbis trepidantis oculos pulvere ac fumo complevit. Brevis tamen Curtii & Fabricii Romanorum ducum virtute duplici proelio victus sese nec inglorius omnino nec omnino gloriosus in Græciam suam recepit. Veliternorum tunc virtus atque in Romanos fides minime desiderata. Non enim victoris regis furentisque exercitus validissimi impetus, eos ab amicitia Romanorum avellere potuerunt. Bello autem Punico secundo Veliterni una cum reliquis Latii populis Romanos adversus Hannibalem adjuverunt. Certe Si-

1. *Sueton.*
in *Octav.*

2. *Florus*
l. 1. c. 18.

lius Italicus Brutium quemdam Volscum militem , qui celeberrima atque funestissima Romanis contra Hannibalem , apud Trasimenum lacum pugna fortiter dimicaverat , summopere commendat , quod longissimam ætatem sub Romanis stipendia fecisset . ait enim :

3. Sil. Ital.
l. 6.

3. *nec e Volscæ quisquam vir gente redemit Plus ævi.*
Insequenti vero anno , qui fuit Urbis Conditiæ supra trigessimum quartum quingentesimus , cum maximus e tota Italia insulisque adjacentibus delectus ab Romanis ad validissimum adversus Hannibalem victoriis exsultantem furentemque comparandum exercitum haberetur ; adfuit etiam fortissima Veliternorum manus , Scævolaë inclyti bello ducis e Volscæ gente signa secuta . En Siliï testimonium :

4. Sil. Ital.
l. 8. v. 378.

4. *At quos ipsius mensis seposita Lyæi
Setia & incelebri miserunt valle Velitræ ,
Quos Cora , quos spumans inimico Signia musto ,
Et quos pestifera Pomptini uligine campi ,
Qua Saturæ nebulosa palus restagnat , & atro
Lixentes cæno per squalida turbidus arva
Cogit aquas Ufens , atque inficit æquora limo ,
Ducit ævis pollens nec dextra indignus ævorum
Scævola , cui diræ calatur laudis honora
Effigie clypeus .*

Quo in loco , quamvis propero , immorari tantisper atque subsistere me veritatis , qui primus historico esse debet , amor coegit . Itaque nuperrimus auctor , doctus ille quidem ceteroquin & eruditus , qui Veliternorum res , sacras præcipue , vernaculo Italarum fermone descripsit , in allato Siliï versu , & incelebri miserunt valle Velitræ , legendum contendit non , incelebri , quod est , minime celebri , sed separatim , quasi duæ voces sint in celebri : hoc est in valle celebri .

Suc-

Succenset etiam Petro Marso, qui Silio Italico notas adjecit, in iisque explicavit, quare Silius vallem Velitris vicinam *incelebrem* dixerit. Demum ut sententiæ suæ, quam in patriæ gloriam ipse mordicus tenet, fidem astruat, ait in Silii exemplaribus omnibus paullo accuratioribus, has voces separatas legi sic: *in celebri*; negatque a Silio Veliternam vallem jure *incelebrem* vocari potuisse, cum Velitræ urbs celeberrima semper fuerint: ætate præcipue belli Punici secundi, quam Silius his versibus commemorat, adeo floruisse ut ingentem civium manum Romanis auxilio sub duce Scævola, (quem, utpote Volscum, recens hic auctor continuo patriæ suæ adjudicat & Veliternum facit) mittere potuerit. At pace dixerim Scriptoris hujus; in eo carmine, legendum, *incelebri*, hoc est, *minime celebri*, omnino est. Ordo enim ac sensus orationis ita legi jubet ac cogit; qui talis est: *Velitræ miserunt valle incelebri Romanis auxilio milites*. Ita ut, si ulla esset addenda præpositio non *in*, sed *a* potius, vel *ab*, *ex*, aut *de* adjungenda foret: non enim recte dixerit latinus auctor, *in loco aliquo mittere*, si terminum a quo aliquid mittatur, velit exprimere. Bene autem sexto casu nulla addita præpositione terminum unde aliquid mittatur, idem efferre poterit. Unde rectissime Silius, *Velitræ miserunt valle incelebri*, dixit. Puderet ad grammaticos provocasse, nisi & hoc veritatis amor laudabile omnino atque honestum faceret. Ceterum si quis opponat, quod sensus carminis sit iste, nempe, *Velitræ, quæ sunt in valle celebri, miserunt*: obscure nimis ac trunce Silium locutum diceret, cum nil ita interpretari verum nos cogat; atque multo magis latina lectio tum obvia sit, tum communis. Communem autem le-

ctio-

tionem esse, quæ dicit *incelebri*, uno verbo, nempe *non celebri*, *minime celebri*, omnia ferme exemplaria testantur. Certe investiganti mihi diligentissime nulum occurrit exemplar in quo disjuncta legatur vox illa *incelebri*, & tamen labori quærendi adeo non peperi ut copiosiores Bibliothecas excufferim, inque illis selectissimas & accuratissimas Silii editiones, scilicet Parisinam anni 1618. cum commentariis Claudii Dausquei; Parisinam alteram anni 1531. apud Simonem Colinæum; Lugdunensem anni 1616.; Aureliæ Allobrogum anni 1611., Amsterodamensem 1631., & alteram ibidem anno 1628. Quibus adde Calepini Lexicon nuper editum cura Jacobi Facciolati viri eruditissimi. Siquidem hoc, *incelebri* legendum omnino esse satis ostendit, cum ad vocabulum *incelebris* pro exemplo apponat carmen Silii, de quo nunc agimus, sibi que constans idem iterum adducat ad vocabulum *Velitræ*. Ceterum Silius Veliternam vallem *incelebrem* ideo appellavit, quod per ea tempora ab cultoribus non admodum celebraretur. Locus enim celebris apud Latinos, si vocabuli vim inspicias, ille erat, qui incolarum multitudine celebrabatur, hoc est, frequentabatur; unde idem erat *celebris* ac *frequens*. Quamquam translate *celebris* pro insigni ac famoso usurparetur, eo quod loca incolarum multitudine copiosa facile aliis quoque titulis insignia & clara evaderent. Ne igitur recens auctor, cujus sententiæ nunc amore veritatis adversamur, ignominia notam patriæ suæ ab Silio inustam arbitretur, eo quod *incelebri valle* eam sitam dixerit: nil enim aliud poeta significavit, quam incolarum in ea valle inopiam & infrequentiam, quæ certe ex Pomptinis paludibus haud ita procul stantibus, aerisque corrupte-

lam

lam ad eam usque vallem extendentibus accidisse facile quivis sibi persuaferit; quod Silius ipse innuit eo versu:

Et quos pestifera Pomptini uligine campi,
quem tamen, eo quod sibi sententiæque suæ de vallis celebritate adversari optime cognovit auctor, de quo nunc loquimur, vel callide, vel certe negligenter omisit. Præsertim cum in superioribus monumentis, quæ hætenus descripsimus, Veliternorum urbem & agrum foeda olim lue ex corrupto aere adeo devastata meminerit, ut ferme penitus ab incolis destituerentur, & Romana plebes eo in Coloniam mitti ob corruptum aerem vehementer detrectaret. Sed de his hætenus. Constanter itaque Veliterni in Romanorum fide manserunt. Anno autem V. C. quingentesimo trigesimo nono Cn. Fulvio Centumalo & P. Sulpicio Galba Coss. cum Hannibal victoria exultans Campaniam ferme universam ac Latium palabundo exercitu depopularetur, a Veliternis tamen legitur abstinuisse, perinde ac si Veliternorum singulari virtuti parcendum existimaret. Non enim ideo Veliternis Hannibalem pepercisse suspicari quis possit, quod ad suas eos partes traxisset; nam contra Hannibalem Veliternos pugnasse præter allatum Siliî testimonium ex altero ejusdem poetæ versu confirmari potest; in quo ad Capuam Veliternum quemdam a Caleno duce occisum commemorat, sic: 5.

*Jamque Veliternum media rransegerat alvo,
Jam solitum equali ludo committere equestres
Scipiadae pugnæ.*

Quamquam enim Silius hoc loco non Veliternum aliquem civem significare voluit, verum insignem aliquem virum cui Veliterno nomen erat, id tamen

5. Sil. Ital.
Punic. l. 13.
v. 229.

men non officit, quominus Veliternos hac pugna pro Romanis decertasse ex hoc loco eruamus. Siquidem Veliternum hunc nomine, patria quoque Veliternum fuisse verisimile admodum est ob inolitum veteribus morem, qui nunc quoque sæpius usurpatur, de suæ vel majorum patriæ nomine, aliquem, insignem præfertim, appellandi tamquam proprio nomine. Licet autem poeta Veliternum hunc ab Caleno occisum narret, non inglorium tamen illum omnino dimittit; nam præterquam quod fortiter decertantem eum occubuisse describit; pro elogio etiam illum equestri umbratili pugna sæpius cum Scipione congregi solitum addit. quod certe maxime gloriosum est. Ceterum & aliis bellis Veliternos Romanis in amplificando imperio auxiliatos fuisse nullus dubito. Certe Romanæ militiæ robur non tantum ex ipsa Urbe Roma agroque circa eam constabat; verum ex proximis præcipue populis, e Sabinis scilicet, Latinis, Campanis, aliisque e vicinis provinciis allectis militibus. Cujus rei testimonia passim apud Livium aliosque Romanarum rerum Scriptores exstant: placetque idem ex elegantissimis aliquot Horatii locis confirmare. De Sabinis quidem militibus strenuis illis ac maxime militiæ aptis ex educatione victuque duro veterum illorum Spartanorum instar, sic Horatius ævi sui molles nimium mores infectatus: 6.

6. od. 6.
l. 3.

*Non his juvenus orta parentibus
Infecit equor sanguine Punico,
Pyrrhumque et ingentem cecidit
Antiochum Hannibalemque dirum:
Sed rusticorum mascula militum
Proles Sabellis docta ligonibus
Versare glebas et severæ*

Ma-

*Matris ad arbitrium recisos
 Portare fustes, Sol ubi montium
 Mutaret umbras, et juga demeret
 Bobus fatigatis, amicum
 Tempus agens abeunte curru.*

De aliis vero Ode 5. libri tertii:

-- -- -- miles ne Crassi -- --
Sub rege Medo Marsus et Appulus.

Et Ode 1. 1. 2. quod mare Dauniæ

Non decolora-verè cades?

nempe cædes ex militibus Dauniis factæ ab hostibus Romanorum. Daunia autem est Appuliæ pars, quam nunc *Puglia plana* dicunt. Est enim & altera pars quæ antiquis *Appulia Peucetia*, nobis nunc *Puglia petrosa*, sive *Terra di Bari* appellatur. De Latinis vero, quos inter & Veliterni, sic: 7. *Latium ferox.* &

8. *Quis non Latino sanguine pinguior
 Campus sepulcris impia prælia
 Testatur?*

& alibi: 9. *Parum ne campis atque Neptuno super
 Fusum est Latini sanguinis?*

Itaque prudentem omnino conjecturam sequimur, dum Veliternos Latii tam fortes ac feroces præcipuosque populos bellisque tot jam sæculis assuetos semper affuisse Romanis in omnibus expeditionibus autumamus; quamquam Romanum nomen Oceanus veluti immensus, populorum, qui tamquam regia flumina aquarum illi tributum ferrent, vel ipsa nomina absorbuerit. Igitur cum nullam veteres Scriptores de iis peculiarem mentionem fecerint, ad alia Veliternorum recensenda monumenta ex hinc narratio nostra procedet.

7. Od. 35.


1. 1.

8. Od. 1.

1. 2.

9. Epod.
 Od. 7.

C A P U T I V.

De Veliternorum Templis ac Prodigis.

R B I S cujuslibet amplitudinem nihil ferme est quod magis ostendat, quam ingentia magnificentissime exstructa de publico ædificia. Quorum præcipuum locum apud omnes nationes barbaras quoque & incultissimas templa, in quibus gens unaquæque deos suos coleret, tenuerunt. Recensitis itaque iis omnibus rebus gestis, quas foris Veliterni strenue patrarunt, ad ea quæ domi ad urbis suæ amplitudinem & ornamentum constituerunt, commemoranda progredimur. Eadem autem illis, quæ reliquis per Latium populis templa fuerunt, iisdemque numinibus aræ constitutæ: Marti cum primis. siquidem Mars Latio venerandus erat; Volscisque præcipue, quibus bello tam vivida virtus, ut trecentos ipsos annos & eo amplius Romanis negotium faceßere perpetuo bello ausi fuerint: 1.

1. Ovid.
Fast. lib. 3.
v. 85.

Mars Latio venerandus erat, quia præsidet armis.

Arma fera genti remque decusque dabant.


2. Sueton.
in Octav. init.

Itaque Velitris templum Martis fuit, in quo ara illa ostendebatur, de qua Suetonius hæc habet: 2. Gentem Octaviam Velitris præcipuam olim fuisse multa declarant. Nam & vicus celeberrima parte oppidi jampridem Octavius vocabatur, & ostendebatur ara Octavio consecrata. qui bello dux finitimo cum forte Marti rem divinam faceret, nuntiata repente hostis incursione, semicruda exta rapta foco profecuit: atque ita prælium ingressus victor rediit. Decretum etiam publicum exstabat, quo cavebatur ut in posterum


sterum quoque simili modo exta Marti redderentur, reliquiaeque ad Octavios referrentur. Unde Veliternos celeberrima parte oppidi Marti tamquam inter præcipuos patronos primo templum antiquissimis temporibus constituisse conficitur. Siquidem ex allato Tranquilli testimonio constat, ibidem aram Octavio consecratam fuisse ubi ille Marti rem divinam fecerat, neque Octavium alibi Marti rem divinam fecisse præterquam in templo Marti dicato dubitandum est. Adducit autem Suetonius tamquam prodigium, quod Octavius in sacrificio Martis exta semicruda super foculum reliquisset ad improvisum adversus finitimos bellum extemplo accitus; quodque veluti Martis auxilio prospere pugnando, victoriam ex hoste retulisset. & exinde quasi semicruda illa exta numini placuissent; idque relata ab Octavio victoria significasset, perpetuo ab Veliternis eo pacto sacrificium Marti fieri consueisse. Quod, ut aliquid brevissime de hujusmodi veterum profanorum prodigiis edisseram, postulare videtur. Id itaque de narrationibus ejusmodi in universum pro certo habendum; eas fabulosi semper aliquid admixtum habere. id nempe quod de sua, vel vulgi opinione illis addere solent historici simulacrorum falsorumque deorum cultores. Quicumque enim Unum Unicum Deum Optimum Maximum, cui hujusce rerum Universitatis ab ipso conditæ regimen ac cura semper fuerit, atque futura sit sancte profitetur & credit, is profecto exta semicruda super foculum Marti, malo scilicet, ad summum, Genio, si non lapidi, vanoque nomini, oblata, nihil ad victoriam ex hoste referendam Octavio conferre potuisse satis novit. Prodigia igitur, quæ passim apud veteres profanos historicos ad deorum cultores ju-

vandos ab diis ipsis patrata leguntur, ea vel meræ a malis Geniis oculorum præstigiæ fuerunt; vel naturæ vires, occultas tamen hominibusque ignotas, minime excefferunt. Prodigia enim quæ vere universæ naturæ vires ac leges, quibus principio rerum omnium Conditor Deus Optimus Maximus ordinem constituit, excedunt, ea quasi sigillum quoddam veritatis veræque Religionis Deus idem semper adhibuit; nec umquam vanæ ulli superstitioni vel augendæ vel confirmandæ vel asserendæ, ne semel quidem, sigillum hoc commodavit. Si enim inter homines quoque probrosum maxime duceremus, quod civitatis alicujus princeps regnive dominus falsum aliquod edictum decretumve ab se minime editum sigillo tamen suo vel obsignaret ipse vel certe sciens ac prudens ab scriba librariove obsignari pateretur; quanto id magis Deum Optimum Maximum dedecere, neque in illum cadere umquam posse dicendum erit? Adde, quod quamplurima ex prodigiis quæ veteres deorum superstitioni dediti narrant, vere naturæ vires minime excedebant. Hujusmodi sunt fulmina quæ ædificii ac præsertim templi partem aliquam ferirent; monstrosus aliquod animal natus ex improvviso; marmorea æreave signa sudasse, Austro flante scilicet: ceteraque hoc genus, quæ passim apud Scriptores antiquos ac præcipue Livium occurrunt. Christi nempe sola atque unica Religio est, quæ ad sese diffeminandam, irrigandam, fovendam, confirmandam, dilatandam, atque asserendam, innumera, assidua perque omnes hucusque ab sui institutione ætates continuata prodigia, vere prodigia atque miracula universæ naturæ vires omnes longissime excedentia, rebusque ipsis conditis in infinitum altiora,

tam-



*Caernarva, quae e ruderibus vetustissimi Templi Martis superesse creditur, Velitrisque ad Aedem
Sancti Clementis, ubi olim Martis templum extitisse tradunt, in hanc usque diem uisitur.*



*Marmoreae Columnae, quae ex ruinis Veliterni Martis Templi
ad Hortos Ginettorum translatae Velitris hodie uisuntur.*

tamquam Dei loquentis singulare & evidentissimum testimonium semper habuit, supremamque in Mundi diem semper deinceps est habitura. Aliisque se-ctis omnibus id maxime convenit quod Divinus Vates pronuntiavit: *Narra-verunt mihi iniqui fabulationes, sed non ut lex tua.*

Ceterum Velitris Martis templum fuisse eo loco quem nunc *Matano* cives appellant, 3. Teulus pro-<sup>3. de Veli-
tern. l. 3. c.
ult.</sup> didit, quasi *Martano*, vel melius a mactandis victi-
mis; quod ibidem quoque lapis effossus cum inscrip-
tionis fragmento hujusmodi videtur innuere:

M. D U R M I U S - - - -

SACRIFICII LAVATIONEMQUE - - - -

In ruinis autem hujus templi omni veterum su-
perstitione sublata, ædes Sancto 4. Clementi Pontifi-<sup>4. Teul.
ibid.</sup> ci Maximo totius urbis sacrarum ædium princeps
consecrata est.

Ceterum, sacrificium illud quo nondum pera-cto
ad bellum Octavius, semicrudis extis in ara Martis
relictis, profectus est, sub tempora Dictaturæ Furii
Camilli contigisse ab quibusdam memoriæ proditum
est. Fuere quoque Velitris Apollinis Sangi atque Her-<sup>5. Liv. lib.
32. & Jul.
Obseq. de Pro-
dig. pag. mibi
46.</sup> culis templa. 5. Scribunt enim Livius & Julius Ob-
sequens, V. C. anno quingentesimo quinquagesimo
primo, Lucio Cornelio Lentulo, & Publio Julio Ap-
pulo Coss. Veliternorum Legatos Romæ in Senatu
nunciasse templa Apollinis & Sangi Velitris de cælo
tacta

tacta fuisse, & in templo Herculis ibidem humanos
 capillos enatos. Quæ prodigia ne male ominosa in-
 fortunii aliquid importarent, ab Romanis multarum
 hostiarum sanguine expiata sunt. De cælo enim tangi
 locum aliquem prodigii loco habuerunt veteres; cum
 tamen naturæ vires id adeo non superet, ut illi etiam
 maxime sit consentaneum. Quoscumque enim Sol
 diurnis horis e terra in sublime vapores candentibus
 trahit radiis, hos in nubem nunc rariorem nunc den-
 siorem collectos in terram rursus, mirum tamen in
 modum mutatos, cælum dimittit. Siquidem alii hu-
 more prævalente in imbrem mutati decidunt; alii in
 grandinem, cum aeris superior regio frigore imbuta
 eos ita durat; alii in nivem, eo quod & frigore &
 ventis multum fuerint agitati, unde illis candor &
 densatio. Alii denique siccitate in iis excedente po-
 tiioresque eorum partes pervadente, in fulgura toni-
 trua & fulmina, aliasque hujusmodi exhalationes con-
 versi solvuntur. Fulgura vero hujusmodi sunt exha-
 lationes quæ in aere momento accenduntur, eodem-
 que ferme extinguuntur. Tonitrua hiatus quem du-
 cunt nubes dum ab fulmine vi aperiuntur immanem-
 que illum ac terribilem sonum cient, quo factò etiam
 profani illi regnare Jovem credebant. Fulmina vero
 exhalationum ipsarum parva quædam massa durissime
 densata & in sublime accensa nitratis particulis lapil-
 li instar habentia, impetu summo e nubibus ejacula-
 ta mirabilesque effectus edentia, prout impetus fert
 illa, variaque mixtura componuntur. Quæ omnia
 juxta naturæ leges ab Optimo Conditore institutas
 omnino sunt. Quamquam non negaverim, hæc ea-
 dem in humani generis supplicium ab irato Numine
 justissime sæpius adhiberi. Cur enim inter latissimi
 agro-

agrorum tractus vineas , hanc potius quam ceteras ,
 immo hanc unam , alia omni incolumi , verberet gran-
 do ac depopuletur ; atque hanc ædem , hunc homi-
 nem præ reliquis ferme ibidem stantibus fulmen fe-
 riat , id nonnisi divina Numinis providentia fieri fa-
 tendum . Siquidem , *ignis* , 6. *grando* , *nix* , *glacies* , *spiri-* 6. *Psal.*
tus procellarum faciunt verbum ejus , ait Divinus Vates . 148.
 Cui sapientissimus Salomon concinit : 7. *Ibunt directe* 7. *Sap. 5.*
emissiones fulgurum , *et tamquam a bene curvato arcu nu-* 22. & 23.
bium exterminabuntur , *et ad certum locum insilient* . Et a
petrosa ira plenæ mittentur grandines . Ideo autem tum
 antiquitus , tum per hæc tempora ædes sacræ sæpe-
 numero de cælo tanguntur , quia sublimiores reli-
 quis ædificiis iisdem ferme supereminent . Fulmen au-
 tem in id quod primo sibi resistit , vim facit . Hinc
 fummos feriunt fulmina montes , & de Jove , ut pu-
 tabant veteres , tonante ait Maro : 8. *ille flagranti* 8. *Georgic.*
Aut Atho , aut Rhodopen , aut alta Ceraunia telo lib. 1. v. 331.
Dejicit .

qui omnium altissimi montes habiti sunt . Veteres
 tamen locum aliquem , ut ajebam , præsertim sacrum ,
 de cælo tangi , tamquam quid ominosum & sacrificiis
 expiandum habuere . Eo proinde loco , quo fulmen
 ceciderat , oves diis suis , ad eorum iram inde aver-
 tendam , macabant ; locumque ipsum ab ovibus , quas
 etiam *bidentes* dixere , *Bidental* nominabant . Ovem
 itaque inibi macratam sepeliebant , & veluti diis jam
 consecratum locum vel calcare , nedum effodere , ne-
 fas ducebatur . Sunt qui ovem unam in loco de cæ-
 lo tacto macrari consuevisse dicunt . Nonius autem
 duas dicit , atque exinde *Bidental* nominatum . Quod
 autem inibi effodere sacrilegum duceretur , aperte do-
 cet Horatius , dum lepidissime malum poetam , qui
 in-

9. *In fine
Art. Poet.*

invita Minerva iratisque ceteris diis versus factitabat,
ita fugillat: 9.

*Nec satis apparet, cur versus factitet. utrum
Minxerit in patrios cineres, an triste bidental
Moverit incestus.*

Non tantum autem locus de cælo tactus *bidental* est
dictus, verum ipsum quoque ovium sacrificium inibi
immolatum *bidental* quandoque dictum innuere vide-

10. *Satyr.
2. v. 27. &
seqq.*

tur Persius his versibus: 10.

*Ignovisse putes: quia cum tonat, ocyus illex
Sulfure discutitur sacro, quam tuque domusque?
An quia non fibris ovium Ergennaque jubente
Triste jaces lucis evitandumque bidental,
Iccirco stolidam præbet tibi vellere barbam
Juppiter?*

Quod autem in æde Herculis Velitris humani capilli
enati fuerint; humido pavimento, sive madidis parie-
tibus potius, quam miraculo tribuendum; præsertim
cum ea fila quæ humani capilli superstitiosis Veliternis
visæ sunt, similitudinem potius eorum, quam verita-
tem fortasse exhibuerint. Ceterum de Apolline ejus-
que cultu satis multa in historiæ hujus libro quarto,
qui de Antiatibus est, exposuimus, ubi de templo
Apollinis Antiatini verba faceremus. Ea itaque hic
minime repetemus. Id quidem Apollinis Veliterni sin-
gulare veluti non omittendum, quod humanis victi-
mis Apollo ab Veliternis colebatur. Cujus non ob-
scurum argumentum ea quæ subdam Velitris effossa
monumenta esse possunt. 11. Annò itaque reparati
orbis quadragésimo tertio supra millesimum & sex-
centésimum, Velitris eo loco qui *Collis Othonis* dici-
tur, effossa est urna cineralis ex purpureo marmo-
re, quod *porphyreticum rubrum* appellant, elegantissime
& sub-

11. *Tabl.
I. I. 6. 11.*

LIBER SEXTUS. CAPUT IV. 41

& subtilissime elaborata, adeo ut artis miraculo id factum esse videatur, cum durissimum illud marmoris genus nonnisi difficillime effingi & insculpi possit, ne dum ad tam subtilis labri, ut in hac urna exstat, elegantiam deduci. Operculo tegebatur urna ex eodem marmore eademque artis industria subtilissime elaborato. Quo detracto apparuerunt intus cineribus immixti carbones & humanorum ossium fragmenta in cineres nondum dilapsa; cernebanturque parvuli dentes in malarum parte adhuc integri, ex quibus pueri cadaver ibi conditum fuisse plane constitit. Insuper annuli duo aurei intra ipsam urnam reperti sunt, in quorum altero majore pretiosus includebatur lapis *corneus* dictus, vulgo *corniola*, in quo insculpta erat imago Apollinis columnæ innixi manuque citharam de more gerentis: in minore autem annulo expressum erat caput pueri crispo capillo, quod gentis nobilitatem indicare putant. Extra urnam vero ampullæ duæ vitreæ repertæ sunt, quas *lacrimatoria* dixere perperam aliqui, corrupto penitus sanguine & instar lapidis durato plenæ. imposita autem cum ampullis erat urna lapidi tamquam basi cuidam sive aræ cum inscriptione: A POLLINI SACRVM. Quæ omnia humanam victimam Apollini crudelissime cæsam declarant. Ibidem & lucerna testacea effossa est, in qua scriptum erat COMMVNIS. De qua id tantum innuam, ex iis lucernis eam unam fuisse, quas sepulcrales, & perpetuas antiqui dixerunt, quasque in omnibus ferme sepulcris apponere consueverant; quod etiam in sepulcro humanum animum quodammodo adhuc cum corpore habitare putarent. Quam inolitam hominibus superstitionem ut tolleret Christiana nostra Religio, atque in immor-

talitatis animorum argumentum (non tamen in sepulcro cum cadaveribus degentium) adhiberet ; & faces Christianorum cadaveribus, dum efferuntur, accendi, & dum illis bene precamur, apponi permittit. Et Sanctorum virorum cineribus lucernas apponere in honoris argumentum consuevit. Antiquorum autem lucernæ sepulcrales ideo *perpetuæ* etiam vocatæ sunt, quod imposita diutissime ardenti materia alerentur, quæque vel ipsa sæcula, dummodo ab externo aere custodirentur, duraret. Certe Romæ in arenariis ad Martyrum sepulcra ejusmodi lucernæ passim detectæ sunt; quæ tunc demum sunt extinctæ, dum detegerentur, aeris externi vim non ferentes: cum tamen ab fossoribus ardentes lucemque emittentes in ipsa fossione conspectæ essent. Bituminis autem species quædam in ipsis apparet durissimi, ex nitratis certe ac sulphureis particulis compositi, ceteraque ad diuturnam combustionem & lucem apta materie. Quod inclusæ tamdiu lumen & calorem servarent, apertæque utrumque statim amitterent, id causæ fuisse nonnemo dixerit; quod pinguis ille vapor quem lucernarum ea quæ modo nominavi alimenta, ad sepulcri sive urnæ convexa verticemque emisissent, cum nulla ex rima foras erumpere ullatenus posset; in ipsam denuo lucernam pinguiissimus jam factus nec præ pondere sustentari jam valens decideret; novumque lumini calori que lucernæ alimentum præberet: quod illa rursus ad sepulcri convexa summitteret, in novum sui ipsius alimentum condensandum. Quæ vices tamdiu durarent, quamdiu materies illa repetitis hisce itineribus ac circuitionibus sensim imminuta ac densata, pinguedinem tandem atque uliginem penitus amisisset. Secus autem si vel
rimu-

rimula una patuisset, ex quā vapores illi exitum aliquem invenissent : tunc enim vero exstingui continuo ac deficere cum calore omni lumen necesse erat. Incredibile tamen hoc rem altius inquirentibus visum est. ut ut enim ad tempus aliquod ea alimentorum in lucernam toties e sepulcri cavo vertice recidentium series lumen caloremque ejusdem conservare potuerit; tot tamen sæcula sustentare minime potuisset, ut fossoribus accensa videretur. Illud itaque veritati magis consentaneum magisque credibile dicendum videtur; hoc genus lucernas, jamdiu exstinctas, tunc rursus momento accendi, cum deteguntur; externo aere particulas nitri ac sulphuris excitante atque accendente; eo ferme pacto quo noctu per æstatem in agris accenduntur exhalationes ad aeris motum a curribus magno impetu tractis excitatum; qui ignes fatui longe alii sunt ab iis flammis quas stellas de cælo lapsas vulgus existimat. unde Virgilius Georgic. 1. ex vulgi opinione locutus dixit:

Sæpe etiam stellas vento impendente videbis

Præcipites cælo labi, noctisque per umbram

Flammæ longos a tergo albescere tractus.

Ceterum inscriptio lucernæ Velitris apud sacrificium Apollinis effossæ, de qua nobis sermo est, indicat lucernam ipsam pluribus fortasse sepulcris communem fuisse, vel communi oleo aliove alimento arsisse; quod altius investigare operæ pretium minime ducimus. Nomen quidem artificis in ejusmodi lucernis inscriptum sæpe cernitur; adeo veteribus illis sua nomina posteris commendare cordi fuit. Jam vero humanis victimis profanorum deos delectatos esse satis constat. Mali enim Genii humani generis hostes insensissimi nullam non rationem ad id perdendum ex-

cogitarunt. Itaque apud multas gentes humanas sibi cædi hostias sub deorum nomine, Deo Optimo Maximo permittente, obtinuerunt. Judæis quidem simulacrorum cultu jam foede corruptis id moris fuisse, præter cetera vel ex illo Davidis testimonio satis colligitur: 12. *Immola-verunt filios suos et filias suas de-*
 105. 37.
 13. L. 4. c. 6. *moniis.* 13. Paullus vero Orosius multis ostendit hujusmodi sacrificia antiquitus fieri consueſſe ab deorum cultoribus tamquam publicæ alicujus calamitatis piaculum, grassantis præcipue pestilentia: pueros autem præsertim in sacrificium adhibitos, quod illi gratior diis hostia putarentur. Unde si quis pueri hujus Veliterni immolationem ad annum V. C. CCLXII., quo Velitris pestis illa foedissime sæviit, referre velit; is prudentem omnino conjecturam sequetur. Fabulas hic de Iphigenia Agamemnonis filia a patre immolata vel certe immolanda, hospitumque sacrificia quæ fieri solita in Chersoneso Taurica poetæ commenti sunt, nemo non novit. Vetuit autem Augustus Cæsar aliique post ipsum Romanorum imperatores humanas victimas intra imperii Romani fines deinceps occidi. Id autem decretum ad populos tunc temporis omnino ignotos extendi minime potuit. Quare in America detecti novi orbis parte, regione quam Mexicanam dixerunt, humanæ publice victimæ diis mactari ad ea usque tempora consueverunt quibus Hispanæ classis ductores, Mexicano rege triumphato, locorum potiti sunt. 14. Vestigia enim immanissimi ejusmodi sacrificii ea qua par erat abominatione persecuti, non modo ea penitus, verum ceteram omnem superstitionem, veræ Religionis explicato ibidem vexillo, funditus sustulerunt. De humana hostia non tamen diis nominatim cæsa, verum ad

amo-

14. *Gabriel de Sol. in biß. Mexic.*

LIBER SEXTUS. CAPUT IV. 45

amoris poculum conficiendum, defosso in terram alte nobili puero ab saga Canidia sic elegantissime de more Horatius: 15.

15. Od. 5.
Epod.

*Ut hæc trementi questus ore constitit
Insignibus raptis puer,
Impube corpus quale posset impia
Mollire Thracum pectora.*

Et paullo infra:

*Abacta nulla Veja conscientia
Ligonibus duris humum
Exhauriebat ingemens laboribus,
Quo posset infossus puer
Longo die bis terve mutata dapis
Inemori spectaculo:
Cum promineret ore, quantum exstant aqua
Suspensa mento corpora;
Exserta uti medulla &) aridum jecur
Amoris esset proculum;
Interminato cum semel fixa cibo
Intabuissent pupula.*

Et hæc quidem de Apollinis templo cultuque illi ab Veliternis exhibito. 16. De Sango vero, cujus templum Velitris pariter fuisse Livius commemorat, animadvertendum, quod illum etiam *Sancum* & *Sanctum* dixerunt. Nec defuere qui illum eundem ac Sabum Sabinorum deum, a quo ipsum Sabinum nomen derivatum sit, existimaverint. perperam tamen. Silius enim Sabinorum manum, quæ auxilio Romanis adversus Hannibalem venerat, recensens, Sanctum a Sabo plane alium fuisse his versibus testatus est: 17.

16. Liv.
l. 32.

*Ibant &) lati pars Sanctum voce canebant
Auctorem gentis, pars laudes ore ferebant,
Sabe, tuas, qui de patris cognomine primus
Dixisti populos magna ditione Sabinos.*

17. Sil. Ital.
l. 8. de bell.
Punic.

San-

Sangus itaque Sancus & Sanctus, cui Veliterni templum ædificaverant, idem fuit atque Hercules; iis autem nominibus appellatus, quod universum terrarum orbem a se peragratum, extinctis ubique monstris devictisque tyrannis, in libertatem asseruisset ejusdemque libertatem veluti sanxisset. Quod Propertius de Hercule loquens expressit: 18.

18. Lib. 4.
Eleg. 10. aliis
9. in fine.

*Nunc quoniam manibus purgatum sanxerat orbem,
Sic Sancum (alii codd. Sanctum) Tatii composuere Cures.*

19. De verbor. signific.

Huic ad faustum iter impetrandum sacrificabant. ita enim Festus: 19. Propter viam fit sacrificium, quod est

proficiscendi causa Herculi aut Sango (alii Sanco) qui scilicet idem est deus. Veliterni tamen Sangum veluti alium

omnino ab Hercule venerabantur, nam & Herculi & Sango duo templa singula singulis ædificaverant.

Quod allato Livii testimonio fatis constat. Ait enim, Veliternorum Legatos Romæ in Senatu nunciasse,

templa Apollinis & Sangi Velitris de cælo tacta, & in templo Herculis ibidem humanos capillos enatos fuisse. En ut singillatim Sangi & Herculis templa

20. In hunc Liv. loc.

commemoravit. Ceterum Sigismundus Gelenius, 20.

& Jacobus Nardus Livii interpretes hoc loco, *templa Apollinis et Saturni*; non vero, *templa Apollinis et Sangi* legerunt, sin minus Livii sensum, prudentem

certe conjecturam secuti. Non enim adeo verisimile est Velitris, in urbe Latina & Volscæ, Sangum Sabinorum deum templo cultum;

cum præcipue idem ille esset atque Hercules, cui Veliterni peculiare jam templum sub ipsius Herculis titulo extruxerant. Sa-

turno autem dedicatum templum fuisse Velitris, vero proximum erit suspicari; cum Latio ille nomen dedisset, *his quoniam tutus latuisset in oris*. Romanarum

antiquitatum seduli investigatores notarunt, Sango

San-

Sancto Sanco five Sabo Sabinorum deo Romæ inter duos pontes Fabricium & Cæstium in insula Tiberina statuam positam fuisse cum mutila inscriptione:

S A B S A N C T O

five sic: S. S A N C T O

Quam nostri quidam sacrarum rerum Scriptores Simoni illi Mago, quo cum gloriosum illud Sancto Petro certamen Romæ in Foro boario fuit, ab Nerone positam fuisse perperam scripserunt, inscriptionem sic interpretati: S I M O N I S A N C T O

Cum tamen Sabino Sancto, five Semoni Sango, aut Sanco statuam illam inscriptam olim fuisse verisimilius multo sit. Cum & Ovidius in Fastis, & Livius libro octavo hunc Deum Semonem Sancum nominaverit. De quo plura desideranti adeundus inter ceteros Aldus junior in epistola de Reatina urbe & Sabina gente, ubi veterum de Sanco testimonia quamplurima in medium protulit. De Sangi templo Velitris nullum exstat vestigium; quamquam illud eo loco fuisse ubi nunc Sancto Michaeli sacrata est ædes, obscuram incertamque famam secuti quidam memoriæ prodiderunt.

De Herculis autem templo Velitris condito id tantum vetustissima apud Veliternos fama prædicat, eo scilicet loco exstructum ubi nunc ædes sacra visitur quam *Sancti Joannis in plagis* appellant. Immo hanc ædem sacram ipsum Herculis templum antiquitus fuisse quidam autumant; quod profanorum omni superstitione purgatum in Dei Optimi Maximi honorem consecratum fuerit. Velitris quoque in vico *Columella* appellato signum Herculis eximiæ cælaturæ licet truncum effossum fuit, quod pariter Herculis apud Veliternos antiqui cultus argumento esse potest.

Fuif-

48 VETUS LATIUM PROFANUM.

Fuisse quoque Velitris ædem Fortunæ testatur lapis vetustus in agro Veliterno, loco qui dicitur *Junci* effossus cum Bacchi Silenique altoris ejus marmoreis exsculptis capitibus, & inscriptione:

 G E M I N V S -----
 P R A E T O R Q. III -----
 S V V E -----
 ----- A N T O N I -----

 A E D E S F O R T V N A E

De Fortuna vero quamplurima in Antiatum historia dicta sunt, cum de Fortunis celeberrimis Antiatinis ageretur. Teulus etiam Velitris Dianæ templum fuisse scripsit, quod ob Aricinorum cum Veliternis vicinitatem a vero minime abhorret; licet nulla jam quibus id confirmare possimus nobis argumenta super sint. In prædio autem quodam, quod nunc gentis Borgiae Veliternæ est, ab ipsis Velitris tertio ferme lapide via Appia euntibus, ad latus quod mare spectat, quamplurimæ veterum ædificiorum visuntur ruinæ, quæ rudera vetustissimi templi Soli & Lunæ dedicati fuisse creditum est. Inde autem hoc credendi argumentum deductum; quod hic locus in quibusdam sæculi decimi reparatæ salutis sacris tabulis, Marino aut Martino hujus nominis secundo Pontifice Maximo, *Solis Lunæ* nomine appellatus est; & hac ipsa ætate qua vivimus, ager idem vulgato nomine *Solluna* vocitatur. Teulus tamen in hac agri parte, in qua hujusmodi visuntur rudera, Castellum quod Latina. 21. Itineraria dixerunt *Ad Sponsas*, collocavit.

21. Itiner.
 Antonin. &
 Hierosol.

Alia

LIBER SEXTUS. CAPUT IV. 49

Alia certe Velitris, utpote in urbe quondam celebri & populosa, præter hic recensita, templa exstiterunt, quorum tamen nulla omnino ad nos monumenta pervenerunt. Inter prodigia autem (quandoquidem & de illis una cum templis nobis hic sermo est) etiam ingentes hiatus terræ, quos in agro Veliterno late ductos legimus, recensendi sunt. 22. Anno itaque Urbis Conditæ quingentesimo quadragesimo octavo, dum bellum Punicum secundum ferveret, Tito Claudio Nerone & Marco Servilio Gemino Consulibus inter multa alia prodigia, malorum quæ Romanis eventura erant, prænuntia, hoc quoque prodigii loco habitum est; quod in agro Veliterno terra ingentem adeo hiatum duxit, ut in vastas voragines aperiretur, arboreque multæ penitus sepultæ nullatenus apparerent. 23. 22. *Liv. l. 30.* 23. *Id. l. 32.* Et Urbis Conditæ anno quingentesimo quinquagesimo secundo, Tito Quintio Flaminio & Sexto Aelio Pæto Consulibus, in agro pariter Veliterno terra hiatum adeo ingentem longe lateque diduxit, ut trium jugerum voraginem aperiret. *jugerum* autem (quod sciunt omnes) spatium ab antiquis dicebatur quod validum boum par die uno arare potuisset. His Romani perterriti, ad victimarum diis suis facienda sacrificia, tamquam ad sacram in naufragio anchoram, confugere.



C A P U T V.

*De reliquis Veliternorum ædificiis ac præsertim de villis in agro
Veliterno olim exstructis.*



UNC, veteri adversus temporum injurias, barbarorumque furorem, humanarum denique rerum vicissitudines præmissa querela, quod ex antiquis Veliternorum magnificentissime excitatis ædificiis vel ipsa rudera, & quod fuerint memoria ferme penitus absumpta sit; cetera persequar, quorum tenue aliquod vestigium & languida fama ad nos pervenerunt. Amphitheatrum ad ludos ceteraque exhibenda spectacula Velitris fuisse constat ex veteri inscriptione, quæ exstat Velitris in Publicis Urbani Magistratus ædibus. Ea sic habet:

L O L C I R I A
DD. NN. VALENTINIANO ET VALEN-
TE SEMPER AVGVSTIS
LOLCIRIVS PRINC: CVR. ET EDITOR
DVODENA DE PROPRIO-----
VETVSTATE COLLAPSVM AD STA-
TVM PRISTINVM REDVC:
AMPHITHEATRVM CVM PORTIS PO-
STICIIS ET OMNEM FABRI-----
ARENÆ NEPVVS LOLCIRI PRINC: CV-
RIAE ET ANTE ERECTORIS FILIVS
CLAVDI PRINC. ET PATRONI CVR:
PRONEPOS
MESSI COR-----PRINC: FELICITER.

Quæ

Quæ quidem inscriptio dum Velitris Amphitheatrum a Lolcirio Curiae principe de suo ad statum pristinum reductum, eo quod vetustate collapsum esset aperte testatur, Velitris priscis temporibus Amphitheatrum exstitisse, dubitare nos minime finit. Dum hæc scriberemus ostenderunt nobis Velitris cives ad turrim quamdam loco urbis olim celebri saxa prægrandia cum antiqui fornicis vestigiis ac rudерibus, ex quibus inscriptum lapidem hic allatum inventum fuisse patrum suorum ætate ajebant, ac inde in novam Curiam transportatum. Unde eo loci Amphitheatrum antiquitus exstructum liquido apparet. Saxa autem quæ ibi totaque vicinia passim dispersa videntur molis satis indicant magnitudinem; sunt enim fere ejusmodi qualia in Romano & Capuano Amphitheatris hodieque cernuntur. Cum autem hoc satis constet; & illud sequitur ut prudenter ceteram omnem veluti suppellectilem ad ludos adornandos Velitris exstitisse affirmemus. Palæstram scilicet ad athletarum & luctatorum exercitationem constructam; stadium quo cursu exercerentur; caveas ad bestias pro spectaculis custodiendas; gladiatorum denique domum sive gymnasium publicum minime defuisse. Ceterum, ipsum nomen Amphitheatri, ejusdem structuræ figuram plane designat. nempe rotundam, vel ovatam ad summum eam fuisse; eorum instar quorum adhuc Romæ, Capuæ, Puteolis, Veronæ, Patavii, atque alibi partem superstitem cernimus. In ruinis autem jacuit Veliternorum Amphitheatrum usque ad Valentiniani & Valentis Romanorum Imperatorum ætatem: quod, præter bellorum barbarorum clades, res Christiana sic postularet. Quæ enim in Amphitheatro gerebantur, ea omnia ferme erant quæ Christiana Religio sanctissimis legibus

interdixit. Vel enim fera, inhumana, crudelissima gladiatorum sese invicem confodientium humanoque sanguine & cæde arenam imbuentium edebantur spectacula; vel innocentium ad bestias iniquissime damnatorum ac sæpenumero Christianorum miseranda strages; vel certe turpissimorum histrionum, ludionum, mimorum, & pantomimorum ad omni impurissimæ libidinis genere foedandos oculos animosque spurcissimi ludi habebantur. Adversus hæc itaque Patres Sanctissimi & Christianæ Legis Doctores perpetuis iisque ardentissimis orationibus declamare, hæc assidue persequi & funditus undique eorundem memoriam omnem, quoad illis liceret, tollere non destiterunt. Christianos quoque Imperatores ad ea omnia loca, in quibus hæc edi consueverant penitus diruenda, edicto ne in posterum fierent, cavendum, validissimis cohortationibus excitarunt. Unde & ab spectaculis aliquamdiu in Romano Imperio cessatum, & theatra, circi, aliaque ejusmodi spectaculorum receptacula diruta. Donec in antiquam morum licentiam populis paullatim revertentibus amphitheatra & theatra restitui, atque in illis spectacula rursus dari ab Imperatoribus populorum precibus delinitis ingenti Christianæ rei damno permissum est. Et hoc quidem unum unicum est ædificium publicum, quod Velitris exstitisse ad nostram ætatem perducta monumenta commemorant. Habuere quidem Veliterni collegia quædam artificum, quorum infra inscriptiones dabimus; ac proinde ædes aliquas publice excitatas, in quibus aliquando convenerint, illis fuisse certum est. Verum nullum ex his neque vestigium neque monumentum, quænam, quanta, quot, quove loco fuerint, nos edocet. Uno ergo verbo rem omnem expediam.

pediam. Velitris ea omnia publica privataque ædificia, quæ ad antiquissimam, fortissimamque, & nobilissimam urbem, Romanorum Coloniam omni amplitudine exornandam præsto essent, minime esse desiderata. Villarum enimvero in agro Veliterno monumenta quædam partim veteres historici, partim antiqui detecti lapides nobis suppeditant. Et primo quidem Tarquinium illum Superbum septimum Romanorum Regem villam in Veliterno habuisse eo loco qui nunc *Carrara* appellatur, scribit Teulus, 1. ibidem namque inter alia multa e ruderibus eruta monumenta, ex quibus ingentem ac sumptuose ædificatam villam exstitisse apparet, avorum nostrorum ætate, Tarquinii Superbi statua scite admodum elaborata reperta est, quam Scipio Burghefius Cardinalis inter sua pretiosa, quæ magna cura & magna copia antiquitatis monumenta collegerat, collocavit. Fuit pariter in Veliterno rus Servii Eburii, quod juxta viam Appiam effossus lapis ostendit. Cum enim mos obtineret apud veteres ut in paternis prædiis juxta celebriores militares & consulares vias sepulcra constituerentur; sepulcralis lapis gentis Eburiae sepulcro olim appositus, & in Veliterno repertus, ibidem gentis ejusdem rus exstitisse satis confirmat. Est autem hujusmodi:

1. Teul.
de Velit. l. 1.
c. 10.

DIS MANIBVS SAC.

XVI KAL. OCTOBR:

C. BELLO VERO NATALE ET P.

CORNELIO SCIPIONE ASIATICO COSS:

SERV. EBVRII Q. F. OVFENT SVAVIS
TRIB.

MILIT: LEG: VII CLAVDIAE VICTRIC:

EBVRIA ANNIA FAVSTA MATER

M. EBV-

M. EBVRIO SERV. FIL. SEX: N. TRIVM.
 QVI VIXIT ANN. XXVIII D. XVI DVL-
 CISSIMO VIRO PARENTES FECERVNT
 SIBI ET SVIS HAEREDIBVS. IN FR:
 PEDES XII. IN AGR: PED. XVIII

Aimiliam quoque gentem Pomptinæ tribus Veliter-
 nam origine, apud antiquam majorum patriam rus-
 cum villa habuisse innuere videtur lapis alter in Ve-
 literno pariter effossus, & sic inscriptus:

DIS MANIBVS
 L. AIMILIO L. F. POMPT:
 SEVERIANO VELITER:
 VETERANO COH: VII
 PRAET: VIX: AN LXXV
 MILIT: ANN. XXVII
 M. AIMILIVS M. F. RVFI
 NIANVS T. P. C

Quæ sic inoffenso pede leges: *Lucio Aimilio Lucii filio
 e tribu Pomptina Severiano Veliterno veterano militi cohortis
 septimæ Prætoriae, sive Prætorianorum. Vixit annis se-
 ptuaginta quinque. Militavit annos viginti septem. Mar-
 cus Aimilius Marci filius Rufinianus testamento poni cura-
 vit. Ubi hæc obiter adnotanda. scilicet apud vete-
 res Aimilium eundem fuisse, atque Aemilium: usur-
 parunt enim aliquando Græcorum alpha & jota tam-
 quam duas separatim positas & pronuntiandas voca-
 les literas. Quod apud Sextum Aurelium Victorem
 patet. 2. is enim pontem Aemilium, qui cum Cæstio
 Tiberinam insulam reliquæ Urbi conjungit, Aimilium
 semper appellat. Christophorus etiam Cellarius 3. mul-
 ta in*

2. De regio-
 nib. Urb. Rom.

3. In Ortho-
 graph.

ta in hanc sententiam & testimonia & exempla adducit . Notandum quoque Veliternum hunc civem gloriosa viginti & septem annos stipendia fecisse , ac proinde non inter veteranos solum , verum etiam Prætorianos milites merito allectum . Erant autem Prætoriani ii qui circa Prætorium excubias agebant , ipsumque Imperatoris vel Consulis (quamdiu rerum summa apud Consules fuit) corpus custodiebant . quibus obeundis muneribus nonnisi fidelissimus quisque & militiæ laboribus exercitatissimus deligebatur . Cum enim iis Imperatoris vita crederetur , eos opus erat fideles pariter atque fortes exsistere . Sæpius 4. tamen Prætoriani , vel Imperatorum tyrannide exasperati , vel novarum rerum cupidi in ipsos Imperatores conspiraverunt , eosque immanissime contrucidaverunt . Notandum denique Veliternorum civium robur , qui militiæ labores invicti tot annos tolerarent . Gens quoque Octavia rus habuit in Veliterno , utpote patrio agro , in cuius villa educatum Octavium Augustum scripsit 5. Suetonius . Rus hoc *Ulu- bræ* dictum Porphyrius in Horatii commentariis , & novissime Pyrrhus Ligorius in antiquorum lapidum recensione dixerunt . quorum sententiam infra cum de gente Octavia Veliterna nobis sermo erit , diligenter discutiemus . Jam vero miraculum illud pensilis in arbore cœnæ , quod de Cajo Principe memorat Plinius , Caji ejusdem villam in Veliterno fuisse satis ostendit . Juvat ipsius Plinii verbis rem totam exponere . De platanorum itaque magnitudine differens , ex his unam immensæ veluti magnitudinis sic celebrat : 6. *Aliud exemplum Caji Principis in Veliterno rure mirati unius arboris tabulata laxisque ramorum trabibus scamna patula , et in ea epulati ; cum ipsa par esset umbra , quin-*

4. *Vil.*
Sueton. in
Vit. Caesar.

5. *in Octav.*

6. *Plin. l.*
12. c. 1.

quindecim convivarum ac ministerii capaci triclinio. Quam cœnam appellavit nidum. Cajus itaque Caligula, quem
 7. In Calig. Suetonius 7. nepotinis sumtibus omnium prodigorum
 c. 37. ingenia superasse, & commentum novos balnearum
 usus, portentosissima genera ciborum atque cœnarum
 memorat, magnitudine platani in Veliterno suo ru-
 re fatæ incredibiliter delectatus, cœnam in ea pen-
 filem quindecim convivarum instituit. tantaque ar-
 boris fuit vastitas proceritas & latitudo, ut quindecim
 ipsis convivis non modo umbras sed etiam sedes sca-
 mnis e ramis exstructis præbuerit; tricliniumque non
 in convivas solum, verum & in omne ministerii ge-
 nus, fervorum nempe & supellectilis multitudinem
 satis aptum sufficeret. quam ille cœnam congruo sa-
 tis cognomento nidum appellavit.

8. Juvenal.
 Sat. 4. in fin.

8. *Atque utinam his potius nugis tota illa dedisset
 Tempora sævitæ, claras quibus abstulit Urbi
 Illustresque animas impune et) vindice nullo!*

9. Plin. l.
 14. c. 4.

Mendose quidam, ut mea quidem fert sententia, ex
 Plinio Scipionem Africanum in Veliterno villam ha-
 buisse asseverarunt. Locum unde id se hausisse con-
 firmant, in medium adducam, qui talis est: 9. *Ma-
 gna fama et) Vetuleno Aegialo perinde libertino fuit in Cam-
 panie rure Linternino, majorque etiam favore hominum,
 quoniam ipsum Africani colebat exsilium.* Loquitur hoc
 loco Plinius de vinearum exquisita cultura, in qua
 Aegialum hunc Vetulenum excelluisse ait, celebra-
 tumque quam maxime, eo quod Publii Scipionis Afri-
 cani rure suo Linternino exfulantis vineas, quæ ex-
 filii ipsius solatium fuerant, Aegialus post eum colu-
 isset. Itaque nuperrimus rerum Veliternarum Scri-
 ptor, Christophori Landini Plinii interpretis auctori-
 tem secutus, inquit: *In aliquibus Plinii exemplaribus legi
 hoc*

hoc loco, non quidem rure Linternino, verum Veliternino; dicendumque colligit, in Veliternino Scipionem villam habuisse, Aegialumque Vetulenum magnæ famæ in vinearum cultura Veliternum civem fuisse. At, præterquam quod omnia ferme Plinii exemplaria paullo emendatiora, immo omnia quæcumque ego quidem viderim, habent *rure Linternino*, non *Veliternino*, Scipionis exsilium Pliniique verba illum de Linternino rure locutum, nos dubitare minime sinunt. Nemo enim nescit, qui vel minimum Romanam historiam calleat, Scipionem Africanum post Africam ipsam, de qua gloriosum nomen est mutuatus, Romanæ Reipublicæ adjectam, ab ingrata patria exsilio pæne multatum, ut civili invidiæ se eximeret, in Campaniæ oram amœnissimam sponte secessisse, & in Linterno, qui locus prope Formias, urbem olim ad Lirim amnem & juxta mare contra Cajetam prænobilem & delicatissimam, erat, agricultura delectatum, ibidem quoque decessisse; atque habuisse sepulcrum, juxta quod draconem in caverna delituisse, quem Scipionis custodem Genium profani fuisse commenti sunt. Plinii autem verba ambiguitatem omnem attente ea perpendentibus penitus tollere mihi videntur. Siquidem ait: *in Campaniæ rure Linternino*. Veliterninus autem ager in Campania numquam fuit; neque Plinio Latium, in quo Velitræ, umquam *Campania* nominatur; cum optime & Latium & Campaniam tamquam duas Provincias conterminas quidem, verum distinctas, semper discriminaverit. De villa autem Scipionis Africani in Linternino habet Seneca pulcherrimam ad Lucilium ex eadem villa datam epistolam, quæ octogesima sexta numeratur. In ea ædificium ac balneum Scipionis multis describit,

& utrumque nec lautum nec politum fuisse ait. Ex quo, pro re nata, fui ævi luxum insectandi occasionem arripit. Aegialum autem tunc temporis ejusdem villæ dominum fuisse scribit. Quamquam vero hæc ita se habeant; Veliternis tamen vineis suus etiam apud veteres ipsumque Plinium honor est habitus.

10. *Plin.*
lib. 14. c. 6.

Enumerat 10. namque auctor idem inter primæ potiorisque famæ vina etiam Veliternina & Privernatia. Certe Veliternum solum etiam hac tempestate quamplurimas educat vineas generosi vini parentes, quod expressum atque igne robustius factum, adustum illud est vinum vulgo *Acqua vite*, quod Romæ circumforanei propolæ venditant, & non modo sub gallicinium, verum concubia ipsa nocte & intempesta inconditissimo clamore emtoribus ingerunt. Ideo autem Veliterna vina apud veteres in pretio habita crediderim, quod fumosis maxime sint delectati, qualia & Falerna illa & Cæcuba, Massica quoque & Setina fuisse Plinius idem sæpius testatur. Nunc generosum quidem, verum quod lene sit ac minime austerum, in pretio est. Ceterum in agro Veliterno quamplurimas tum Veliternorum illustrium civium, tum maxime Romanorum, & vero Imperatorum villas olim fuisse, rudera vestigia passim toto agro dispersa dubitare minime sinunt. Quamvis enim exigua admodum pars veterum ædificiorum ad ætatem nostram pervenerit; ex eo nimirum, quod Veliternus ager vitibus plerumque satus sit, quæ dum crebram fossionem in sui culturam requirunt, rudera ferme cuncta veterum ædificiorum ut a fossoribus ab ipsis pæne fundamentis tollantur, in causa sunt; nihilo tamen minus, si palmos aliquot effodias, fere nullo non loco Veliterni agri, vestigia antiquarum sub-

stru-

structionum invenias . Balnearum vero rudera formarumque ad aquas cogendas conservandasque frequentissima sunt, quæ in cellæ vinariæ usum ut plurimum concessere . Aquæductuum quoque ad ipsas aquas alio atque alio ad villarum delicias & commodum distrahendas fragmenta quædam supersunt, nullius tamen figuræ ; unde nec operæ pretium duximus eorundem imagines exhibere. quamquam substructionum , quæ certe ad aquarum usum inserviebant , unam alteramve accurate descriptam figuram hic apponimus, ut ex illis ceterarum omnium conjecturam facile quivis facere possit. Quædam vero antiqua Romanorum nomina nunc eadem omnino, nunc vero nonnihil immutata atque corrupta in quibusdam Veliterni agri locis superesse videntur ; quæ villarum ab iis quorum nomen præseferunt , ibidem exstructarum non minima argumenta sint. Et primo quidem sexto ferme ab urbe lapide Cisternam versus in diverticulo Appiæ viæ locus est antiquorum ædificiorum ruderibus nobilis *Tiberia* dictus , quem *Ti-vera* vulgus appellat. Hic Tiberii Cæsaris Imperatoris , qui Augusto successit , villam fuisse magnificentissimam accepimus, in cujus ruinis oppidulum quoque *Tiberia* nuncupatum exstitisse Fasti Sacri memoriæ prodiderunt. Inde certe Sanctorum nonnulla corpora educta, & in urbem Veliternam translata sunt. Unde celebrem apud priscos Christifideles locum fuisse satis constat . Tantæ autem hujus villæ rudera superfuerant moles ut ædificando oppido pares essent. quod & Pompeji Magni villæ apud Albam accidisse, Albanum oppidum ex ejus ruinis excitatum testatur. Romam vero euntibus secundo ab Velitris lapide, diverticulo Appiæ viæ, quam Alexander Septimus Ro-

manus Pontifex Maximus reficiendam curaverat, ut publici tabellarii qui Roma Neapolim, vicissimque, discurrunt, Aricia gentis suæ Chisiæ oppido transirent, Cinthianum versus, peramoënus apparet collis, quem *Othonis Collem* nunc quoque Veliterni vocant; fuitque olim gentis Toruzziae Patriciae Veliternæ, nunc autem Philipporum est Veliternorum pariter Patriciorum. Huic colli ab M. Salvio Othone Romanorum Imperatore octavo nomen esse, pervetusta & constans apud Veliternos est fama. Ajuntque, ibi Othonem villam magnificentissime exstructam habuisse. Certe ipsi in summi collis planitie, quæ longe lateque extenditur, vetustissimi pavimenti ex minutissimis lapillis intexti vidimus sparsa ubique fragmenta; quæ nonnisi magnificentissimarum ædium pars exstitisse dici possunt. Eodem quoque loco vetustorum sive ad aquas cogendas, sive ad balnearum solia deducendas ac disponendas, sive tandem ad alios usus, exstructorum ædificiorum moles superstites visuntur, quarum hic expressam imaginem apponi curavimus. Porro totius substructionis longitudinem palmorum Romanorum esse centum & quadraginta deprehendimus; latitudinem vero quadraginta tantum. Triplici ambulacro distinguitur; quorum singula decem sive arcus sive fornices complectuntur: cujusque vero ambulacri latitudo palmorum deprehensa est novem & semis; singulorum autem arcuum intercapedo lata est palmos novem. pilæ demum arcus eosdem sustentantes altæ sunt palmos quinque & dimidium; crassæ vero palmos tres. Quas mensuras & tunc cum ibi essemus, diligenter adhibere, & modo dum hæc scribimus, singillatim referre placuit iccirco ut ex hac una, ceterarum, quæ in hoc agro frequentissimæ reperiun-

periuntur , molium ejusmodi structuram ac magnitudinem facili negotio per se quivis colligere posset. sunt enim fere omnes structuræ ejusdem , neque diversæ admodum magnitudinis. Illud hic non omiserim; recentes Veliternarum rerum Scriptores quosdam falso memoriæ prodidisse , M. Salvium Othonem Romanorum Imperatorem octavum apud hanc Veliternam villam suam funeratum fuisse. Hi scilicet a quodam Cuspiniano decepti sunt, qui Suetonii auctoritatem secutum se esse professus est. Cum tamen nusquam apud Suetonium in emendatis quidem exemplaribus Otho apud Veliternam funeratus fuisse legatur. Et fane Suetonii narrationem diligenter attendentibus ne verisimile quidem apparet, Othonem; non procul a Cremona juxta viam Aemiliam cum sibi violentas manus intulisset; apud Veliternam deinde villam in Latio sitam, milliariis plusquam ducentis & quinquaginta procul a loco cædis, funeratum fuisse. Ecce tibi Suetonii verba: *II. Et celeriter (ita præcepit) funeratus XXXVIII. ætatis anno et) XCV. imperii die.* scilicet , audita ex milite suorum cæde Vitellique æmuli victoria apud Bebriacum, Cenomanorum oppidum olim , nunc pagum , non procul a Cremona ad Ollium fluvium , mortem sibi conscivit; ne in hostiles manus vivus veniret, hostique ludibrio esset. eademque de causâ celeriter se funerari præcepit; ne, quod sæpius victis ducibus accidit, mortuo saltem sibi a victore Vitellii exercitu illuderetur. Quanta itaque putas celeritate ex Cremonensi ad Veliternum agrum asportari ad funerandum potuisse? Intervalla vides humane commoda. præsertim cum tumultuantibus exercitibus Italia tota referta esset. unde in hostiles manus Othonis cadaver asportantibus non incidere

*II. Sueton.
in Othone c.
II.*

12. Sueton.
in Othob. c. 9.

cidere difficillimum fuisset. Igitur, si qui forte codices *apud Veliternam* haberent, ii nonnisi mendosissimi & corruptissimi censendi sunt. quod & Suetonii ipsius testimonio satis evincitur. Is enim paullo ante quam Othonis necem narraret, de ipso aperte præmiserat: 12. *Nec illi pugna* (ultimæ scilicet, qua infeliciter gesta, sibi vim attulit) *affuit, substititque Brixelli*: & Plutarchi auctoritate qui se Brixelli, Othonis sepulcrum vidisse memoriæ prodidit, idem satis confirmatur. Unde cum Lævino Torrentio, valde accurato Suetonii interprete, omni dubio procul dicendum, merum igitur somnium esse, quod Commentator nescio quis *apud Culiternam*, aut *Veliternam*, aut *Ulterinam* infarsit. Est etiam in agro Veliterno, altero ferme milliario, Julianum ejusdem agri oppidulum euntibus locus, quem *Collem Nervum* dixere, ajuntque sic appellatum, quod Nervæ Cocceji Romanorum tertiidecimi Imperatoris, qui Domitiano successit, villa ibidem exstiterit. Quod credibilis quoque fit ex eo, quod Nerva Appiam viam, juxta quam Veliternus quoque inter ceteros ager est, disjectam jam ac dissipatam immensis sumtibus reficiendam curaverat. Quod multi in ipsa Appia via inscripti lapides adhuc superstites aperte nos docent. Horum nonnullos, beneficio Michaelis Angeli Cajetani Sirmineti Ducis, ac Cisternæ, quod oppidum in agro Veliterno est, domini, medias ipsas inter paludes maxima cum voluptate legi ipse nuper. Præstitit enim generosissimus Princeps affatim summaque benevolentia ea omnia, quæ ad paludes Pomptinas, quæ in suæ ditionis tractu magnam partem stagnant, penetrandas ac pervadendas opus fuerunt. Unde & multum Appiæ viæ, quod carduus & spinis surgens palii-

paliurus acutis, limosoque palus obducens pascua junco, jamdiu miserrime obruit, inspectare licuit; & dispositas milliarias columnas cernere; & eximiæ magnitudinis instratos pontes secto & quadrato lapide contemplari simul ac demirari. In quorum uno, cui excelsæ molis turris fuerat superimposita, cujus adhuc pars jam jam lapsura cadentique assimilis superest, exesum hunc lapidem, quem legere multos frustra conatos fuisse ab accolis tunc audiui, ipse diligentiori studio adhibito legi in hæc verba:

IMP. CAESAR
DIVI NERVAE F.
NERVA
TRAIANVS
AVGVSTVS
GERMANICVS
PONTIFEX
MAXIMVS
TRIBVNITIAE
POTESTATIS III. COS III
PATER PATRIAE
REFECIT.

Ac paullulum progressus lapideam columnam vidi, in qua signum milliarii ab Urbe XXXIX. insculptum erat, legique in ea verba:

IMP. CAESAR
NERVA AVG. GERM.
PONTIF. MAX. TRIB.
POTEST. III. COS. IIII. P. P.
SVA PECVNIA CONST.

IMP.

IMP. CAESAR
 NERVA DIVI NER.
 F. TRAIANVS AVG.
 GERM. PONTIF. MAX.
 TRIB. POT. III. COS. III.
 P. P. CONSTR. CVRAVIT.
 XXXVIII.

Ubi notandum, quod Trajanus Imperator more majorum de antecessoris Imperatoris, Nervæ scilicet, a quo adoptatus fuerat, nomine *Nerva* ipse quoque appellatus est. Ipsiusque Cocceji Nervæ patris sui consilium ad exitum perduxit. Unde milliarii lapides Coccejum quidem Nervam sua pecunia viam construxisse, Trajanum vero construendam curasse, nos docent. Ex quo factum est, ut Appia via, *via* quoque *Trajana* aliquando dicta fuerit; & percussi nummi, in quorum postica parte sedens mulier supra disjecta saxa cernitur manum rotæ imponens cum literis: VIA TRAIANA. Porro & alteram ex his milliariis columnis vidi in qua eadem Imperatorum inscriptiones erant cum hac quadragesimi ab Urbe milliarii nota XL.; aliæque Tarracinam versus his similes tres quatuorve supersunt; reliquis omnino dirutis ac deletis. Quas autem ego vidi jacentes, altitudinis erant humana majoris, crassitudinis vero quantum eximiorum lacertorum vir complecti posset. Ceterum & Julianum ipsum oppidulum, quod nunc Salviati Ducis in ditione est, tertio a Velitris lapide, Juliæ gentis villam fuisse sunt qui tradant. Quamquam autem oppidulum satis recens exstructum constet; id non negem nomini dandum, quod ibidem locus villæ Juliorum fuerit. Gens enim Octavia, ex qua

qua Augustus, Julia postea ob Julii Cæsaris Dictatoris memoriam dicta est. Maternam vero villam Augusti in ea Veliterni agri parte a Velitris mille passibus Romam versus, quæ *Sanctus Cæsarius* dicitur, fuisse incerta vagatur fama. Villam quoque C. Marii septies Consulis in Veliterno exstitisse, prædii nomen quod *Piazza Mara* nunc dicitur, tamquam *Platea Marri*, aliquibus significare videtur. Denique *Ariani* & *Prisciani* loca, tamquam *Ara Fani*, & *Prisci Fani* templa ibidem fuerint, de nominibus nonnulli conjecturam facere non imprudentem arbitrati sunt. Quibus neque assentiar omnino, neque dissentiam; cum in neutram partem testimonia supersint. Locus quidem est tertio a Velitris milliaro Antium petentibus in diverticulo antiquæ Appiæ viæ, ubi nunc fundus est Augustinianorum Patrum, qui ad Sanctæ Mariæ in Hortis juxta Velitras degunt, quem *Centum Columnas* vulgus appellat, ibique substructiones multæ antraque camerata visuntur tectorio adhuc opere incrustata, quæ ad aquas certe cogendas in balnearum usum interfuisse spectantibus videntur. Inde usque ad Turrin, quam *Civitaniam* incolæ dicunt, octava circiter miliarii parte distantem, antiquæ viæ lapidibus stratæ vestigia apparent. Turris vero muris per circuitum cingitur, non illis quidem vel Romanæ Reipublicæ, vel Romanorum Imperatorum sæcula structuræ genere referentibus omnino; verum posterioribus quidem temporibus ædificatis, ita tamen, ut ex fundamentis reticulato opere constructis, vetustissimo ædificio adjunctos fuisse satis constet. Horum omnium imaginem sedulo inde deductam hic apposuimus. Hujusmodi autem substructiones, sive fornices, sive antra, sive cryptas appellare mavis, passim, quod monui nuper, in toto

agro Veliterno supersunt. Quin & intra urbem aliqua; præcipue vero summa oppidi parte ingens, quam vocant *Catilinarum*, a Veliterna hujus nominis gente, in cujus est ædibus, vocabulo derivato. Nunc aliquot inscriptos lapides a me lectos & Velitris quidem in urbe nunc exstantes, ceterum e Veliterno agro asportatos, ubi eruti fuerant, ob oculos ponam. Primum quidem atque alterum in Ginettorum ædibus magnificentissimis, quas Martius Ginettus Cardinalis gestarum rerum fama celebratissimus Velitris in patria excitavit, legere est. Ibi enim in sepulchrali marmorea urna, cujus una cum aliis eodem loco asservatis vetustis aliquot monumentis imaginem diligenter expressam hic apponendam curavi, hæc leguntur:

CLODIA LVPER
CILLA IN PACE
BENE DORMIT QVE
VICXIT ANNIS XXVIII
M. VII. DIES VIII. MECVM
AN. VIII. M. VIII. D. XVIII
AVR TIMOTHEVS
COIVG B.M.

Christianam hanc feminam fuisse existimo ex eo ductus quod *in pace bene dormire* dicatur. quæ Christianorum trita est in sepulchralibus inscriptionibus locutio. ex eo item quod eæ literæ D. M. nempe *Diis Manibus*, hic desiderentur. Ceterum arcæ insculpta historia profana nihilominus esse posset; quod est in incerto. Nam alias sæpe marmoreas urnas sive arcas vidimus, quæ cum prius in profanorum usum deorum, vanarumque fabularum imaginibus ornatae fuissent,

sent, a Christianis exinde inventæ in fuorum tumulandis cineribus, paucis vel nullis etiam mutatis, adhibitæ sunt. quod, ut reliqua omnia fileam, satis constat factum fuisse in Constantiæ Virginis sanctissimæ ab impiis pro Religione peremtæ tumulando corpore via Nomentana, primo ab Urbe lapide, juxta Divæ Agnetis. Ibi enim intra vetustum profanum templum orbiculatæ figuræ, quod alii Baccho, alii Soli dicatum fuisse memorant, in sepulcro purpurei marmoris, quod *porphyreticum* Græci appellant, magnæ molis, cui Bacchi imagines cum pampinis, uvis, atque hederis sunt insculptæ, conditum fuisse memoratæ Christianæ Virginis Constantiæ antiquitus pretiosum cadaver accepimus. quod deinde una cum aliis Sanctorum reliquiis sub sacro ejusdem templi ab omni jam superstitione purgati altari repositum fuit. Sepulcrum autem illud nunc quoque magna cum advenarum admiratione visitur, & *Bacchi sepulcrum* stultum vulgus appellat.

Lapis alter in Ginettorum ædibus a me lectus hæc habet:

D. M.
 VLPPIAE POM
 PEIAE CONIVGI
 KARISSIMAE B--
 NE MEREN-- -- -- --
 C. MOD-- -- -- --

Huic lapidi a tergo mulieris caput insculptum est; quam ipsam Ulpiam Pompejam esse putavimus. In ædibus vero Josephi Toruzzii Patricii Veliterni fragmentum literis deteriora sæcula indicantibus inscriptum legi in hæc verba:

I 2

-- --

 COM
 MATRI DVL
 CISSIMAE
 PRIMVS ET
 ARTEMIDO
 RVS FILI FE
 CERVNT

Et in ædibus Veliternæ Curiae fragmentum aliud
 tale:

 A CVBICVLO PROC-----
 A FRVM. ACCENSVS PATRON----
 ET SIBI CLAVDIAE A-----
 CLAVDIA MATICILLA E-----
 POSTERIS EORVM. P. IN FRONTE--

In alia quoque domo parvæ urnæ inscriptum:

D. M.
 AEMILIAE SECVNDAE

Et in finibus agri antiquitus Veliterni:

D. M.
 TI. CLAVDIO
 THEOPOMPO
 CLAVDIA IAS
 CONIVGI BE
 NEMERENTI
 FECIT

Dua-

Duabus etiam testis sive tegulis ingentibus tegendo cineri vel cadaveri effictis hæc impressa verba . Alteri quidem :

EX FIGLIN. VICCIAN.
RUTILIAE L. F. OCRATI

Alteri vero :

STAT. MARCIUS
DEMETRIUS FEC.

Scilicet: *Ex figlina Vicciana hæ testæ sive tegulæ productæ sunt, conteguntque cada-ver Rutiliae Lucii filiae Ocratis. Has autem tegulas effinxit Marcius Demetrius, qui idem figulus erat et) statuarius. Denique in ædibus Benigni Georgii Veliterni Patricii eleganter inscriptum vetustum lapidem vidi, quem ille a se in prædio suo Veliterni agri, loco qui Falconis collis dicitur, repertum narravit. In eo legitur:*

T. FLAVIVS PHILIPPVS SIBI ET
FLAVIAE CAENIDI CONIVGI LOCO DON
OLLAR ūŋ ABALeia FELICVLA ITVM
ADITVM AMBIT
VSTRINAE SACRIFICI CAVSA

Hic immorari nonnihil juvat . Itaque Titus Flavius Philippus sepulcrum hoc sibi & Flaviae Cænidi coniugi suæ construxit locumque ollarum quatuor capacem sepulcro eidem donavit . nam intra ollas exustis cadaveribus reliquos cineres claudere moris erat . Quatuor itaque ollarum locus, corporum quatuor tumulandorum locus erat . Porro Abaleja quædam Felicula

cula vel consanguinea vel liberta vel certe amica, sepulcri hujus spatium adauxit, & circa ipsum ustrinam fecit. Erat autem *ustrina* locus ubi cadavera urebantur. Itaque Abaleja non tantum ustrinam facere contenta fuit; verum etiam *itum*, nempe iter, ad illam aperuit; *aditum*, scilicet ingressum ipsum ac introitum, exstruxit; & *ambitum*, nempe circuitum ipsum circa sepulcrum ædificavit, muris scilicet sua pecunia circumdudis. Atque hoc totum iccirco se fecisse testari voluit, ut spatium amplum ad sacrificium Manibus Philippi & Cænidis conjugum, quoties opus foret, peragendum haberet.

13. pag.
473. edit.
Aurel. Allobrog.

Vetustis Veliternorum monumentis hætenus recitatis unum hic addo, quod inter veterum Latinorum poetarum fragmenta invenitur. Est autem Sexti Turpili poetæ, qui P. Terentio Afro æqualis fuit, fragmentum Comoediæ, cui titulus *Veliterna*. Sunt autem hi tres versus tantum:

Ducit me secum: postquam ad ædem venimus,

Veneratur Deos. Interea aspexit virginem

Gestantem in capite riculam indutam ostrinam.

14. Var. lib.
4. de Ling.
Lat. & Fest.
de verb. signific.

15. Cic. de
Leg. c. 23.

Ex his tam antiqui poetæ verbis mos quidam apud Veliternas mulieres tegendi capitis antiquissimus ferme ad ætatem usque nostram adhibitus describi videtur. siquidem *ricula*, quam a virgine in capite gestari dixit Turpilius in *Veliterna* sua Comoedia, est 14. *parva rিকা*; tegumentum scilicet capitis, quod & *ricinium* dictum est a Marco Tullio 15. eo quod pallium breve muliebre esset, quod a capite in humeros *rejiceretur*. Pallium vero hujusmodi purpureum quidem, sed viola deinde suffusum Veliternæ mulieres ab antiquissimis temporibus gestare consuevere, illudque vix triginta ab hinc annis easdem deposuisse Veliterni cives nobis testa-

testati sunt. Unde & antiquitatis apud illos venerabilis auctoritas quanta fuerit, satis apparet.

C A P U T V I.

De quibusdam Veliternorum Magistratibus et Collegiis.



RAETER ea quæ de Veliternorum Magistratibus capite hujus libri secundo attigimus, pauca hic dicenda supersunt, quæ ex antiquis inscriptis lapidibus eruta examinanda se offerunt. In Coloniis quidem

Romanis rerum summa apud Decuriones fuit; illorumque erat de civium causis cognoscere, utpote qui summus essent Coloniæ magistratus. De illis fuse egimus, cum de Antiatum administranda Republica ^{1.} loqueremur. Eundem apud Veliternos quoque Reipublicæ gerendæ ordinem constitutum minime dubitandum. Certe in eo lapide quem supra retuli, de Veliterni Amphitheatri restitutore Lolcirio; quod Curia princeps fuerit simul cum Lolcirio avo & Claudio proavo, luculentum testimonium habemus. Senatus enim in Coloniis *Curia* & Senatores *Decuriones* appellati. Dubium tamen aliquod creat inscripti cujusdam lapidis vestigium in colle Martio, qui Veliterni agri pars est, detectum, quodque in Ginettorum hortis Veliternis nunc situm nuper legimus cum literis: ^{2.}

^{1.} Vulp.
Vet. Lat. l. 4.
 c. 8.

^{2.} *Teul. de Velit.*

Q. POM. MVSÆ COS.

Quinto Pompejo, sive Pomponio, Musæ Consuli. Num iste Veliternorum consul fuit, ac proinde Veliterna Colonia consules suos peculiare habuisse dicenda est? Certe in Latinis urbibus consules aliquando magistratus

tus obiisse legimus. Tusculi quidem inscriptum lapidem & legi ipse, & ibidem in antiquæ excisæ urbis ruderibus effossum audivi, qui de consule quodam Tusculanorum mentionem faciebat. An Pompejus iste, five Pomponius, Musa, Romanus aliquis Consul fuit? Proximum hoc veritati. Trunca tamen illa elementa non satis stabilem in sententia pedem figere permittunt. Duumviri sane Decurionum Velitris magistratum gessere. Testis parva columna, quæ adhuc Velitris apud Gregnos Veliternos Patricios legitur sic inscripta: 3.

3. *Borg. l.*
1. *de Velit.*

M. OTASIVS
FIRMVS MARVS
CORNELIVS MARI F.
CIV. COSSINVS
PRAEFECTVS FABRVM
TRIBUNVS MILITVM
LEG: XIII GEMINAI CIRC
CVRATOR LVSVS IVVEN
IIVIR PATRONVS COLON
FORTVNIS ANTIATIBVS
D D.

Memoratur hic Cornelius Marus Coloniae Veliternae Duumvir Decurionum; idemque civis Cossinus dicitur. quod & Velitris, & in ceteris Latii urbibus, immo etiam Romæ a primis usque temporibus mos obtinuisset, aliarum civitatum cives ad magistratus obeundos advocare. Cum enim alicujus urbis populus mutuis inter se discordiis diffideret; præsentissimum semper ad eas componendas consilium est visum, externum aliquem virum ceteroqui probum & callentem Rempublicam, qui nullo partium studio

tene-

teneretur, imperio præficere. Itaque Romæ sub ipsa fere Urbis exordia regno auctus est Pompilius ille Numma, 4. qui Curibus parvis & paupere terra missus est in imperium magnum; & Lucumo vir impiger 5. ab Tarquiniis Etruriæ oppido profectus, quintus Romanorum pariter Rex est factus, Tarquiniusque Priscus de patriæ nomine appellatus. Hunc vero morem Italiæ urbes ad unam omnes per ea maxime tempora secutæ sunt, quibus Romani imperii majestate jam dilapsa, tæterrimæ seditiones inter conterminos cives *Guelforum* & *Ghibellinorum*, quos appellabant, factionibus concitatae exardescerent. Tunc enimvero externum civem unaquæque urbs sibi, quem magistratui supremo obeundo præficeret, destinabat, & *Potestatem* opportuno vocabulo nominabat. Ceterum Cornelius hic Marus, de quo Veliternus lapis, Cossinus civis fuit, nempe ex urbe Cossa, quæ fuit in Etruria, nunc autem excisa; verum de cujus ruinis oppidum, quod nunc *Alsidonia* dicitur, auctum est. Notandum illud quoque in allato lapide; quod Cornelius Circi & Lusus juvenum curator inscribitur. Ex quibus Circum, ubi Circenses ludi haberentur, & Palæstram, in qua luctaretur Veliterna juvenus, Velitris quoque, ut in omnibus ferme Latii urbibus paullo cultioribus, fuisse, satis constat. Quod autem Fortunis Antiatibus dedicatum fuerit hoc monumentum, Fortunarum earundem celebritatem & famam ostendit. cum non modo Antii, qua in urbe templo magnificentissime exstructo colebantur, verum etiam in aliis finitimis urbibus, inscriptionibus & titulis ornarentur. De Duumviris meminit & alia inscripta columna, sive basis Velitris apud *Fratres Minores* reperta novissime, anno scilicet Reparati Orbis supra septin-

4. *Virg. l. 6.*5. *Liv. l. 1.*

6. Borg. de
Velit. l. 1.

gentesimum quintum millesimo, quam legimus in hæc
verba: 6.

Q. GRAIO Q. F.
QVIRIAMO
PRAEF FABR:
II VIR ET
VOLVSIAE MAXIMAE
CVRA ATTICI LIB.

Statuam Q. Graji olim sustentasse videtur hæc basis, quam patroni sui sepulcro apponi curavit Atticus ejus libertus. Præterea utraque hæc columna nos docet, Velitris Fabrorum, sive *Fabrum*, ut est fere semper in antiquis lapidibus, Collegium fuisse. Siquidem in earum altera M. Otaſius, in altera vero Quintus Grajus Fabrum præfectus fuisse memoratur. Collegium autem hujusmodi quoscunque artifices, qui auro, argento, ære, ligno etiam & lapide, fabrilia opera exercerent, colligebat. Quamquam Fabri aliqui separatim aliquando a ceteris Collegium habuere. immo singuli Collegia singula quandoque habuisse leguntur, in urbibus præcipue populosis, quibusque artes vigerent. Certe & Velitris Fabris Tignariis, qui tectis nempe conficiendis sarcinendisque exercerentur, tignisque, a quibus Tignariorum nomen deductum, h.e. trabibus operirent, Collegium fuit. Quod lapis apud Michelettos Veliternos cives superstes ostendit: 7.

7. Borg. de
Velit. l. 1.

VARRONIVS NICIA-- -- --
MAG. QVINQ. CONLEG. FAB-- -- --
TIGNARIORVM LVST-- -- --
VIXIT ANNO-- XCIII.

scili-

scilicet *Varronius Nicianus magister Quinquennalis Collegium Fabrorum*, sive *Fabrum*, *Tignariorum lustra*-vit. *Vixit annos nonaginta tres*. Ideo autem magister Quinquennalis dicitur Varronius, quod per quinquennium *Fabrum Collegio* præsuisset; unde & illud lustrasse inscribitur. Quemadmodum enim apud Græcos per olympiadas annorum numerum computare mos fuit; ita apud Latinos per lustra. Olympiades tamen quatuor annorum spatium, at lustra quinque annorum tempus comprehenderunt. Quamquam post quatuor quosque annos, quintum *lustrum* vocatum quidam dicant: quod in idem ferme recidit atque id quod alii singula quinquennia *lustrum* appellata scripserunt. Ceterum, lustrum certa quædam erant sacrificia, quibus purgari rem aliquam putabant veteres, deosque suos ob elapsi quinquennii negligentiam in eorum cultu a populo adhibitam, se placare putabant. Lustrabantur autem omnia: Urbs præcipue per supremos magistratus, qui eam intrinsecus & forinsecus circa pomerium circumibant, suemque, ovem, ac taurum sacrificabant, quod sacrificium *suo-vetaurile* Livius 8. 8. *Dec. 1. 1. 1.* appellavit. Lustrabantur etiam agri, quod inter ceteros Virgilius 9. memorat, & *Ambar-vale* ab ambien- 9. *Georgic.*
dis arvis sacrificium dictum est, illudque elegantissi- 1. 1. v. 345.
me 10. Tibullus descripsit. Ceterum *lustrare*, etiam 10. *Tibul.*
recensere, inspicere, diligenter curare significavit. qua 1. 1. 2.
ceptione Varronius noster Veliternorum Tignariorum
Fabrum Collegium lustrasse crediderim. Collegii scilicet
leges & instituta recensuit, inspexit, defuetudine
abolita restituit; edicto ne violarentur, cavit; aliaque
hujusmodi permulta prospexit. Non negaverim his
omnibus sacrificio aliquo colophonem veluti imposu-
isse. Ceterum, lustrum ab Trojanis Latinos Roma-
nosque

nosque accepisse, inter alia multa Senecæ testimonio colligitur. Hic enim Andromachen filii sui de turri jam jam juxta Calchantis vatis crudele oraculum præcipitandi immaturum nimis funus insolabiliter deplo- rantem inducens, Trojani lustris, quod urbem cir- cumequitando, victimas sacrificando, ceterasque sa- cras cæremonias obeundo fieret, his versibus memi-

11. *Troad.*
Act. 3. Sc. 2. nit: II.

*Non Graja cædes terga, non Pyrrhum trahes,
Non arma tenera parva tractabis manu;
Sparsasque passim saltibus latis feras
Audax sequeris; nec statò lustris die
Solenne referens Troici lustris sacrum
Puer citatas nobilis turmas ages:
Non inter aras mobili velox pede,
Revocante flexo concitos cornu modos,
Barbarica prisco templa saltatu coles.*

Non vereor autem quod alicui, dummodo literis aliquatenus tincto, negotium faceßat Varronii allata inscriptio, eo quod habeat: CONLEG. FAB. non ve- ro sic: COLLEG. FAB. Utraque enim scribendi ra- tione veteres usos in nummis & lapidibus passim vi- demus. Ego vero *collegium* magis, quam *conlegium* usur- pare malui; quod suavius aliquanto *collegium* auribus sonare mihi visum est. Augurum pariter Collegium Velitris fuisse antiquus lapis nunc quoque ibidem ad Prætorium proflans ostendit. Exhibet enim C. quem- dam Malgium augurem his notis:

D. M.

C. IVLI MALGII BELETRANI AVG. AE-
LIA IVLIA QIVX ET HAEREDES HV-
IVS B. M. P.

nem-

nempe: *Diis Manibus Caji Julii Malgii Beletrani Auguris. Aelia Julia conjux & heredes benemerenti posuerunt.* quamquam vox illa *Beletrani*, deteriorum sæculorum inscriptionem hanc esse prodat. Latini enim, ut ab hujus libri exordio notatum est, *Veliternos* dixerunt, & *Veliterninos*, non autem *Beletranos*, Velitrarum ciues & incolas. Barbaris postmodum omnia corrumpentibus, & *Beletrani*, & alia corrupta vocabula, quæ hujus loci recensere non est, in Latinum sermonem invec̃ta sunt. Quod vero ad Augurum Collegium attinet; fuit id nobilissimum, atque altioris multo ordinis, quam fabrum collegia. Nobilissimus enim quisque suæ civitatis in Augurum Collegium cooptabatur. Auctoritate etiam plurimum pollebat. Cum enim profani illi homines Deorum superstizioso cultui addictissimi, illic ^{12.} timore trepidarent; ubi ^{12. Psal.} non erat timor; ne passum quidem movere, nisi ^{52. 6.} augurato atque auspicato ausi sunt. Quicquid proinde Augures responderent, id religiosissime servabant; atque ab illo vel latum ipsum unguem discedere nullis satis hostiis expiandum nefas ducebatur. Nonnisi itaque captato augurio castra movere, cum hostibus manus conferere, immo bellum ipsum indicare fas fuit. Cladesque quas ex hostibus Romani sæpius retulere, vel quod inaugurato, vel (quod audacius multo & impudentius habebatur) quia contra auguria Augurumque responsa commissa esset pugna, eo referebant acceptas. Hinc si seditione Urbs in partes divisa esset, alteriusque partis studiosi quominus aliquid ab adversariis fieret, puta, delectus haberetur, magistratus crearentur, comitia aut hujusmodi cetera fierent, impedire aliter minime possent; ad Augures confugiebant, ut hi in medium prodeuntes auguriorum

riorum malis ominibus, id ne fieret, calamitatum maximarum intentato metu ab iratis ob violata auguria numinibus, sancte præciperent; resque in aliud tempus dilata, novis turbis locum concederet. *Augures* autem ab *augurio*, *augurium* ab avium & gustu sive gustatu, & gestu dicta sunt. Dum enim gustabant aves, hoc est pascebantur, eas augures diligenter servabant utrum grana dispergerent, an non: utrum avide, an vero nauseantes acciperent. Volatus quoque earundem sollicite attendebant; utrum ab læva, an ab dextera; utrum directe, an per anfractus gyrosque fieret: ac pro diversis avium gestibus auguria læta, vel tristia proferebant. Extis quoque cæsarum avium & quadrupedum etiam bestiarum inspectis, auguria captabant. Si enim exta rubentia, vivida, integra, eximiæ magnitudinis invenissent, bonum erat augurium; triste autem, si pallentia, marcentia, mutila reperissent. Quam profanorum ridendam sane superstitionem merito irridens Sanctus Augustinus, 13. *Quomodo, inquit, mortuum id animal brutum eventura nuntiaret, quod et vivens nunquam fuerat ore prolocutum?* quæ omnia fusius hic non est quod persequar, cum & ab instituto nimis abducerer, & eadem copiose admodum ab antiquis Scrip-
 13. De Civit. Dei.
 14. Tul. de Nat. Deor. de Augur. resp. & pro Domo.
 14. præsertim, pluribus locis ostensa sint.



CAPUT VII.

De Gente Octavia Veliterna.

USCEPTI in hoc opere à nobis instituti ratio postulat, ut ad Veliternorum familias quæ Romæ claruerunt, recensendas accedamus. Cum enim vestigia omnia antiquæ Velitrarum urbis totiusque circa agri diligentissime hætenus lustraverimus; eorumque monumenta quæcumque supersunt narratione complexi simus; nunc ad id quod Civitatem ipsam Veliternorum maxime exornat, illustrandum progredimur. Vix autem aliam ex antiquis Veliternis civibus gentem invenias, quæ Romæ claruerit, præter Octaviam. adeo ceterarum memoriam omnem vetustas delevit. Hoc tamen Veliternorum infortunium abunde redimit Gens Octavia; plus illis veræ laudis vel sola tribuens, quam familiæ quamplurimæ ceteroquin illustres, si hanc unam demeres, attribuerent.

1. Itaque Gens Octavia Veliterna ab antiquissimis temporibus ante ipsam Romam conditam fuit. Nomen illi dedisse princeps quidam ejus Gentis dicitur, 2. qui e germanorum fratrum suorum numero octavus ordine genitus, a parentibus Octavii nomine appellatus fuit; & ipse posteris Octaviorum nomen proprium fecit ac gentilitium. Qui mos Romæ postea quamplurimis gentibus sive familiis sollemnis fuit. Invenimus enim ab numero illustres viros ac feminas nomen (saltem usque ad decadem) accepisse. Certe (ut ex innumeris pauca quædam exempla delibem) Cajus Plinius *Secundus* dictus est, & Sancti Pauli scriba


1. Sueton.
in Aug. c. 1.

2. Anton.
Augustin de
Famil. Roma-
nor. in Octav.


scriba sive librarius, qui divinam illam ad Romanos Epistolam scripsit, *Tertius* dicebatur, quod his ejusdem Epistolæ verbis patet: *Saluto* 3. *Vos ego Tertius, qui scripsi Epistolam.* *Quartus* autem in sacris Christianorum fastis inter primos Christi asseclas computatur, & Tito Livio Patavino Latinorum historicorum facile principi filia fuit *Quarta* nuncupata, ut ex Patavina inscriptione adhuc superstite constat. *Quintus* Ciceronis frater, ad quem celeberrimæ Marci ipsius fratris exstant Epistolæ, dictus est. *Sextus* Magni Pompeji filius, qui patris aliquamdiu contra Cæsarem partes, licet jam rebus inclinatis & prope perditis, tutatus est. *Septimus* vero, sive *Septimius*, Severus fuit Imperator, cujus triumphalis arcus ad Capitolii radices semisepultus adhuc visitur. De *Octavo*, Gens *Octavia*, de qua nunc, luculentum est testimonium. Pro *Nono*, *Nonium* habes illustrem Grammaticum. *Decimus* autem Brutus est dictus, qui cum aliis conjuratis in Curia Cæsarem interfecit. & *Deciorum* gens, ex qua *Decius* ipse Imperator, ab numero nomen desumpsit. Post decadem autem non ita facile nomen quis a numero mutuatus, invenitur. *Quadragesimum* quemdam, virum Sanctum fasti sacri commemorant. Ceterum non omnes quos nominavi, a numero desumptum nomen pro gentilitio sive gentis, ex qua essent, habuere. Volui nihilominus illos eo ordine recensere, ut Romanorum morem ab numero nomen desumendi ob oculos ponerem. Itaque, ut ad institutam Gentis Octaviæ historiam redeamus; antiquissimam hanc Gentem Velitris commorantem, atque inter cives suos opibus pollentem & maxime illustrem Tarquinius Priscus 4. Romanorum Rex quintus Romam accivit, & inter Patricias adlegit. Quod Gentis Octaviæ nobilitatem vel primis illis Romanorum

3. Ep. s.
Paul. ad
Rom. c. ult.

4. Sueton.
in Octav.




Antiquae Piscinae Rudera III. pl. m. a Velitris lapide Neptunium uersus, in agro Domus Sanctae Mariae de Horto, iuxta diuerticulum Appiae Viae, uulgo Le Cento Colonne.




Ruderum eorumdem in Orientem Solem Facies.





Antiquae Turris facies una cum pomerij rudерibus III. pl. m. a Veliterna Vrbe lapide in diuerticulo Appiae Viae Neptunium uersus Ciuitania ab incolis appellatae.




Turris eiusdem ac pomerij facies interior, in qua muri pars inferna reticulato opere apparet, superna non item: unde antiquissimo recens aedificiū inhaesisse colligitur.




THE HISTORY OF THE
LIFE OF THE
LORD OF THE



OF THE
LIFE OF THE
LORD OF THE



*Antiquae Sculpturae Statua, quae extat Velitris
In Aedibus Gents Borghiae Patriciae Veliternae,
Et P. Helvij Pertinacis Imp. a nonnullis creditur.*



*Statua Vetuslae Eregiae Sculpturae
Antiquum Philosophum repraesentans
Velitris, eisdem in aedibus Borghiae Gentis.*



Portrait of a young man
from the collection of the
National Portrait Gallery
London



Portrait of a young woman
from the collection of the
National Portrait Gallery
London




Locus in Agro Veliterno tribus miliaribus ab Urbe distans in Meridiem; in fundo Gentis Borgia Patriciae Veliternae. Sol luna appellatur; ubi Templum Solis et Luna olim exstitisse alij dicunt: alij vero Oppidulum seu Diversorium iuxta Appiam Viam Ad Sponsas in antiquis itinerariis nuncupatum, exstructum fuisse memoriae prodidere.

A. Vestigia ruderi uetustorum aedificiorum siue Oppiduli siue Templi, quae adhuc extant.

B. Via Appia pars, quae Ariciam ducit, Solem occidentem uersus.

C. Via, quae ducit Velitrag, in Borcam. D. Oppidulum in Albanis tumulis Ciuita Lavinia appellatum.





Rudera Villae magnificentissimae, quae Imp. M. Salvij Othonis fuisse traditur, prope Velitras Cinthianum uersus in latifundiis olim Toruzziae Gentis Patriciae Veliternae, nunc uero Philipporum pariter Patriciorum sita, uulgo Colle Ottone.



rum rerum temporibus fatis ostendit. Id enim fecisse Tarquinius crediderim, ut & Veliternorum vires, quas adversus Romanos validas nimium metuebat, clam imminueret, atque per honoris speciem infringere, dum illis Octavio Gentem, eo ipso quod illam Romanam fecerat, abstulisset: ipsumque Romanum regnum fortius ac firmitus valido ejusdem Gentis sibi adjuncto præsidio stabiliret. Quamvis autem Gens Octavia inter Romanas familias easque Patricias ita cooptata esset; Velitras antiquam patriam urbem adeo non deseruit, ut ad ipsa Augusti Cæsaris tempora, parte sui aliqua, ea in urbe permanerit. Celebritatem vero hujus Gentis in Velitrina urbe vicus superiore oppidi parte *Octavius* dictus 5. designat. Vicis enim præsertim celebrioribus, qualem Velitris fuisse vicum Octavium memorant, nonnisi nobilissimi viri ac inter suos principes nomen tribuere solent. Quod præter cetera, & Romæ in via Julia, quæ ab Julio Pontifice, & Neapoli in via Toletana, quæ a Toletano Prorege nomen acceperunt, factum videmus. Januæ quoque in urbe opulentissima totiusque Liguriæ principe eademque Republica florentissima, celeberrima omniumque nobilissima regio est, quæ *Balborum vicus*, ab generosa Balborum Patricia Gente nomen mutata. Idem enim est vicus ac via, si de urbe sermo sit. Via quidem spatium est intermedium, quod in urbe ædificiis interjacet, & ad publica civium ultro citroque commeantium itinera consulto vacuum relictum: vicus eadem est via, verum ad latera domibus aliisve ædificiis munita. Unde extra urbem non jam idem erunt; nec bene quis Appiam viam, aut Latinam, aut aliam quamlibet ex Consularibus, *vicos* diceret. Bene autem locum aliquem in iisdem viis, ædificiis

5. *Sutton.*
in *Arg.*

hinc inde munitum, vicum appellaret; qualem delicatissimas ac saluberrimas illas Bajas e regione Puteolorum atque in ipso Puteolano sinu, Bajano quoque nuncupato, vicum appellavit Horatius: 6.

6. Epist. 15.
l. 1. sub init.

----- (Nam mihi Bajas
Musa supervacuas Antonius, et) tamen illis
Me facit in-visum gelida cum perluor unda
Per medium frigus. sane myrteta relinqui,
Dietaque cessantem nervis elidere morbum
Sulfura contemni, vicus gemit invidus agris &c.

Jam vero Gens Octavia, quæ sub Tarquinio Prisco inter Romanas quidem allecta fuerat, verum nullis adhuc honoribus aucta, sed tamquam hospes Romæ morabatur, ab Servio Tullio Rege, qui Prisco successit, inter Patricias est numerata, atque in Senatum inducta. Siquidem hi diutissime nobilitatis quidam veluti gradus Romæ perseverarunt: Hospitis, Coloni, Municipalis, Civis Romani, Equitis, Patricii, Senatorii, Prætorii, Proconsularis, Consularis, ac demum Imperatorii. Verum & seditionibus plebis sæpissime hi gradus turbati sunt; & rerum summa ad Imperatores delata, pro eorum libidine honores omnes collati. Mansit nihilominus semper inter Patricias & plebejas familias discrimen. Quamvis e plebejis quamplurimæ ad omnes honorum gradus ipsumque Consulatum non minus atque Patriciæ evectæ sint: & e Patriciis multæ ad plebem, ut ejus favore uterentur, transire minime dubitarint, ipsosque plebis magistratus obire; quemadmodum tam ingenti malo suo Tiberius & Cajus Gracchi nobilissimi Tribunatum plebis gesserunt. Imaginem quamdam divisionis hujus, Januensis Respublica hac etiam ætate præbet, cum Nobiles Patriciasque familias bifariam distinctas, alias quidem

dem *veteris*, alias *novæ Porticus* nominet. Itaque Gens Octavia Romæ primum hospes, dein & inter Patricias, & in Senatum admissa, ipsa quoque aliquando ad plebem transivit. Mansit autem inter plebejas usque ad Julii Cæsaris perpetuam illam Dictaturam, cum ab eo inter Patricias rursus, eo quod sibi conjuncta esset, restituta est. Ceterum ex ea primus Cajus 7. <sup>7. *Sueton.*
in Octav.</sup> Octavius Rufus magistratum populi suffragio cepit. siquidem Quæsturam administravit. Quæstor autem idem fuit ac Aerarius sive ærarii custos; ita appellatus, quod quæstum seu proventum publicorum, qui fisco addicebantur, custos esset & condus. Hic jam Quæstorius Cneum & Cajum Octavios liberos procreavit, a quibus duplex Octaviorum familia defluxit, conditione diversa. Cnei namque posteris summis honoribus omnibus functi sunt. At vero Cajus Octavius, & deinceps ab eo reliqui usque ad Augusti Cæsaris patrem, intra equestrem ordinem sive fortuna sive voluntate permansere. & Cnei quidem ex posteris, qui summis honoribus aucti fuerint quosdam Verrius Flaccus 8. commemorat, quos ego quoque post Cnei ipsius commemorationem hic brevissime attingam. Itaque Cneus Octavius Caji Octavii Rufi viri Quæstorii filius in Macedoniam Pro-prætor missus, de Rege Perseo navali proelio victo triumphavit. quamquam non adeo solemnem eum triumphum, eo quod Pro-prætor tantum Cneus esset, exstitisse crediderim. 9. Is biennio post cum Tito Manlio Torquato collega Consul est factus. Missus deinde Legatus ad Antiochum Syriæ Regem; ut illum ad restituendas sociis populi Romani ablatas res, fœdusque cum Romanis, aut certe bellum habendum adduceret. Porro Cneus hic Octavius Aedilis quoque Curulis, Prætor,

10. *Id. ibid.* & Decemvir sacris faciundis fuisse legitur. Porticum autem Octaviam Theatro Pompeji proximam ipsum ædificasse, ab quibusdam traditum est. Quam combustam restituit Augustus, fuitque hujus nominis prima. Siquidem 10. porticus Octavia altera celeberrima atque ornatissima ab Augusto Cæsare exstructa fuit in honorem sororis Octaviæ, Marcelli illius matris de quo Virgilius. Alter vero Cn. Octavius cum T. Annio Lusco Consulatum gessit. Tertius ejusdem prænominis Octavius cum L. Cinna Consul collegæ infelicem exitum ipse quoque miserando fine secutus est. Coactus enim cum collega abdicare, quod Cinnanæ factionis fuisset, misere interfectus est. Quartus quoque Cneus Octavius cum C. Scribonio Curione Consulatum gessit. Postremus denique L. Octavius cum C. Aurelio Cotta Consul fuit. Cneum etiam quemdam Octavium memorat Livius ex Aedili plebis Prætorem Sardiniam obtinuisse. Et ejusdem nominis alium jam Consularem Laodiceæ in Syria, dum ibi legationis princeps esset, interfectum summopere commendat Tullius. Quamquam Cneus Octavius hic est qui primus in hanc familiam Consulatus honorem invenit. Libet ipsa Tullii verba in medium afferre: 11.

11. *Cic. Philippica 9. statim ab exordio.*

Cn. Octavii, clari et magni viri, qui primus in eam familiam, quæ postea viris fortissimis floruit, attulit Consulatum, statuam videmus in rostris. nemo enim tum novitati invidabat; nemo virtutem non honorabat. At ea fuit legatio Octavii in qua periculi suspicio non subesset. Nam cum esset missus a Senatu ad animos Regum perspiciendos, liberorumque populorum; maximeque ut nepotem Antiochi Regis, ejus qui cum majoribus nostris bellum gesserat, classes habere, elephantos alere prohiberet; Laodiceæ in gymnasio a quodam Leptine est interfectus. Reddita est ei tum a majoribus statua
pro

pro vita, quæ multos per annos progeniem ejus honestaret, nunc ad tantæ familiæ memoriam sola restaret. Atque et) huic et) Tullo Clivio, et) L. Roscio, et) Sp. Antio, et) C. Fulcino, qui a Vejentium Rege (Larte Tolumnio) cæsi sunt, non sanguis, qui est profusus in morte, sed ipsa mors, ob Rempublicam obita honori fuit. Cneum hunc Octavium in legatione interfectum veluti alium a Cneo Octavio Rufi filio, qui ad Antiochum Syriæ Regem Legatus est missus nonnulli videntur agnoscere. Perperam tamen, cum idem omnino sit Cneus Octavius; quod ex Tullii verbis satis constat. Ait enim quod primus hic in familiam suam Octaviam attulit Consulatum; quod Cneo Octavio Rufi filio congruit. Rursum ait Cicero, quod nemo tum novitati invidebat, nemo virtutem non honorabat; innuens, Cneum hunc Octavium in legatione interfectum novum hominem fuisse, nec a majorum titulis honoribusve insignem; quod pariter Cneo Octavio Rufi Quæstorii viri filio optime convenit. Rufus enim, ut antea diximus, ejus pater primus in sua familia ab Regibus ex urbe Veliterna Romam accita Quæsturæ honore auctus est. Ceterum ad Cnei hujus Octavii posteros universamque familiam illustrandam hoc Tullii luculentissimum testimonium satis esto; quod viris fortissimis floruerit. Nunc ad Cajum Octavium alterum Octavii Rufi filium, ejusque posteros descendamus. Is una cum sua Gente in equestri ordine mansit. unde & posterorum ejus usque ad Octavium Augusti Cæsaris proavum nulla gestarum rerum monumenta superfuerunt. Octavius autem Augusti Cæsaris proavus bello Punico secundo stipendia in Sicilia militum Tribunus fecit, Aemilio Paulo Imperatore. 12. Avus vero Augusti municipalibus magistratibus contentus abundante patrimonio tranquillissime se-

12. Sueton.
in Octav.

me senuit. Octavius pater a principio ætatis & re & æstimatione magna fuit. Amplis enim innutritus opibus honores & adeptus est facile & egregie administravit. Præturam itaque tanta cum laude gessit, ut ex ea Macedoniam provinciam fortitus sit, ad quam dum sese comparat, extra ordinem sibi in Senatu negotio dato, ut residuam fugitivorum qui duce Spartaco, conjuratorumque qui Catilina duce, Rempublicam turbaverant, manum conficeret; eos omnes Thuringum agrum in Calabria tenentes interneccione delevit. quod & Augusto filio *Thurini* nomen imponendi occasionem dedit. Provinciæ autem præfuit non minore justitia quam fortitudine. Bessis enim ac Thracibus bellicosissimis ceteroquin populis ac maxime barbaris magno prælio fuis, in socios humanissimum sese præbuit; adeo ut in æquitatis ac humanitatis exemplum ad populo Romano socios demerendos a Marco Tullio adduci meritus sit. Hic ^{13.} enim ad Quintum Fratrem scribens, qui eodem tempore fama parum secunda Asiæ Proconsulatum administrabat, eum ut in promerendis sociis vicinum suum Octavium imitetur, hortatur & monet. Macedonia decedens Octavius, dum sese ad Consulatus petitionem comparat; priusquam se candidatum profiteretur, exstinctus est. Minores cum laude magistratus obierat; nam, præter Præturam & Proconsulatum quos dixi, fuit quoque Tribunus militum bis, Quæstor, Aedilis plebis cum C. Toranio, Judex etiam quæstionum, & in exercitu Imperator. Quæ omnia vetus ejus inscriptio apud Gruterum in hæc verba complexa est: ^{14.}

^{13.} Cic. Ep.
ad Q. Fratr.

^{14.} Gruter.
in Inscript.
Aug. & Anton.
Augustin.
in Dialog.

C. OCTAVIVS C. F. C. N. C. PR
PATER AVGVSTI

TR.

TR. MIL. BISQ. AED. PL. CVM
 C. TORANIO IVDEX QVAESTIONVM
 PR. PRO COS. IMPERATOR APPELLATVS
 EX PROVINCIA MACEDONIA.

Diem obiit Nolæ in Campania in eodem cubiculo in quo postea Augustus filius repentino fato concessit. Duas habuit sibi succedentes uxores, Anchariam alteram, ex qua Octaviam majorem suscepit; alteram vero Atiam, ex qua Augustum & Octaviam minorem procreavit; quos liberos superstites sibi reliquit. Jam vero antequam de Octavio Augusto, quem deinceps absque addito Augustum dicam, deque ejus natali solo edisseram, circa ipsius parentes tantisper immorabor. Et fuere ii quidem non tantum nobiles, verum & generosi, & magnis honoribus aucti; sed quia in Augusti maximam potentiam florentissimamque fortunam maxima, ut ferme fit, excitata fuit invidia; obrectatores illi non defuere, qui tamquam humili eum loco natum & obscuris admodum ortum parentibus suggillarent. Marcus Antonius Triumvirorum unus, (cui adversus Augustum extremæ fuerunt & capitales inimiciæ, ut ultima eos divideret mors, quam superatus ille ab Augusto propria manu sibi in Aegypto conscivit) generis 15. obscuritatem Augusto ipsi exprobravit; ejusque patrem, immo & avum, Velitris argentariam fecisse. Quin etiam cum Augustus quosdam proscripsisset e præcipuis Romanis civibus, quibus signa & vasa Corinthia eximiæ cælaturæ ingenti copia erant; eorumque bona fisco addixisset; tamquam id Corinthiorum cupidine fecisset, quibus maxime delectabatur, dictorio

15. Sueton.
 in Octav.

rio notatus est, quo pariter ut argentario patre natus fuggillabatur. Aiebant enim:

PATER ARGENTARIUS. EGO CORINTHIARIUS.

At de patre quidem falsum id omnino crediderim; cum ferme ab adolescentia stipendia fecerit militiam secutus, & a principio ætatis & re & æstimatione magna fuerit. de avo quidem incerta res est. Marcus Antonius altius adhuc Augusti generi dentem infingere ausus, proavum ipsius libertinum & restionem, scilicet funarium, ex pago Thurino fuisse commentus est. quod falsum omnino ob Gentis Octaviæ Velitris antiquitatem dicendum. Certe Augusti proavum bello Punico secundo Tribunum militum in Sicilia fuisse paullo superius commemoravimus. Dictus quidem fuit Augustus cum adhuc esset puer, *Thurinus*, eo quod eodem ferme tempore natus erat, quo pater ejus Octavius in agro Thurino residuam Spartaci & Catilinæ manum strenue deleverat. Quemadmodum & Asinius Pollio nato filio post Salonas Dalmatiæ urbem captas *Salonino* nomen imposuit, cui Virgilius Ecloga illa cujus initium: 16.

16. Virg.
Eclog. 4.

Sicelides Musæ, paullo majora canamus,
gratulatus est. Itaque exprobranti Antonio, & *Thurini* nomen in os ingerenti reposuit Augustus, mirari se, ab eo per contemptum & veluti probrum, nomen prius quo infans vocatus fuerat, objici sibi. Ita autem Augustum puerum cognominatum, & illud quod Suetonius narrat certo argumento est; inventam scilicet ab se æream Augusti pueri imagunculam veterem ferreis ac pæne jam exolescentibus literis hoc nomine inscriptam. Materno autem genere illustri pariter fuit Augustus: quamquam & illud allatrare

trare non cessarit Antonius , maternamque Augusti originem despiciens , proavum ejus Afri generis fuisse , & modo unguentariam tabernam , modo pistrinum Ariciæ exercuisse , calumniatus sit . Cassius vero Parmensis dicacissimus poeta , quadam epistola , non tantum ut pistoris , sed etiam ut nummularii nepotem , sic taxat Augustum : *Materna tibi farina . siquidem ex crudissimo Ariciæ pistrino hanc pinsit manibus collybo decoloratis Nemorensis mensarius* . quæ ne legentibus negotium faceffant , aliquantulum illustrabo . Cassius itaque Parmensis ob partium studia infensus Augusto , hæc illi objecit ea confidentia qua in Julium Cæsarem , cujus adoptivus filius erat Augustus , antea jam defævierat . fuisse enim & hunc Cassium inter Cæsaris percussores memorant . Cum itaque Augustus matrem Atiam haberet Cæsaris sororis filiam & M. Atii Balbi Aricini ; hinc Cassius illum Julii Cæsaris partes secutum atque acerrime defendentem , maternam farinam præ manibus habere exprobravit , cum materno genere Julium Cæsarem attingeret . Allegoriam vero persecutus , hanc farinam ab materno Augusti avo Balbo Aricino ex crudissimo Ariciæ pistrino pistam , pinsam , sive pinsitam dixit : scilicet Balbum Aricinum Augusti maternum avum , quod Cæsaris sororem in uxorem duxisset , Augusto causam cur tantopere Julii Cæsaris partes tutaretur , fuisse . Quod vero ait Cassius , *Farinam hanc pinsisse manibus collybo decoloratis Nemorenses mensarium* , innuit amarulento convicio , Augusti maternum avum mensarium , sive nummularium , manus in vili numerandæ pecuniæ exercitatione decoloratas habuisse , ac proinde obscurissimo Augustum materno genere ortum . Est enim *collybus* græca vox κόλλυβος , & permutationem

pecuniæ significat. Barbari *cambium* dixere. *Nemorensis* autem iccirco Augusti maternum avum Cassius appellat, ut illi obscuriorem originem appingat. *Nemus* enim Dianæ oppidulum fuit prope Ariciam urbem, quod nunc *Nemi* dicunt. Unde & ii Suetonii libri emendandi sunt in quibus pro *Nemorensis*, legitur *Nerulonenſis*, sive *Verulonenſis*, aut *Vetulonenſis*. siquidem amandandæ sunt omnino lectiones atque origines huiusmodi longe nimis petitæ, cum genuina & omnino consentanea reliquæ sententiæ, lectio quam sequimur, plane præsto sit. Ceterum amarulenta hæc convicia caro steterunt Parmensi Cassio; illum namque Augustus tamquam unum e percussoribus Cæsaris supplicio affici iussit. Egregium tamen poetam fuisse, hoc Horatii testimonio liquet in Epistola ad Albi-
bium Tibullum, Elegiarum illum poetam celebratissimum, & inter Latinos facile principem: 17.

17. Hor. Ep.
4. l. 1.

*Albi nostrorum sermonum candide iudex,
Quid nunc te dicam facere in regione Pedana?
Scribere quod Cassj Parmensis opuscula vincat?
An etc.*

Hunc Cassium alium ab eo cujus ingenium rapido ferventius amni fuisse Horatius idem meminit, diversa utriusque patria ostendit. Alterum enim Etruscum, Parmensem alterum auctor idem nominat: 18.

18. Satyr.
10. l. 1.

----- at si quis pedibus quid claudere senis
Hoc tantum contentus, amet scripsisse ducentos
Ante cibum versus, totidem cænatus: Etrusci
Quale fuit Cassj rapido ferventius amni
Ingenium; capsis quem fama est esse librisque
Ambustum propriis.

adeo ingens ab eo librorum conscriptorum copia erat, ut rogo exstruendo sufficeret. quod tamen poetæ
hujus

hujus impolita carmina satis designat, cum flammis statim ab ipsius morte addici digna habita sint. Ceterum & de eodem Cassio locutum utrobique Horatium dicere quis posset, eumque nunc Parmensem, nunc Etruscum appellasse propter Parmensis regionis cum Etrusca vicinitatem. Siquidem nunc quoque eae regiones conterminae sunt, & per Pontremolensem ditionem continuantur. Meras tamen calumnias, convicia mera nullo veritatis fundamento innixa Cassii de Augusti materno genere dictoria fuisse statuimus, ea adducti Suetonii ^{19.} auctoritate, quod Atia Augusti mater M. Atio Balbo & Julia sorore C. Cæsaris genita est. Balbus paterna stirpe Aricinus multis in familia Senatoriis imaginibus, a matre Magnum Pompejum arctissimo contingebat gradu, functusque honore Præturæ inter XX. viros agrum Campanum plebi Julia lege divisit. Quis nunc credat, virum huiusmodi generosissimum, vel mensarium vel pistorem fuisse? Nugæ meræ. Lepidum quidem est, neque hoc loco prætermittendum, quod de Virgilio prodidit in ejus vitæ narratione Donatus: scilicet illum per jocum Augusto quondam dixisse, arbitratum se, Augustum pistore patre procreatum, quod semper panes tantum in mercedem sibi dari jussisset. Rem totam Donati ipsius verbis exsequar. *Quibus rebus, inquit, (scilicet medicinæ ^{20.} & mathematicæ studio) cum* ^{20. Donat. in Vit. Virg.} *ante alios eruditior peritiorque esset (Virgilius) se in Urbem contulit, statimque magistri stabuli equorum Augusti amicitiam nactus, multos variosque morbos incidentes equis curavit. At ille in mercedem singulis diebus panes Virgilio, ut uni ex stabulariis, dari jussit. Interea a Crotoniatis pullus equi miræ pulchritudinis Cæsari dono fuit missus: qui omnium judicio spem portendebat virtutis & celeritatis immensæ. Hunc*

cum adspexisset Maro, magistro stabuli dixit, Natum esse ex morbosa equa, et nec viribus valiturum, nec celeritate; idque verum fuisse inventum est. Quod cum magister stabuli Augusto recitasset, duplicari ipsi in mercedem panes jussit. Cum item ex Hispania Augusto canes dono mitterentur, et parentes eorum, dixit Virgilius, et animum celeritatemque futuram. Quo cognito, mandat iterum Virgilio panes duplicari. Dubitavit Augustus Octavii ne filius esset, an alterius: idque Maronem aperire posse arbitratus est, quia canum et equi naturam parentesque cognorat. Amotis igitur omnibus arbitris, illum in penitiorem partem domus vocat; et solum rogat, an sciat, quis nam esset, et quam ad felicitandos homines facultatem haberet. No vi, inquit Maro, te, Caesar Auguste, et ferme aquam cum Dis immortalibus potestatem habere, ut quemvis felicem facias. Eo animo sum, respondit Caesar, ut si verum pro rogatu dixeris, beatum te felicemque reddam. Utinam, ait Maro, interroganti tibi vera dicere queam! Tunc Augustus: Putant alii me natum Octavio: quidam suspicantur alio me genitum viro. Maro subridens, Facile, inquit, si impune licenterque quæ sentio loqui jubes, id dicam. Affirmat Caesar jurejurando, nullum ejus dictum egre laturum, immo nonnisi donatum ab eo discesurum. Ad hæc oculos oculis Augusti inficiens Maro, Facilius, ait, in ceteris animalibus qualitates parentum a mathematicis et philosophia cognosci possunt: in homine nequaquam possibile est: sed de te conjecturam habeo similem veri, ut quid exerceat pater tuus, scire possim. Attente expectabat Augustus quidnam diceret. at ille, Quantum ego rem intelligere possum, pistoris filius es, inquit. Obstupuerat Caesar, et statim quo id pacto fieri potuerit, animoolvebat. Interrumpens Virgilius, Audi, inquit, quo pacto id conjicio: cum quedam enuntiarum prædixerimque quæ intelligi scirique nonnisi ab eruditissimis summisque viris potuissent; tu princeps Orbis item et item panes
in

*in mercedem dari iussisti: quod quidem aut pistoris, aut nati pistoris officium erat. Placuit Cæsari facetia. At deinceps, inquit Cæsar, non a pistore, sed a Rege magnanimo dona feres: illumque plurimi fecit, et) Pollioni commendavit. Hætenus Donatus. cujus verba, licet fortasse longiuscula, recitare hic operæ pretium duxi, quod iis quæ hucusque commemoravi, Cassii Parmensis dictæis de Augusti parentibus convenire quodammodo videntur. Ceterum Virgilius adeo non ex pistore genitum Augustum deinceps dixit, ut contra totus fuerit in ejus illustranda origine: totumque Aeneidos celebratissimum opus ad Augusti ex Aenea, ipsaque Venere deducendam progeniem instituerit. Nam genus & proavos regina pecunia donat; quæ Virgilius largissime ab Augusto donatus, usque adeo de ejus parentibus sententiam mutavit, ut de pistrino, unde per ludum ipsum genitum pronuntiaverat, in cælum eundem tollere non dubitaverit. Certe Atiam Latianam gentem ab *Aty*, sive *Atyde*, Ascanii Juli Aeneæ filii comite originem duxisse memoravit Maro Aeneidos quinto illis versibus:*

Alter Atys, genus unde Atii duxere Latini,

Parvus Atys pueroque puer dilectus Iulo.

Et Ariciæ Atiam gentem diu floruisse, testatur lapis, anno a V. P. CIOIOCCXV. juxta Ariciam effossus, dum restitueretur via publica proxima sacello quod dicitur *della Stella*, cum exesa hac inscriptione:

M. ATIVS M. FILIO R-----

LEIBERTIS LEIBERTA-----

M. ATIVS M. L. SALVIVS. M. ATIVS-----

M. ATIVS M. L. HIERO. X. M. ATIVS----

M. ATIVS M. L. ANTIOCVS. M. ATIVS---

M. A-

M. ATIVS M. L. ALEXANDER. M-----
M. ATIVS LICAEN-----
M. ATIVS M. L. PRIMVS-----
M. ATIVS M. L. FELIX-----
M. ATIVS M. L. LVDO-----

21. *Auctor
libri de pro-
genie Augusti,
qui Messala
Corvino tri-
buitur.*

22. *Sueton.
in Aug.*

Ceterum, & auctor libri qui de progenie Augusti in-
scribitur 21. totus est in Virgilii vestigiis persequen-
dis, & ostendendo ab Aenea Augustum materno sal-
tem genere originem duxisse. Quæ meræ assentatio-
nis blanditiæ attritis miserabiles labellis a fano quo-
que jure semper habitæ sunt. Cum Augustus ipse de
se nil aliud umquam professus fuerit, quam 22. or-
tum esse locuplete quidem honestaque familia, ve-
rum equestri tantummodo, non Senatoria. Ceterum
de loco natalis ipsius dubitatum est a quibusdam.
Thurii (quod Magnæ Græciæ, sive Calabriae, est op-
pidum a Philoctete conditum non longe a loco ubi
Sybaris antea fuerat) Augustum apud se natalem ha-
buisse ad hanc diem prædicant; faventem sibi *Thuri-*
ni nominis, quo infans appellatus fuerat, conjecturam
secuti. Perperam tamen; cum nominis ejusdem ve-
ram legitimamque causam res gestas in agro Thuri-
no a patre Octavio, Augusto recens nato fuisse com-
pertum sit. Recens atque adhuc superstes auctor qui
Veliternorum res, sacras præcipue, novissimus evul-
gavit, vir ceteroqui doctus & eruditus, Augustum
Velitris natum mordicus tenet, adversus ea quæ Sue-
tonius aperte scripsit, natum scilicet illum Romæ.
In quo, quamvis Veliternorum res exsequar, eorum-
que gloriæ, intra tamen veritatis fines, multus stu-
deam; non possum quin Scriptoris hujus constantiam
desiderem. Cum enim præcipua ac ferme tota vis, Au-
gustum

gustum Velitris oriundum, & Veliterna antiqua familia genitum fuisse, adversus omnia in contrarium argumenta, in Suetonii auctoritate sita sit, qui satis multis id testimoniis (quæ singula infra colligemus) confirmat; nuperus hic auctor Suetonium ceteroquin in omnibus addictissime secutus, in hoc quod Augustum Romæ, non Velitris, natum asseveret, non derelinquit modo, verum & tamquam partium studio a vero deflectentem Romæque assentantem, suggillare non dubitat. Et tamen Romæ, non Velitris, natus est Augustus, licet Veliterna antiqua familia genitus, & paterno rure in Veliterno agro sito educatus fuerit. Quæ singula adductis veterum testimoniis accurate persequar. Et primo quidem Suetonius, cuius auctoritatem ab omnibus semper maximi factam video, de natali Augusti habet: 23. *Natus est Augustus M. Tullio Cicerone et Antonio Coss. IX. Kal. Octobr. paullo ante Solis exortum, regione Palatii ad Capita Bubula; ubi nunc sacrarium habet, aliquanto postquam excessit, constitutum. Nam, ut Senatus actis continetur, cum Cajus Lectorius adolescens patricii generis in deprecanda graviore adulterii pœna, præter ætatem atque natales, hoc quoque Patribus Conscriptis allegaret, se esse possessorem ac velut ædituum soli quod primum D. Augustus nascens attigisset, peteretque donari quasi proprio suo ac peculiari Deo, decretum est, ut ea pars domus consecraretur. Regio Palatii, decima ex regionibus Urbis Romæ fuit. En ut Suetonius locum ipsum natalis Augusti designat ac veluti digito ostendit, horamque ipsam natalis commemorat; quæ præcipua veritatis semper argumenta fuerunt. Narrationem vero confirmat ex eo, quod sacrarium Senatufconsulto ibidem Augusto dedicatum fuerit ubi natus erat; atque id decretum ab eodem Senatu, quod ea*

23. Sueton.
in Octav. c. 5.

pars

24. Dio. l.
45. sub init.

pars domus Lectorii illius patricii adolescentis, locus esset quem primum nascens Augustus attigisset. Adde his ea quæ ab ipso Suetonio commemorata fusius Dio Cassius refert, nempe Augusto recens edito Nigidium Figulum philosophum e Pythagoreorum secta, Julii Cæsaris & Ciceronis ætate celeberrimum, cujus sæpe meminit etiam Gellius, eundemque Senatorem, statim imperium vaticinatum fuisse. Cum enim is ea tempestate omnem cæli descriptionem siderumque discrimina, & quid eorum unumquodque portenderet conceptis in singula eorum motus momenta genitisque infantibus, vivorum unus usque adeo calleret, ut vetitis idem studiis operam dare crederetur; ea die qua natus est Augustus, Octavio parenti ejus forte occurrit, cum is serius quam par erat in Senatum venisset: percunctatusque moræ causam; illum, ob sibi ea die natum filium, cunctatum esse, ut audivit, exclamavit continuo: *Dominum nobis genuisti*. Unde & conturbatus Octavius pater, parum abfuit quin puerum necari jusserit, quod nollet Reipublicæ tantum mali creare; scilicet amissionem libertatis, quam filius, si Romanorum dominus futurus erat, certo illi ademisset. Prohibuit tamen Nigidius, asserens, id omnino in fatis esse, neque puerum antequam hæc evenissent, de medio tolli ullo pacto posse. Hæc Dio. quibus hanc adjecit clausulam: *Hæc ea die qua in lucem editus est C. Octavius, acta sunt*. Quid apertius hoc testimonio ad confirmandum, Augustum Cæsarem Velitris quidem oriundum, Romæ tamen natum fuisse? Romæ enim eo die Senatus habitus est, & mane, ut moris erat; manebatque pater Augusti Octavius Romæ, & Romæ pariter Nigidius Figulus. Cum igitur, ut ex Dionis verbis liquet,

quet, Romæ hæc quæ narravimus gesta sint eo die
 quo Augustus natus est, reliquum omnino est ut Au-
 gustus idem Romæ natus fuerit. Neque vero Sueton-
 ius in ea quam mox referam, narratione, a senten-
 tia veluti discessit de loco natalis Augusti (quod illi
 recens auctor opponit) dum cellam quamdam pro-
 pe Velitras ubi educatus fuit Augustus , etiam sua
 ætate ostendi memoravit, *In qua, inquit, nutritus fuit,*
25. tenetque vicinitatem opinio, tamquam et) natus ibi sit. 25. Sueton.
in Octav. 6.6.
 Suetonius enim his verbis vicinitatis tantum illius
 famam refert, quam tamen, dum supra, Augustum
 Romæ regione Palatii ad Capita Bubula natum de-
 scripsit, falsam fuisse satis ostendit. Constans itaque
 sibi est Suetonius. Ceterum inscriptiones quasdam,
 quas Veliterni Scriptores in medium afferunt, nunc
 quoque Velitris prostantes, quibus Augustum Veli-
 tris natum legimus, non moror. Illæ enim recentes
 admodum sunt, & a Veliternis famam hujusce rei
 libentissime secutis positæ. Jacobus quidem Laurus
 ajebat, se Romæ prope Domitiani triumphalem for-
 nicem, antiqui arcus triumphalis pariter Augusto olim
 excitati fragmentum vidisse, in quo Augustum Ve-
 litris natum fuisse, legebatur. Verum cum unus uni-
 cus sit ipse qui hoc scribat, neque per hæc tempora
 non modo inscriptionis, verum neque fragmenti illius
 arcus vestigium appareat, ejus unius auctoritas tan-
 ti profecto non est, ut Suetonio & Dioni contrarium
 omnino asserentibus, historicis ceteroquin antiquissi-
 mis ac probatissimis, anteferri debeat. Maneat itaque,
 Augustum natum quidem Romæ esse, quamquam
 Veliterna gente; atque inter Veliternos cives tum ob
 originem, tum vero ob educationem Velitris habi-
 tam, recensendum. Atque, ut ea omnia argumenta

N
quæ

quæ Augusto Velitris originem fuisse confirmant, in unum hic colligam; primo quidem vicus ille Octavius, cujus in superioribus memini, testis est, qui in sublimiore parte oppidi, eo ferme loco fuisse creditur qui nunc *Castellum* nuncupatur, ubi vetustissimorum ædificiorum rudera ad hanc diem supersunt, compositorumque ex variis lapillis pavementorum opere tessellato, quod aliqui *musivum* dixere, vestigia. In eodem quoque vico ad sacram Divo Laurentio ædem, juxta aram maximam exstat antiquus lapis cum inscriptione, in qua Gentis Octaviæ mentio fit in hæc verba:

O. L. VRBANA
Q. AMMIO Q. L. OPTATO
VIRO SVO
C. OCTAVIO SPE ANTIATI F.
OCTAVIAE L. FORTVNATAE
FECIT
SIBI POSTERISQVE SVIS

Deinde ara Martis in qua Veliterni semicruda exta sacrificabant, & ex qua sacrificii reliquiæ ex eorum Senatusconsulto ad Octavios deferbantur, ob Octavii illius memoriam qui nondum peracto sacrificio semicrudisque in ara relictis extis ad bellum contra finitimos ob defendendam patriam properavit, alterum & illud quoque publicum testimonium de patria Gentis Octaviæ fuit. Tertium vero id quod Suetonius inter cetera prodigia Augusto terrarum orbis imperium portendentia connumeravit. scilicet, quod 26. Velitris antiquitus tacta de cælo parte muri responsum est: *Ejus oppidi civem quandoque rerum potiturum*. qua

26. Sueton.
in Cæsar. c.
94.

fidu-

fiducia Velitrini & tunc statim, & postea sapius pæ-
ne ad exitium sui cum populo Romano belligerave-
rant; at fero tandem documentis apparuit, ostentum
illud, Augusti potentiam portendisse. Et vero potitus
rerum est Augustus. siquidem: 27.

27. Virg.
Aeneid. l. 6.

*Hic vir, hic est, tibi quem promitti sæpius audis,
Augustus Cæsar Di-vi genus: aurea condet
Sæcula qui rursus Latio, regnata per arva
Saturno quondam: super &) Garamantas &) Indos
Proferet imperium. jacet extra sidera tellus
Extra anni solisque vias, ubi cælifer Atlas
Axem humero torquet stellis ardentibus aptum.
Hujus in adventum jam nunc &) Caspia regna
Responsis horrent di-vum, &) Mæotia tellus,
Et septemgeminæ turbant trepida ostia Nili.
Nec vero Alcides tantum telluris obiit;
Fixerit eripedem cer-vam licet, aut Erymanthi
Pacarit nemora, &) Lernam tremefecerit arcu.
Nec qui pampineis victor juga flectit habenis
Liber agens celsæ Nyssæ de vertice tigres.*

Nutritum denique fuisse Augustum juxta Velitras in
avito suburbano, Veliternum illum origine fuisse ne-
minem sanum dubitare jam finit: 28. Nutrimentorum
autem ejus, inquit Suetonius, ostenditur adhuc locus in
avito suburbano juxta Velitras permodicus &) celle penua-
riæ instar: tenetque vicinitatem opinio tamquam &) natus
ibi sit. Huc introire nisi necessario &) caste, religio est: con-
cepta opinione veteri, quasi temere adeuntibus horror quidam
&) motus objiciatur: sed &) mox confirmata est. Nam cum
possessor villæ novus seu forte, seu tentandi causa cubitum
se eo contulisset, evenit ut post paucissimas noctis horas ex-
turbatus inde subita vi &) incerta, pæne semianimis cum
strato simul ante fores inveniretur. Mitto cetera, quæ

28. Sueton.
in Octav. c. 6.

29. *Sueton.*
in Aug. c. 94.

au^{ct}or idem & Dio Cassius narrat prodigia Augusti futuram felicitatem & potentiam portendentia, fabulamque quod ex Apolline sub draconis specie genitum illum Atia mater ediderit. Mitto quoque Catuli & Ciceronis de illo somnia; non enim hic mihi Cæsaris Augusti res gestas scribere sumo; quo in stadio nobilissimi historici jampridem gloriosissime desudarunt. Ea vero quæ ipsi infanti contigisse memorant, utpote quæ in avito suburbano Veliterno, ubi educatus fuit, evenerunt, nefas hic præterire. Itaque infans adhuc, ut 29. apud C. Drusum exstabat, repositus vespere in cunas a nutricula, loco plano, postera luce non comparuit: & diu quæsitus, tandem in altissima turri repertus est jacens contra Solis exortum. Cum primum fari cœpisset in avito suburbano obstrepentes forte ranas silere jussit: atque ex eo negantur ibi (Suetonii verba) ranæ coaxare. Sorores duas Octavias nomine habuit Augustus, quarum altera ipso natu major ex eodem quidem patre Octavio, verum Ancharia matre genita est: alteram vero mater Augusti Atia ex eodem Octavio peperit. Majorem Augustus sicuti viventem unice dilexerat, ita defunctam publica oratione laudavit, quod & Atiæ matri præstiterat, & aviam Juliam pariter defunctam duodecimum agens annum pro concione laudaverat. Funebrem 30. sororis laudationem in Basilica Julii habuit, quo tempore publicus tota Urbe mæror fuit, ita ut Senatus vestem mutaret, & sordidatus incederet. Minorem Octaviam quidem nullis veterum Scriptorum monumentis ornatam silentio prætereamus, cum Fulvius Ursinus in iis quæ de Gente Octavia scripsit, se nihil de Octavia minore reperisse narrandum restetur. Ceterum Octavia major ex C. Marcello M.

30. *Aen.*
Vic. Parm. in
Octav. ma.
F. 20.

Marcel-

Marcellum illum genuit cui Augustus Juliam filiam in matrimonium collocavit; quamvis ^{31. In Comm. Sueton.} M. Antonius Sabellicus, M. Marcellum ex C. Memmio patre editum ab Octavia prodiderit. In quo tamen errasse illum apertissime dicendum est, cum, præter omnium Scriptorum testimonia, vel ipsum gentilitium M. Marcelli nomen, genitum illum Marcello patre abunde testetur. Duxerat hic Juliam vix pueritiam egressus, verum immatura morte sublatus æternis, ita dixerim, Virgilii versibus immortalitati quodammodo est consecratus. Quos, utpote elegantissimos pariter & pretiosissimos, juvat hic attexere: ^{32. Aeneid. l. 6. circa finem.} 32.

*Atque hic Aeneas (una namque ire videbat
Egregium forma juvenem & fulgentibus armis,
Sed frons leta parum & dejecto lumina vultu)
Quis, pater, ille virum qui sic comitatur euntem?
Filius? anne aliquis magna de stirpe nepotum?
Quis strepitus circa comitum? quantum instar in ipso est?
Sed nox atra caput tristi circumvolat umbra.
Tum pater Anchises lacrimis ingressus obortis:
O gnate, ingentem luctum ne quære tuorum:
Ostendent terris hunc tantum fata, neque ultra
Esse sinent. nimium vobis Romana propago
Visa potens, Superi, propria hæc si dona fuissent.
Quantos ille virum magnam Martis ad urbem
Campus aget gemitus! vel quæ, Tiberine, videbis
Funera cum tumulum præterlabere recentem!
Nec puer Iliaca quisquam de gente Latinos
In tantum spe tollet avos: nec Romula quondam
Ullo se tantum pietas jactabit alumno.
Heu pietas, heu prisca fides, invictaque bello
Dextera! non illi se quisquam impune tulisset*

Obvi-

*Obvius armato, seu cum pedes iret in hostem,
 Seu spumantis equi foderet calcaribus armos.
 Heu miserande puer! si qua fata aspera rumpas,
 Tu Marcellus eris. manibus date lilia plenis;
 Purpureos spargam flores, animamque nepotis
 His saltem accumulem donis, et) fungar inani
 Munere.*

Pretiosissimos merito dixi hos versus, siquidem in Virgilii Vita refert Donatus, Octaviam Augusti sororem cum sexto libro Aeneidos ab Virgilio coram Augusto recitato interesset, ad hæc carmina: *Tu Marcellus eris* &c. defecisse, atque ægre refocillatam, dena festeria in singulos versus Virgilio dari jussisse; ex quibus aureorum, sive scutorum Romanorum, ut vocant, sexaginta quinque millium summa conficitur. sunt enim qui ad Marcellum Octaviæ filium pertinent versus, omnino viginti sex, in quorum singulos si dena festeria divides, allatam summam reperies. festerius namque nummus major (quem *festerium* neutro genere aliqui dictum putant) ducentorum & quinquaginta denariorum summam conficiebat, ut videre est apud Budæum. 33. Ceterum priore marito defuncto, nupsit Octavia M. Antonio dum in celebri Triumviratu cum Augusto Antonii res pacifice processerunt. Verum decimo post mense exortis ob imperandi libidinem sociorumque in imperio impatientiam atrocissimis inter eos simulatibus & discordiis, Octaviam repudiavit Antonius. 34. Augustus vero theatrum Marcelli nomine dedicavit, & juxta illud porticum sumtuosissime ædificavit, quam de sororis nomine *Octaviam* dixit. Fuit autem Romæ & altera porticus *Octavia* nuncupata, quam loco ubi postea Pompejus theatrum suum excitavit, proximam ædificaverat Cn. Octavius Cn. F.,
 qui

33. Vide
 Dion.

34. Sueton.
 in Octav.

qui fuit Aedilis Curulis, Pr. Con. Decemvir sacris faciundis, triumphavitque de Rege Perseo navali triumpho. Quam combustam, reficiendam curavit Augustus. Ipse autem 35. sponsam habuerat adolescens P. Servilii Isaurici filiam: sed reconciliatus post primam discordiam Antonio, & postulantibus utriusque militibus, ut & necessitudine aliqua jungerentur, privignam ejus Claudiam Fulviæ ex P. Clodio filiam duxit uxorem vix dum nubilem. At similitate cum Fulvia focu exorta, dimisit intactam adhuc & virginem. Mox Scriboniam in matrimonium accepit nuptam ante duobus Consularibus, quorum alter M. Marcellus fuit maritus exinde Octaviæ sororis Augusti. Repudiata quoque Scribonia ob ejus morum, ut ipse agebat, perversitatem; statim Liviam Drusillam matrimonio Tiberii Neronis, & quidem prægnantem, abduxit, dilexitque ac probavit unice & perseveranter; ita ut in ejus osculis hac voce supremum edita: *Livia, nostri conjugii memor vive, ac vale*, defecerit. Ex ea tamen nihil liberorum tulit, ut ut maxime cuperet. infans qui priore illius conjugio conceptus erat, immaturus est editus. Ex Scribonia vero Juliam suscepit, quam prius Marcello sororis Octaviæ filio vix dum pueritiam egresso collocavit; eoque sublato, Marco Agrippæ nuptui dedit. Hoc quoque defuncto, multis ac diu, etiam ex equestri ordine circumspectis conditionibus, Tiberium privignum suum elegit: coegitque prægnantem uxorem, & ex qua jam pater erat, dimittere. Tanta apud veteres illos profanos homines in conjugiiis licentia ac rerum omnium perturbatio erat! Licet Augustus super jugandis feminis, quod ait Horatius 36. legem tulisset, adulteriisque gravissima proposuisset supplicia. Nempe uni-

35. *Id. ibid.*36. *In Carm. Sæculari.*

pe unius Christianæ Religionis erat sanctissimas hac super re ferre leges easque inviolabiliter observare. M. quidem Antonius scribit, Juliam filiam ab Augusto desponsam primum Antonio filio suo, dein Cotisoni Getarum Regi: quo tempore sibi quoque invicem filiam Regis in matrimonium petiisse. Cotisonis meminit Horatius. quamquam *Dacum* illum, non *Getam* appellet: 37.

37. Hor.
Ode 8. l. 3.
ad Macen.

Mitte civiles super Urbe curas:

Occidit Daci Cotisonis agmen.

Nepotes ex Agrippa & Julia tres habuit, Cajum, Lucium, & Agrippam; neptes duas, Juliam & Agrippinam. Juliam L. Paulo Censoris filio; Agrippinam Germanico, uxoris suæ Liviae nepoti ex filio ejus Druso, collocavit. Cajum & Lucium adoptavit domi per assem & libram emptos a patre Agrippa, tenerosque adhuc ad curam Reipublicæ admovit; & Consules designatos circum Provincias exercitusque dimisit. eosdemque literas & notarum aliqua rudimenta per se plerumque docuit: ac nihil æque laboravit, quam ut imitarentur chirographum suum. Neque coenavit una, nisi ut in imo lecto assiderent: neque iter fecit, nisi ut vehiculo anteirent, aut circa adequarent. Amisit tamen 38. Cajum & Lucium probos juvenes nepotes suos intra sesquiannum, Agrippa perversissimi ingenii adolescente superstite. & Cajus quidem in Lycia, Lucius vero Massiliæ diem obiere. Itaque tertium nepotem Agrippam simulque privignum Tiberium adoptavit in foro lege curiata. Ex quibus Agrippam brevi ob ingenium sordidum ac ferox abdicavit seposuitque Surrentum. mox in dies amentiores, in insulam deportavit, custodiaque militum sepsit; cavitque S. C. ut eodem loci perpe-

38. Vide
Sueton. &
Dion.

perpetuo detineretur. *Planasia* ea insula dicitur a Dione, 39. estque deserta prope Corsicam, quam nunc *Pianosa* appellamus. Agrippæ autem serviles mores auctor idem ita persequitur: Instabiles eos maris instar fuisse, unde & ipsum sibi *Neptuni* nomen adscivisse. iræ cum primis impotentissimum; Juliam matrem quasi novercam conviciis proscindere consuevisse; inque ipsum Augustum avum suum solitum excandescere, illum propter patris bona sæpius insimulando. cumque nequitiae finem nullum faceret, quamvis & bonis omnibus quæ Augustus in ærarium militare reducerat privatus, & in insulam deportatus, ab Tiberio demum ibidem interfici jussus est. Statim enim ab interitu Augusti, qui Nolæ decesserat, Tiberius 40. misso in Planasiam percussore illum necavit. Quamquam, cum populi Romani animos nondum satis erga se perspectos haberet, Agrippam injussu suo interfectum aliquamdiu dictitaret; percussoribusque, si deprehenderentur, minas intentaverit. non tamen eam necem ultus est. verum, ut quisque pro ingenio suo ac libidine de ejusdem morte sentiret & loqueretur, permisit. aliis Agrippam ab Augusto sub vitæ exitum interfici jussum, aliis Liviæ, non Tiberii, mandato interfectum illum comminiscentibus. Huic Agrippæ *Posthumus* nomen fuit, quod post mortem M. Vipsanii Agrippæ patris editus esset. Ceterum Augustus Juliam filiam neptesque ex ea Juliam & Agrippinam ita instituit, ut etiam lanificio assuefaceret: vetaretque loqui, aut agere quidquam, nisi propalam, & quod in diurnos commentarios referretur. Extranæorum quidem cœtu adeo prohibuit, ut L. Tucinio claro decoroque juveni scripserit quondam: Parum modeste fecisse eum, quod filiam suam

40. Dio
lib. 57. &
Suet. in Ti-
ber.

Bajas salutatum venisset. Nil tamen severa hæc educatio Juliæ filiæ neptique Augusti obstitit, quominus in omne flagitii probrique genus erumperent declinarentque. quod, si semel quæ de lanificio innui, exposuero, protinus exsequar. Lanificio itaque filia neptisque Augusti assuevere, veteri Latinarum more, inter quas ipsæ quoque, utpote ex Gente Octavia Veliterna, censebantur: quod hic Latinarum mulierum etiam nobilissimarum antiquissimus esset mos. Quem Juvenalis Satyra sexta, quæ de mulierum sua ætate corruptis moribus est, elegantissimis versibus commemoravit:

*Præstabat castas humilis fortuna Latinas
Quondam, nec vitis contingi parva sinebat
Tecta labor somnique breves, et) vellere Tusco
Vexata duræque manus.*

41. Liv.
l. 1.

Certe Lucretiam Collatini Tarquinii uxorem celeberrimum illud non impune, licet invito, violatæ pudicitiae documentum, ab viro ex improvviso cum sociis adventante Collatiam (antiqui Latii excisam urbem, olim haud procul Tibure) lanificio intentam deprehensam memorat Livius 41. additque, hoc opus præ ceteris, quibus probæ mulieres sese exercerent, præstantissimum omnium suffragiis judicatum. Livii verba exsequar: *Forte, inquit, potantibus his apud Sex. Tarquinium, ubi et) Collatinus cænabat Tarquinius Egerii filius, incidit de uxoribus mentio. suam quisque laudare miris modis. inde certamine accenso, Collatinus negabat verbis opus esse. paucis id quidem horis posse sciri, quantum ceteris præstet Lucretia sua. quin, si vigor inest, conscendimus equos? invisimusque præsentis nostrarum ingenia? idque cuique spectatissimum sit, quod nec opinato viri adventu occurrerit oculis. incaluerant vino. age sane. omnes citatis equis*

equis advolant Romam. quo cum primis se intendentibus tenebris pervenissent, pergunt inde Collatiam: ubi Lucretiam haudquaquam ut regias nurus quas in convivio luxuque cum aequalibus viderant tempus terentes, sed nocte sera deditam lanæ inter lucubrantes ancillas in medio adium sedentem inveniunt. Muliebris certaminis laus penes Lucretiam fuit. Nam & illud luculentissimo testimonio est, quanto in pretio apud veteres Latinos foret lanificio nobiles feminas sese exercere, quod Plinius 42. memorat; scilicet lanam cum colo & fuso Tanaquilis (quæ eadem *Caja Cæcilia* vocata est, fuitque Lucumonis, qui postea Tarquinius Priscus Romanorum Rex quintus fuit, uxor) in templo Sangi durasse; idque Varronis auctoritate confirmat; factamque ab ea togam regiam undulatam, qua Servius Tullius fuerat usus. Inde factum, ut nubentes virgines comitaretur colus comta, & fusus cum flamine. Postes 43. etiam maritalis domus a novis nuptis cum primum eo deducerentur, lana attingi moris fuit; tamquam ea maxime res esset quam exercentes uxores, virorum sibi benevolentiam demerituræ essent. Hunc morem Latini a Græcis hauserant. Siquidem Varro scribit, in nuptiis *Thalassionem* (quam vocem tunc temporis ingeminare consueverant) signum esse lanificii. *Thalassionem* enim vocabant quasillum vas lanificiis aptum. Plutarchus vero hanc in nuptiis vocem primo habitam fuisse affirmat, quod Græci *θαλάσσιον* lanificium vocant; ea ratione, ut provocarentur virgines ad opera, ac potissimum ad lanificium. Non me fugit hujus vocis *Thalassio*, aliunde deducta apud Livium 44. origo: verum hæc ex interiori veluti ac penitiori literatura, hic, ut in loco, deprompta in medium afferre operæ pretium duxi. Penelope quoque ad vi-

42. Plin.
l. 8. c. 48.

43. Plin.
l. 29. c. 2.

44. Liv.
l. 1. de rapt.
Sabinar.

rum scribens, Græcarum mulierum morem hunc fuisse insinuat his versibus: 45.

45. Ovid.
in Ep. Pene-
lop.

*Forſitan ꝥ) narras, quam ſit tibi ruſtica conjux,
Quæ tantum lanas non ſinit eſſe rudes.*

Verumtamen fatendum eſt & ceterarum ferme gentium omnium communem fuiſſe morem hunc. Certe in Divinis Literis mulieris probatiſſimæ & fortis exemplum hinc maxime commendatur, quod 46.

46. Pro-
verb. c. 31. v.
13. & 19.

quæſivit lanam ꝥ) linum, ꝥ) operata eſt conſilio manuum ſuarum; ꝥ) ſtragulatam veſtem fecit ſibi; quodque digiti ejus apprehenderunt fuſum, iccirco manum ſuam ad fortia miſiſſe

47. 2. Curt.

dicitur. Ceterum Perſæ 47. e contra nihil turpius exiſtimabant, quam feminas admoveſcere lanæ manus: & lautæ ætatis noſtræ mulieres, Perſarum ſententiæ ſubſcribentes, cane pejus & angue lanificium horrent, illudque nonniſi viliffimarum ancillarum penſum putant. Quamquam & hac ætate antiquæ virtutis non

48. In ejus
vita typis e-
dita.

dicam veſtigia ſed exempla vidimus. ſiquidem 48. Eleonora Neoburga nobiliſſima femina, Leopoldi Primi Romanorum Imperatoris uxor, Carolique Sexti feliciffime, dum hæc ſcribimus, imperantis, mater, viſa eſt frequentiffime regias inter nurus colu lanam deducere, ac per mediam regiam urbem curru vehi, colu, lana, & fuſo comitantibus. Jam vero Juliam

49. Vide
Dion.

49. filiam ſuam Auguſtus eo laſciviæ progreſſam ut in ipſo etiam foro & roſtris nocturnas comeſſationes & compotationes ageret; perque ſummam licentiam Marſiæ Satyri ſtatuum in foro collocatam obſcœniſſimis ludis ac cæremoniis adhibitis coronaret; ſero tandem cum deprehendiſſet, (ut ferme principibus viris accidit, qui domeſtica probra omnium noviffimi cognoscunt) in iras adeo exarſit, ut recitato de ejuſdem filiæ proſcriptione libello, frequenti Senatu,

eam

eam in Pandatariam insulam, quæ circa Campaniæ oras est, & modo *Pandana* dicitur, protinus relegaverit; Scribonia matre ultro eam comitante. qui vero cum ea rem habuerat Julius Antonius, quasi spe imperii occupandi id fecisset, majestatis reus cum aliis nonnullis morte mulctatus est, reliqui in insulas exsulatum missi. Hujusmodi autem probris adeo indoluit Augustus, ut publico diu præ pudore abstinerit. cumque sub idem tempus una ex consciis liberta Phœbe nomine suspendio vitam finisset, maluisse se ait Phœbes patrem, quam Juliæ fuisse. Relegatæ usum vini omnemque delictiorem cultum ademit; neque adiri a quopiam libero servove, nisi se consulto, permisit; & ita ut certior fieret, qua is ætate, qua statura, quo colore esset, quibus etiam corporis notis vel cicatricibus. Post quinquennium demum ex insula in continentem, lenioribusque paullo conditionibus eam transtulit: nam ut omnino revocaret, exorari nullo modo potuit; deprecanti sæpe populo Romano & pertinacius instanti, tales filias talesque conjuges pro concione imprecatus. Juliam quoque neptem dignissimam tali matre filiam probris omnibus contaminatam pariter relegavit, editumque ex illa post damnationem infantem agnosci aliquæ vetuit; ad omnem Juliarum & Agrippæ nepotis mentionem ingemiscens. satius multo cælibem vivere & sine liberis interire. neque eos aliter quam *tres vomicas* ~~et~~ *carcinomata sua* appellare consueverat. Juvat hic attexere quæ de M. Vipsanio Agrippa Juliarum alterius quidem conjuge, alterius vero & Agrippæ Posthumi parente Plinius 50. animadvertit, illum scilicet in pe-

50. Lib. 7.
c. 8.

des genitum, sive ex utero matris non anteriori capite, ut moris est omnium, verum primis prodeuntibus

tibus pedibus educum; unico prope felicitatis exemplo in omnibus ad hunc modum genitis. *Agrippa* enim ii appellati sunt qui sic nascerentur, nempe ab *ægritudine* & *pedibus*; quod is partus difficillimus ægerimusque habeatur; notatumque sit, vitam eos fere semper miserrimam traduxisse, vitæque exitum infelicissimum sortitos. licet autem M. Vipfanius *Agrippa* felix fane cetera fuerit, tum rerum gestarum gloria, tum ædificiorum a se excitatorum molibus (inter quæ Pantheon nunc quoque integrum perseverat) tum *Augusti* Cæsaris propinquitate, amicitia, atque opibus; tamen is quoque adversa pedum valetudine, misera juvenia, exercito ævo inter arma mortisque, infelici terris stirpe omni, sed per utrasque *Agrippinas* maxime, quæ *Cajum* *Caligulam*, & *Domitium* *Neronem* principes genuere, totidem faces generis humani. Præterea brevitate ævi, quinquagesimo raptus anno, in tormentis adulteriorum conjugis, focerique prægravi servitio, luisse augurium præposteri natalis existimatur. Et hi quidem *Augusti* minores & posteriores fuerunt. Ipse 51. *Cæsaris* nomen; *Julii* Cæsaris majoris avunculi testamento accepit; *Augusti* vero ex *Munatii* *Planci* sententia, cum is, quibusdam censentibus illum *Romulum* appellari oportere, quasi & ipsum conditorem Urbis, prævaluisset ut *Augustus* potius vocaretur; non tantum novo, sed etiam ampliore cognomine; quod loca quoque religiosa, & in quibus *augurato* quid consecratur, *Augusta* dicantur, ab *auctu*, vel ab *avium* gestu *gustu*-ve; sicut etiam *Ennius* docet scribens: *Augusto augurio postquam incluta condita Roma est*. Vocatus est etiam *Augustus* idem *Octavianus* aliquando pro *Octavio*, idque juxta Latinorum consuetudinem, filiorum nomen ex paterno sic

51. *Sueton.*
in *Octav.*

fic derivandi. Ita Aemilii filius Scipio, ut cetera exempla prætermittam, *Aemilianus* dictus est ex paterno cognomine. De eo Juvenalis: 52.

52. Satyr.
8 sub init.

Et stantes in curribus Aemilianos.

Itaque ab Octavio patre Augustus *Octavianus* est appellatus. Quamquam autem virilis sobolis Augustus nihil reliquerit, Octaviæ tamen Gentis reliquiæ nonnullæ superfuere, eorum scilicet qui illum aliquo, licet remoto, consanguinitatis gradu contingerent. Publium quemdam Octavium Tiberii Cæsaris æqualem memorat Seneca, de quo Epistola nonagesima quinta hæc narrat: *Mullum ingentis formæ (quare autem non pondus adjicio & aliorum gulam irritum? quatuor pondo & ad selibram fuisse ajebant) Tiberius Cæsar missum sibi, cum in macellum deferri, & venire jussisset, Amici, inquit, omnia me fallunt, nisi istum mullum aut Apicius emerit, aut P. Octavius. Ultra spem illi conjectura processit. Licitati sunt. Vicit Octavius, & ingentem consecutus est inter suos gloriam, cum quinque millibus HS. emisset piscem, quem Cæsar vendiderat, ne Apicius quidem emerat. Numerare tantum Octavio fuit turpe. nam ille qui emerat ut Tiberio mitteret (quamquam illum quoque reprehenderim) admiratus est rem qua putavit Cæsarem dignum. Hactenus de P. Octavio Seneca. Ceterum nulli & pondus & pretium multo majus, ut obiter hoc notem, Libri noni capite decimo septimo & octavo memorat Plinius. De pretio enim refert ab Asinio Celeri viro Consulari octo millibus nummum coemptum mullum fuisse. quod autem ad pondus attinet; mullum octoginta librarum in mari rubro captum testimonio Mutiani prodidit. Jam vero fuisse & post hunc Octavii hujus Gentis alii videntur. Certe æræ Christianæ anno quadragesimo, Romæ vixisse Faustinus sive Flavius*

53. *Joann.
Diac. in vit.
S. Clem. P.*




vius Octavius Clemens Senator nobilissimus memoratur, qui Clementis primi Romani Pontificis sanctissimi pater fuisse dicitur. Hunc Veliterni civem esse dicunt suum, 53. ex Octavia Gente Veliterna ortum.

4. *Zaxze-
ra de Famil.
S. Eustachii.*

Ajunt enim, Gentem Octaviam etiam post Augustum diu Velitris viguisse, in cujus rei testimonium loca multa tum Velitris in urbe, tum in Veliterno agro *Octaviana* ab Octaviis diutissime appellata adducunt. Anno quoque a Virginis partu altero & nonagesimo Agapitum Octavium Senatorem Eustachii viri sanctissimi ejusdemque Christiani athletæ fortissimi parentem floruisse, Sabellicus memoriæ prodidit. Et cen-

55. *Dionys.
Antiq. Lib.*

tesimo 54. nonagesimo, Octavium alium Cornelii Romani Pontificis, morte ob Christianæ Fidei testimonium fortiter obita, clarissimi, patrem fuisse, Romanarum familiarum Scriptores tradiderunt. Ceterum, cum minime liqueat, utrum illustres hi viri, quos novissimos commemoravi, ex Octavia illa Gente fuerint, quam recensere, cujusque posteros numerare mihi propositum est; finem hic de eadem sermonem habendi faciam, duo tantum veluti mantissæ loco innuendo. Alterum quidem; quod Octavius Mamilius Tusculanus, qui celeberrimus Latinorum fuit olim dux adversus Romanos, ex Octavia Gente Veliterna minime fuit. Constat enim Tusculi natum, indidem originem & majores habuisse, quorum primum Telegonum Tusculi conditorem Ulyssæi & Circes filium fuisse, sunt qui 55. testantur. Quæ, cum de Tusculanis mihi scribetur historia, fusius persequar, & probatissimorum Scriptorum testimoniis confirmabo. Alterum vero quod innuam, est; quod quamvis Latini Græcique historici omnes ad unum memoriæ prodiderint, ab Augusto nil liberorum, masculi-



OCTAVIA

Octauiae Gentis Veliternae Romae Illustris Nummi

Calliope.



Clio.



Erato.




Erato.



Euterpe.




Thalia.



Melpomene.



Therpsuore.



Polyhymnia.



Q. Pomponij Musæ Consulis, cuius Sepulchralis inscriptus
lapis cætat Velitris in Cinetorum Hortis, Nummi,
in quibus Musarum effigies atque habitus representantur.

Ex lib. s. Dialog. Ant. Aug.

culinæ scilicet sobolis, relictum; 56. tamen plures nunc temporis generosissimæ gentes sive familiæ ab Octaviano Augusto exortas sese gloriantur, eumque inter proavos primum sibi sumunt. Neque vero illis ego adversabor, neque contrarium mihi statuendum proponam; quin potius universam hanc de Octavia Gente narrationem juvat sic absolvere: 57.

56. Vide Zazzer. & Kirk. in Hist. Eustachio-Mariana.

57. Juvenal, Sat. 8.

*Esto bonus miles, tutor bonus, arbiter idem
Integer. ambigua si quando citabere testis
Incertaque rei, Phalaris licet imperet ut sis
Falsus, &) admoto dicet perjuriam tauro,
Summum crede nefas animam præferre pudori,
Et propter vitam vivendi perdere causas.*

58.

*Quod modo proposui, non est sententia: Verum
Credite me vobis folium recitare Sibyllæ.
Si tibi sancta cohors comitum, si nemo tribunal
Vendit acersocomes, si nullum in conjuge crimen,
Nec per conventus, nec cuncta per oppida curvis
Unguibus ire parat nummos raptura Celeno:
Tunc licet a Pico numeres genus; altaque si te
Nomina delectant, omnem Titanida pugnam
Inter majores, ipsumque Promethea ponas:
De quocumque voles proavum tibi sumito libro.*

58. Id. ead. Sat. paullo infer.



CAPUT VIII.

De Ulubris oppido olim in agro Veliterno.



X illo oppidorum numero quæ in Latio interiere sine vestigiis, fuisse Ulubras nil mirum est, cum hæ tunc quoque cum maxime florerent, in exemplum desertissimi loci semper adduci consueverint. De illis pauca nunc exsequar, eaque omnia, quamvis ingloria, in medium afferam monumenta, quæcumque apud veteres Scriptores habentur. Itaque fuerunt Ulubræ Latinorum antiquissimum oppidum in agro olim Veliterno situm, atque ad ipsas ferme Pomptinas paludes collocatum, unde & corrupti aeris vitio semper laborans jam inde a sui exordio vitari cœpit, & in locorum desertorum exemplum, tamquam omnium desertissimum adduci. Horatius ad Bullatium amicum scribens e Græcia reversum, dum totus est in hac inculcanda sententia; Locorum scilicet mutatione ægrum animum ferme nihil juvari, eo quod secum semper dum semetipsum fert, ægritudinis suæ causam deferat; æquum animum e contrario nulla loci cuiusquam, quantumvis desertissimi atque infelicissimi, consuetudine & statione turbari posse; sic

1. Hor. Ep. inquit: 1.
11. l. 1.

*Cælum, non animum mutant, qui trans mare currunt.
Strenua nos exercet inertia: navibus atque
Quadrigis petimus bene vivere: quod petis, hic est;
Est Ulubris, animus si te non deficit æquus.*

In quem locum Acron Porphyrius Horatii interpres; iccirco, ait, *Ulubras* ab Horatio nominatas, quod ibi
Augu-

Augustus Cæsar nutritus fuisset. Quod maxime cum iis convenit quæ de Augusti nutrimentorum loco nos superiore capite attulimus ex Suetonio; Augustum scilicet in avito suburbano educatum prope Velitras. Miror, dubitatum a quibusdam esse num Ulubræ in Latio, loco quem nos, licet vagum, apud Velitras tamen, his quæ afferimus testimoniis innixi, statuimus; num in Campania fuerint. Cum Ciceronis maxime auctoritate Ulubras in Pomptino, ac propterea non longe a Velitris, exstitisse plane constet. Tullius itaque ad Trebatium, celeberrimum suæ ætatis Jurisconsultum, in Britanniam cum Cæsaris comitatu cogitantem scribens: 2. *Has literas, inquit, scripsi in Pomptino, cum ad villam M. Aemilii Philemonis divertissem: ex qua jam audieram fremitum clientium meorum, quos quidem tu mihi conciliasti. Nam Ulubris, honoris mei caussa vim maximam ranunculorum se commosse constabat. Cura ut valeas. VI. Idus Apr. de Pomptino.* Itaque ex his Tullii verbis abunde colligitur, in Pomptino, sive Pontino, agro scilicet a Pomptinis, sive Pontinis, paludibus occupato, Ulubras exstitisse; tamque prope villam M. Aemilii Philemonis in Pontino sitas fuisse, ut Ulubranorum clientium, quos *ranunculos* Cicero per jocum appellat, fremitus exaudiri posset. Iccirco autem Ulubranos *ranunculos*, scilicet parvos ranarum pullos, Tullius appellat; quod in oppido inter paludes sito, ranarum in morem inhabitarent. Nec veris id oppidum ranis caruisse crediderim, præsertim dum in memoriam revoco prodigium illud quod ex Suetonio retuli superiore capite; Augustum scilicet adhuc puerum in avito suburbano dum educaretur, strepentes ranas silere jussisse, easque exinde perpetuo ibi mutas evasisse. Quod etiam, Ulubris Augustum nutritum & educatum

2. Cic. Ep.
Fam. l. 7.
Ep. 18.

fuisse, quo in loco ranunculorum vis maxima Cicero-
ni memoratur, novo testimonio confirmat. Ceterum
si verba illa Tullii attentius expendamus; Ulubras
oppidum non omnino a populo destitutum fuisse, ut
constans videtur fama esse,prehendemus. quam-
vis enim *ranunculos* per jocum & contemptum Ulubra-
nos Tullius appellet; dum tamen eorum vim maxi-
mam honoris sui causa se commosse refert, multi-
tudinem potius ac frequentiam oppidi videtur innue-
re. Nisi tamen interpretari malis, quod ideo ranun-
culorum vim maximam se commovisse festive jöce-
tur Cicero; quod, præter ranas, nullus Ulubras de-
sertissimum oppidum inhabitaret. Ut ut res habue-
rit, ætate certe Juvenalis vacuas fuisse, poeta idem
testatur; nam de Sejani supplicio loquens, tamquam
ex vulgi fermone sic inquit: 3.

3. *Juve-
nal. Sat. 10.*

*Hujus qui trahitur, prætextam sumere ma-
vis,
An Fidenarum Gabiorumque esse Potestas,
Et de mensura jus dicere, vasa minora
Frangere pannosus vacuis Aedilis Ulubris?*

Unde & per Aediles Roma missos dictum Ulubris
jus ea ætate fuisse liquet. Pannosos autem hujusmo-
di Aediles notat poeta, quod oppidi solitudinem ac
inopiam satis designat. Tullius quoque, licet Juvena-
le superior multo, Trebatium suum Jurisconsultum
illum postea celeberrimum, quem prima secundi libri
Satyra consulere fingit Horatius, false ridet, quod Ulu-
brani populi patrocinium suscepisset. Siquidem ad
ipsum Trebatium scribens, quem Epicureum factum

4. *Ep. Fam.
l. 7. Ep. 12.*

audierat: *Quid*, 4. inquit, fiet porro populo Ulubrano,
si tu statueris πολιτὰ' εὐδαί non oportere? scilicet: Quomodo
jam stabit Ulubranorum illa præclara enim-vero Respu-
blica, quam tu in clientelam dudum suscepisti; si tu, juxta
Epicu-

Epicureorum sententiam, quando ex iis unus factus esse diceris, Reipublicæ curam ac civium negligi omnino oportere constitues? Ceterum, quos Ulubranos Tullius, eosdem 5. Plin. l. 3. c. 5. Ulubrenses Plinius appellavit, & inter Veliternos & Ulvernates constituit. Unde rursus mirandum, aliquos, de Ulubrarum regione, utrum in Latio, utrum in Campania fuerint, dubitare potuisse, cum eas in Latio exstitisse tam liquido constet. Et tamen villarum sumtuosissimis ædificiis, & rusticantium Romanorum deliciis Ulubranus ager minime caruit. quod vel ex M. Aemilii Philemonis villa a Tullio commemorata satis colligitur. Quamquam enim corruptus admodum aer esset per eum tractum, hieme tamen incommodum illud nullum erat; hibernas itaque ibidem rusticationes habebant Romani: nusquam enim plus quam ibi tepent hiemes, iis præsertim hominibus qui Hispanorum mendiculorum igne, ut est in proverbio, libenter calefierent, qualem se 6. Horatius Solibus aptum commemorat. Denique Ulubras non longe a Cora collocatas fuisse innuere videtur vetustus lapis Coræ effossus in hæc verba: 7.

6. Horat.
l. 1. Ep. 20.
v. 24.

7. Ex MSS.
Card. Corradini.

LIBERO PATRI
SPIRA VLVBRANA
D. S. P. F.

His scilicet in base signi Bacchum referentis insculptis notis memoratur Spira quædam Ulubrana Libero Patri de suo poni fecisse statuam illam, quæ in templo eidem dicato collocata fuerat. Quod tum Ulubrarum urbi Coranæ vicinitatem videtur innuere, tum Ulubranæ hujus mulieris non exiguas copias designat. Marmoreas enim statuas, ac templa, quod etiam Spira hæc

ra hæc Ulubrana fecisse videtur, diis ponere, mendiculorum non est. Unde & Ulubranis bona aliqua fama poterit provenire. Quæ multo major ex eo provenit, quod aliquando Ulubræ deductæ fuerint Romana Colonia, ut ex Sexti Julii Frontini libro de Romanis Coloniis liquido constat; *Ulubra*, inquit Frontinus, *oppidum a III viris deductum, postea a Druso Cæsare extinctum. ager ejus in nominibus est assignatus. iter populo non debetur.* Ubi notandum quod Frontinus non *Ulubræ*, ut ceteri antiquiores, sed *Ulubra* singulari vocabulo dixit. memoratque a Druso Cæsare, (Tiberii filio crediderim, qui in Germania dum triumphum meditatur, improvise morbo sublatus est) Ulubras extinctas fuisse, agrumque circa in nominibus, non in soluto, assignatum fuisse ait; neque populo iter deberi. Quæ omnia, cum de Signina Colonia sermo erit, insequenti libro fusius explicabuntur. Ceterum, si Augustum Ulubræ educarunt, ejusque nutrimentorum locus fuere, satis vel ex hoc uno celebres exstiterunt; meritique, ut nostræ huic historiæ peculiari narratione describerentur, quamvis hac ætate excisæ sint omnino sine vestigiis, satis superque habuere.



CAPUT IX.

De Medullia Priscorum Latinorum oppido.

UAMQUAM statuere non ausim quo potissimum Latii loco Medullia Priscorum Latinorum oppidum, quocum Romani ab ipso ferme Urbis exordio bellum gessere, situm fuerit; cum tamen illud ab Albanis conditum fuisse constet; ab Veliterno certe agro haud multum distasse, non immerito licet suspicari. Sane, si huic de Veliternis libro, oppidi ejusdem pauca quæ supersunt, monumenta adjunxerimus; nulla erit Latina civitas, quæ Medulliam tamquam sui agri partem a nobis veluti repetere jure possit; cum plane certus locus ubi ea urbs condita fuerit, designari a mortalium nullo quantumvis peritissimo aut confidentissimo hætenus potuerit. Fuit 1. itaque Medullia Priscorum Latinorum oppidum, quod Albani suorum eo manu dimissa multo ante Romam Conditam posuerunt. *Medullini* incolæ appellati. Hujus oppidi, quod inter illa tria & quinquaginta præclara Latii oppida quæ jam inde ab sua ætate interiisse ait sine vestigiis, 2. Plinius annumerat, duplex præ ceteris gloria fuit. Altera quidem, quod vel prima vel certe inter primas exstiterit Romanorum Colonia: altera vero, quod Tulli Hostilii tertii Romanorum Regis bello inclyti patria fuerit. Et quidem, quod ad Coloniam attinet, Dionysius 3. tradit, Medulliam Priscorum Latinorum oppidum nobile, cum ceteris suæ gentis exemplo fuisset, ut se Romulo rerum gestarum adversus Tatium Sabi-

1. *Dionys. init. l. 3.*
2. *Plin. l. 3. c. 5.*
3. *Init. l. 3.*

norum

norum Regem gloria celebri in deditionem trade-
 rent; sub ipsa Urbis incunabula ab eo Romanorum
 Coloniam factum fuisse. Defuncto autem Romæ Nu-
 ma Pompilio, qui secundus a Romulo Rex fuerat,
 reversaque ad Patres administratione Reipublicæ; post
 aliquot Interreges suffragio populi creatos, regnum uni-
 versæ Civitatis consensu delatum suscepit 4. Tullus Ho-
 stilius, ortus, ut fertur, oppido Medullia. nam inde
 avus ejus Hostilius in Urbem migraverat, ubi uxo-
 rem Sabinam duxit Hersiliæ filiam, quæ popularibus
 suis feminis auctor fuit, ut bello Sabino ad parentes
 pro maritis legatione fungerentur. quo facto præci-
 puam laudem tulit conciliatæ inter partes amicitiae.
 Is vir multis præclare Romuli ductu gestis, a Sabinis
 in proelio cæsus est, unico filiolo relicto superstite,
 sepultusque non longe a Regia in maxime conspicua
 Fori parte, cum inscriptione virtutem ipsius apud
 posteros testatura. Ex hoc itaque unico filio & no-
 bili matrona prognatus est Tullus Hostilius, qui o-
 mnium unanimi consensu & auspicato tertius Roma-
 norum Rex creatus est, Olympiadis, juxta Dionysii
 5. calculum, septimæ supra vigesimam anno secun-
 do. Inclyti hujus Regis ea præcipua laus fuit & glo-
 ria, quod Albanos Romanorum primo parentes, mox
 hostes atque æmulos, aliquando victores, ipse demum
 vicerit; eorum urbem Albam Longam solo æquave-
 rit; cives Roman transtulerit & sacra; totumque fer-
 me Latium in Romanorum ditionem redegerit. Ful-
 mine illum periisse tradit Livius, dum sacra quæ-
 dam Jovi procuraret, nec tamen eadem rite faceret.
 Regnavit autem magna gloria annos duos & trigin-
 ta. De illo Virgilius: 6.

4. Dionys.
 ibid.
 5. Ibid.
 5. Aneid.
 lib. 6.

cui deinde subibit,

Otia qui rumpet patriæ, residesque moriebit

Tul-

*Tullus in arma viros et jam desueta triumphis
Agmina.*

Ceterum ea fuit Hostilii in administrando Romanorum regno integritas & fides, ut ob ejus jura asserenda gloriamque amplificandam suæ suorumque originis securus adversus antiquam patriam suam Medulliam arma inferre non dubitaverit. 7. Cum enim devictis, ut aiebam, Albanis, reliquos Latii populos jure belli in suam populique Romani potestatem devenisse contenderet; nec tamen Latini imperata facerent; bellum adversus eos renovavit, ab antiqua patria sua Medullia exorsus; quam, eo quod, licet Romana Colonia, ad suos defecisset, expugnavit; atque eo exemplo universum Latinum nomen a novandis in posterum rebus absterruit. Brevis tamen fuit ea quies, suamque Latini Medulliam receperunt. 8. Ancus autem Martius, qui Tullo in regno successerat, post aliquot cum Latinis proelia, oppidum idem in Romanorum potestatem denuo redegit; triennio postquam ab Latinis receptum fuerat. Anno autem ab Urbe Condita ducentesimo sexagesimo, Aulo Virginio Cælimontano, T. Veturio Gemino Consulibus, Medullini rursus a Romanis defecerunt, iuncto cum Sabinis societatis foedere. quorum mente cognita, Patricii a plebe tum dissidentes volebant eos confestim totis adoriri viribus; plebe tamen imperium detrectante, eo quod sæpius jam spe frustrata fuisset, falsisque pollicitationibus de sublevanda inopia delusa. Ceterum dilata diu ea expeditio est; nec quando a Romanis denuo Medullia recepta, memoriæ proditum. Eam certe in eorum potestatem una cum reliquo Latio tandem venisse, excisamque sine vestigiis jam ab ipsa Plinii ætate jacuisse, in comperto est.

Q

Cujus


Cujus urbis hæc , quæ tantum ad nos pervenerunt , monumenta protulisse satis fuerit . Ceterum Medullinam Gentem Romæ nobilem ex oppido Medullia originem duxisse crediderim . Ex ea Claudius Medullinus villam prædiumque in agro Antiati Veliternis contermino habuisse memoravi , in eo quem scripsi de Antiatibus 9. libro . Hujus quoque celebrantur prædia Cumis ad Lirim in Campo Stellate , & apud Lucrinum . Fuit autem Campus Stellates , de quo nunc , ager in Campania , nunc *Campo Mazzone* , in quo sexdecim mille trecenti Samnites Appio Claudio Consule cæsi sunt . unde etiam recentem appellationem , scilicet a *Maestatione* , Campus idem forte deduxit . Ex eadem quoque Medullina Gente fuisse Medullinam illam virginem , quam . 10. Plutarchus ebriam reperi- tam , a Medullio patre violatam memorat , verisimile est . Alios quoque Medullinos in antiquorum monumentis inveniri posse non negaverim , qui Medullia originem duxerint , quos investigare longum nimis fuisset .

9. Vulp.
Vet. Lat. l. 4.
c. 3.

10. Plu-
tarch. in Pa-
rallel.

FINIS LIBRI SEXTI.





VETUS LATIUM PROFANUM

LIBER SEPTIMUS
DE CORANIS.

AUCTORE
JOSEPHO ROCCO VULPIO
SOC. JESU SACERDOTE.

CAPUT I.

De Urbis Coræ Conditoribus.



OCORUM vicinitas, & rectus narrationis ordo postulat, ut cum superiore libro de Veliternis egerimus, hoc de Coranis historiam instituamus. Quodque primum omnium quæri solet, Coranæ urbis Conditores investigemus. Antiquissima quidem hujus urbis origo, quæque ipsius celeberrimæ & vetustissimæ Trojæ origine prior ab Historicorum nonnullis perhibetur, ea est in causâ cur ejusdem Condi-

tores alios alii dixerint. Siquidem ab Albanis quidam conditam fuisse asseverant; a Corace Argivo Tiburti Tiburis conditoris fratre, nonnulli; a Dardano denique Phrygio, qui Trojæ quoque auctor fuit, plerique omnes prima Coræ mœnia posita, memoriæ prodiderunt. Quid nos? Unicuique locum debitumque honorem dabimus; ac tres veluti hujus urbis origines in medium producemus; Scriptorumque omnium sententias optime conciliabimus. Ac primo quidem: Coræ primum omnium conditorem Darda-

1. *Dionys.*
1. 1. *Antiq.*
Rom. Plin. l.
3. c. 5. *Solin.*
c. 2. *pag. mibi*
13. *Martian.*
l. 6. *pag. 206.*

2. *In Cbron-*
nic.

num Phrygium fuisse, 1. probatissimorum auctorum sententiam ac testimonia secutus assevero. Ita enim Julius Solinus, Dionysius, & Plinius, quos recentiorum multi secuti sunt. Vulgata quoque ab antiquissimis temporibus apud Coranos fama eidem sententiæ summopere semper favit. Quod juxta 2. Eusebii calculum, anno ab Orbe Condito bis millesimo supra quadringentesimum contigisse dicendum est. Fuit autem Dardanus, ut multis placet, Coriti e primis Italiæ Regibus filius ex matre Electra Atlantis filia. *Coritum* vero & Jovem appellatum dicunt. Sed cum in immensum fabularum pelagus iis qui hæc fusius persequi velint intrandum sit; haud ultra hac super origine investiganda sermo procedet. Quid itaque iis Scriptoribus qui a Corace Amphiarai Argivorum principis filio, aut nepote, Coræ originem deducunt, respondendum erit? Bona utique verba. Coracem scilicet Argivum, quem memorant, annis trecentis supra quinquaginta ab Dardano vixisse, dirutam omnino ac pæne excisam Coranam urbem, loci amœnitate ac felicitate ductum, e ruinis iterum excitasse; primævumque eidem cultum splendoremque restituisse. Fuit autem Corax Catilli majoris filius e gente

gente Argiva, deorumque origine; ut qui fabularum seriem exponunt, memoriæ prodiderunt. Quamquam Harveus noster Coracem Catillumque juniorem germanum ejus fratrem, non quidem Catilli majoris filium fuisse, scribit, sed Amphiarai illius Græci, qui conjugis Eriphyles fraude ad Thebanum bellum adversum Eteoclem Polynicis fratrem ire compulsus, dum strenue pugnaret, repentino terræ hiatu una cum curru absorptus est. Ut ut res habeat (numquam enim pro alterutra fabularum parte pugnabo) hoc Scriptoribus ferme cunctis 3. est certum, Coracem Argivum Catilli fratrem & Tiburti Italiam appulsum, Coram urbem ædificasse. quod tamen non de prima hujus urbis ædificatione intelligendum est; cum ex probatissimis Historicis, illam ab Dardani usque temporibus, atque adeo ab ipso Dardano auctore, multo ante Dardaniam (quæ & Troja) conditam, hucusque meminerimus. Itaque Coranam urbem adeo in ruinis jacentem (quod bellorum impetu factum crediderim) ut excisam omnino quivis eo accedens posset existimare, Corax Catilli & Tiburti frater Argivus, iterum excitavit, mœnibus cinxit, munivit, ædificavit; eoque pro conditore a Coranis, nominis etiam affinitate ductis, habitus est. Ipsum quoque Coracem dirutam vetustissimam urbem Coram appellatam audiens, ut cognominem sibi locum restitueret, permotum existimaverim. Coracem hunc adversus Aeneam pro Turno ceterisque Latinis dimicasse, Virgilius memorat; illumque Tiburtina ex urbe cum suorum manu, sociis auxilio venisse scribit his versibus: 4.

*Tum gemini fratres Tiburtia mœnia linquunt,
Fratri Tiburti dictam cognomine gentem;*

3. Serv. in
Virg. Blond.
Torrentin.
Zachar. Li-
lius in Mund.
Descript. &c.

4. Virg.
Aeneid. Lib.
7.

Et

*Et primam ante aciem densa inter tela feruntur,
Catillusque acerque Corax Argiva juvenis.*

Jam vero vatis ejusdem testimonio alios habuit urbs Corana conditores, seu verius restitutores, Albanos scilicet. Virgilius namque verba faciens de Anchise ad Aeneam filium in Elysiis loquente, eique suorum usque ad Augustum posteritatem omnem ostendente, ab Albanis Regibus Coram una cum Nomento, Bola, aliisque Latinis urbibus condendam commemo-

5. Virg. 6. ravit: 5.

*Aeneid. circa
finem.*

*Hi tibi Nomentum, et Gabios, urbemque Fidenam,
Hi Collatinas imponent montibus arces
Laude pudicitiae celebres, et dentque superbos
Pometios, Castrumque Inui, Bolamque, Coramque.*

Cur autem Albani primi Coræ conditores minime dicendi sint, satis superque ex dictis hætenus constat. scilicet eorum regnum atque ætas nimium ab Coranæ urbis antiquitate historicorumque de ejusdem conditore sententiis discrepant. Quod vero Albanos Virgilius Coræ conditores dixerit, inde fuit; quod Augusto gratificaturus, majores ejus quanto poterat illustriores voluit commemorare: ac proinde res gestas oppido multas falso iisdem appinxit. Quod poetæ fabulas secuto nemo non concesserit. Ceterum, est quod Albanis debeat Cora, eosque in partem veluti originis suæ non immerito vocet. Siquidem Albani captam jam dirutamque, excitarunt tertio, Coloniamque suorum eodem deduxerunt. *Regnante Latino Silvio Albæ, inquit Dionysius, 6. Colonia deductæ sunt Præneste, Tibur, Gabii, Tusculum, Cora, Pometia, ceteraque oppida circumquaque.* Quod autem hæc urbs sæpius excisa fuerit, in ruinis sæpius jacuerit, & Aboriginum, Arcadum, Pelasgorum, Sicanorum vel Siculorum,

6. Lib. Antiq. Rom. f. 777.

lorum, Rutulorum, Aufonum, aliorumque primorum qui Latium incoluerunt, populorum incursionibus, intestinisque ac frequentissimis bellis vastata ferme penitus interierit, vel ex elegantissimis Propertii versibus constat. Is enim Romæ cunabula memorans hæc habet: 7.

7. Propert.
l. 4. Eleg. 11.

*Nec dum ultra Tiberim belli sonus: ultima præda
Nomentum, & capta jugera parva Coræ.
Et Veji veteres, & Volscum regna fuistis,
Et vestro posita est aurea sella foro.
Nunc intra muros pastoris buccina lenti
Cantat, & in vestris ossibus arva metunt.*

Lucanus quoque: 8.

8. Pharsal.
l. 8.

----- omne Latinum
*Fabula nomen erit. Gabios, Vejofque, Coramque
Pulvere vix tectæ poterunt monstrare ruinæ.*

Condita est primum Cora ac semper deinceps restituta eodem prorsus loco quo nunc quoque cernitur, in montis dorso inter Setiam urbem & Velitras, duodecim tantum stadiis ab celeberrima illa Appia via distans. In meridiem fluminibus Nymphæo, atque Asturæ, & Sulmonensibus campis imminet, Pomptinasque paludes & Circeum promontorium prospicit. In occasum, Neptunium, Antium, Lavinium, Ardeam, Laurentum, Velitras, & Cisternam despectat; totaque ea regio opportunissima venationi est. ingentes quippe immensæque silvæ omnia protegentes tum volatilium, tum terrestrium, tum aquatiliū cuiusque generis prædam opimam quovis anni tempore dominis sufficiunt. In orientem vero ac septentriones circumdata est Cora Lepinis montibus, in quibus Signia. Hi quoque crebra silva consiti sunt.

Urbis

Urbis nomen ab ejus figura deducunt aliqui, quæ nunc quoque *cordis* imaginem refert. Nos a patre *Corito* conditorem Dardanum *Coram* illam nominasse, initio diximus. A *Corace* nonnulli nomen derivant. *Corax* autem *κόραξ* Græce, *coruum* significat. Verum hæc hæctenus.

C A P U T I I.

De vetustis Coranorum Aedificiis, ac præsertim de Templis.



URORUM quibus conditores *Coram* munierant, nulla quidem in hanc ætatem superfuere vestigia. Moenia tantum illa supersunt quibus urbs septa fuit, dum Gothi, Barbari illi tæterrimi, in odium Romani nominis antiquissima quæque ac pulcherrima tota Italia ædificia igne ferroque fœde vastarent. Barbarorum eorundem humilem admodum imbecillamque structuram in iis moenibus agnoscas; quibus idemtidem ad excubias ac defensionem turrets inædificatæ cernuntur; quæ tamen ipsæ magnam partem in ruinas dilapsæ sunt. Alia quoque interdum propugnaculorum cernere est vestigia, quo validius urbs muniretur moenibus insertorum. Hi muri ter mille passus olim circuitu conficiebant. Patet ex his in urbem aditus e tribus portis, quas a locorum quo ducunt, nominibus incolæ appellant. *Signinam* aliam, aliam *Romanam*, tertiam vero, quæ ad *Nymphæa* ducit, *Nymphisinam* peculiari vocabulo vocavere. Ceterum locus ipse a natura satis munitur: nam in ipso portarum aditu præruptas altissimasque voragines urbem inter atque agrum aperuit, quas nonnisi super-

jectis

jectis pontibus iisque satis longis superare fas est. Sparsa est undique Cora subterraneis cavernis, ad aquas cogendas antiquitus intra montis viscera summo labore atque impensa diductis, quarum pavimenta aliqua adhuc supersunt variis lapillis instrata, opere quod *musivum* sive *tessellatum* appellant. Quamvis autem cavernæ sive cisternæ hujusmodi multæ etiam extra urbem appareant, vacuæ tamen omnes & aquis sunt destitutæ. Romanos scilicet ad Urbis dominæ felicitatem deliciasque augendas montis Corani aquas perpetuis ductibus ædificatis alio divertisse, non nemo prudenter sane existimavit. At in urbe quidem aquarum ejusmodi vestigia nulla. Extra muros vero rivuli passim e monte defluunt, quibus Nympei amnis cursus augetur. In radicibus quoque Augustinianorum Fratrum, quos vocant, domus, ingens aperitur caverna longis sane cuniculis amfractibusque continuata, in qua latibula quædam visuntur a natura quidem condita, verum artificii quoque manu ad inhabitandum aliquantulum elaborata, quæ miserorum mancipiorum ergastula recte dixeris. Altera pariter ibidem in montis vertice caverna aperitur, quæ longissimo subterraneo tramite continuari perhibetur. In his Coranos aliquando delituisse, & adversus sævientium bellorum furentes impetus his miseros cives sese protexisse, ex eo pronum est suspicari, quod hæc latibula passim testaceis vasis in usum humani victus olim effectis, nunc in minuta fragmenta concisis, sparsa cernuntur. Nullus autem ferme vicus est intra urbem ubi immania saxa vetustissimarum molium ædificiorumque olim fundamenta non appareant; quorum si immensam, ita dixerim, molem attentius inspicias, prima veluti post Noenum sæcula, quando Gigan-

tes illi, hominum monstra, viguerunt, testari ac referre procul dubio videbuntur. Ceterum & auctores alicujus ex iis cisternis quas memoravimus, nos docet vetusta inscriptio in lapide qui Coræ juxta viam

1. MSS. quæ a columnis dicitur, prostat, in hæc verba: 1.
Card. Corrad.

C. OPPIVS VERVVS LF TVRPILIVS PRISCVS M.
F. IIII VIR I D
AQVAM CAELESTEM DILABENTEM MONTI-
BVS COLLECTAM
INTERCISO AGGERE
PER FORMAM CVRSV FACTAM IN PISCINIS
REPVRGATIS
LONGO TEMPORE CESSANTIBVS
P. R. PRODVXERVNT EX S. C.

Hanc inscriptionem infra, utpote in loco, explicabimus: nunc illam tantum in medium attulisse ad hujusmodi cisternarum vetustatem ostendendam satis fit. De fabula illa vulgaribusque rumoribus domus Pilati, quem Coræ quidam fuisse, & magistratum obiisse, putant, non est quod multa commemorem, cum nullo ea fama Scriptorum testimonio possit confirmari; immo Historicorum communi suffragio falsam omnino esse satis constet. Ceterum cum inter antiqua Coranæ urbis ædificia, omnium sumtuosissime ac magnificentissime ædificata, ut ferme fit, templa fuerint, eorundem multa ad hanc usque ætatem pervenire vestigia, ex quibus eorum magnitudo ac moles deprehendi aliquatenus potest. De his itaque nunc agendum. Et primo quidem Castoris & Pollucis ædes, sive templum, Coræ fuit, quam Marcus Calvius in-
ter

ter Coranos nobilissimus pecunia sacra faciendam curavit; quod ostendit in fronte ejusdem templi positus lapis nunc femirutus cum inscriptione: 2.

2. MSS.
Card. Corradini.

AEDem CASTORI POLLVCI DEC. S.
FACIENDAM PEQ SACR COER.
----- M. CALVIVS M. F. P. N.

nempe: *Aedem Castori et Polluci de Collegii, vel Decurionum sententia faciendam pecunia sacra curavit Marcus Calvius Marci filius Publii nepos.* Imposita erat ædes aspero admodum montis cacumini, ubi quatuor adhuc exstant striatæ columnæ, areamque ejus occupari ajunt partim a templo quod Servatori Deo Christifideles exstruxerunt, partim ab aliis civium ædificiis. Ejusdem quoque longitudo ea fuisse censetur, quæ instrato musivi operis lapillis pavimento contegitur, atque in octoginta ferme passuum spatium extenditur. In hujus pavimenti parte ac veluti fascia quadam, inscriptionis fragmentum legi ex purpureo marmore intextum reliquo pavimento his verbis:

C. CVRTIVS C. L. PHILI-----

Cetera muris inædificatis occupantur. Hujus templi aditum magnificentissime exstructis porticibus exornatum fuisse, columnisque sexaginta Doricæ, Corinthiæ, Etruscæque structuræ, disjecta passim per urbem earundem pretiosa fragmenta; præter civium testimonia; satis confirmant: inter quæ etiam portarum limina, & fastigia, statuarumque excisa membra passim occurrunt. Aedificatum a M. Calvio templum hoc Castoris sub Claudio Imperatore, refert Vignolius; 3. quod tamen non satis evincitur, cum potius

3. De Columna Antonini.

R 2

Clau-

Claudii Imperatoris ætate, in ruinis omnino Coram jacuisse superiori capite ex Propertii Lucanique testimoniis ostenderim. Multo itaque ante Claudii tempora conditum ejusmodi templum crediderim, quamvis ejus ætatem statuere minime possim. Quod & locutio ipsa satis ostendit; in qua, ut alia omittam vetustissimæ ætatis signa, illud satis erit notasse, quod COER pro CVR. nempe *cura-vit* scriptum ipse nuperime ibi legi; qui scribendi loquendique modus non tantum tempora Claudianis multo superiora, sed Ciceronianam, immo etiam Plautinam ætatem aperte designat. ut inter ceteros quamplures Antonius Augustinus in decimo de Nummis antiquis Dialogo allatis exemplis ostendit. Templi hujus rudерibus Balneas sive Thermas adjunctas fuisse testantur quatuor, quæ adhuc visuntur, camerata antra, sive aulas dixeris, sive cubicula, magnificæ sane structuræ, quæ nunc in quatuor oleariarum molarum usum concessere. His aliarum vetustissimarum substructionum rudera adjuncta apparent. quæ omnia magnitudinem & nobilitatem loci designant. Balneas autem juxta Castorum templum ideo exstructas dixerim, ut athletæ, pugiles, equorumque domitores & agitadores post suas quisque exercitationes pulverem sudoremque abstergerent. Vel etiam lavando in Balineis Castorum, purgari se quocumque a crimine, omnique turpitudinis aut flagitii macula mundari profani crediderunt. quod nunc Turcæ quoque aliique Asiæ populi putant. Certe Aeneas nullo modo deos Penates suos contrectare ausus est, nisi prius vivo flumine sese purgasset ex Græcorum cæde:

4. Virg.
Aeneid. 2. circa
finem.

*Tu 4. genitor, cape sacra manu, patriosque Penates:
Me bello e tanto digressum, et) cæde recenti,*

Attre-

*Attrectare nefas; donec me flumine vivo
Abluero.*

Quod Coræ M. Calvius ædem Castori ac Polluci fecerit, juxta Latinarum civitatum vetustissimum morem fuit. quamvis enim hi semidei profanorum e Græcia essent, utpote Lacones; passim tamen apud Latinos quoque templis colebantur & sacrificiis. Hos Jovi, ut est in fabulis, Leda Spartana Tyndari uxor, celeberrimæque illius Helenæ mater, edidit, cum sub cygni specie Juppiter eam fefellisset. Natos ex ovo, fabulati sunt poetæ, quod superius illud cubiculum sive cœnaculum, in quo Ledam deprehendit Juppiter, ὠψών Græcis, sive ὦον dicitur. quod vocabulum, cum alteri ὦον, idest οὖον affine sit, locum fabulæ dedit. De ea Horatius: 5.

*Castor gaudet equis, οὖο prognatus eodem
Pugnis.*

Alii Ledam duo ova concepisse, fabulati sunt, alterum quidem ex Jove, ex Tyndaro alterum; ex Jovis ovo Pollucem immortalem enatum, ex Tyndari vero Castora mortalem, ut reliquos homines, eductum: tanta autem caritate hosce fratres sese mutuo complexos, ut occiso Castori Pollux ab Jove genitore vitam & immortalitatem sic impetraverit, ut certis temporum spatiis exactis alter semper occideret, alter revivisceret: quod alternum eorumdem in suos imperium significasse, sunt qui putant. Ceterum inter sidera relati mutuum hanc invicem loco ceden- di caritatem non amiserunt; alternis enim occidunt pariter & oriuntur. Eorum quoque stella sive *Castores* (sic enim ambo sæpe sunt appellati) ignes illi habiti sunt a nautis qui post ingentes procellas & tempestates apparent; quos si geminos simul, ut ac- cidit

5. L. 2
Sat. 1. v. 26

cidit aliquando, navigantes fulgere conspexerint, tamquam felicissimæ in posterum navigationis omen accipiunt: nostri ignem Sancti Telmi vocant. Elegantissime Horatius: 6.

6. Lib. 1.
Od. 12.

*Dicam et Alciden, puerosque Leda,
Hunc equis, illum superare pugnīs
Nobilem: quorum simul alba nautis
Stella refulsit,
Defluit saxi agitato humor,
Concidunt venti, fugiuntque nubes,
Et minax (quod sic voluere) ponto
Unda recumbit.*

Unde & Horatius idem Virgilio amico navigaturo precatur Castoras, navis rectores ut sint: 7.

7. Od. 3. l. 1.

*Sic te di-va potens Cypri,
Sic fratres Helenæ lucida sidera,
Ventorumque regat pater,
Obstrictis aliis præter Iapyga,
Navis, quæ tibi creditum
Debes Virgilium: finibus Atticis
Reddas incolumem, precor,
Et servas animæ dimidium meæ.*

Itaque nautæ eos tamquam faustæ navigationis patronos 8. ac fospitatores invocabant; quod inter cetera, Catulli testimonio constat agentis: 9.

8. Plin. l. 2.
6. 37.
9. Catull.
carm. 69. ad
Manlium.

*Ac velut in nigro jactatis turbine nautis
Lenius aspirans aura secunda venit;
Jam prece Pollucis jam Castoris implorata.*

Iisdem quoque tum ante navigationem, tum ea feliciter peracta, naves ipsas sacrabant. quin immo de eorum nomine eas appellabant, quemadmodum navem illam qua ex insula Melita Romam navigavit

Di-

LIBER SEPTIMUS. CAPUT II. 135

Divus Paulus , Castorum insigne habuisse legimus, quod in Græco textu sic legitur: 10. *Ἰδὸς ἡμῶν διος ἡξέρις*. 10. *Act.*
hoc est , cui erat insigne Dioscuri, nempe pueri Jovis, *Apost. c. 23.*
Castores . ita etiam in nummis appellati ex Græcis
vocibus *διὸς*, *Ἰοῦς*, & *κόρος*, sive *κῆρος* puer . Dedicat-
tionis phaselli Castoribus factæ luculentum illud ex-
stat exemplum apud Catullum, qui phasellum illum
navium celerrimum, qui tot per impotentia freta he-
rum tulerat æque feliciter, læva, sive dextera vocaret
aura, Gemellis his ita consecrat: 11.

11. *Catull.*
Ep. 4.

Sed hæc prius fuere: nunc recondita

Senet quiete, seque dedicat tibi,

Gemelle Castor, & Gemelle Castoris.

Claruisse illos ajunt alterum quidem luctandi mira
dexteritate atque arte, alterum vero domitorum e-
quorum exercitatione; atque his artibus Græciam o-
mnem informasse, quæ proinde benemerentibus &
templa & sacrificia constituit. Horatianum illud at-
tulimus hujusce rei testimonium: 12.

12. *Horat.*
l. 2. Sat. 1.
v. 26.

Castor gaudet equis, ovo prognatus eodem

Pugnis.

Cui illud Ovidii addendum: 13.

13. *Ovid.*
T. 1. Oper.

Ruricolæ Cereri teneroque adsurgite Baccho,

Pollucem pugiles, Castora placet eques.

Has itaque artes avidissime arripuit summoque in
pretio habuit, 14.

14. *Horat.*
Ep. 1. l. 2.

Ut primum positis nugari Græcia bellis

Cæpit, & in vitium fortuna labier equa:

Nunc athletarum studiis, nunc arsit equorum.

Tunc autem Latini quoque Castoribus aras, templa, &
sacrificia constituerunt, cum 15.

15. *Eadem*
Ep. infer.

Græcia capta ferum victorem cepit, & artes

Intulit agresti Latio.

Cer-

Certe Coræ ad ædem Castoris in summitate montis Corani exstructam (instar illius quam in Taygêto monte ad Spartam, ubi nati sunt Castores, exstitisse memorant) paucis ab hinc annis eo loco ubi nunc Servatori Deo Optimo Maximo templum est dedicatum, quod e ruinis ædis Castoris excitatum, supra narravimus, Jacobus Riccius & Lælius Mutus Corani cives referebant, effossum equum marmoreum eximiæ magnitudinis, quem tamen, quod loco movere fossores rustici admodum ac socordes minime possent, terra iterum obruisse; atque ibidem nunc quoque latere. dignum sane qui effodiatur vel publica impensa, locoque totius oppidi celeberrimo in vetustæ majestatis memoriam collocetur. Ceterum tunc maxime toto Latio Castorum cultum auctum crediderim, templaque iisdem in Coloniis passim excitata, cum bello Latino, cui pro Latinis adversus Romanos Octavius Mamilius Tusculanus dux fuit, Castoras, specie juvenum equis insidentium, Romanis auxilio fuisse, communi omnium voce fama vulgavit: visosque ejusmodi equites in Foro Romano cæsariam lavantes, sudorem ac pulverem ex prælio contractum abstergentes, eo loco quo Romani postea iisdem sacram ædem excitarunt. quam omni superstitione profanorum purgatam in honorem Dei Optimi Maximi & Sanctorum Cosmæ & Damiani Martyrum, in Foro Boario nunc quoque Romæ consecratam exstare cernimus. Fuscæ hæc Dionysius & Livius persecuti sunt: & nos etiam in Libro de Antiq. quant. instituti nostri tunc erat, nonnihil attigimus. 16. Quamquam autem Castores pro Romanis adversus Latinos eo bello auxilio venisse crediti sint; Latini nihilominus eorum bello vividam virtu-

virtutem divinamque (ut misere decepti putabant) eorundem vim ad victorias consequendas æstimantes , eos sibi benevolos ac propitios exstructis aris ac templis facere voluerunt. Tanto autem cultu eosdem sunt venerati, ut per ædem quoque eorum jurarent, seseque sacramento obstringerent iis vocibus: *Aecastor* , *Aedepol* ; scilicet per ædem *Castoris* ; per ædem *Pollucis* . Horatius tamen altioris ordinis beneficia a Castoribus Græciæ impertita commemorat , ob quæ illos inter deos postea connumeraverit . Eos scilicet Libero Patri, Herculi, & Romulo conjungit, atque Græcorum Rempublicam utilissimis institutis rexisse & confirmasse , atque ob id templa meritos fuisse. En ejus verba: 17.

Romulus, &c. Liber pater, &c. cum Castore Pollux
Post ingentia facta deorum in templa recepti,
Dum terras hominumque colunt genus, aspera bella
Componunt, agros assignant, oppida condunt. &c.

17. Ep. 1.
 l. 2. sub ini-
 tium.

Fuit quoque Coræ templum Herculis , cujus illustria hodieque vestigia cernuntur in summa urbis parte, loco longe conspicuo, utpote in vertice Corani montis. Itaque exstat adhuc facies sive frons vetustissimæ porticus Herculei templi, non illa quidem tot sæculorum voracissimo exesa dente, verum adeo integra adhuc & nitida ut recens posita esse videatur . Hætenus pariter superfuere marmoreæ columnæ quædam porticum sustentantes, quibus imposita visuntur perpulchra fastigia egregiæ sane sculpturæ & cælaturæ, exornata , & pyramidem referentia . Atrium itaque templi totum superfuit, cujus magnitudinem quoque diligenter metiti sumus. Octo autem columnis constat, quarum altitudo deprehensa est palmorum octo & viginti una cum basi & capitello, latitudo palmorum

S decem.

decem . Sunt autem Doricæ structuræ . Porro totius atrii latitudo reperta est palmorum triginta , totidemque longitudo , ita ut perfecte quadratam figuram referat . Imaginem illius accurate descriptam , ne quid deesset , hic apponi curavimus . Limina quoque portarum e nitidissimo marmore elaborata ea sunt quæ turrin templi nunc Diyo Petro sacri in meridiem sustentant . Mirum sane tot post evoluta sæcula , postque tot bellorum clades rerumque vicissitudines tam integra hæc omnia ad hanc usque ætatem pervenisse . Duobus autem ab hinc sæculis inter reliqua hujus templi rudera effossa sunt labra duo (sive conchas , sive urnas , ad aquam excipiendam appellare malis) ex optimo marmore confecta , quadratæ figuræ , quorum dimidia pars erat palmorum sex . Horum autem labrorum alterum , insculptis agnorum floribus coronatorum capitibus , ornatum erat ; quod ob eximiæ cælaturæ opus in usum Sacrosancti Christianorum Lavacri , quod Græci ἁγίου-συγ dicunt , in æde proxima Divi Petri concessit . alterum vero in varias divisum partes templo ejusdem multiplici ornamento esse cœpit . Porro Herculei vetusti templi portæ Doricis columnis sustentatæ intra porticum imposita inscriptio , nunc quoque legitur in hæc verba :

M. MANLIVS M. F. L. TVRPILIVS L. F. DVOMVIR-
RES DE SENATVS SENTENTIA
AEDEM FACIENDAM COERAVERVNT EIS-
DEMQVE PROBAVERE.

18. Gruter.
Inscript. 2. 1.
parte 1. pag.
43. ex edit.
Jo. Georg.
Gravii, Am-
stelodami an-
no 1707.

Hanc inscriptionem nuperrime hoc scilicet anno MD CCXXVI. sic ipsi accuratissime sæpius legimus , & tamen eadem multo aliter refertur a Grutero sic : 18.

M. TVR-

M. TVRPILIVS M. F. L. TVRPILIVS P. L.
 DVOMVIRES DE SENATVS SENTENTIA
 AEDEM HERCVLI
 FACIENDAM COERAVERE IIDEMQVE PRO-
 BAVERE.

Quamquam autem ex vetusta fama hanc ædem Herculi sacram fuisse putemus; in ejus fronte tamen verbum *Herculi*, quod Gruterus exscripsit, re vera non est. Atque hic obiter notandum quantum vel accuratus quisque in his exscribendis & referendis monumentis peccet, nisi de visu atque oculatus sit testis, quales omnium quæ hic afferimus, nobis esse contigit. Ex hac inscriptione, in qua *Duomvires*, non *Duumviri*, & *coera-verunt*, non *cura-verunt* legitur, licet certum omnino tempus quo templum hoc ædificatum fuerit, statuere minime possim, illud tamen mihi videor satis bene posse colligere; primis saltem Romanæ Reipublicæ sæculis cum Latina lingua vetustis illis vocabulis uteretur, quæ postea antiquata sunt, templum idem fuisse constructum. Ceterum Duumviros sacrorum curandorum, sive sacris faciundis, sive qui sacris præessent, & alibi fuisse legimus. Horum erat sacros libros legere atque interpretari; si quid in urbe portentum accidisset, observare, malumque omen sacrificiis vel precibus publice indictis avertere; lectisternia ad pulvinaria deorum curare, templa excitare, dedicare, servare; denique quidquid ad deorum cultum pertineret, prospicere. Quod autem in labris illis de quibus nuper, agnorum coronatorum capita insculpta essent, inde fuit; quod Herculi, quemadmodum etiam aliis diis plerisque, agnorum coronatorum victimas

profani sacrificabant , ac proinde eorumdem imagines in lavacris ipsis templorum passim insculpere consuevere . Alia quoque inscriptio hic reperta in qua legitur :

HERCVLI SACRVM


hoc loco templum Herculis fuisse confirmat . Vetustate vero jam fatiscens , vel etiam omnino collapsum , restituit M. Calvius ex pervetusta Corana familia , vel certe signum aliquod in hoc templo de suo poni fecit . aliquid enim hujusmodi loquitur lapis ibidem exstans in hæc verba :

M. CALVIVS M. F. PAP. PRISCI
ADLECTVS IN ORDINEM SENATORIVM
A TI CLAVDIO CAESARE AVG. GERMANICO
D. S. P. F.

De Hercule ejusque tota Italia , ac præcipue per Latium universum cultu , non est quod hic plura disseram ; cum libro de Norbanis 19. hac super re factis superque differuerim . Jam vero & Aeolo ventorum regi templum a Coranis conditum nonnulli putant , eoque loco fuisse tradunt , ubi nunc Luciorum Coranorum civium horti virescunt juxta forum sive plateam *Dorici* . Nil tamen hujus templi supraterram , quod ejus structuram nos doceat , residuum mansit . Fodientibus quidem sæpe visæ sunt ingentium molium substructiones , fornices , aquæductus vasti admodum sumtuosique operis . inde quoque non semel educta sunt pretiosa antiquitatis fragmenta & vestigia , nempe columnarum fragmina , bases , capitella , fastigia eximiæ cælaturæ , statuarum capita , trunci ,
bra-

M. CASTORI POLLVCI DE C. S. FAC

M. CALVIVS . M . F . P . N .



Antiqui Castorum Templi Coræ, quæ supersuere, Fragmenta.



*Facies et Porticus Antiqui Templi, quod Herculi quamplurimi, Diana nonnulli
 dedicatum fuisse putant; in uertice Corani Montis, ut in hanc usque aeta-
 tem Cora uisitur.*

brachia, crura, pyramides e nobilissimis marmoribus egregie sectæ. quodque maximum pondus dedit conjecturæ de eo quod hoc loco templum Aeoli fuerit, præter vulgatam ab antiquissimis temporibus famam; inventa sunt simulacra multa Ventorum, quos veteres tamquam alatos viros promissa barba repræsentare consuevere. Aeolum vero fabulæ in ventos ab Jove regnum accepisse commentæ sunt; quod inde originem duxit, quia ventorum motus omnes ad navigationis felicitatem unus omnium perfectissime calletret Aeolus. cui proinde cavum quoddam Aeoliæ insulæ antrum, quo velut carcere ventos omnes in officio contineret, nec nisi quando, quove illi collibuisse, emitteret, ab Jove veluti regnum traditum fuisse, veteres fabulati sunt. Egregie de hoc antro Virgilius: 20.

20. *Aeneid.*
l. 1.

----- hic vasto rex Aeolus antro
 Luæantes ventos tempestatesque sonoras
 Imperio premit, ac vinclis et carcere frænât.
 Illi indignantes magno cum murmure montis
 Circum claustra fremunt: celsa sedet Aeolus arce
 Sceptra tenens, mollitque animos, et temperat iras.
 Ni faciat, maria et terras cælumque profundum
 Quippe ferant rapidi secum, verrantque per auras.

Non absimili imagine crediderim in hoc templo Coranos Aeolum repræsentasse; quamvis enim Aeoli regnum meræ nugæ ac poetarum fabulæ essent; iis nihilominus fidem tamquam veris profani adhibebant, easdemque maximum suæ religionis (vere superstitionis) fundamentum statuebant. Ideo autem ab Coranis templum Aeolo ventorum regi ædificatum crediderim; quod cum in edito admodum loco sita esset eorum urbs, omnibusque ventorum injuriis exposi-

exposita; regia veluti ventorum ac proinde bene Aeoli domus videri posset, in qua templo & sacrificiis statutis Aeolo ventisque cives supplicarent, ne noceret, perque suos fines atque agros æquus ventos dimitteret, iique incederent; neque ædificiis, arboribus, segetibus, &, quod caput est, corporibus civium nocerent. Erant enim in densissima profanorum deorum turba dii multi quibus sacrificabant, non quidem ut beneficia ab illis impetrarent; verum, quod mali essent, ne nocerent. Huiusmodi autem erant Pallor, Febris, alique. Quamquam Aeolum non tantum ne noceret, Corani coluisse dicendi sunt, verum etiam ut lenibus auris aspirans, Zephyro præcipue, quem & Favonium dixere, eorum prædia fœcundaret. siquidem est genitabilis aura Favoni. De Aeolo

21. Lib. 10. Homer. 21.
Odys.

*Quæstorem statuit ventorum Juppiter illum;
Cum libet, et sedet ventos et concitet idem.*

Additque, utrem illum Ulyssi maria omnia circum tot annos erranti tradidisse, quo venti omnes continerentur, nec nisi ad Ulyssis imperium illinc exire possent. Unde quemcumque tandem suæ navigationi opportunum cognovisset, quoties opus foret, emitteret. quod elegantissimum commentum id tandem significabat; Aeolum ventorum omnium scientiæ peritissimum, eorundem cursum in membranis descriptum Ulyssi tradidisse; quibus, quoties opus foret, inspectis, qualem vitaret, qualemque ventorum exciperet ad felicem navigationem, cognosceret. Porro ante Aeoli in ventos regnum, eosdem sine lege adeo vagos ferosque terris incubuisse, fabulati sunt poetæ, ut altissimis impete diductis montibus maria ipsa eodem introduxerint, quæ terras longe lateque dividerent.

rent. Valerius Flaccus in Argonauticis, inter alia: 22.

Has nimbi ventique domos et naufraga servat

22. *Argo-*
nautic. l. 1.
v. 584.

Tempestas: hinc in terras latumque profundum

Est iter: hinc olim soliti miscere polumque

Infelixque fretum: neque enim tunc Aeolus illis

Rector erat, Libya cum rumperet advena Calpen

Oceanus, cum flens Siculo Oenotria fines

Perderet, et mediis intrarent montibus undæ.

Ceterum ventis etiam ante Aeoli ætatem, Persas Scythasque cultum exhibuisse, apud Strabonem legimus; postque eam ætatem, Augustus 23. vota & fecit & reddidit ventis, ne Gallias infestarent. Nam Aeneæ celeberrimum sacrificium ventis pro incolumi navigatione factum omittam.

23. *Seneca*
Natural.
Quæst. l. 5.
c. 17.

Jam vero & Fortunæ dedicatam ædem antiquitus Coræ fuisse vetustissima fama est eo loco quo nunc princeps omnium Templum Deo Optimo Maximo pietas Christiana dicavit. Visuntur ad hujus latus obscura quædam antiquitatis vestigia, & fragmenta quædam in novi templi excitanda turri collocata sunt; eruunturque in dies politi lapides, antiqui templi rudera. Hinc etiam marmorea inscriptio effossa est in hæc verba:

TI. CLAVDIO TI. F. ROMANO IVSTO
OMNIBVS HONORIBVS CORAE FVNCTO
ORDO POPVLVSQ. CORANVS. BENE-
MERITA EIVS.

Ita lapidem nuper ipse legi, quamvis aliter alii referant. Basis erat hic lapis statuæ Tiberio Claudio positæ, de quo infra opportunior sermo redibit. Ceterum, quod Fortunæ dedicatum hoc loco templum
anti-

antiquitus foret, confirmat etiam inscriptio marmoreæ fedi, seu cavum dixeris, insculpta, ubi Fortunæ signum fuerat collocatum, sic:

FORTVNAE OMNIBVS ANTEPONENDAE
COLEN. EX SC. D
PEQ. Q. PLEB. DICA. MAE &c.

Exesam foedeque mutilam hanc inscriptionem alii aliter reddiderunt. de ejus tamen primis literis convenit inter omnes. De cultu autem Fortunæ affatim egimus in Antiatum libro. Sunt quoque qui Dianæ sub Matris Matutæ titulo templum Coræ exstitisse crediderint, inscriptione illa adducti quam Gruterus affert in hæc verba: 24.

24. Gruter.
pag. 60. prim.
edir. to. 1. tit.
juxta oppi-
dum Coræ.

CERVARIA SP. F. FORTVNATA
MAGISTRA
MATRI MATVTAE
D. D.
PAVL. PONTIA. M. F. ET
CONSVA
PICATRICES.

25. Fabrett. Quam tamen Fabrettus sic melius reddidit: 25.
n. 527. c. 4.

PAVL. TOVSCIA M. F. ET
CONSVPLICATRICES
CERVARIA SP. F. FORTVNATA
MAGISTRA
D. D.

Imbecillum nihilominus argumentum est hæc inscriptio, ut Dianam, sive Matutam, Coræ templum habuisse

buisse dicamus . Nam , præterquam quod inscriptionis hujus certus locus a Scriptoribus non affertur ; potuit facello alicui sive aræ adjuncta fuisse , quæ Matutæ sacra essent . Porro magnificentissimum omnium quotquot Coræ fuerint , templorum , Solis templum fuit , e regione templi Castorum latissime constitutum , eo loco quem nunc *aream* sive *plateam Dorici* dicunt . Protendebatur autem in vicum qui *A Columnis* olim vocabatur , eo quod vetustarum columnarum fragmentis undique refertus esset . Hic capitella jamdiu prolapsa humi jacent circuitus palmorum viginti , in quibus Solis effigies quadruplex cernitur , quam ornatu vario elegans cælatura circumdat . quamquam autem illa situ & vetustate squalcant , unum tamen ex iisdem integrum satis visitur , quod operis elegantiam ostendit . Hujus templi rudera late quibusdam civium domibus aream dedere : cujus rei præclaro sunt argumento columellæ multæ striatæ e violaceo marmore fornices antiquarum molium sustentantes , & muri opere reticulato constructi . quos inter in prægrandi marmore uncialibus literis manca hæc inscriptio legitur : 26.

26. MSS.
Card. Cerradini.

L P O B L I L I V S M . F .
L . N --- P R O N . I I I I V I R
P O N T I F I C . L V C . P V B L .
D E O R . P V L V I N A R I A

Solis cultus apud profanos communis fuit . Persæ præcipue illum veluti deorum maximum venerabantur , populique fere omnes quorum in Orientem regiones magis vergebant . Certe Jobus , singulare illud patientiæ miraculum , vanissimum hunc Soli cultum

T jam

jam inde ab sua ætate a populis illis adhibitum fuisse, ostendit iis verbis, quorum sententiam non facile quivis assequatur: 27. *Si vidi Solem cum fulgeret, & Lunam incedentem clare; & letatum est in abscondito cor meum, & osculatus sum manum meam ore meo: quæ est iniquitas maxima & negatio contra Deum Altissimum.* in quibus ritum quemdam Solem Lunamque adorandi describit, apponendi scilicet ad os manum deosculandi que, & in eorum honorem submittendi una cum totius corporis demissa admodum inclinatione. quem salutandi & obsequentem reverentiam exhibendi morem ab Asiaticis populis nunc quoque adhiberi passim videmus. Ceterum Romæ ad Viminalis, Quirinalisque collium radices eo loco quo nunc Columnensium regulorum horti sunt, ingentes reliquæ exstant templi illius quod Soli dedicasse Aurelianus Imperatorem, memorant: quod gemmis auroque exornatum ab eodem insanis sumtibus, tradit Vopiscus. Persico autem præcipue apparatu cultuque templum idem ornatum fuisse ex iis Vopisci verbis apparet: 28. *Tunc illæ vestes quas in templo Solis videmus, consertæ gemmis, tum Persici dracones & tiaræ; quod postea nec ulla gens detulit, nec Romanus Orbis vidit.* De Solis cultu in Apollinis templo *Mithræ* nomine Antii habito, fuse in Antiatum libro scripsimus. Eundem *Bacchum* quoque & *Liberum Patrem* appellatum aliquando, refert Macrobius; unde fit quod vetus inscriptio:

LIBERO PATRI
 SPIRA VLVBRANA
 D. S. P. F.

quæ olim Coræ exstabat, in templo Solis fuisse credita est. De ea nuper, cum de Veliternis superiore libro

libro ageremus. Aliud quoque Apollinis simul & Aesculapii templum Coræ fuisse, compertum est, ubi nunc ædes sacra excitata est cælestis militiæ Principi beatissimo Michaeli. Ibi enim patrum memoria in portarum limine hæc legebatur inscriptio:

APOLLINI AESCVL. O---M----
 -----RI-----
 PRAE-----DEOR-----

Quamquam autem ex tam mutila ac trunca inscriptione vix aliam possis sententiam colligere, quam, quod Apollini simul & Aesculapio templum hoc loco dedicatum esset; plura tamen refert lapis alter eodem ferme detectus loco, his literis distinctus:

AESCVLAPIO ET HYGIAE
 SACRVM.
 C. OPPIVS C. F. LENAS
 VI VIR ET AVG.
 HONORATVS IN TRIBV
 CL PATRV M ET LIBERV M
 CLIENTIV M ADCENSVS
 PATRONIS SANCTISSIMIS
 COMMVNICIPIBVS SVIS D. D.
 QVORVM DEDICATIONE
 SINGVLIS DECVRIONIBVS
 XIII AVGVSTALIBVS----XII ET
 COLONIS COENAM DEDIT
 L. D. D. D.

Quæ postrema verba sic explicabis: *Libens Dat, Donat, Dicat*. De Cajo Oppio plura habebis infra, cum

de Coranorum illustribus familiis agetur. Illud tantum hic minime prætermittam; scilicet hunc Cajum Oppium nobilissimum Coranum civem ex Tribu Claudia, in dedicatione templi Aesculapio & Hygiæ facta, sumtuosissimum epulum & coenam tum communicipibus suis, Decurionibus Augustalibus tredecim, & Colonis duodecim dedisse, ex illis utique dapibus de quibus Horatius: 29.

29. Hor.
od. 37. l. 1.

----- nunc Saliaribus

Ornare pulvinar deorum

Tempus erat dapibus, sodales.

Latent autem circa locum subterranea pavimenta *musivo* opere distincta; quædam quoque supra terram apparent, in areis recentiorum domorum ad passus ferme sexaginta, ædem Castorum versus euntibus. Ibidem quoque latitat quædam veluti cisterna, sive aquarum per montis meatus ac cuniculos huc confluentium receptaculum, vasto fornice contectum, distincto pariter *musivi* operis solo, quod plerumque stagnantes occupant aquæ. quarum concisis undique disruptisque veteribus plumbeis ductibus, vis ingens per frequentes rivulos in vicinas vias dispergitur. Horum plumbeorum ductuum fragmenta duo haud multis ab hinc annis effossa sunt longitudinis palmorum decem in singula, immani adeo pondere, ut eorum alterum robustissimus quisque sustentare minime posset. De Aesculapio quoque in Antiatum libro abunde quæcumque scitu digna sunt, descripta a nobis reperiens. Bacchum vero Coræ templum habuisse, vel certe facellum, aut signum aliquod eximium, innuit inscriptus lapis ille quem dixi, inter antiquarum molium rudera detectum, prope ædem quam *Sanctæ Mariæ de Plebe* appellant, his literis:

LIBE-

LIBERO PATRI
SPIRA VLVBRANA
D. S. P. F.

Quæ singulares literæ sic legendæ sunt : *De suo poni fecit* , vel *De sua pecunia fecit* , vel tandem *Dicavit sua pecunia factum* . De hac femina nuper, cum de Ulu-bris ageremus , in calce superioris libri mentionem fecimus. Hic tamen lapis non satis evincit, templum ab hac femina Baccho positum fuisse, cum potius lapidis ejusdem figura basin quamdam referat, cui Bacchi signum impositum olim fuerit. Denique, ut huic de Coranorum templis narrationi finem aliquando imponam; sunt qui putant, Coræ Jani quoque templum exstitisse eo loco quo nunc Deo Optimo Maximo in honorem Olivæ Virginis sanctissimæ Anagninæ civis ædes sacra consurgit . Eo autem adducuntur argumento , quod marmorea quædam vetusta inscriptio ibidem exstans satis quidem longa, verum plerumque foede corrupta, in hæc tandem desinit verba:

HAEC .N. VERA FIDES EST AB ALIE-
NIS DIIS
ET IANO EORVM DIVERTANT.

Certi quidquam statuere non ausim . quamquam & aliud argumentum adjungitur, repertæ scilicet statuæ duas facies habentis, quam Jani bifrontis fuisse, nemo est qui dubitet. Atque hæc quidem de Coranorum templis habui quæ in medium afferrem . quæ omnia Coranæ urbis vetustam nobilitatem , ac majesta-

jestatem ostendunt. His sepulcrales inscripti lapides quidam addendi: quorum unus in parvæ urnæ fronte ad Divi Petri sacrarium sic habet:

DIIS MANIBVS
SATRIENAE Q. L.
SECVNDAE

Alter vero in Butiorum hortis sic:

D. M. S.
L. VENVLEIO FORTVNATO
L. VENVLEIVS POLYCARPVS
ET VENVLEIA GRAPTE
PARENTES FECERVNT SIBI POSTERIS-
QVE SVIS.
----RONTE P. IIII. IN AGRO P. III.


Duæ quoque urnæ iisdem in hortis asservantur exiguæ admodum cum literis, in altera quidem:

D. M.
TEIAE THREPTE SOROR: PISSIMAE
CVNARIAE RVFINAE V. V.
GLYPTVS FRATER. QVI PI. FELIX VI-
VOS VIVAE POSVIT.

in altera vero:


CN. CALPVRNIVS .) . L. OECOGENES
CALPVRNIA CN. L. FAVSTA
CN. CALPVRNIVS CN. L. STEP'ANVS.

Deni-



Dianæ uenatricis Figura, quæ Coræ in Butiorum Hortis antiquo opere marmori insculpta habetur.

Mulieris supplicatricis imago marmori insculpta, ut extat, Coræ iisdem in Hortis.



Ara Antiqua in ruinis Templi Herculi uel Dianæ olim dicati reperta, Coræ; ubi modo extat in Aede Diuo Petro Sacra, inseruitque Fonti Sacrosancti Christianorum Lauacri.



*Romæ Antiquæ Statua ex purpureo marmore
quod porphyreticum appellant; quam Coræ in
Templo Castorum erutam memorant. Visitur hodie
Romæ in Area Capitolina.*



THE LIBERTY BELL
AND THE LIBERTY BELL
AND THE LIBERTY BELL
AND THE LIBERTY BELL

Denique in alia parva marmorea urna:

L. LVCRETI L. F.
PAP. VITVLI
VIX. AN. XX.

C A P U T I I I.

De Coloniis Coram deductis.



OCI natura quo Coranam urbem primi ejusdem auctores condiderunt, ea fuit, ut populos conterminos ad eodem deducendas suorum Colonias non semel al-

lexerit. Delectatos crediderim cæli ingenio quo urbs hæc fruitur, solique felicitate qua eadem gaudet; præcipue vero præsidiis illis quibus eam natura munivit, rupe scilicet asperrima cui insidet, & scissura montis qua undique circumducitur. Certe Albani huc Coloniam suorum deduxerunt; Etrusci pariter; mox Latini; Romani denique omnium novissimi. De Albanis quidem Dionysius memoriæ prodidit, eos 1. regnante Albæ Latino Silvio Coram inter ceteras Latinas urbes quas enumerat, nosque hujus Libri capite primo retulimus, suorum Coloniam deduxisse; quod Virgilio Augusti gratiam captanti ansam præbuit, Albanos, a quorum Regibus Augusti progeniem derivabat, Coræ conditores appellandi. Etrusci vero quando Coram deduxerint suorum Coloniam, res omnino in incerto est. Deduxisse quidem eos huc Coloniam, Inghiramius refert; ait enim, 2. Tibur & Coram in Latio Tuscorum Colonias fuisse, Coramque Cortonenfibus, sive Coritiis, Etrus-

1. In lib.
Antiq. Rom.
fol. 177.

2. Lib. 2.
Antiq. Rom.
sc. f. 138.

fcis

scis populis paruisse. Novi equidem, Scriptoris hujus auctoritatem ab eruditis quandoque elevatam fuisse: at pariter satis novi, patronos eidem non defuisse, qui quaecumque ille scripsit, tamquam Sibyllæ folium excipienda esse, pluribus argumentis contenderunt. Vim potissimam hujus conjecturæ in nominis similitudine, quo urbs utraque *Cora* & *Coritum* appellata est, positam esse crediderim. Latina certe postea Colonia fuit, quod luculento Livii testimonio satis constat. siquidem Agrippa Menenio, P. Posthumio Consulibus, *Dna*, 3. inquit, *Coloniæ Latinæ Pometia et Cora ad Auruncos deficiunt*. Jam vero Latina, sive Latinorum Colonia atque Albanorum eadem minime fuit, quod aliquis fortasse putet. Eæ enim *Coloniæ Latinæ* dicebantur, quæ Duumviros ad Latinorum concilium Ferentini indictum ad radices Montis Albani quotannis Feriis Latinis mittebant, ibidemque Latiali Jovi sacrificio peracto carnem, sive viscerationem, fumebant, & antiqua inter se foedera renovabant. Hoc autem diu post Albanos extinctos Reges duravit. Albanorum autem *Coloniæ* eæ fuerunt quas Albani Reges in devicta oppida deducebant, quo diuturnior ac firmior parta de illis victoria esset. Ceterum, præclarum admodum jus Latinarum *Coloniarum* fuit. Jure enim Latino 4. *Coloni* hujusmodi una cum Civibus Romanis ad suffragium ferendum in Comitibus admittebantur, & foedere concessum erat Latinis communem cum Romanis Reipublicæ gerendæ curam habere. Colonia tandem Romana deducta est *Coram*, Urbis Conditæ anno supra quinquagesimum primum ducentesimo. cujus rei, præter Merulæ 5. auctoritatem satis aperte hoc testantis, quamplurima in testimonium adduci possunt. Decuriones
in

3. Liv. l. 2.

4. Panvin.
de Colon. ex
Dionys. l. 8.

5. Paul.
Merul. Cos-
mograph. par-
te 2. l. 4. fol.
mibi 625.

in Romanis Coloniis Rempublicam administrasse dictum est sæpius. Decuriones autem Coræ fuisse constat ex allata dedicatione Aesculapio facta a C. Oppio Corano, in qua disertis verbis illum cœnam atque epulum singulis Decurionibus & Colonis dedisse legimus. Adde quod Coloniae Romanorum Romæ ipsius, unde dimittebantur, imaginem in administranda Republica referebant, ac proinde, quemadmodum Romæ, ita & in Coloniis res urbanæ per Prætorem gerebantur, cujus erat civium causas cognoscere. Prætorem autem Coræ fuisse nos docet inscriptio Corana, quam Gruterus 6. affert in hæc verba:

6. Pag. 306.

SERVEIS CONTVLIT SESTERTIVM
OMNIBVS. PRÆTORI QVINQVE. MAGISTRATVI
DECEM DEDIT SESTERTIÀ SVO SVMPTV.

Unde etiam habes, quod Coræ magistratus fuerit, qui tamen nullus in pagis erat, cum solæ civitates forum haberent, in quo magistratus jus dicerent. Rursus Corana civitas in ordines quosdam digesta erat, Romanæ instar Reipublicæ. siquidem Tiberio Claudio ordo populusque Coranus ob ejus merita statum posuisse legitur, in ea quam supra in medium adduximus, inscriptione. Tandem in lapidibus multis Duumviri, Quatuorviri, Seviri, ac demum etiam Augustales Coræ fuisse leguntur. Qui magistratus, quæque Collegia in Romanis Coloniis fuisse, passim apud Scriptores reperimus. Quæ quidem omnia præclara argumenta sunt ad id quod contendimus conficiendum, statuendumque omni dubio procul; Coranam urbem post Albanos, Etruscos, & Latinos hospitio receptos, etiam Romanæ Coloniae titulo atque honoribus insignitam claruisse.

CAPUT IV.

De Jure Municipali Coranorum.

R A E T E R jura Romanarum Coloniarum, quæ quidem satis ampla ac præclara fuerunt, habuit Cora jus quoque Municipale, quod fuit in paucis amplissimum. Siquidem Cora Municipium fuit aliquando.

quod luculentis testimoniis mox confirmabo. Municipia autem illæ erant urbes quæ sponte sua in Romanorum fidem, amicitiam atque clientelam sese dabant, atque inde *Municipia* dicebantur, quod sine vi atque armis, ac veluti munere caperentur. Hujusmodi civitatibus veluti sociis ac foederatis permittebant Romani, suis, quibus antea, uti legibus: nec aliud ferme eisdem imperabant, quam ut in fide Romanorum perseverarent; ut ne Romani nominis hostibus auxilio sese adjungerent; cumque opus foret, annonam ac militem Romanis pugnantibus sufficerent.

1. Liv. l. 6.
dec. 3.

Porro Coram Municipium fuisse Livius 1. in primis memorat. Siquidem bello Punico secundo, cum Romanus Consul atque Imperator *Hannibalem*, inquit, *Latina via iturum satis comperisset, ipse per Appiæ Municipia, quæque propter eam viam sunt, Setiam, Coram, Lavinium præmisit, ut commeatus paratos in urbibus haberent.* Panvinius 2. quoque prodidit, in vetustis Epigrammatibus, nempe inscriptionibus, Municipiorum Italicorum Segusinos, Interamnates, & Coranos inter cetera recenseri. Harum inscriptionum duas Coræ detectas hic

2. Cap. 2.
de Municip.

damus: 3.

3. MSS.
Card. Cor-
radini.

eji

T O V T I A E
C. LEPANI Q. CLIDI
MATRI
EX S. C.
MUNICIPIVM OLIM
OB BENEFICIUM
ET LIBERIS

Statuam huic feminae positam a Corano Municipio crediderim ex Senatusconsulto. Fuit quippe Corae aliquando Senatus. Nisi forte ex Romani Senatus consulto id factum quis malit dicere. Perperam tamen; cum Municipium Coranum huic feminae statuam ob sibi conlatum beneficium posuisse dicatur ex Senatusconsulto, sui scilicet Senatus consulto. Quamquam illam posuisse potuit Municipium Coranum etiam ex Romani Senatus consulto; sine quo nefas in subditis urbibus statuas alicui ponere, aliquando fuit. Ut ut res habuerit (nam pro alterutra sententia non pugno, cum quid certi statuam, omnino non inveniam) hoc tene, nam certum est; ex hac inscriptione constare, Coram Municipium fuisse. Sed & illa dedicatio Aesculapio atque Hygiae facta a Cajo Oppio, quam, ubi de templis Coranorum egimus, in medium attulimus, communicum Oppii ipsius mentionem facit sic:

PATRONIS SANCTISSIMIS
COMMUNICIPIBVS SVIS DD

Unde Municipium fuisse eam urbem in qua C. Oppius sese *municipem*, & cives suos *communicipes* vocat, satis apparet. Itaque propriis legibus etiam Romana vi-

gente Republica aliquamdiu Corani usi sunt . Quod etiam Romanæ ipsi Reipublicæ a Coranis leges aliquando mutuari placuit . quod æquitatis ac justitiæ, rectissimæque Coranorum disciplinæ gloriosissimum est testimonium . Res sic habuit . Cum diu multumque Romæ Patres inter & plebem certatum disputatumque esset , cuinam legum ferendarum auctoritas danda; num penes Patres, num penes plebem, num denique penes utrosque simul ea facultas esse deberet; nec tamen quid potissimum fanciendum , inter eos conveniret ; placuit universis Legatos Athenas mittere, qui inclytas Solonis leges in tabulis describerent, 4. Romamque deferrent, ut ad illarum normam Respublica administraretur . Missi Athenas tres Legati, qui inter Decemviros anno insequenti adlecti sunt , Solonis leges Romam deportarunt . Mox creati sunt Decemviri novus ad eam diem in Romana Republica magistratus , ob discordiam civium Patricii ac plebeji ordinis intestinam & irreconciliabilem, odiumque acerrimum adversus Consules . Anno itaque trecentesimo secundo ab Urbe Condita , quo novus hic Reipublicæ administrandæ modus cœpit, tulerunt Decemviri ad populum leges , quas Athenis Legati deportaverant decem tabulis descriptas; reclamatumque est ab universa multitudine duas tabulas desiderari , quas addi oporteret , ut duodecim tabulis universa Romanarum legum summa contineretur . Ne itaque Athenas rursus longo nimis itinere mittendi Legati essent , a vicinis civitatibus , prout unaquæque justitiæ , æquitatis , severæque disciplinæ fama celebris esset, supplementum legum accipere placuit . A Faliscis itaque acceptæ quædam, quos exinde *equos* a Virgilio nominatos Servius 5. Grammaticus ejus

5. In 7.
Aenid. ad
ill. Aequosq.
Faliscos .

eius interpretes existimavit. A Sutrinis etiam acceptæ nonnullæ, multæ 6. a Coranis, qui tamen suas cum populo Romano leges communicare antea noluerunt, quam cum eodem societatem iniissent. Qua per mutuos gentis utriusque Legatos inita; tum demum leges suas, quibus uterentur, Romanis permiserunt. Tanta Coranorum æquitatis ac justitiæ fama apud Romanos aliquando tenuit. Itaque aliud aliis temporibus jus fuit, quo Corana civitas usa est. A primis enim sui exordiis ad usque Albanorum regnum, qui primam in hanc urbem Coloniam deduxerunt, amplissimo liberæ omnino civitatis jure gavisæ est; deinde Coloniarum, quod a liberarum civitatum jure longe distabat. Rursus municipale sibi ab Romanis jus acquisivit, quod Coloniarum earundem jure amplius multo fuisse diximus. Præfectura tandem evasit Cora, quæ omnium infima ac incommodissima Italicarum urbium conditio erat. Porro quod Cora Præfectura fuerit, testatur Panvinus 7. his verbis: *Præter eas Præfecturas quas ex Festo digessi, Coræ Præfectura Claudia*. Apud Romanos vero erant Præfecturæ urbes Italiæ cum suis agris, 8. quarum populi quod ini- qui ingrative erga populum Romanum fuissent, da- tamque fidem non semel fefellissent, tandem ubi in Romanorum potestatem venerant, propriis legibus, iisque magistratibus qui imperium antea & jurisdictio- nem exercebant, spoliabantur, ac per Præfectum in annos singulos ab Roma missum deinceps regebantur. Hic autem ex libito leges ferebat; unde grave admodum illius regimen populis vel juri Colonia- rum, vel etiam municipali juri assuetis, erat. Fuit enim Præfecturæ formula a Provinciæ formula non multum absimilis, nam quemadmodum in Provin- cias

6. In MSS.
Vatican. re-
ferente Fam.
Nardino.

7. De Co-
lon. Rom. ex
Strab. l. 5.

8. Sigon. de
Antiq. Jure
Ital. l. 2. c. 10.

cias Prætores quotannis Roma missi, illas ex libito instituebant, sic in Præfecturas missi Præfecti, eas prout magis e Romana Republica futurum videretur, administrabant. Ceterum cum Coræ Præfectura Claudia fuisse dicatur, hanc urbem in Præfecturæ ordinem redactam ab Imperatore Claudio crediderim. Nunc quidem in Pontificis Summi ditione censetur Cora; paret tamen Senatui Populoque Romano, qui illam cum aliis simul tribus oppidis ab ipso Pontifice in quoddam veluti patrimonium, veterisque majestatis vestigium dono accepit, iisdem ferme conditionibus quibus reguli ceteri ac optimates a supremo Principe Regibusque magnis ditionis suæ oppida regenda suscipiunt.

C A P U T V.

Coranorum res bello gesta.



1. Cap. 1.
hujus lib.

CORANOS jam inde a primis suæ urbis exordiis belli militiæque studiis claruisse, toties repetitæ 1. Coranæ urbis clades dubitare non sinunt. Quamquam enim clades accipere gloriosum minime sit; bellicosi tamen & fortis populi est cladibus usque adeo non frangi, animisque non destitui, ut etiam quasi oleo in ignem infuso exardescant magis, majorique impetu adversus victorem certamen suscipiant. Meminerimus itaque, ter veluti conditam Coranam urbem fuisse; tanta enim primi illi antiquissimi ejus cives bellandi cupiditate exarserunt, ut in ruinam excidiumque ultimum se suamque urbem trahere, quam hostibus loco cedere vivi, gravè minus existimaverint.

rint. Id etiam Coranorum bellicæ laudis argumento
 esse potest, quod Volsci nominis essent, qui trecen-
 tos 2. ipsos annos continuis ferme bellis Romanos
 non sine ingentibus idemtidem cladibus distinuerunt. <sup>2. Dionys.
& Liv. Dec.
1. plur. loc.</sup>
 Propertius etiam 3. & Lucanus Vejis Coranos adjun-
 gunt bellicosissimis populis, quorum gloria maxima <sup>3. Vid. cap.
1. bujus lib.</sup>
 trecentos Fabiæ Gentis inclytos bellatores interfecisse,
 tantumque negotii Romanis sæpius victis faceßisse,
 fuit. Ceterum quæ singillatim bello præclara Corani
 gesserint vel ante Romæ cunabula, vel postea ad us-
 que Tulli Hostilii regnum, nusquam apud Scriptores
 commemoratum reperio. Tullo autem Hostilio Ro-
 mæ regnante, cum jam per Horatiorum & Curiatio-
 rum singulare certamen imperium in Albanos Roma-
 ni ex fœdere adepti essent, Latinos, qui Albanorum
 vel subditi vel certe focii essent, ad Romanorum im-
 perata facienda Tullus Rex adducere jure veluti ac
 mantissæ loco decrevit. Itaque Legatos 4. in triginta <sup>4. Dionys.
Antiq. Rom.
1. 3.</sup>
 Latinorum Colonias dimisit, qui Colonis indicerent
 ut in Romanorum se fidem ac potestatem tamquam
 victoris populi traderent. Legatis tamen a nulla ci-
 vitatum peculiare quidquam responsum est, sed indi-
 cto publico gentis Concilio Ferentini, (quod in ra-
 dicibus Albani montis oppidum quondam fuit) ibi
 Coloniarum omnium unanimi suffragio Romanis ce-
 dendum minime esse decretum est. Pugnandum pro-
 inde pro mœnibus patriis, pro aris ac focus defenden-
 dis, atque a Romanorum tyrannide prohibendis, stre-
 nue ad extremum usque spiritum decertandum. Duos
 autem Imperatores creari placuit, penes quos aucto-
 ritas omnis & arbitria essent belli regendi, quique,
 delectu ex omnibus fœderatis civitatibus habito, con-
 tra Romanos validissimum instructissimumque suorum
 exerci-

exercitum educerent. Creati itaque Ancus Publicius Coranus, & Spurius Vecilius Lavinienſis. Atque hoc in cauſſa fuit cur Romani contra cognatos populos arma caperent. Porro Ancus Publicius Coranus iſte Latinorum Imperator, Coranos bellica laude illuſtres tunc temporis fuiſſe designat. Publiciæ Coranæ Gentis auctorem eundem fuiſſe exiſtimaverim. certe ejus Gentis antiquiſſimus iſt eſt, quemque primum omnium Hiſtorici nominaverint. Ceterum, quamquam Latini hiſ Imperatoribus ſtrenue pugnaverint, Romanæ tamen & virtuti & felicitati concedere coacti ſunt. Exactis deinde jam Roma Regibus, Agrippa Menenio, P. Poſthumio Coſs. eo anno quo Valerius Poplicola mortuus eſt, quem matronæ æque ac Brutum Ultorem publico luctu ſunt proſecutæ, Corani 5. cum Pometinis ad Auruncos a Romanis defecere. Erant autem Aurunci Latini populi fortiſſimi Coranis fere agro contermini, qui Romanis bellum indixerant. In illos itaque, ſociosque Coranos, & Pometinos viſ belli a Romanis converſa eſt; fuſoque ingenti exercitu, qui ſe ingredientibus fines Conſulibus ferociter obtulerat; omne Auruncum bellum Pometiam compulſum eſt. Nec magis poſt prælium, quam in prælio cædibus temperatum, & cæſi aliquanto plures, quam capti. Captos quoque paſſim trucidaverunt. quin nec ab obſidibus quidem, qui trecenti numero a Cora & Pometia principum liberi accepti fuerant, Appio Claud. & P. Servilio Coſs., ſuperiore Volſcorum bello, ira victoris abſtinuit. Attamen clade tam ſœda accepta Aurunci ſociique Corani adeo animum non deſponderunt, ut inexpiabili odio inſequenti ſtatim anno bellum renovaverint: licet Romanis ad terrarum orbis imperium divinitus vocatis, ac properantibus, poſt

repe-

5. Liv. l. 6.
dec. 1.

repetita proelia ac frequentes clades, perpetua demum victoria concefferit. 6. Bello autem Punico secundo, deficientibus plerumque Campanis præ timore ad Hannibalem, & ex Latinis quoque satis multis ejus partes secutis, Corani in Romanorum fide mansere; eisque tum commeatu, tum milite auxilio venere. Commeatum quidem memorat Livius his verbis: *Inde cum Hannibalem Latina via iterum satis comperisset, (Romanus Imperator) ipse per Appiæ municipia, quæque propter eam viam sunt, Setiam, Coram, Lavinium, præmisit, ut commeatus paratos in urbibus haberent.* Militem vero eo bello Coranos Romanis tribuisse Silius memoriæ prodidit. Siquidem inter recensendum auxilia quæ populus quisque Romanis adversus Hannibalem pugnantibus misisset, etiam Coranos annumeravit; Hannibali namque ex Alpibus descendenti Scipionem Consulem occurrisse ait cum fortissimo Italorum robore, sic: 7.

6. *Lis.*
dec. 3. l. 6.

*Dumque ea Gallorum populi dant funera campo,
Accitas propere castris in prælia Consul
Raptabat turmas, primusque ruebat in hostem
Cendenti sublimis equo. trahit undique lectum
Divitis Ausoniæ juvenem, Marsosque, Coramque,
Laurentumque decus, jaculatoremque Sabellum.*

7. *Sil. Ital.*
l. 4.

Et libro octavo Romanum rursus recensens exercitum, Coranos illi milites adnumerat:

Quos Cora, quos spumans inimico Signia musto.

Bello quoque quod adversus Spartacum gladiatorem extremis fere Romanæ Reipublicæ temporibus gestum est, Coranorum virtus emicuisse videtur. Siquidem Thrax ille gladiator una cum consilii fociis nihiloque melioris originis Chryso & Oenomao, cum Lentuli gladiatorium ludum Capuæ effregisset, ante

8. Flor. l. 3.
c. 20.

cetera Campaniæ oppida, quæ foede pervagatus diripuit, 8. Coram cum primis vastavit. Quod illum iccirco fecisse dixerim, quia hæc urbs maximo Latinis oppidis præsidio tunc temporis esset, ob civium militumque suorum fortitudinem. Ceterum postquam gladiator iste cum ingenti pariter gladiatorum manu Campaniam, Latiumque magnam partem diripuisset, in Apennino Lentuli exercitum cecidisset, apud Mutinam Caji castra deleisset, jam jamque de ipsa Romana Urbe invadenda cogitaret, a Licinio Crasso pulsus fugatusque atque in Brutiis, extremo Italiæ angulo, conclusus, dum frustra subitariis ratibus excitationis fretum Siculum parat trajicere, in primo ipse agmine fortissime dimicans egregius quasi Imperator, occisus est. De illo Horatius: 9.

9. Od. 14.
l. 3.

*I, pete unguentum, puer, & coronas,
Et cadum Marfi memorem duelli;
Spartacum si qua potuit vagantem
Fallere testa.*

Hanc de Coranorum rebus bello gestis narrationem claudat C. Egnatius Felix miles Coranus, qui viginti militavit annos, & ob res strenue gestas sepulcrum sibi ac monumentum a commilitonibus poni, meritus est. Exstat adhuc Coræ lapis in vicinia oppidi effossus cum inscriptione: 10.

10. MSS.
Card. Corradini.

D. M.
C. EGNATIO FELICI MILITI COHOR. VRB.
MILITAVIT ANNIS XX.
TRABIVS SERATVS ET MARSIVS FELICIANVS
HAEREDES
AMICO OPTIMO BENEMERENTI
S. T. T. L.

Quæ

Quæ ultimæ notæ significant: *Sit tibi terra levis*; notum & commune votum quod profani amicorum Manibus faciebant. Siquidem altissime eorum plerisque animo infixum erat, Umbras, Manes, sive animas mortuorum, una cum corporibus conditis in sepulcro morari. precabantur proinde numina ut amicorum Manibus terra levis esset, ne gravi nimium ejusdem pondere opprimerentur. Eodem loco quo inscriptus hujus militis lapis inventus est, fuit & excavatum ejusdem sepulcrum intra tophum, ex quo ejus ossa eximiæ magnitudinis effossa sunt, unde proceræ admodum staturæ hunc militem exstitisse compertum est. ejusmodi fuisse Romanos milites Philippensi civili bello cæsos Virgilius prodidit elegantissimis his versibus: II.

II. Georgic. l. I. circa finem.

*Scilicet et) tempus veniet cum finibus illis
Agricola incurvo terram molitus aratro
Exesa inveniet scabra robigine pila,
Aut gravibus rastris galeas pulsabit inanes,
Grandiaque effossis mirabitur ossa sepulcris.*

C A P U T V I.

De Coranis Familiis Romæ illustribus.



AM urbem quæ Orbis terrarum dominæ Reipublicæ leges olim commodaverit, eidem ex suis civibus cives dedisse, mirandum minime est. Cora igitur, a qua Romanos leges aliquas mutuatos narravimus, Romanis quoque familiis numerum & splendorem civibus suis auctoribus auxit. Quamquam autem fere omnium memoria penitus interierit, Pobl-

ciam tamen & Oppiam Gentem inter Romanas illustres Coranas origine fuisse, in comperto est. Calviam quoque & Coranam, licet earum res gestæ descriptæ ab Historicis non sint, illustres nihilominus Coranæ urbis familias fuisse, certis admodum argumentis deprehenditur. In singulis aliquid hic immorandum. Et Publiciæ quidem ad Ancum Publicium Coranum originem referimus, qui princeps jam tum apud suos erat dum Romani de imperio cum Albanis Regibus decertarent. Albanis autem, ex foedere, Romanorum imperio adjunctis, cum Tullus Hostilius Latinos reliquos Albanorum vices sequi postularet, & Romanorum imperata facere, ab universis

1. *Dionys.* 1. Latinorum foederatis civitatibus cum Spurio Vecilio Laviniensi electus est Ancus Publicius Coranus Imperator, qui ne quid Latinorum civitates detrimendi caperent, prospiceret. Universum Latium in ejus potestate futurum: quidquid ille e Republica fore statuisset, universos executioni mandatueros. Et hunc quidem Publiciæ, sive Pobliciæ, Gentis auctorem facimus, cum eo antiquior nullus Gentis hujus occurrat, & nomen congruat, & quamplurimas Romanas illustres familias a Latinis oppidis originem traxisse, plane constet. Ceterum *Publicia* Gens eadem fuit ac *Poblicia*, ut *Divus* idem ac *Di-vos*, & *Duum-viri* iidem ac *Duom-viri*, apud veteres Latinos fuerunt. A *publico* derivatum hujus Gentis nomen, Sigonius 2. censet; eo quod familiæ princeps boni publici amantem se singulariter olim præbuiisset. Fuit autem hæc familia plebeja quidem, sed Consulari quoque dignitate clauit: ex ea T. Publicius primus e plebe Augur una cum collegis quatuor creatus est. Clauit exinde L. Publicius Tribunus plebis avus Lucii & Marci, qui simul

2. *De Fa-*
mil. Rom.



Oppiae Gentis Coranae Romae Illustris Nummi.

simul Aediles plebis Floralia, ludos maxime liberos, instituerunt. Aedem quoque Floræ juxta Circum maximum hi exstruendam, & Clivum Romæ, qui de eorum nomine *Publicius* est dictus, sternendum curaverunt. Juvat hæc ex probatissimis Scriptoribus fusius hic exponere. 3. M. itaque Pöbliciüs, qui Lucii filius & Lucii nepos in Fastis describitur, fratrem habuit Lucium Pöblicium, quocum simul Aedilis plebis est factus, Urbis Conditiæ anno tertidecimo supra quingentesimum. Duobus autem annis ante Tribunatum plebis, V. C. anno quingentesimo sexto, Provinciam Quæsturam gesserat. Cum autem una cum fratre Aedilis plebis creatus esset, pecuarios (quosdam scilicet pecorum pastores) ad populum reos adduxit, eo quod agrum populi Romani publicum occupassent, & usurpassent. Hi peculatus damnati multam pecuniæ vim Aedilibus numerare coacti sunt. Ex multatitia autem illa pecunia Pöbliciï fratres ludos Floræ faciundos instituerunt, & ejus deæ ædem juxta Circum maximum exstruendam curarunt. Quam vetustate labentem reparavit Augustus, Tiberiusque dedicavit. Porro M. Pöbliciüs 4. nummum percussit, in quo publici populi Romani agri a pecuariis vindicati memoria exstaret. In eo ex parte quidem anteriori caput Genii crispo capillo apparet, in posteriori vero ovis sive aries, cum literis: M. PÖBLICIUS MALLEOLVS. Per Genium autem, populi Romani Genium tutorem vindicatum exprimere voluit Pöbliciüs; per ovem vero sive arietem, a pecuariis redemptum agrum pecunia imperata, quæ a pecore, sive pecude, nomen desumfit, eo quod antiquitus proventuum pars maxima e pecudibus colligeretur. Ceterum, ex ea pecunia Clivum quoque de suo

3. Varr. l. 4.
de Ling. Lat.
Tacit. Ann.
l. 2.

4. Vaill.
de Famil.
Rom. t. 2. in
Pöbliciä.

fuo nomine appellatum Pöbliciî Aediles sternendum curaverunt. Is erat, per quem ex Velia antiquæ Urbis regione ad Aventini radices jacente, in ipsum Aventinum ascendebatur. Cum enim antea invia ex ea parte rupes, Aventinus mons esset, perviam Aediles fecere, ut ex Velia in Aventinum vehicula quoque commodissime duci possent. De Clivo Publicio Ovidius: 5.

*Parte locant Clivum, qui tunc erat ardua rupes,
Utile nunc iter est, Publiciumque vocant.*

Ex Aedilitate ad Præturam Urbanam accessit M. Pöblicius V. C. ann. DXIX. vel ut alii numerant, XX. post duos autem annos Consulatum cum M. Aemilio Lepido collega gessit. Uterque hic Consul contra Sardos, qui defecerant, missus, eosdem in pristinam fidem reduxit. Unde Pöbliciî minores trophæa in suis denariis expressere. Quod autem M. Pöblicius Malleolus in denario nuncupetur, & ceteri deinceps ejus posterî eodem hoc cognomine sint appellati, hinc factum memorant, quod ex Pöblicia Gente aliquis usum mallei adhibendi peculiarem invenerit. Certe & ipsum malleum in nummis quibusdam Pöbliciî tamquam quid suæ Gentis peculiare ac gloriosum repræsentarunt, ut infra apparebit. Jam vero & Cæjus Malleolus ille ex Pöblicia Gente fuit, quem e monetælibus Triumviris unum fuisse, percussus nummus designat, 6. in quo ex antica parte caput Romæ gauleatum apparet cum literis: C. MALLEOL. ex postica vero, figura nuda bigis vecta hastam vibratura, clypeum & baculum oblongum tenens, in cujus vertice caput asininum apparet cum notis infra: L. LIC. CN. DOM. Scilicet, C. Pöblicius Malleolus una cum Lucio Licinio & Cneo Domitio Triumviris moneta-

6. Vaill.
in Pöblicia.

monetalibus hunc nummum percussisse, significatur. Quamvis autem hujus ætatem statuere minime queam ex nummi literis, tamen, quantum conjectura assequi possum, C. Malleolum hunc patrem C. Malleoli Cn. Dolabellæ Quæstoris fuisse, crediderim. Hic cum severe nimis atque avare Quæsturam administraret, in ipso magistratu 7. occisus est. Ad hunc duos denarios referimus, in quorum altero caput Honoris laurea coronatum ex adversa parte cum literis: L. METEL. A. ALB. S. F., ex averfa Honos sedens super clypeorum acervum hastam tenens, & a Victoria alata pone eum stante coronatus, apparet cum literis: C. MAL. in altero vero caput pariter Honoris laureatum in anteriori parte, at in posteriori, Honos idem clypeis insidens, & a Victoria coronatus, cum literis: C. MAL. exhibetur. Quos nummos a C. Poblicio Malleolo percussos, cum ante Quæsturam reficiendis ædibus sacris Triumvir esset cum Lucio Metello & Aulo Albino Spurii filio collegis, indicatur. Honoris ædem ab iis restitutam, Honoris imagines ostendunt. Hanc extra portam Collinam fuisse, Ciceronis testimonio constat: secundo namque de Legibus *Sic nostis*, inquit, *extra portam Collinam ædem Honoris*. Ad hanc autem Honoris ædem aditus per Virtutis templum patebat, quo sapientissime ab Romanis significatum, ad verum honorem consequendum, nonnisi virtutis viam calcandam esse: ideo caput Honoris lauro coronabatur, & Virtus galea erat insignis, quia bello honos quærebatur, nec nisi victoria parva laurus concedebatur: unde & reliqua nummorum istorum insignia quid sibi velint, plane constat. Idem autem C. Poblicius Malleolus cum Dolabellæ Ciliciæ Prætoris Quæstor esset, & alios

7. *Ascon.*
Padian. in
Verr. 3.

8. *Vaill.*
in Poblicia.

lios cudit denarios, 8. in anteriore quorum parte malleolum, insignia Gentis suæ, & incudem ex altera expressisse videtur, ut ostenderet, aliquem ex Poblicia sua Gente malleum primum vel mallei peculiarem aliquem usum, invenisse, & antiquitatem quoque generis inde significaret. Hujusmodi denarii alii quidem habent caput Romæ galeatum, in cujus vertice malleolus est; & ex averfa parte incudem, supra quam hæ notæ: C. MAL. & viri nudi effigiem cum strophio, pede thoraci imposito, hastamque tenentis ante trophæum. Alii vero eadem repræsentant, præter viri nudi effigiem in averfa parte non quidem thoraci, sed galeæ pedem imponentis, & ante trophæum ac proram navis stantis. Quæ omnia de Sardis trophæa a M. Poblicio Consule, de quo antea dictum est, parta indicant. Vir enim in nummorum uno pedem thoraci, in altero vero galeæ imponens, bellum a M. Publicio feliciter confectum, declarat. Prora autem, navalia de iisdem Sardis spolia relata significat. Hujus Caji Poblicii Malleoli, Dolabellæ in Cilicia Quæstoris, fratrem fuisse Marcum Poblicium illum qui Legatus Pro-præ-tore Cn. Pompeji Magni fuit in Hispania, quidam autumant. Certe 9. exstat nummus in quo caput Romæ galeatum apparet cum literis: M. POBLICI. LEG. PRO. PR. ex averfo autem latere Pompejum exhibet militari habitu, pede supra proram imposito, qui palmæ ramum ab Hispania provincia accipit, duo spicula & breve scutum læva gerente. Porro Hispaniam in quinquennium ab Senatu Pompejo decretam narrat Dio, 10. ideo Pompejum e navi egredientem exhibet nummus, cui Hispania palmam, id est victoriam, quasi illam plane subacturo, aut motus ejus coercituro, porrigit. Poblicius autem Cn. Pom-

9. *Vaill.*
tibi sup.

10. *Lib. 40.*

Pompeji Legatus Pro-prætor dicitur , qui exercitui ejus summo cum imperio præerat ^{11. Spanhem. Diss. 6.} 11. in partem curæ militaris , aut regendæ Provinciæ assumtus . Iccirco denarios ad usum Provinciæ percussit . Pompejum vero in iis Imperatorem appellat , non quod ex Hispania titulum tunc retulerit , cum in eam recens advenisset , sed quod eundem titulum jam ex Africa reportaverat . Ceterum Hispania in hoc nummo depicta est , qualis in Galbæ denariis cernitur , cum spiculis & parvo clypeo , seu cetra , quibus armis Hispanos usos , luculento Livii testimonio satis constat . Quamquam autem non ex Malleolorum Familia , sed ex Bibulorum , fuerit Cajus Poblicius Quinti filius Quæstor , ut Quinti prænomen Malleolis extraneum indicat ; e Poblicia tamen Gente , quam describimus , fuisse crediderim . Hic patrem habuit Q. Poblicium Bibulum Prætorem Provinciale V. C. anno DXC. vel DIXC. Ipse vero Quæsturam suscepit an. DCXVII. vel XVIII ; ut videtur , sub Prætore Achajæ , in Provinciam Romanam a Mummiō jam a decem annis redactæ . In ea Quæstura ^{12. Vaill. in Poblicia .} 12. nummum percussit Poblicius , in quo caput Romæ galeatum , pone quod sunt notæ : ROMA Q. idest *Quæstor* . ex averſa autem parte , Hercules suffocans leonem , cui ad latus pharetra , pro pedibus clava : ad indicandum Herculis laborem primum , nempe leonem suffocantis , in media Græcia Nemeæis ludis sacris antiquissimis , hoc anno celebratum . Ex Quæstura Provinciali C. Poblicius ad Tribunatum plebis transiit V. C. anno DCXXII. aut XXIII. Aedilis inde plebis post biennium est factus . triennio post Prætor Urbanus . post tres itidem annos Prætor Provincialis ; illique in alterum annum Provincia prorogata . Jam vero Oppiam Gentem Co-

ranam fuisse, antiquus lapis in ruinis templi Aesculapii Coræ detectus his notis inscriptus, dubitare non finit: 13.

13. *Vid.*
cap. 2. hujus
libri.

AESCVLAPIO ET HYGIAE
SACRVM
C. OPPIVS C. F. LENAS
VI VIR ET AVG.
HONORATVS IN TRIBV
CL PATRV M ET LIBERV M
CLIENTIV M ADCENSVS
PATRONIS SANCTISSIMIS
COMMVNICIPIBVS SVIS D. D.
QVORVM DEDICATIONE
SINGVLIS DECVRIONIBVS
XIII AVGVSTALIBVS----XII ET
COLONIS COENAM DEDIT
L. D. D. D.

In hoc enim lapide C. Oppius Sevir, & Augustalis Coræ appellatur: Aesculapium & Hygiam, quod templum Coræ haberent, Communicipes suos ipse vocat. Rursus in altero lapide unum se e Quatuorviris juris dicundi nominat alius Oppius sic: 14.

14. *In eod.*
cap.

C. OPPIVS VERVS LF TVRPILIVS PRISCVS M.
F. IIII VIR I D
AQVAM CAELESTEM DILABENTEM MONTI-
BVS COLLECTAM
INTERCISO AGGERE
PER FORMAM CVRSV FACTAM IN PISCINIS
REPVRGATIS
LONGO TEMPORE CESSANTIBVS
P. R.

Uter autem horum fuerit C. Oppius ille qui Oppiam legem ad mulierum luxuriam compescendam tulit, incertum est. Immo neutrum fuisse, ex cognomine constare videtur. Siquidem C. Oppius ille a quo lex Oppia, *Salinator* cognomento dictus est. Oppii vero quorum in lapidibus mentio, alter quidem *Lenas*, alter *Verus* cognomento inscribuntur. nisi tamen eorum aliquem duplici cognomento appellatum dixeris. Oppia itaque Gens quamquam plebeja, illustribus tamen diu Romæ fuit. 15. Cujus rei vel illud argumento est, quod hæc Gens ferme sub prima Romanæ Reipublicæ tempora Oppiam e suis Virginem Vestalem habuerit. quæ licet per summum dedecus incesti damnata fuerit 16. L. Aemilio, Cæsone Fabio Cos., Gentem suam Oppiam nihilominus nobilissimam fuisse, ostendit. Nonnisi enim ex nobilissima Gente poterat Virgo veteri instituto inter Vestales cooptari. Quod etiam apud Albanos, apud quos pariter & Trojanos id sacerdotium fuit, usitatum erat; cum maxime honorificum idem haberetur. Neque vero ea in Vestalem eligi poterat, cujus parentes vel ambo, vel certe eorum alter servitutem aliquando serviissent, aut in negotiis sordidis versarentur. Neque ejus filia inter Vestales admitti poterat qui domicilium in Italia non haberet. Et ut planius de generis nobilitate constaret, matrima ac patrima puella, quæ Vestalibus accenseretur, esse debebat; patre nempe ac matre superstite, dum sacerdotium iniret. Incestarum autem Vestalium supplicium, inter quas & Oppia, notissimum. Siquidem vivæ se-

15. *Vaillant.
de Famil.
Rom. in Oppia.*

16. *Liv. l. 2.*

17. *Sat.* 4. peliebantur. Testis inter ceteros Juvenalis: 17.

Incestus, cum quo nuper Vittata jacebat

Sanguine adhuc vivo terram subitura sacerdos.

Ritus qui huic supplicio adhibebantur, & ceteram Vestalium procurationem omnem fuscè descriptam habes
 18. *Lib.* 2. apud Dionysium in Romanarum Antiquitatum 18. libris. Inter Decemviros, quos Appius Claudius secundo creavit, 19. etiam Spurius Oppius Cornicen numeratur a Livio. Hic Appium collegam ob Virginiam, quam deperierat, circumventamque per M. Claudium clientem, neci, quam Virginius pater ei intulit, exposuerat, capitis discrimen subeuntem aliquamdiu adversus commotæ plebis furorem Senatu indicto tutatus est. Verum justo Virginii dolore faces præbente, & Decemvirorum tyrannide novis seditionum incendiis materiam in dies uberiores ministrante, & ipse Oppius in vincula conjectus est. Ideo autem potissimum a P. Numitorio Virginie avunculo arreptus est, quod in Urbe fuerat, cum injustæ vindiciæ a collega Appio puellæ dicerentur. Accusabatur proinde quod impotentem ac libidinosum collegæ animum pro potestate non cohibuisset. Ceterum Oppio plus invidiæ creavit facta militi injuria, non propulsata. productus namque in judicium est testis miles fortissimus, qui septem & viginti enumeratis stipendiis octies extra ordinem donatus fuerat. Donaque ea gerens in conspectu populi, scissa veste tergum laceratum decemviralibus virgis per summam inclementiam, Oppii Decemviri jussu, spectaculum miserabile ostendit. Constanterque asseverabat, nihilum se deprecari. quin si Oppius jam reus ob Virginie facinus aliquam suam noxam dicere posset, ob quam virgis cædi tam foede meruisset, Oppius idem licet privatus in se iterum

rum sæviret. Judicii exitus mors Oppii fuit, quam ipse sibi antequam produceretur, conscivit. Postquam autem Decemvirorum sublata Romæ potestas, dum de nova administrandæ Reipublicæ forma consulere-
 tur; viginti Tribuni militum negotium exercitui de-
 derunt, ut ex suo numero duos crearent, qui sum-
 mæ rerum præessent. Creatique M. Oppius, & Sex.
 Manilius. Demum rebus tandem ab hac ipsa tam diu-
 turna turbulentaque seditione pacatis atque compo-
 sitis, inter decem Tribunos plebis, quos creari tunc
 placuit, ultimus etiam C. Oppius numeratus est. Jam
 vero C. Oppius Salinator Tribunus plebis Q. Fabio,
 & T. Sempronio Coss. in medio ardore Punici belli
 secundi legem tulit, qua cavebatur, ne qua mulier
 plus auri semuncia gestaret, ne vestimento versicolo-
 ri uteretur, neve juncto vehiculo in Urbe oppidove,
 aut propius inde mille passus, nisi sacrorum publico-
 rum causa, veheretur. Obtinuit lex per annos ferme
 viginti. quibus exactis, tum nobiles matronæ omnes,
 tum reliquæ de plebe feminae, ut abrogaretur lex Op-
 pia, vehementissime Senatum rogaverunt. Quod ante
 eam diem inusitatum fuerat, feminis suam causam
 dicentibus Senatus patuit, admissisque datum, ut lex
 Oppia penitus abrogaretur. Unde in posterum vel
 unus muliebris mundus locupletissima patrimonia ab-
 sorbere & exhaurire consuevit. Anno autem Urbis
 Condita secundo & quinquagesimo supra sexcentesi-
 mum, Q. Oppium Q. filium Q. nepotem, Quæsto-
 rem Provinciale fuisse legimus. Hic deinde Tribu-
 nus plebis, mox & Aedilis plebis pariter creatus, &
 Prætor Urbanus, Provincialis demum Prætor anno
 V. C. sexcentesimo sexagesimo quarto factus est. Et
 L. Cassio successor missus in Asiam cum Proconsulari im-
 perio,

20. *Appian.
in Mithrid.*

21. *Vaillant.
in Oppia.*

22. *Cic. Ep.
Fam. l. 11.
Ep. ult.*

perio, pugnavit contra Regem Ponti Mithridatem, Cassio & Manio Romani exercitus ducibus, in finibus Cappadocum, quadragenorum millium militum præsidio stipatus. Unde & victoriam reportasse aliquando, Veneris victricis caput in nummo insculptum, quem ipse percussit, ut mox referam, indicare videtur. Verum 20. Nicomede Rege, qui Romanorum partes tuebatur, a Mithridate superato, Q. Oppius ad Laodicensēs, qui fluvio Lyco proximi sunt, cum equitum manu confugit. Hos ut eum sibi traderent, excidii intentato metu, Mithridates Rex compulit. traditumque per speciem clementiæ ita ludibrio habuit, ut eum Imperatorem populi Romani vinculis quidem omnibus solutum, verum & peditem & custodibus septum, secum quacumque pergeret, spectaculo circumduceret, præeuntibus ad augendam ignominiam captivis Romanis fascibus. Hic in Prætura sua provinciali nummum percussit; 21. in quo, ex altera quidem parte, caput Veneris victricis insculptum est, ex altera vero, Victoria alata dextera manu palmam in humerum impositam gerens, sinistra canistrum frugum; quo significaretur Oppii milites per victoriam rerum omnium ac frugum præcipue copiam uberem consecutos. Victoriæ imago his literis inscribitur: Q. OPPIVS PR. *Quintus Oppius Prætor*. Rerum autem gestarum fama omnium suæ Gentis gloriosissimus M. Oppius Capito fuisse videtur, qui *M. Antonii Triumviri Pro-prætoris, ejusdemque classis Præfectus* in nummis sæpius inscribitur. Hic Marci illius Oppii filius fuisse videtur, ad quem Cicero 22. post Julii Cæsaris necem scripsit Epistolam, in qua ejusdem & dignitatem, & consilia, & amicitiam summo opere commendat. Pater itaque & filius ab Augusto Julii

Julii Cæsaris necem ulciscente proscripti sunt, eo quod in Senatu sententiam dixissent adversus Julium, ne scilicet Galliarum provincia ei prorogaretur, sed, juxta majorum consuetudinem & vim legum, provinciam mutaret. Cum autem M. Oppius pater decrepita jam ætate mortem oppetere, quam miserabilis fugæ exiliique incommodis subjici, satius duceret, Oppius filius, qua caritate in optimum parentem erat, invitum licet ac reluctantem ^{23.} in humeros sibi imposuit, præclarissimo Aeneæ exemplo instaurato, & partim quidem ita sublatum, partim quoque manu apprehensum in Siciliam usque perduxit incolumem. cum populis quacumque iter facerent, alter quidem invictæ in defendenda Republica constantiæ, alter vero eximiæ in parentes pietatis, miraculo uterque fuissent. M. autem Antonii Triumviri opera ab exilio revocatus M. Oppius filius (patrem namque in exilio decessisse credibile est) Aedilis plebis est factus. cumque ille sumtibus qui in eo magistratu procurando, faciendi erant, imparem sese ob inopiam rei familiaris fateretur, de publico illi plebes stipem contulit ut suo munere perhonorifice fungeretur. Creatum autem Provinciæ alicujus Prætorem a M. Antonio M. Oppium, & classis quoque Præfectum, constat ex quinque, qui supersunt, nummis ^{24.} quos Oppius idem in Prætura & Præfectura classis cudos curavit. Hi sunt hujusmodi. Primus, ex altera quidem facie, M. Antonii Triumviri caput exhibet cum literis: M. ANT. IMP. COS. DES. ITER. ET. TER. III. VIR. R. P. C. scilicet: *Marcus Antonius Imperator Consul designatus iterum & tertium Triumvir Reipublicæ curandæ.* ex altera autem facie, habet nummus navem cum gubernaculo, signum Præfecturæ classis qua fun-

^{23.} Appian.
Bell. Civ. l. 4.

^{24.} Ap. Va-
illant. de
Fam. Rom.
in Oppia.

fungebatur M. Oppius , cum literis : M. OPPIVS. CAPITO. PRO. PR. *Marcus Oppius Capito Pro-pratore*. Nummus alter, in anteriori parte, habet Marci Antonii & Cleopatrarum Reginarum, tunc uxoris ejus, capita jugata; in posteriori vero, navem cum velo & remigibus , cum iisdem literis ex utraque parte quas in primo nummo insculptas dixi ; addita solum supra navim litera A, quæ, ut infra constabit, annum primum Præturæ, vel Præfecturæ, M. Oppii designat. Nummus tertius, in adversa parte, idem est ac secundus; in averfa vero, navim exhibet cum velo & remigibus, cum literis : M. OPPIVS CAPITO PRO PR. PRAEF. CL. *Marcus Oppius Capito Pro-pratore Præfectus classis*. in imo nummo est A litera , ut in secundo . In quarto, M. Antonii & Cleopatrarum capita adversa exhibet pars anterior cum literis quæ in reliquorum anteriori parte leguntur: posterior pars navem habet cum literis: M. OPPIVS. CAPITO. PRAEF. CL. *Marcus Oppius Capito Præfectus classis*. in imo, literam B. scilicet anni secundi Præfecturæ classis notam . Quintus denique nummus, in antica quidem parte, capita M. Antonii patris & filii jugata, & Cleopatrarum ex adverso exhibet cum literis quæ in superioribus nummis: in postica vero, navim cum velo & remigibus, infra quam hinc apparet litera Γ, signum anni tertii Præfecturæ; inde Triquetra, seu Siciliae, nota, cum literis circa: M. OPPIVS CAPITO PRO-PR. PRAEF. CLASS. *Marcus Oppius Capito Pro-pratore Præfectus classis*. In quibus explicandis nummis non est quod diutius immorer, cum ex hætenus dictis omnia ferme pateant. illud tantum animadvertendum, apud veteres modum numerandi per literarum elementa usitatissimum fuisse, immo unicum, antequam

quam ab Arabibus inventis numericis notis uteremur. Qui & Græcorum, & aliorum quoque populorum antiquitus mos fuit. Triangularis autem figura, quæ in ultimo nummo apparet, Siciliæ procul dubio est nota, quæ Τριγώνια dicta est, ex tribus promontoriis, quibus in mare extenditur. Ibi autem classis Antonianæ partem fuisse, hæc nota a M. Oppio classis Præfecto nummo insculpta innuere videtur. In sinu autem Panormitano præcipue hibernare solitam classem hujusmodi crediderim. Ceterum Siciliam insulam ad Antonium aliquando spectasse, ex Dione constat, qui Antonium ipsum inter cetera sic expostulantem inducit: 25. *De fin.* ^{25. Dio Cass. l. 48. in fin.} *nique quanta tandem portio Sicilia est nostri imperii? Ceterum in hoc nummo capita illa jugata M. Antonii patris ac filii, & caput ex adverso insculptum Cleopatraræ esse diximus, non autem, ut aliqui, capita M. Antonii & Augusti cum Octaviæ capite interpretati sumus; quod interpretatio nostra magis historiæ & temporum rationi congruat. Vix enim M. Oppius Augustum, a quo proscriptus fuerat, & Octaviam sororem ejus, licet tunc temporis M. Antonii uxorem, repræsentasset. Lucius etiam 26. Bibulus M. F. Pro-* ^{26. Vaillant. in Oppia.} *prætore Siciliæ nummum percussit, in quo M. Antonii patris & filii & Cleopatraræ ex adverso capita apparent, unde & sententiæ nostræ robur accedit. Porro Gentis Oppiæ prænomena Cajus, Spurius, Quintus, & Marcus fuere. Cognomina vero sive agnomina Lænas Salinator, Cornicen, Capito, Verus. Et Lænas quidem a læna veste ex crassiori lana derivatum nomen, accepimus; ita enim appellatus est M. Popilius, qui cum Consul esset, 27. eodemque tempore sacrificium publicum cum læna faceret, quod erat flamen Carmentalis, plebis contra Patres concitatione & seditione* ^{27. Cic. in Bruto c. 14.}

nuntiata, ut erat læna amictus, ita venit in concionem. *Salinator* autem is est qui fal conficit, vel falinas curat. Hinc M. Livio 28. Salinatori cognomen datum, quod vectigal in Salaria annona statuerit. *Cornicen* vero, qui cornu canit. eratque in exercitu militare munus, ut & tubicen. *Capito* qui magno capite esset, dictus est. *Verus* ad integritatis commendationem cognomentum fuit. Et hæc quidem de Gente Oppia. Calviam quoque Coræ fuisse, ex allatis 29. in hoc libro inscriptis lapidibus constat: eademque illustrem M. Calvii M. filii Publii nepotis dedicatio templorum Castoribus & Herculi facta, & Calviæ cujusdam satis ostendunt. Marcus hic Calvius inter Tribunos & in ordinem Senatorium a Claudio Imperatore adlectus in iisdem lapidibus inscribitur. Ex quibus etiam hanc Gentem ex Tribu Papiria fuisse constat. Calviæ inscriptio Coræ in pariete domus cujusdam hæc est:

CALVIA
H. L. L. N. A ---- AVGVSTAE D.
A M. D. D.-- DECVR. D.

Turpiliam Gentem Coræ fuisse, innuere videtur lapis 30. in quo Turpilius Priscus Lucii filius e Quatuorviris juris dicundi cum Cajo Oppio piscinas repurgasse, & novo cursu facto, instaurasse, inscribitur; alter quoque lapis in quo cum M. Manlio L. Turpilium ædem Herculi faciendam curasse, legimus: & Pomponiam lapis alius via Lavicana in Tusculano detectus in hæc verba: 31.

D. M.

D. M.

T. POMPONIO T. F. POPILL. FRVGI
PATRI FORTISSIMO EQ. PVBLIC. COR.PRAEF. PRAETOR: TVRMAE EQVIT:
COMMODO: L. POMPONIVS L. F. POPILL. VO-
LESVSTRIB: MILIT: PHILIPPVS
ET POMPONIVS FEROX NEPOTES T. P. C.
IN FRONT: P. XIII. IN AGR: P. XIX.

Hæc ita interpretor: *Diis Manibus. Tito Pomponio Titi filio Popillia Tribu frugi, patri fortissimo, equiti publico Corano, Præfecto Prætorii turmae Equitum Commodianorum, Lucius Pomponius Lucii filius, Popillia Volesus Tribunus militum; Philippus & Pomponius Ferox nepotes testamento ponituraverunt. In fronte pedes tredecim, in agrum pedes novemdecim. Tandem num & Gens quæ Corana & patria & nomine dicta sit, Coræ primum ac deinde Romæ fuerit, lepida quædam apud Horatium historiola dubium aliquod iniecit. En illam: 32.*

32. Horat.
Sat. 5. l. 2.

*Tempore quo juvenis Parthis horrendus ab alto
Demissum genus Aenea tellure marique
Magnus erit; forti nubet procera Corano
Filia Nasica metuentis reddere soldum.
Tum gener hoc faciet: tabulas socero dabit, atque
Ut legat orabit. multum Nasica negatas
Accipiet tandem & tacitus leget. invenietque
Nil sibi legatum, præter plorare, suisque.*

Ex hac Corana Gente strenuum militem alium me- 33. Sat. 16.
morat Juvenalis 33. dum militiæ præcipua recenset
commoda his versibus:

Z 2

Solis

*Solis præterea testandi militibus jus
 Vivo patre datur: nam quæ sunt parta labore
 Militiæ, placuit non esse in corpore census
 Omne tenet cujus regimen pater. Ergo Coranum
 Signorum comitem castrorumque æra merentem
 Quamvis jam tremulus captat pater: hunc labor æquus
 Provehit et pulchro reddit sua dona labori.*

C A P U T V I I.

De Signinis, qui sunt Coranis contermini.



1. Dionys.
lib. 4.

2. Lib. 10.
de R. R.

UAMQUAM Signia nobilis olim Romanorum Colonia peculiarem sibi librum, quo monumenta ejus fuscè describerentur, exposcere videbatur; ne tamen in immensum Latii nostri descriptio excrescat; quod certe fieret, si singulis urbibus paullo celebrioribus singuli impenderentur libri; Signinos hic Coranis atteximus, utpote eorundem conterminos: ut hac Latii regione demum expedita, ad alias, quæ copiosiore scribendo materiam sufficient, nostrumque stylum jampridem expectant, sermo procedat. Itaque Signiæ conditorem 1. Tarquinium Superbum Romanorum Regem septimum ac novissimum, fuisse, satis constat. Cum enim in ea Latii parte quæ in ortum vergit, estque Campaniæ finitima, in monte qui *Lepinus* 2. Columellæ dicitur, castra haberet Tarquinus, ac loci opportunitatem nactus, in hibernis ibidem militem detineret, Coloniam eodem loco deducere, urbemque muris munire constituit. Quam, eo quod sub signis exercitus ibi hibernans primo incoluisset, *Signiam* Coloniam appellari maluit. Porro Signi-

Signinæ Colonæ natalis , juxta Dionysii calculum ,
 3. in annum incidit Urbis Conditæ ducentefimum
 quadragesimum quartum, Tarquinii Superbi Regis in ^{3. In fine}
 regno ultimum . Cum enim viginti quinque annos ^{lib. 4.}
 multis tyrannice gestis regnasset Romæ Tarquinius,
 hoc demum anno ob indignum Sexti filii in Lucre-
 tiam facinus, L. Junio Bruto duce & Patres & po-
 pulum impellente quammaxime, Urbe ac regno pa-
 riter cum uxore ac liberis expulsus est . Rerum au-
 tem ab ipso in regno gestarum ultimæ fuerunt Si-
 gnia & Circeji Colonæ deductæ . *Quia enim Colonis*
mittendis, inquit Livius , *occupari latius* 4. *imperii fines* ^{4. Lib. 1.}
volebat , *Signiam Circejosque Colonos misit* , *præsidia Urbi*
futura terra marique . Signia vero statim a sui exordio
 Colonia Romanorum facta ab ipso conditore & de-
 ductore Rege Tarquinio , Tito filio dedicata , tam-
 quam conditori, fuit, cum Circejos Arunti filiorum
 alteri dedicasset . Signia a Strabone atque interprete
 ejus Prisciano 5. *Signium* quoque neutro genere ap- ^{5. Pag. mi-}
 pellata est . Nunc *Segni* dicitur , putaturque eodem ^{hi 237.}
 quo primum condita est loco Colonia , etiam urbs
 quæ nunc exstat, esse constructa . Ceterum, in locis,
 ac præcipue montibus , qui in Signiæ vicinia sunt,
 Volscos habitasse, certissimum est, vel ex eo, quod
 Signia quoque, quamquam in veteri Latio sita, at-
 que ipso natali suo Colonia Romana deducta, Vol-
 scæ tamen gentis fuisse a Scriptoribus aliquando me-
 moretur; quod non de urbis quidem exordiis , ve-
 rum vel de posterioribus temporibus, cum inter va-
 rias bellorum adversus Romanos vicissitudines eam
 aliquando Volsci occupaverint, vel certe de urbis vi-
 cinia intelligendum omnino est . Porro hæc Colonia,
 quamquam Tarquinium Superbum conditorem agno-
 sce-

sceret, eoque expulso a Romanis eodem ferme anno quo is eam condiderat, & Coloniam deduxerat, sui conditæ atque deductæ beneficium licet recentissimum Romanæ Reipublicæ libertati posthabuisse honestius duxit. Cum enim 6. Tarquinius Roma ejectus, nec ab exercitu Romano, qui tum circa Ardeam Rutulorum erat, admissus, Gabios sese cum uxore & liberis ad Sextum filium natorum maximum, qui celebri fraude haud multo ante ejus urbis potitus fuerat, exsul contulisset, nullumque lapidem non moveret ut in regnum ab Latinorum coacto exercitu reduceretur, Signiam Coloniam ad partes suas sequendas, nihil de successu addubitans, sed tamquam ex debito imperata quam citissime facturam confidens, cum primis sollicitavit. At Signinis in Romanorum fide & potestate se mansuros constanter palamque respondentibus, Tarquinius Latinorum sibi foederatorum exercitum ad oppugnandam Signiam immisit, P. Veturio, 7. P. Aebutio Helva Coss. Præerat exercitui Sextus Tarquinius Regis filius natus maximus. Is sperans, se primo impetu oppressurum præsidiarios, eos valide adortus est; sed repulsus strenue a propugnatoribus, multum ibi frustra contrivit temporis. coactusque demum est infecta re inglorius discedere. Siquidem novum præsidium Consules in tempore Signiam submiserant, commeatumque in præsidiarios ac reliquos Colonos abunde suffecerant, quo alacres obsidionem tolerarent: qua demum a Sexto soluta in fide populi Romani deinceps Signini perseverarunt. Appio Claudio 8. deinde, & P. Servilio Coss. anno scilicet qui nuntio Tarquini Superbi mortis, quam Cumis obiit, insignis fuit, & Romanis ob id lætissimus, Signia Colonia, quam Rex ipse Tarquinius deduxerat, supple-
 to nu-

6. *Dionys.*
lib. 5.

7. *Dionys.*
ibid.

8. *Liv. l. 2.*

to numero Colonorum, iterum deducta est. Quæ vero belli domique Signini præclare gesserint memoriæ minime proditum est usque ad belli Punici secundi tempora. Post Cannensem vero illam nullis non sæculis, nullis non linguis celeberrimam ab Romanis acceptam cladem, cum pro aris jam & focis Romæ dimicandum esset, & Hannibal ad portas Urbis victore exercitu jam jam affuturus videretur, Signinorum Colonorum præ ceteris omnibus ea fuit erga Romanos fides, ut illis Romanum tunc imperium stetitisse, magna ex parte tributum fuerit. Cum enim Romani Coloniis militem & pecuniam tam difficili tempore imperassent, duodecim Coloniae imperata facere detrectaverunt. At Signini cum reliquis quos Livius 9. recenset, primi omnium non modo imperata continuo fecere, verum se quoque suaque omnia ad Romanorum sustentandum imperium in discrimen ultimum adducturos, singulari quodam robore ac fide responderunt. Scilicet & milites ex formula paratos esse, & si pluribus opus esset, plures daturus, & quidquid aliud imperaret velletque populus Romanus, enixe facturos; ad id sibi neque opes deesse, animum etiam superesse. Laudati igitur primum a Consulibus, mox ab universo Senatu, ad populum demum producti sunt Colonorum Legati, & inter multa alia præclara quæ ipsis majoribusque suis præstitissent recens etiam meritum eorum in Rempublicam commemoratum. *Ne nunc quidem, inquit Livius, post tot sæcula fileantur fraudenturve laude sua. Signini fuere et Nolani &c.* Cumque singulos enumerasset, hanc narrationi suæ clausulam imposuit: *Harum Coloniarum subsidio tum imperium Romani populi stetit. iisque gratia et in Senatu et apud populum actæ.* Cum autem a Carthaginien-

9. Lib. 27.

10. *Liv.*
ibid.

ginienſibus Romani obſides accepiffent, & illos primum Norbanis, Præneſtinis, atque Setinis in cuſtodiam tradidiſſent, mox a Norba, ubi parum 10. commodè eſſent, iſſis Carthaginienſibus id poſcentibus, Signiam eos tranſtulerunt. Quod pariter Signinorum ſpectatæ erga Romanos fidei ſingulare argumentum fuit. Nam tantæ aleæ obſides nonniſi Colonorum fiſſimis committendi fuerant. Silius quoque libro octavo inter populos qui Romanis contra Hannibalem militum auxilium miſerant; Signinos annumeravit eo verſu:

*Quos Cora, quos ſpumans inimico Signia muſto,
Et quos incelebri miſerunt valle Velitra.*

Quid autem Silii verba ſibi velint, infra, cum de vino Signino loquar, exponam. Cetera autem huius Coloniae monumenta perierunt omnia. Illud tantum nos docet vetus inſcriptio Signiæ eruta, T. Julium Eutichetem Coloniae patronum fuiſſe, & collegium Dendrophorum, ſcilicet *arbores comportantium*, Signiæ exſtiſſe, cui rector Julius idem fuerit, ſtatuaque ſibi a collegis decretam & dedicatam habuerit. Ecce inſcriptionis verba: 11.

11. *Fabrett.*
Inſcript. cap.
10. p. 722.

T. IVLIO EVTICHETI PATRON:
ET RECTORI COLLEG. DEND. SING.
Q. Q. OB PLVRA SAEPIVS BENEFICIA
ET MVNIFICENT. LARGITIONESQ.
CIRCA COLLEGIVM SVVM EXHIBVERIT
DIGNISSIMO EX AERE COLLATO STATVAM
COLLEGIVM DENDROFR. POSVERVNT
CVIVS DEDIC. DEDIT SING. S. S.
XXXII
ET EPVLVM DEDIT.

A Qua-

LIBER SEPTIMUS. CAPUT VII. 185

A Quatuorviris autem Rempubicam Signiæ aliquando administratam docet lapis alter his notis inscriptus: 12.

12. Gruter.
Inscript. Roman.
prim. edit. fol. 490.

L. VOLVMNIO L. F. POMP.
IVLIANO SEVERO IIII VIRO COLO-
NIAE SIGNINAE
PATRONO COLONIAE SVAE SENATVS
POPVLVSQ. SIGNINVS.

Hanc quoque sub statua Juliani ejusdem appositam fuisse inscriptionem crediderim. In agro vero Signino Tusculanum versus, haud procul a Latina via, Caji Firmii Deculae equitis Romani villam, & in ea ejusdem sepulcrum exstitisse, notavit ex ibidem erutis monumentis 13. Ligorius. Chesiae quoque Gentis Romanæ villa & sepulcrum exstiterunt in agro Signino, quod Ligorianus pariter lapis monet: 14.

13. Verbo
Deculano.

14. Verbo
Chesia.

DIS MANIBVS
M. CHESIVS M. F. OVF:
TERTVLLVS TRIB. COHOR: III
ET CHESIA M. F. LVCILLVLA PARENTES
L. CHESII BASSI TIRONIS COHOR. III
PRAETOR:
ET CHESIAE TERTVLLAE SORORI L.
CHESII

In ejusdem quoque Signini agri finibus Anagniam versus villa fuit Sexti Titurii ex Aemilia Tribu. Siquidem repertus ibidem inscriptus lapis monumentum Titurii, ac proinde & villam eodem loco exstitisse, nos docuit his verbis: 15.

15. Ligor.
verbo Tribu
Aemilia.

A a

D. M.

D. M.
 SEX. TITVRIVS SEX: F. AEMIL:
 NAVTVS FELIX COMMODIANVS
 PRAEFECTVS PRAETOR
 CANDIDATVS AVRELIANVS
 FLAMEN TRAIANAL: V. F.
 SIBI ET SVIS LIBER:
 IN FRONTE P. XVI: IN AG. P. XXV:

Exstat pariter sepulchralis lapis alius in agro Signino
 in via quæ ad ipsum oppidum ducit, cum 16. in-
 scriptione:

16. Ex Li-
 gor. V. Tribu
 Lemonia.

DIS MANIBVS
 SEX. SISCIO SEX: F: LEMON:
 CRESCENTIO
 EQV: PVBLICO PRAEF: COH: VI:
 VIGIL: ET TRIB: MILIT: LEGIONIS III
 PARTH: PATRONO MVNIC:
 SIGNINI
 M. SISCIVS M. F. LEMON: FELIX
 PROCVR: PEREGR: EX TEST:
 F. C.

Quæ omnia plane constant, nec lectu difficile quid-
 quam habent, ut in illis interpretandis immorandum
 sit. Id tantum noto, Signiam & Coloniam & Mu-
 nicipium fuisse, & Sextum Siscium Municipii patro-
 num in lapide commemorari. De Colonia Signina
 ejusque agro hæc habet Frontinus, quæ uberiores
 videntur explicationem desiderare: 17. Signia muro du-
 de Colonis. Et Colonia. Trium-viri munierunt. iter populo debetur P.
 XXXV.

17. Frontin.
 de Colonis.

XXXV. *Ager ejus in soluto ex occupatione a militibus tenetur.* Sciendum itaque in primis Colonias alias aliter deductas fuisse. siquidem aliæ *Civiles*, aliæ *Militares* dicebantur. Civiles eæ erant quæ ex civibus constabant, qui in locum aliquem mittebantur ad eum incolendum simul atque colendum. Militares vero illæ quæ ex militibus in oppidum vel urbem captam missis constabant. Tertium quoque veluti Coloniarum genus fuit. illud scilicet quod ex militibus quidem, verum qui non in captam urbem, sed in urbem de novo condendam alio mittebantur. Ad hoc genus Signina Colonia spectat. namque eo loco primum condita incolæ & coloni coepta est urbs & ager circa illam, quo castra tantum Romanorum militum fuerant, cum nullum ibidem antea oppidum exstitisset. Hoc itaque sibi volunt illa Frontini verba: *Signina muro ducta Colonia*; nempe: *Signia deducta est Colonia muris urbem ipsam circumdando, et de novo condendo.* Hinc patet quare in aliis Coloniis, quæ urbes sive oppida ante deductionem fuerant, recensendis, Frontinus idem eas oppida nominet, quemadmodum de Veliterna & Ulubrana, verbis quæ suo loco attulimus, inquit: *Velitræ oppidum lege Sempronia fuerat deductum.* & *Ulubræ oppidum a III-viris deductum.* quod de Signina Colonia non dixit, cum in aperto campo, nullisque ædificiis occupato solo, ea primo deducta fuerit. Cum autem communis Coloniæ deducendarum mos esset, ut ex ipsis militibus qui deducerentur tres præcipui ab Senatu, sive ab Imperatoribus, eligerentur, quorum curæ omnia circa novam Coloniæ demandarentur, ii *Triumviri deducendæ Coloniæ* dicebantur. De quibus in Colonia Signina ait Frontinus: *Triumviri munierunt*; scilicet: *muris munierunt*

runt Signinam Coloniam muro, siue novæ urbis institutione deductam. Jam vero novis Colonis ager circa locum in quem erant deducti, viritim dividebatur, ut illum colendo (unde etiam dicti *Coloni*) sese ac familiam suam sustentarent. Hæc autem divisio agrorum in novos Colonos non uno fiebat pacto. Si enim in vi captum aut expugnatum oppidum deducti essent, tunc Civibus agro magna ex parte, vel etiam aliquando omnino, multatis, eodem Coloni donabantur. Tunc autem veteribus inquilinis, siue Colonis, alio migrandum erat, aliæque sedes quærendæ, atque alia arva colenda. Horum miserabiles vices deplorantem

18. *Eclog.* 9. inducit 18. Virgilius Mærin pastorem:

*O Lycida, vivi per-venimus, ad-vena nostri
(Quod numquam veriti sumus) ut possessor agelli
Diceret: Hæc mea sunt: veteres migrate Coloni.*

19. *Eclog.* 1. Et Melibœum 19. indignantem:

*Impius hæc tam culta novalia miles habebit?
Barbarus has segetes? en quo discordia ci-ves
Perduxit miseros! en queis conse-vimus agros!
Insere nunc, Melibæe, pyros, pone ordine vites.*

Rursus exilium, & fugam, atque in remotissimas orbis plagas tristem peregrinationem veterum dominorum ex agris a Colonis militibus expulsorum 20. deflens inquit:

20. *Ibid.*

*At nos hinc alii sitientes ibimus Afros:
Pars Schytiam & rapidum Cretæ veniemus Oaxem,
Et penitus toto divisos orbe Britannos.*

Eadem quoque se passum Propertius poeta elegantissimus, eo quod pater ejus L. Antonii adversus Augustum partes secutus fuisset, his versibus questus est ex vatis siue auguris persona, quæ Propertio accidissent divinantis:

21. *Ossa-*

21. *Offaque legisti non illa ætate legenda*

Patris, et in tennes cogeris ipse lares.

Nam tua cum multi versarent rura juvenci,

Abstulit excultas pertica tristis opes.

21. Eleg. I.
l. 4. v. 127.

Ex iis autem qui parte tantum agri multabantur, Ofellus ille rusticus abnormis sapiens crassaque Minerva fuit, quem inducit Horatius sobrietatis præcepta ferentem. ex ejus namque persona inquit: 22.

22. Sat. 2. l. 2.

quanto aut ego parcius, aut vos,

O pueri, nituistis, ut huc novus incola venit?

Nam propriæ telluris herum natura neque illum,

Nec me, nec quemquam statuit. nos expulit ille:

Illum aut nequities, aut vafri inscitia juris,

Postremum expellet certe vivacior heres.

Nunc ager Umbreni sub nomine, nuper Ofelli

Dictus, crit nulli proprius: sed cedit in usum

Nunc mihi, nunc alii. quocirca vivite fortes,

Fortiaque adversis opponite pectora rebus.

Qui versus cum propter opportunitatem, tum propter sapientissimum quod continent documentum recitandi omnino fuere. Ceterum parte tantum agri hunc Ofellum multatum aperte significat Horatius, cum ait:

23. *puer hunc ego parvus Ofellum*

Integris opibus novi non latius usum,

Quam nunc accisis. videas metato in agello

Cum pecore et gnatis, fortem mercede colonum, &c.

23. Ibid.

Quod si expugnata, vel certe quovis pacto devictæ urbis ager novis Colonis non sufficeret, finitimæ aliquando urbis cives, vel certe finitimi agri rustici, agrorum suorum parte, quæ satis esset novis Colonis omnibus, multabantur. Id Mantuanis accidisse, quod

quod Cremonensibus essent finitimi, deploravit Virgilius eo carmine: 24.

Mantua vae misera nimium vicina Cremona.

Si vero in amicum jam ac foederatum, vel deditio-
ne captum oppidum missi essent, vel de publico, vel
de incultis ad eam diem locis agri pars aliqua singu-
lis assignabatur, quam colerent. Hinc de Signinae
Coloniae agro inquit Frontinus: *Ager ejus in soluto ex
occupatione a militibus tenetur. Scilicet: Ii milites qui pri-
mi Coloniam Signiam deduxerunt, omnem circa agrum occu-
parunt, eundemque suis posteris, tamquam solutum, ceu pro
illo pretium solvissent, jure belli, si-ve domicilii, si-ve de-
ductae Coloniae, testamento reliquerunt; unde etiam Fron-
tini ætate ager idem in soluto a militibus tenebatur
ex primorum militum Colonorum occupatione. Por-
ro in his agrorum divisionibus nunc spatium aliquod
populo ad iter faciendum relinquebant, quod num-
quam ab ullo Colonorum nec occupari, nec immi-
nui posset: nunc vero spatium nullum tale ex debito
saltem relinquebatur. hinc illa Frontini verba de Si-
gnina Colonia: *Iter populo debetur P. XXXV.* Scilicet
Signinus populus, qui & ipse ex posteris primorum
illorum Colonorum erat, jus habebat ex ipsa dedu-
ctae Coloniae institutione, ne passuum triginta quinque
spatium in via publica a quoquam privato, qui ex
eo aliquid forte intra suum agrum includeret, um-
quam imminueretur. quod etiam publicis armento-
rum ac gregum pascuis usui esse poterat. quemad-
modum etiam per hæc tempora in regno Neapoli-
tano spatia quædam agri sunt quæ in publica pa-
scua, tamquam regii juris, reservantur. Emendandus
hinc Panvinii locus, in quo Frontini verba de Co-
lonia Signina recensens male descripsit: 25. *Iter popu-
lo non**

25. De Im-
per. Rom. rit.
de Colon. edi-
zion. Parisin.
1588. in 8.

lo non debetur; cum in Frontini exemplaribus non modo exstet: *Iter populo debetur*, verum etiam mensura P. XXXV. itineris ejusdem expressa sit. Signina itaque Colonia jure omni & munere donata atque ornata fuit, quo nobilissimæ quæque atque amicissimæ Coloniæ donari atque ornari a Romanis consueverant. quod in eorum fide semper constantissime perseveraverat. Et hæc quidem de hujus Coloniæ monumentis. Fuit autem celebris Signia ob vini genus quoddam, quod alvo continendæ, seu sistendæ, utile erat. De eo Plinius inter generosa vina, quibus tertiam palmam fuisse memorat, sic habet: 26.

26. Lib. 14.
cap. 6.

Quod Signia nascitur austeritate nimia continendæ utile alvo inter medicamina numeratur. Unde & Cornelius Celsus apposite 27. *Potui quidem, inquit, aptissimum est vinum frigidum maximeque Signinum.* Hinc Silii constat sententia in eo carmine quod supra recitavimus:

27. Lib. 4.
cap. 5.

Quos Cora, quos spumans inimico Signia musto, inimico scilicet ventri, quod illum facile sisteret. Quod Martialis aperte cavendum monuit: 28.

28. Lib. 13.
Ep. 113.

Potabis liquidum Signina morantia Ventrem:

Ne nimium sistant, sit tibi parca sitis.

Athenæus autem ait 29. Signinum vinum nonnisi post annum sextum bibendum, nam antea aridum omnino & austerum, tunc demum potui utile fieri. Signina quoque pyra olim in pretio fuerunt; ac proinde inter potiora laudantur a Plinio: 30. *Signina, quæ alii a colore testacea appellant.* quorum per hiemem usum fuisse utilem innuit Juvenalis: 31.

29. Deipnosoph. l. 1.

30. Lib. 15.
cap. 15.

31. Sat. 11.

*Signinum Syriumque pyrum de corbibus isdem,
Aemula Picenis, & odoris mala recentis,
Nec metuenda tibi, siccatum frigore postquam
Autumnum & crudi posuere pericula succi.*

Sed

32. Lib. 10.
de Re Rust. a
vers. 127.

Sed & Signinis caulibus nomen fuisse ac pretium; testatus est Columella iis versibus: 32.

*Tum quoque conferitur toto quæ plurima terræ
Orbe virens pariter plebi regique superbo
Frigoribus caules et veri cymata mittit,
Quæ pariunt veteres cesposo litore Cumæ,
Quæ Marrucini, quæ Signia monte Lepino.*

Testæ etiam Signinæ ad pavimentorum genus quoddam politissimum, quod *Signinum opus* antiqui dixere, laudatissimæ omnium fuerunt. Conficiebatur autem e tufis testis addita calce, & quamquam etiam in parietibus tegendis adhiberetur, ejus tamen præcipuus usus fuit ad sternenda pavimenta. De eo Plinius:

33. Lib. 15.
cap. 12.

33. *Quid non excogitavit ars? Fractis enim testis utendo sic ut firmitus durent; tufis, calce addita, quæ vocant Signina; quo genere etiam pavimenta excogitavit. Signini operis usum in cisternis ac puteis parandis exponit*

34. Lib. 8.
de Architect.
cap. ult.

Vitruvius in hæc verba: 34. *Sin autem loca dura erunt, aut in imum venæ penitus non fuerint, tunc Signinis operibus ex testis, aut a superioribus locis excipiendæ sunt copiæ. In Signinis autem operibus hæc sunt facienda, uti arena primum purissima asperrimaque paretur; cæmentum de silice frangatur, ne gravius quam librarium; calx quam vehementissima mortario misceatur, ita ut quinque partes arenæ ad duas calcis respondeant; mortario cæmentum addatur, ex eo parietes in fossa ad libramentam altitudinis futuræ depresso calcantur vectibus ligneis ferratis; parietibus calcatis in medio, quod erit terrenum exinaniatur ad libramentum imum parietum, et exæquato solo ex eodem mortario calcetur pavimentum ad crassitudinem quæ constituta fuerit. Signini autem operis id singulare fuit, quod quam citissime ficcaretur, solidissimumque evaderet, ac densissimum; quo ad aquas continendas nihil utilius. A Signino opere*

pere non abhorre crediderim pavimenta illa , quæ in singulis ferme domibus supra ipsa tecta ad mœniana quædam Neapoli sterni consuevere . Siquidem & densa & solida , & solibus ac pluviis maxime apta sunt . Id operis *astrico* cives appellant , corrupto vocabulo , & ex altero derivato , quod Etrusci dicunt *lastrico* , *lastricare* , scilicet pavimentum sternere , præcipue lapidibus . Ipsum autem Signinum opus illud esse videtur quod Venetiis , Patavii , & in reliqua Venetæ Reipublicæ ditione hodieque ad pavimenta sternenda in Patriciorum , ac præcipuis civium reliquorum domibus est in usu . Quod ex testis , vel laterculis , pariter confusis , quibus purior calx , & marmorea fragmina admixta , purpureum marmor imitatur , ex eoque politissima illa conficiuntur pavimenta , quæ speculorum instar lucidissima te tibi ostendunt , si despicias . Quod opus *terrazzo* & *terrazzare* Veneti appellant . Ceterum & instrumenta illa musica , quæ ex quamplurimis simul compactis fistulis constant , quorumque tam creber in sacris templis est usus , quæ *Organa* appellant , Signiæ primum inventa fuisse scripsit Franciscus Petrarca politissimus ille Vates . Verum hoc erit Latii Sacri fusius exponere & diligenter discutere .

Memoratur Signia Plauto in ea Comoedia quæ inscribitur *CAPTIVEI*, 35. in qua parasitum quemdam nomine Ergasilum inducit cum Hegione fene colloquentem & per quasdam Veteris Novique Latii urbes joco jurantem . En versus:

Heg. *Abi in malam rem: ludis me . Erg. ita me amabit sancta Saturitas ,*

Hegio , itaque suo me semper condecoret cognomine ,

Ut ego vidi . Heg. meum gnatum ? Erg. tuum gnatum , ¶ Genium meum .

B b

Heg.

35. *AE. IV.*
Sc. 2.

Heg. *Et captivum illum Alidensem?* Erg. *μὲ τὸν Ἀπόλλω.*

Heg. *et servolum*

Meum Stalagmum, meum qui gnatum surripuit? Erg.
νὴ τὰν Κόρα.

Heg. *Jam diu?* Erg. *νὴ τὰν Πραυνέσην.* Heg. *venit?* Erg.
νὴ τὰν Σιγνίδα.

Heg. *Certon?* Erg. *νὴ τὰν Φρεσινῶνα.* Heg. *vide sis.* Erg.
νὴ τὸ Ἀλάτειον.

Heg. *Quid tu per barbaricas urbes juras?* Erg. *quia enim
item aspera*

Sunt, ut tuum victum autumabas esse. Heg. *va etati tue.*

Jurat autem hic Ergasilus parasitus quemadmodum primo per Apollinem, ita postea per Coram, per Præneste, per Signiam, per Frusinonem, per Alatrium. Hegio autem senex Græcus homo & in Græcia degens eas urbes *barbaricas* appellat, quod Græcæ non essent. nam apud Græcos, quæcumque Græca non essent loca, ea barbara sive barbarica censebantur, sicuti & homines & linguæ. Quod & apud Latinos obtinuit, apud quos tamen etiam ipsi Græci e barbarorum numero eximebantur. Quod autem Plautinus hic parasitus eas urbes Veteris Novique Latii asperas esse dicat æque ac victum parci illius senis Hegionis, quocum loquitur, id intelligendum de sono illorum vocabulorum quo eæ urbes appellabantur, qui Græcis auribus asper & insuetus erat. Sunt, qui oppidum *Sacri Portus* nominatum prope Signiam fuisse dicant. Verum cum & prope Præneste fuerit, de illo simul, cum de Prænestinis, agemus. Fregellas quoque oppidum, eo loco quo nunc *Ponte Corvo* prope Aquinum, ditionis Signinorum fuisse, sunt qui tradant. Verum cum id in Novo Latio sive Campania situm fuerit, nos Vetus tantum Latium describentes, a sui commemoratione absolvit.

INDEX RERUM

MEMORABILIMUM

Quæ in his libris continentur.

A

- A**. Cornelius Cossus Dictator Volscos devincit. pag. 18
 Aëtius Tullius, egregius Volscorum dux. 16
 Aeoli cultus & fabulæ apud Antiquos. 141. & seqq.
 Aeoli templum Coræ. 141
 Aesculapius Coræ cultus. 147
 Agrippa Posthumus, Augusti nepos, perversæ indolis adolescens, in insulam deportatus, & occisus. 105. & seqq.
 Agripparum vita ut plurimum infelix. 110
 Aimiliæ Gentis Veliternæ villa. 54
 Albani suorum Coloniam Coram deducunt. 126
 Amphitheatrum veteris rudera Velitris. 51
 Ancus Martius, Romanorum Rex quartus, in Veliternos primus movet. 9. Medulliam recipit. 121
 Ancus Publicius Coranus, Latinorum Imperator. 160
 Antiqua apud Ginettos Velitris monumenta. 66. & seqq.
 Antiquarum lucernarum perennitas unde. 42
 Antiquorum locorum & populorum historiam scribere perdifficile. 1
 Appiæ viæ pars in agro Veliterno. 63
 Apollinis templum Velitris. 37
 Apollo, Velitris humanis victimis cultus. 43. & seqq.
 Aquarum antiqua receptacula apud Coranos frequentia. 129. & seqq.
 Argonautas, Velitrarum conditores

- quidam arbitrati sunt. 3
 Artena, in Veteri Latio, Volscorum urbs. 16
 Atia Gens Aricina illustris. 93
 Atlas, Electræ filius, Velitrarum Conditor a quibusdam habitus. 3
 Augurum apud Antiquos auctoritas. 78
 Augusti Cæsaris majores qui. 85
 Augusti Cæsaris nobilitas vindicata. 87. & seqq.
 Augusti Cæsaris uxores quæ. 103
 Augusti nomen unde Octavius Cæsar sumserit. 110
 Augustus Cæsar cur Octavianus dictus. 111

B

- B** Ajæ, vicus appellatus. 82
 Bello Punico Secundo Veliterni Romanos juvant. 28
 Bidental, quid. 39

C

- C**. Caligulæ Romanorum Imperatoris quarti, villa in Veliterno. 55
 C. Egnatius Felix, miles Coranus. 162. ejus inscriptio sepulcralis. ibidem. ejusdem ossa. 163
 Cajus & Lucius, nepotes Augusti, florenti ætate e vivis sublatis. 104
 C. Firmii Deculæ villa in Signino. 185
 C. Octavii, Augusti Cæsaris patris, honores & magistratus. 86
 C. Octavius Rufus, & ejus posterum. 83. & seqq.

B b. 2

Cal-

Calvia Gens Corana illustris. 178
Centum Columnæ, locus celebris in agro Veliterno. 65
Cassius Parmensis Augusti genus carpit. 89
Castoris & Pollucis templum Coræ magnificentissimum. 130. & seqq.
Castorum cultus apud Veteres frequentissimus. 134. & seqq.
Castorum gesta & fabulæ. 133. & seqq.
Catilinarum caverna Velitris. 66
Cesariæ Gentis villa & sepulcrum in Signino. 185
Collegium Augurum Velitris. 76
Collegium Dendrophorum Signæ. 184
Collegium Fabrum Velitris. 74
Collegium Fabrum Tignariorum Velitris. 74
Collis Nervus, Nervæ Coccei Imperatoris villa in Veliterno. 62
Colonia Romanorum Velitras primum deducta. 13. *aucta.* *ibidem.* *renovata.* 15
Coloniæ Romanæ Coram deductæ argumenta. 153
Coloniæ Veliterne jura quæ. 25
Coloniæ inter se discrimina & jura quæ. 187. & seqq.
Cora, Albanorum Etruscorum Latinorum & Romanorum Colonia deducta. 151. & seqq.
Cora, antiquitus municipium fuit. 154. & seqq.
Coræ nomen unde deductum. 128
Coræ situs describitur. 127
Coræ Præfectura Claudia. 157
Coræ urbis structura. 128. & seqq.
Coranæ urbis origo antiquissima. 123
Corana Gens Coræ. 179. & seqq.
Corani a Romanis desciunt. 160
Corani leges Romanis commodant. 156. & seqq.
Coranorum robur & strenuitas in bello. 158. & seqq.
Corax Argivus, Coranæ urbis restitutor. 125
Cossa, urbs in Etruria. 73

Curia Velita Romæ, a Veliternis sic appellata. 25

D

D *Ardanus, primus Coræ urbis conditor.* 124
Dianæ, sive Matutæ, templum num Coræ fuerit. 144. & seqq.
Donati lepida de Virgilio circa Augusti genus narratio. 91. & seqq.

E

E *Lectra, Atlantis filia, Dardani mater, nomen Velitris dedisse credita.* 3
Eleonora Neoburga, veteris mulicbris virtutis exemplum. 108
Exteros cives urbibus præficiendimos. 72

F

F *Fortunæ ædes Coræ.* 143
Fortunæ templum Velitris. 48
Furia porta Velitris a Furio Camillo appellata. 22
Furius Camillus Dictator Volscos superat. 17. *Velitras capit.* 22

G

G *Inetorum Gens Velitris celeberrima.* 66

H

H *Erculis templum Coræ.* 137. & seqq.
Herculis templum in Veliterno ubi. 47
Hiatus terræ ingentes in agro Veliterno. 49

I

J *Ani templum num Coræ fuerit.* 149
Janus, Velitrarum conditor a non-

nonnullis memoratur. 4
Infantiæ Augusti memorata prodigia.
 100
Inscriptiones antiquæ Velitris exstan-
tes. 67. & seqq.
Inscriptiones sepulcrales Coræ exstan-
tes. 150. & seqq.
Inutilis Augusti in suis educandis se-
veritas. 108. & seqq.
Julia Augusti filia quibus nupta. 104
 & seqq.
Julia Augusti neptis prava matris ex-
empla secuta. 109
Julia Augusti filia probra & supplicia.
 108. & seqq.
Julia Gentis villa in agro Veliterno.
 64
Juliam filiam, & ex ea neptem, la-
nificio Augustus assuefacit. 105
Julianum, agri Veliterni oppidulum.
 64

L

Lanificii usus apud veteres mu-
 lieres frequens. 106. & seqq.
Latinorum in Romanis bello
juvandis fortitudo. 33
Lepinus mons, ubi Signia Colonia con-
ditâ. 180
Loca multa in Veliterno ex antiquis
nominibus nomen mutuata. 65
Lustrare & Lustrum apud veteres
quid. 75

M

M. Accii Plauti locus explica-
 tus. 193
M. Aëtius Balbus Aricinus,
Augusti Cæsaris avus maternus. 89
M. Aemilii Philemonis villa in Pon-
tino. 115
M. Marcelli, Octaviae Augusti soro-
ris filii, funus. 101
M. Antonius Triumvir, Augusti pro-
gentem carpit. 87. & seqq.
M. Coriolanus, Volscorum urbes fe-
re omnes capit. 15
M. Salvius Otho, Romanorum Impe-

rator Octavus, in sua Veliterna vil-
la minime tumulatus. 61. & seqq.
Ejusdem villa magnificentissima in
Veliternó. 60
M. Vipsanius Agrippa, Augusti ge-
ner. 103
Martis sacrificium Velitris peculiare.
 35
Martis templum Velitris antiquissimum
 34. *ejus rudera.* 37
Martius Ginettus Cardinalis, ædes
magnificentissimas Velitris excitat.
 66
Maternum Augusti genus, illustre. 88
Medullia, a Romulo Romana Colo-
nia deducta. 120
Medullia, olim excisa sine vestigiis.
 119
Medullia, Priscorum Latinorum op-
pidum ab Albanis conditum. 119
Medullia, Tulli Hostilii Romanorum
Regis tertii patria. 120
Medullina Gens, Romæ illustris, ex
urbe Medullia. 122
Medullini a Romanis desciunt. 121
Medullinorum cum Sabinis fœdus.
 121
Michael Angelus Cajetanus, Sirmi-
neti Dux & Cisternæ. 62
Milites Corani, pro Romanis bello
Punico secundo. 161
Militum Veliternorum fides & robur.
 31
Mulli pondus & pretium singulare.
 111

N

Nerva Coccejus, Appiam viam
 restitui mandat. 63
Nobilitas vera quæ. 113
Nutrimetorum Augusti Cæsaris in
suburbano Veliterno locus. 99

O

Octavia Gens viris fortissimis
 floruit. 85
Octavia Gens unde nomen
desumserit. 79
 Octa-

Octavia Gens Veliterna, Romæ inter Patricias allecta. 82

Octaviæ Gentis pars Velitris mansit. 81

Octaviæ, Augusti Cæsaris sorores, duæ. 100

Octaviæ, majoris sororis Augusti, viri qui. 102

Octaviæ porticus, Romæ, duæ. 102

Octavii nonnulli post Augustum, ex qua Gente fuerint, incertum. 112

Octavius Mamilius Tusculanus, ex *Octavia Gente Veliterna* non fuit. 112

Onuphrii Panvinii locus emendatus. 190

Oppia Gens Corana, Romæ illustris. 169. & seqq. ejus inscriptiones. 170. ejusdem res gestæ & nummi explicantur. 171. & seqq. ejusdem cognomina explicata. 177. & seq.

Organa musica, Signiæ primum inventa dicuntur. 193

P

Patriarum rerum scriptores, caute legendi. 2

Pedani, a Veliternis sociis defensi. 23

Pestis teterrima, apud Veliternos grassatur. 14

Platanus in Veliterno eximia magnitudinis. 55

Plebeji & Patricii ordinis apud Romanos discrimen quodnam. 82

Plinii locus assertus. 57

Publicia, seu *Publicia*, Gens Corana, Romæ illustris. 164. ejusdem gesta & nummi explicantur. 165. & seqq.

Pomponia Gens illustris Coræ. 179

Profanorum prodigia quæ. 36

Profanorum spectacula quæ. 52

Publii Scipionis Africani rus in Veliterno non fuit. 56. & seqq.

Pugna ad Regillum lacum Romanos inter, Latinos, & Volscos. 11

Pyrrhus, Epirotarum Rex, adversus Romanos ultra Velitras non procedit. 27

Q

Quatuorviri, Magistratus Signinorum. 185

R

Ricula, Veliternarum mulierum antiquissimum vestimentum. 70

Romæ, regione Palatii, ad Capita Bubula, Augustus Cæsar natus est. 97

Romani in Veliternos severissime animadvertunt. 24

Romanorum animi in Veliternos mitigati. 27

S

Sagi, Saturni socii. 4

Sangi templum, Velitris num fuerit. 45

Sangus, Sabinorum deus peculiaris. 46

Saturnus, Velitrarum conditor a quibusdam dictus. 3

Senatores Veliterni, Romæ Transiberina regione relegati. 24

Senatus Populusque Romanus, Coræ dominus. 158

Senatus Veliternus, Romam translatus. 24. ejus prædia novis Colonis distributa. ibid.

Servii Eburii villa in Veliterno. 53

Servius Tullius, Romanorum Rex sextus, idum fœdus cum Veliternis confirmat. 10

Sexti Julii Frontini de Colonia Signina locus difficilis explicatur. 186. & seqq.

Sexti Siscii sepulcralis lapis in Signino. 186

Sexti Titurii villa & sepulcrum in Signino. 186

Signia, Colonia secundo deducta. 183

Signia, Municipium fuit aliquando. 186

Signi-

Signina pyra, laudantur. 191
 Signini caules, commendati. 192
 Signini Tarquin. Superbo resistunt. 182
 Signinorum fides erga Romanos, bello
 Punico secundo celeberrima. 183
 Signinum opus, quid sit. 192
 Signinum vinum, quale. 191
 Silii Italici locus vindicatus. 28. &
 seqq.
 Silva Veliterna, vulgo la Fagiola,
 unde sic dicta. 4
 Sola Christiana Religio miracula vera
 in sui testimonium habet. 36
 Solis cultus, apud Veteres communis.
 145. & seqq.
 Solis & Lunæ templum in Veliterno.
 48
 Solis templum Coræ. 145
 Spartacus gladiator Coram vastat.
 161. & seqq.
 Suetonii locus emendatus. 90
 Suetonius Tranquillus vindicatus. 97
 Syracusæ, cur multitudinis numero
 dictæ. 6

T

T Arquinii Superbi in Veliterno
 villa. 53
 Tarquinius Priscus, Roma-
 norum Rex quintus, Octaviam Gen-
 tem Velitris Romam vocat. 10
 Tarquinius Superbus, Romanorum
 Rex septimus, Signiam urbem & Co-
 loniam condit. 180. & seqq. idem
 Volsceis bellum indicit. 10. auxilia
 a Veliternis petit. 11
 Tempestates, & ex illis damna unde.
 38. & seqq.
 Testimonia de Augusti origine Veli-
 terna. 98
 THALASSIO, in nuptiis quid si-
 gnificaverit. 107
 Thurii Augustus Cæsar natus falso
 dicitur. 94
 Thurini nomen Augusto Cæsari unde
 impositum. 86
 Tiberia, Tiberii Cæsaris Romanor.
 Imperatoris tertii, villa in Veliter-
 no. 59

T. Quintius Cincinnatus Velitras re-
 cipit. 20
 Trajanus, Romanorum Imperator de-
 cimus quartus, Appiam viam resti-
 tuit. 64
 Tullus Hostilius, Romanorum Rex
 tertius, in Medullinos movet, &
 Medulliam expugnat. 121
 Turpilia Gens, Coræ illustris. 178

V

V Allis Veliterna, cur incele-
 bris dicta. 28. & seqq.
 VELITERNA, titulus Co-
 mœdiæ Sex. Turpilii, Latini poetæ
 antiquissimi. 70
 Veliterni, Romanis ne imperium la-
 te proferrent, maximo impedimento
 per tria sæcula fuere. 25
 Veliterni trecentos ipsos annos cum
 Romanis bella gerunt. 8. & seqq.
 Veliterni Tusculum obsident. 21
 Veliterni Legati frustra Romanis se
 purgant. 18
 Veliternorum magistratus. 71. &
 seqq.
 Veliternorum Reipublicæ admini-
 strandæ modus quis. 9
 Velitræ cur Latini nominis. 6. quan-
 tum Roma distent. 7. num Volsco-
 rum urbs princeps. 8
 Velitræ, multitudinis numero cur ap-
 pellatæ. 6
 Velitræ, Volscæ gentis urbs intra Ve-
 teris Latii fines antiquissima. 3
 Velitrarum origo incerta. 3
 Velitrarum populi, Veliterni tantum
 & Velitrini a Veteribus Latinis ap-
 pellati. 7
 Velitrarum situs describitur. 7
 Velitrarum urbs diu obsessa, nec ca-
 pta. 21. & seqq.
 Velitris Augustum Cæsarem natum
 non esse, idoneis testimoniis proba-
 tur. 95. & seqq.
 Venetiæ quare multitudinis numero
 vocatæ. 6
 Vetustorum ædificiorum rudera infor-
 mia

<i>nia omnino in agro Veliterno quamplurima.</i>	65	<i>Virginius Consul Veliternos prælio fundit.</i>	12
<i>Via Trajana eadem quæ Appia.</i>	64	<i>Ulubra, Colonia Romanorum deducta, mox extincta.</i>	118
<i>Vicus & Via in quo differant.</i>	81	<i>Ulubræ, in exemplum desertissimi loci allatæ.</i>	114. & seqq.
<i>Vicus Octavius Velitris.</i>	81	<i>Ulubræ oppidum Veteris Latii prope Velitras.</i>	114
<i>Vina Veliterna antiquitus laudata.</i>	58	<i>Ulubrani, Trebatii & Ciceronis clientes.</i>	115. & seq. cur ranunculi appellati.
<i>Vinearum cultura apud Veliternos frequentissima.</i>	58		ibid.
<i>Vinum adustum, vulgo acquavite, apud Veliternos celebre.</i>	58		

TABULAE MONUMENTORUM

ACRUDE RUM

In quibus Velitrarum & Coræ ædificiorum aliqua adhuc apparent vestigia, in his libris expressæ.

LIBRO DE VELITERNIS.

- Tab. I. **C**AVERNA, quæ e rudерibus vetustissimi templi Martis superesse creditur, Velitrisque ad Aedem S. Clementis, ubi olim Martis templum exstitisse tradunt, in hanc usque diem visitur.
- Tab. II. Marmoreæ Columnæ, quæ ex ruinis Veliterni Martis templi ad Hortos Ginettorum translata, Velitris hodie visuntur.
- Tab. III. Antiquæ piscinæ rudera III. pl. m. a Velitris lapide, Neptunium versus, in agro Domus S. Mariæ de Horto, juxta diverticulum Appiæ viæ, vulgo Le Cento Colonne. Rudерum eorundem in orientem solem facies.
- Tab. IIII. Antiquæ Turris facies una cum pomærii rudерibus III. pl. m. a Veliterna urbe lapide, in diver-

di-verticulo Appiæ viæ, Neptunium versus, Civitania ab incolis appellata. Turris ejusdem ac pomerii facies interior, in qua muri pars inferna reticulato opere apparet, superna non item: unde antiquissimo recens edificium inhæsisse colligitur.

Tab. V. Arca vetusta sepulcralis marmorea, in qua marini Dii vario illusu insculpti; in agro Veliterno reperta, et ad peramænos Ginettorum Hortos Velitris sita. Arca item marmorea antiqua, in qua Præfectum aliquem classis conditum olim cum uxore fuisse, insculpta signa videntur innuere; in agro Veliterno olim detecta; nunc in Ginettorum Hortis Velitris exstans.

Tab. VI. Arca marmorea sepulcralis antiquæ sculpturæ signis distincta, in agro Veliterno olim effossa. Nunc ad Hortos Ginettorum translata, Velitris cernitur. Arca item sepulcralis marmorea antiquis signis distincta, eodem in agro effossa, eisdemque ad Hortos translata.

Tab. VII. Antiquæ sculpturæ Statua, quæ exstat Velitris in Aedibus Gentis Borgiae Patriciæ Veliternæ, et P. Helvii Pertinacis Imp. a nonnullis creditur. Statua item vetustæ egregiæ sculpturæ antiquum Philosophum representans, Velitris, eisdem in Aedibus Borgiae Gentis.

Tab. VIII. Locus in agro Veliterno tribus milliariis ab urbe distans in Meridiem, in fundo Gentis Borgiae Patriciæ Veliternæ, Solluna appellatus; ubi templum Solis et Lunæ exstitisse alii dicunt: alii vero oppidulum, seu diversorium, juxta Appiam viam, Ad Sponsas in antiquis Iti-

T A B U L A E

nerariis nuncupatum, exstructum fuisse, memoriae prodidere. A. Vestigia rudera vetustorum adificiorum siue oppiduli, siue templi, quæ adhuc supersunt. B. Viæ Appiæ pars, quæ Ariciam ducit, solem occidentem versus. C. Via, quæ ducit Velitras in Boream. D. Oppidulum in Albanis tumulis, Civita Lavinia appellatum.

Tab. IX. Rudera Villæ magnificentissimæ, quæ Imp. M. Salvii Othonis fuisse traditur, prope Velitras, Cinthianum versus, in latifundiis olim Toruziæ Gentis Patriciæ Veliternæ, nunc Vero Philipporum, pariter Patriciorum, sita, vulgo Colle Ottone. Rudera Area & figura. Latitudo palmorum XL. Longitudo palmorum CXL.

Tab. X. Octaviæ Gentis Veliternæ, Romæ illustris, Nummi.

Tab. XI. Q. Pomponii Musæ Consulis, cujus sepulcralis inscriptus lapis exstat Velitris in Ginettorum Hortis, Nummi; in quibus Musarum effigies atque habitus representantur.

LIBRO DE CORANIS.

Tab. XII. **A**NTIQUI Castorum Templi Coræ quæ superfuere fragmenta.

Tab. XIII. Facies & porticus antiqui Templi, quod Herculi quamplurimi, Dianæ nonnulli, dedicatum fuisse putant; in vertice Corani Montis, ut in hanc usque ætatem Coræ visitur.

Tab. XIV. Dianæ Venatricis figura, quæ Coræ in Butiorum Hortis antiquo opere marmori insculpta habetur.

*tur . Mulieris supplicatricis imago marmori
insculpta , ut exstat Coræ iisdem in Hortis .
Ara antiqua in ruinis templi Herculi , vel
Dianæ , olim dicati reperta , Coræ ; ubi modo
exstat in Aede Di-vo Petro sacra , inser-uit-
que Fonti sacrosancti Christianorum Lava-
cri .*

Tab. XV. *Romæ Antiquæ Statua ex purpureo marmore , quod
porphyreticum appellant ; quam Coræ in
templo Castorum erutam memorant . Visitur
hodie Romæ in Area Capitolina .*

Tab. XVI. *Publiciæ Gentis Coranæ , Romæ illustris , Num-
mi . Oppiæ Gentis Coranæ , Romæ illustris ,
Nummi .*



Ordo collocandarum Tabularum.

Tabula	I.	Pag.	36.
Tabula	II.	Pag.	36.
Tabula	III.	Pag.	78.
Tabula	IV.	Pag.	78.
Tabula	V.	Pag.	78.
Tabula	VI.	Pag.	78.
Tabula	VII.	Pag.	78.
Tabula	VIII.	Pag.	78.
Tabula	IX.	Pag.	78.
Tabula	X.	Pag.	112.
Tabula	XI.	Pag.	112.
Tabula	XII.	Pag.	140.
Tabula	XIII.	Pag.	140.
Tabula	XIV.	Pag.	150.
Tabula	XV.	Pag.	150.
Tabula	XVI.	Pag.	164.

Errata ita Corrige

Pag.	24.	lin.	24.	transfieret	transfret
Pag.	45.	lin.	18.	<i>proculum</i>	<i>poculum</i>
				in aliq. exemplaribus	
Pag.	108.	lin.	12.	e contra	e contrario
Pag.	135.	lin.	2.	διοσηέποις	διοσκέποις



P A T A V I I. C I D I D C C X X V I I.
Excudebat J O S E P H U S C O M I N U S.

*Libri impressi nella Stamperia Cominiana, eretta a spese de' Sigg. Volpi;
de' quali si truovano ancora esemplari vendibili; colli loro prezzi.*

- A**ndrea Naugerii Opera omnia. 1718. 4. ch. maj. L. 10
 Gabrielis Faëri Fabulæ, & alia Opuscula. 1718. 4. ch. maj. L. 5.
La Coltivazione di Luigi Alamanni e le Api di Giovanni Rucellai. ec. 4. in carta gr. L. 10: 10
 Jo. Poleni liber de Castellis per quæ derivantur fluviorum aquæ, &c. 1718. cum fig. 4. ch. maj. (a spese dell' Autore.) L. 3
 Hieronymi Fracastorii, aliorumque Veronensium Carmina. 1718. 8. ch. maj. L. 4
 Jacobi Sannazarii, aliorumque Poëmata. 1719. 4. L. 6
Marmi Eruditi postumi dell' Orfato. con note ec. 1719. 4. in car. gr. L. 10
 Jo. Baptistæ Morgagni Adversaria Anatomica Omnia, Batava editione, quæ posterior est, at minime aucta, longe correctiora. 1719. cum fig. 4. ch. maj. L. 18
 Augustinus Valerius de Cautione adhibenda in edendis libris. &c. accedunt Patriciorum Venerorum Orationes. 1719. 4. L. 5
Sermoni di S. Carlo Borromeo. 1720. 4. L. 2: 10
 Philippi Riceputi Soc. Jesu Prospectus Illyrici Sacri. 1720. 4. ch. maj. L. 1
 C. Valerii Flacci Argonautica. 1720. 8. L. 2
 Jo. Poleni Prælectio de Matheſis in rebus Physicis utilitate. 1721. 4. ch. maj. (a spese dell' Autore.) L. 1: 5
 T. Lucretius Carus de Rerum Natura, Præfatione, Argumentis, Indice, Var. Lectionibus illustratus. 1721. 8. L. 4
 Boëthius de Consolatione Philosophiæ, & Elpidis ejus conjugis qui vulgo feruntur Hymni. 1721. 8. L. 2
 Corn. Nepos cum Variis Lectionibus ex Jensoniana & Aldina editione. Edit. III. 1727. in 8. in carta corsiva L. 1: 10
 A. Corn. Celsus, & Q. Serenus Sammonicus de Medicina, cum notis Th. Almeloveenii, & Rob. Constantini, nec non Cl. Morgagni I V. doctissimis Epistolis. 1722. 8. L. 7
 Sallustius, cum Fragmentis Veterum Historicorum mirum in modum emendatis & auctis. &c. 1722. 8. L. 4
Le Rime del Petrarca riscontrate con ottimi esemplari stampati, e con uno antichissimo Testo a penna: con l'aggiunta di molte composizioni, notizie, ec. 1722. 8. L. 4
L'Aminta di Torquato Tasso, e l'Alceo di Antonio Ongaro, emendatissime. 1722. 8. L. 2
Discorso Accademico del Dr. Gio. Antonio Volpi: Che non debbano ammetterſi le Donne allo studio delle Scienze e delle belle Arti. 1723. 4. L. ---: 10
Le Rime d'Angelo di Costanzo. III. Ediz. corretta ed accresciuta. 1723. 8. L. 1
Le Opere Volgari del Sanazzaro, cioè l'Arcadia alla sua vera lez. restituita, colle note del Porcacchi, del Sanfovino, e del Mussirengo: le Rime arricchite di molti componimenti: ed alcune Lettere; il tutto riveduto, corretto, ed illustrato. 1723. 4. L. 10
Lettera d'Istruzione a una Monaca Novizia. 1724. 4. L. 2: 10
Trattato della Triolazione, di Bonſignore Cacciaguerra. 1724. 8. L. 1: 5
Il Combattimento Spirituale, e le altre Operette devote del P. Scupoli Teatino, nuovamente corrette ed illustrate. 1724. 8. L. 3: 10
 Christophori Cellarii Orthographia Latina Edit. I. Patavina. 1724. 8. L. ---: 15
Parere intorno all' antico stato de' Cenomani, ed ai loro confini, del Canonico Paolo Gagliardi. 1724. 8. L. 1: 10
La Penelope, Tragedia di Giuseppe Salvi, ec. 1724. 8. (a spese dell' Autore.) L. 1: 10
 Joannis Antonii Vulpii Carminum Libri tres. Ejus item Opuscula soluta oratione scripta. Accessere Eruditorum quorundam virorum, quibuscum ipsi amicitia intercedit, Poëmata nonnulla. Nec non Joannis Antonii Vulpii antiquioris, Patricii & Episcopi Novocomensis, ac Hieronymi ejus fratris, Carmina quæ supersunt. 1725. 4. L. 7
 M. Accii Plauti Comediæ superstites viginti, cum Fragmentis deperditarum; ex optimis quibusque editionibus, at præcipue FridERICI Taubmanni. diligentissime representatæ. Accessit Index, in quo rariora & obsoleta poetæ verba breviter ac dilucide explicantur. 1725. 8. in carta fina L. 7. in carta corsiva L. 5
Le Lettere Familiari di Annibal Caro, divise in due volumi; corrette, ed arricchite d'una giunta considerabile, d'Indici, e di notizie. 1725. 8. in carta fina L. 7. in carta corsiva L. 5
 Veteris Latii Profani Tomus III. in quo agitur de Antiatribus & Norbanis, Auctore Josepho Rocco Vulpio, Soc. Jesu Sacerdote. in 4. chart. maj. cum figuris. Opera già cominciata dall' Eminentissimo Signor Cardinale Corradini, ed ora continuata per suo comando. L. 12
La Divina Commedia di Dante Alighieri, giusta l'Edizione degli Accademici della Crusca: arricchita ora di un doppio Rimario; uno de' Versi interi, l'altro delle sole Desinenze: come ancora di tre Indici copiosissimi; il primo delle Parole, e Frasi, dove si spiegano molti passi difficili del Poeta; il secondo delle Storie, e Favole; il terzo delle cose

- cose Storiche accennate per via di Perifrasi ; composti dal Sig. Gio: Antonio Volpi. il tutto distribuito in 3. volumi in 8. in car. fina L. 13. in carta corsiva L. 11.*
- Io.** Antonii Vulpil Oratio habita in Gymnasio Patavino cum ad Physicam publice tradendam aggregeretur, cujus hoc est argumentum: *In rerum Naturæ cognitione ad bene beateque vivendum momenta esse maxima.* 1727. 4. L. 1. æneis autem elegantiss fig. exornata L. 1: 10.
- Scisma d' Inghilterra con altre Operette di Bernardo Davanzati, tratte dall' edizione Fiorentina del 1638. citata dagli Accademici della Crusca.* 1727. 8. in carta fina L. 2: 10. in carta corf. L. 2.
- Vita** D. Ignatii Lojolæ, auctore Ioanne Petro Maffejo Soc. Jesu. in tres libros tributa. nunc aurem quarto libro aucta, plurimisque de Maffejo testimoniis locupletata a Iosepho Rocco Vulpio, Soc. ejusdem. in 8. in carta fina L. 4. in carta corsiva L. 3.
- M.** Antonii Flamini Forocornelienfis Carmina elegantissima quæ supersunt, a Francisco Maria Mancurto multis modis illustrata & aucta. 8. ch. maj. L. 5
- Veteris** Latii Profani Tomus IIII. in quo agitur de Veliternis & Coranis, auctore Iosepho Rocco Vulpio e Soc. Jesu. cum figuris. 4. ch. major. L. 12
- Due Discorsi della dignità Sacerdotale, col Compendio della Vita, e alcuni Ricordi del Ven. P. Maestro Giovanni d' Avila.** in 8. L. 1

Stanno ora sotto il torchio i seguenti Libri..

- Io.** Antonii Vulpil, Physicæ Professoris in Gymnasio Patavino, Scholæ duæ: Altera, de Aristotele, ejusque laudatoribus, & reprehensoribus: Altera, Quæ præcipue eidem Philosopho vitio vertantur. His adjectum est Syntagma de veteribus Philosophis, libro I. Physicorum ab Aristotele memoratis; in quo singulorum sententiæ de rerum naturalium principiis breviter & summatim exponuntur; ad usum studiosæ juventutis. Eodem Vulpio auctore. in 4.
- Thomæ a Kempis de Imitatione Christi Libri IV.** ex accuratissima P. Heriberti Rosweydi e Soc. Jesu recensione. in 8.



5.14L 93 B
3543
V.4

